

ЦЕКЪВА
ПАСАРБИ

АЩУЪАРКТ
АЩАХАХРА



ЦЕКЪВА
ПАСАРБИ

АШХЪАРКТ
АЩАХАХРА

ХАБАРГІВРА

ЙгІвбахуа ахъвы

СТАВРОПОЛЬ КНИГАГІАЩТЫРТА
КЪАРЧА-ЧЕРКЕС ХЪВШАРА
ЧЕРКЕССК 1978

С (Абаз.) 2

Ц 33

НЫШВЫНТАРАЗАДЖВЫКИ

Агъынчылыа ахъыз арцлабыргуан. Жвпата йгасыз асы архъаква йрыквпхIва йгъузымхIвушызтI. ГIвахъа -гIвымш йашIамсуата йгасыз асы абаштоу пша тIа-тIаракIгъи алахымкIва цхIашвыта йаршвын адгъыл йахъарпан. Акъамыш, ашыхIв хъыбраква злахъгIваз асрыдз жвпIаква йызквыз абацIкъааквадза йалашвын агIылахIва атыдзква йщтIырхуан.

Аджья Дауыт щажьыта дгIагылтI. Дымгвжважвауа ргIвычкIи рыжвзаджвыкIи чва риттI. Йанкъвакввуа ачва йачIва зшIазхъуз ачв щалква къомракI дырп-шытI. УацIыхъван ахIамач дгIатыцIхын, атдзы ашухъа йаквнахIвхIвата йалашвыз асипса дазцатI. «Ари йъащ-тIу йратрыквын хIтдзыжв тIакIв йацIачIвапIта йщакв-нарыспI. ЙшпасаркIву йаквысхпIта ауатра йыласпсапI» — йхIван, ашвымгъыцIара йыцIагылаз абельи ачвыргъви гIайахвырныс ашв гIайтIытI. Цис быжькI гитI. Йхъа гIаштIихтI. Ахъыбра дыцIапштI, ауаса йцIыруаз ацIис гъйымбатI. Йара ахIвара цIырра гъашIанарысуам.

— Уабану, цис щагъана? УахъпагIацIыруа?— йхIватI ауи днапшыгIапшуа.

Дауыт ахъыбра датацIапштI. АшыхIв хъыбра апны йамаз ацIис гIвара—гвагIвараква цхIашвыла йчIыгвын. Йшаъазла ауат рыуа цIискI агIвара йгIатыцIра гъалым-шузтIта йцIыруан.

Дауыт ачвыргъвы ахвала ахъыбра дацIакшауа йцIыруаз ацIис гIвара дазыпшгIауа далагатI. АцIисгъи йашIамсуа йцIыруан. ГIвчIвырхъакI аъара бжьырышв-тын ахъыбра швыбкIыра данахъыс ацIис абжьы ашIастI. «Араъа акIвпI уагъархаз, рыцхIа», — йхIван, Дауыт ашыхIв хъыбра ачвыргъвыла йалайрыкацатI. Нышв тшытызшва йхъамы агвытшпы закI гIаквшван йщапIква

йрыцлашватІ. Дапшызтын гІвна цІспІ. Ауи апхынцІы-
гІваква адшвылын йыгъзауацІнамххуазтІ.

Дауыт йкІвадахаз ацІс гІаштІихын атдзы йнай-
гылтІ. ЗакІгъи йымхІвауата ахІакв ахъахъ йыквицІатІ.
Ацгвы йамфырныс ахъазла квпІикІгъи ахъайырпахтІ.
Йаргъи дгІаджвылцІын бель шІала йгІакъвйырссуз
асрыдз тшыт дуква чвыргъвыла ауатра йылайпсауа да-
лагатІ.

Ачвыргъвыла йгІаштІихуаз йбжацІашвхаз асы алар-
чІвачІва йхъа ацІаштІихпхъадзагъи руатра хвыц зла-
кІвыршаз амыгъгвара ухъыста йаъаз атоба йылаква
йгІарыцІашвун. Ауи йбапхъадзагъи акыт апны зыладз
гІайуата зынгъи тшдзмырбасыз Дауыт йыладз
гІайуан, йшлаз йжакІа йгІалажжуан. Ауи атоба йгъыр-
хъатобамызтІ. Ауи АджьпаргІа Йынджыгъ псыхІва йа-
дзхъачІву Ащхъаркт йгІаталиштара рытшгІва йгІатш-
гІвырхыз хъва аквпсаран. Рабаду йаба йатайабахызгъи
ауат йрабачвазгъи ужвы ДауытргІа ъабзазауа апшцІа
акІвын йырбазартаз. Ауат рпны йгІашІарышвта ат-
къвым зъара мшІы рблызтынгъи, зъара тазакъ рблыз-
тынгъи йгІарыцІыс ахъваква аквырпсауамцара йтоба-
духатІ. Ауаъа йалапІ аткъвым апхъа йцІырхъыйыз амца
ахъва, ртацанадылраква ргвыргъбахъв часква зладыр-
хъйаз амцаква рыхъваква, аткъвым йрыуата йпскваз
ркІвабага дзква зладырпхаз амцаква рыхъваква, рын-
цІра бзазара мшква йызламацІаукваз амцаква рыхъва-
ква...

ЙчкІвынхъа апны йгІашІарышвта ауи ахъва тоба Да-
уыт бзита йдыритІ. ДанчкІвыныз агъынква рагІан аган
тларыджала ауи дгІатагІвзытІ. Апхынла тшкъачІвах
йанхъмаруаз агІан аган ауаъа тшыкъайчІвахуан. Йар-
гъи акыт апны йщарду ахъватобаква йрапшта акІвым-
кІва, ауи зынгъи датша закІыта йыгъйымбузтІ. Ауаса
ари агъныкІ гІаталиштара ага йхъватобазтынгъи, Дауыт
йылшазырквын ауи йыкІва йтата йыцынкъвигарын. Ауи
атоба, ахъватоба, АджьпаргІа рхъазы акІвымкІва, акыт
ахъазы акІвымкІва, абыжьпсыхІвакІ рыхъазлакІгъи ан-
цІрала йахъымцІхуаш аргамта хъзы йауата йаъан.

* * *

Асквш ангІаталуаз агъны мызгъи хътан. Абаштоу пша
Йынджыгъ аланаршвытІ. Ауи дзы гІатырхра йа ауаъа
арахв дзы ддрыжвра ахъазла ацІашвы гврахІала,

белъла йкылыршун. Йъахътаз йгладцла акыт йтыцта датша зджъара йцузгы дара йрызглайуазгы мацын. Ага ауаса йаъазтынгы, ахакв хабаркьва Ащхъаркт апынгы йгладзун. Ауат йырхивуз зымгивагы тынчра гьларнымцуазт. Йауа ухиварыквын Россия апны йганшаз ареволюция ахвитра пша акъраль ду ашыпаква зымгива рпны йапшта, Алагъ Клавкiaz апынгы йгладзахъан. Екатеринодар, Армалъхлابلъа, Чатакъала, Арукъыз, Пашинскia рпынгы апсахра дуква ганшун. Ащхъаркт ахъазлагы псахра аъан. Ауаса йбайаз дбайаркван. Амахъарыхъвара змаркиваз акыт байачва, Балахонов йыр антхъа радгылква ркыхт. Рымлыкв йауата клара тшкларыгзатын йларыдыркылхт. Акыт апны ныжхта, апсыхива апынгы зрыцларала йбергьлыз Зазаргla Хлату «адгылгы абнагы зымгива йацыхчивхатта, йстахъу гласахвырнысла схвитп» — йхивата, мшуандыркI абна йангалига дырзактI, йглайгыз амшIгы гварыргахтI. Ауи ахIа къазауат дукI ганымшауата акыт къомракI йагатI. Ауаса акытлагивча йрылархивауата ащтанымкъвара гларылашвата йаъан. Агвла станицаквагы акъвтырквагы абджъарла йырчвглайхыз апаштахыгIва хабзажкьва йатарыцларкIхын йырхъватшуан. Атаманкви астаршинакви ркъамчы атарызгладжвыквылхуан.

Уахъынлагы тшынлагы акыт къазула йырчлапшун. Дрымдыруата заджвгы дыгьгIатарымжъуазтI. ЙгIатанагазтынгы акыт астаршина шыц офицера Трыквшта йауу Къарс-къала аргван айсра йглайхыз Джъамзар Хивсин дидмырбауата дыгьтырымщтхуазтI. АжвакIла йухиварыквын, хмызкIы айхIа цлуата Ащхъаркт антахъгыт акытква йыркъвган. Йзаргваныз астаницаква Отрадна, Арукъыз, Ивановск, Казьминск йгы акъвтырква йгьрыщтанымкъвахуазтI. Джъамзар Хивсин йунашвала ауат астаницаква рпны йаъазлуз аджъармыкIаква рпынгы акыт дтыцта заджвгы дыгьрымщтиуазтI.

Ауаса йшаъаз агынчыльа ащымтакI йгIацIнапуата акыт ачлапщагивча уандыркI аурам йглабжъарцатI. Ауандыр йацIахIваз атшква хъара йшгIамгIвайсыз рылудыргIун. Ауат агIваз гIархъычуан, ркъырстаква ташван, рпахъ прычкьва ртарала цхIашвын рхъапахкьва йгIаркIаххвуз. Ауандыр агвы апны йадзхъата гIвиджъанын. Ауат йырхъыгIваз ауапIа йгIацIпшуаз азаджв

йшахъа шкІвокІвала йхъышахІвган. ЙГІвыджьхуз йхъа гьшахІвамызтІ, ауаса ауи дыгьГІампшуазтІ. Авожа змата ауандыр глазцуаз ахъацІа ша Ащхъаркт йауаз, зымГІвагьи дшырбуз дырдырхтІ. Ауи АджьпаргІа рахщапа, сквшыкІ айхІа цІуата акыт йтыщІыз айыба ХІаткъва ХІамид йакІвын. Йан данпсы ХІамид йрымаз агІвычкІгьи Арукъыз абазар апны йтйын, акыт дыгьГІахънымхІвыхтІ. ЙшырхІвузла Баранов йдзылу апны машаквщІыхыгІвта дынхун. ЙырхІвун ауи урышвпхІвыскІ длылалхта унагІвата дбзазауатагьи. Ауаса ауи ацІабыргра заджвгьи йгьйымдыруазтІ.

Рахщапа урышв пхІвыс длыщбзазауата ахабар анигІа, Дауыт дтшыжвлын Арукъыз дцатІ. Дызцагьи ХІамид дгІайаута, дитшпхъницІата дгІайгхырныс акІвпІ. Ауаса дгьимаутІ. Йауа ухІварыквын, дызлайыщІГІушыз бызшва гьйымдыруазтІ. Заджвгьи дгьизимачважватІ. Дауыт йгьитахъымызтІ «уахщапа урышв длыщбзазитІ— хІва» — акыт апны йгІайтшпнырхІварныс. Ауи апш Ащхъаркт апны йгьГІанымшасызтІ. «Абаза-мсылман гьауыр дгІайгра гьщаригІатым» — рхІвун. ЙщаригІатым ДауытргІа рахщапа йхарныс дзырхвитуашызда?

Акыт ауысынкъвгарта йгІадырцалыз ауандыр ласыла ахъачва йгІакІвдыршатІ. Ауат дрыдгылтІ Аджьпа Дауытгьи.

— ЙГІаншаз ачІвыйа? — йхІван Дауыт ауагьа йгылаз рткъвымлагІв ХІамзат дицІгІатІ.

ХІамзат зынла джьауап гІайыйымтуа Дауыт ймахъа йкІын аугІа дрылидатІ.

— Уалей хІшхъчІва, Дауыт. Йчпаз гьсыздырам, ари ауандыр даквчІвата хІахщапа ХІамидгьи дгІарцтІ.

— ХІамид ухІвама, зунагІва мшхаз? Дабау, щта, йара? — йхІвауа, Дауыт зынла дгІагвжважватІ ауагьа да-нгІарцзара рахщапа йуыс щчІвагІвам гІайгвынгІвуа.

— Астаршина йпны днардылтІ. Ауандыр йхвыта гІвыджь анын. Ауатгьи гІанырхын, атдзы йнаргылтІ. Астаршина дырцІгІитІ. ЙшырхІвауала ауат бальшевикпІ. Арагьа йшгІанагхыз здыруаш алахІзаджвыкІ йакІвпІ. Зъара цІуайа абальшевиккв тхъищтара. ЙгьГІасгвынгІвуам, ауат ХІамидгьи дрыцта арагьа йзГІаншаз.

— ЙухІвауа ачІвыйа, хІунакъващ? ЙабагІанагуаш арагьа бальшевик? Йбальшевикдзазтынгьи, ачІвыйа хІахщапа ХІамид ауат йырзиуысу? — йгьхъайымцІузтІ

Дауыт йткъвымлагІв ХІамзат йхІвуз. Ауи йгІаншаз ауыс гыГІайгвнымГІвуазтІта йгвы акъвпуан.

Ауаса закІгы рымхІвауа ауандыр аргван йгылаквaz йрыдгылхГІвацатІ акІвын акыт астаршина Джьамзар ХІвсин йхъылпагы йхъамкІва атдзы дгІаджвылшвттІ. Ауи аща гІайшычІвун, дгвжважваъаджьюа йхъа асы йылищуан...

Абар астаршина дгІаджвылшвтыз атдзы уацІа апны йгІаншаз. Астаршина ахвчва йшурышвыз анидыр ауат закІгы рмайхІвуа ХІамид атдзы днадйырдылтІ.

— А, насып змам ачкІвын, арат алаквa ушпарыднагал? — йхІван ауи ХІамид дицІгІатІ, йшакытлагІву, ачкІвын йацкІыс йара дшахІбуггы гІаништуата.

ХІамид ауи джъауап гыГІайыйымттІ.

— ХІы учважвара гьумурадымма? — йхІван, рыцІа йрыткІыййуа датагІайцІгІахтІ. — ЙгІаугквaуа йрымгІаныйа, йабаугауа?

— АчІыйа счважвата йуасхІвуаш? Ауат сара йсыгІвзачвапІ. Йгьуымбума? ЙхвыпІ... — йхІватІ ХІамид, зылаквa щагъра гІархъылыз Джьамзар ХІвсин йлакта райша дтапшуа. — ЙгІвычІвГІвыспІ. Хвырта рыквпІ. ЦхърыгІара йазыбжапІ.

— Йабаугауа? Ауахъауат швыгІвзачва абану? — ХІвсин йажваквa рыцІа йгІайрыпшкатІ. — Йшызбауала швара датшагы гІвзачва швымапІ. Йабоу швыгІвзачва?

Ауаъа аджъахашва апны йштІаз азадже, зшІахъа шІахІвамыз «ХІамид... брат?»—йхІван йбжыы гІагатІ. Йшаъазла йара йымдыруз абызшвала ХІамид йатахъым йхІвауадзищан ахвы дшватІ.

Ауат ажваквa згІаз Джьамзар ХІвсин дгІащтІчІван-йгІачважвaz ахвы дйыгърапатІ. ЙкІъарахІва гІатихуа даналага ашвхъымса аргванла йгылаз ХІамид тшауищтын ХІвсин йнапІы йрыхъванчын йкІъарахвa гІайнапІы-цІижватІ. Апещгы дгІаджвылирышвттІ.

Зынла алагІваласра гІаншатІ. Ауандыр адзхъа апны йтшыжвцІта йгылаз гІвхъачва астаршина йпныла йтрыстІ. Ауи закІы йхІварныс йтахъыта йшІа ангІахъитІы, пыц къомкІ нартыхв мжвысызшва йгІайшІплатІ. Ауи закІгы йзымхІвауата дгІащтІызхквaz дыршІапшуа йнапІы атдзы ахкІъала йкъбатІ. АгІвыджъ ахъвахъв-лапшуа йгылан. Астаршина йгІарайхІвра йтахъыз рдырызтынгы, йгІаргзнымГІвызшва тшырчпун. Ауат йгьыр-

тахымызтI апещ ауацIа йыгIвнаркIваз ркытлагIв XIат-
къва XIамид йайхсырнысгы дгIарайхсырнысгы. Ауыс
агата йаъазтынгы ауи дыркытлагIвын, йичвгъара за-
джвгы йыгIйымбасызтI, йамаркIуашыз гъаъамызтI.

Ауаса йшаъаз акыт уысынкъвгарта апны хъачва
щардагIвхатI. Джъамзар XIвсин аща гIайшычIвауа
дызбаз йахщапала Къази зынла рпны дыгIвхын ашвокъ
йнапIыцIайырхъауа дгIадзахтI.

— XIапшыпI санща йгIайысыз йхъацIара шау!.. —
йхIвауа, йшIа йгIатанагауа ажвала дгъбуа ауи атдзы
днашылырныс далагатI. Ауаса йалагылаквазгы дыркъа-
жун, дыгънарымжбылуазтI. Араъа XIамид ахвыкI йгвы-
тшпы дад дIымата атдзы дгIаджвылцIтI. Ауи закIгьи
йымхIвауа йгIаджвылигаз йыгIвза диган ауандыр дани-
цIатI. ГIврала датагIвхтI йарасахIат йгIвуджхузгы
дгIаджвылиган ауандыр дазигатI. XIамид ауат ъадзай-
чпуз ауи йыжвлырныс йгIапкIуаз Къази йгIайззаз ахъа-
чвакIа дрыман. Ауи дызкъажаквуз йрылаз заджвы
йхIвуз ари акIвын:

— ТшщаквIы, Къази. XIамидгы йыцквугы гвым-
харакI гъузырымхатI. XIкытгы йгырымзарархатI.
ЙшымгIвайсуаз уанща XIвсин дырпырасын араъа йгIа-
дирыцтI. Йырзигвалайа? АчIвыйа ауат ахкIа хIкыт
йгIайцта ррыцхIагIара зхIйырбауа? XIгъджъамгIатымма
хIара? АчIвыйа хIкыт апны гвымхара згIанхIыршуш?

Ауи йажвакIа йрыщыркIуа йгылаквазгы гIацIыруан:

— XIвсин йхъаштылхызтIхIва хIара йгъхIхъмаш-
тылстI, ИванскIа рамцIчIвара ахъазла хIкыт йабаз
арыцхIагIара. ШвыркъвыцI, рымгIва йалацаргIатI.
ЙыгъхIтахым хIара заджвы йща.

Ауат йрхIвуз ажвакIа йгIарныцIуаз Ащхъаркт йауаз
зымгIвагы бзита йырдырыркIвун. ЦIыпх адзын цIыхъва-
кIа рагIан йырчвыхъарамыз аурышв кыт ду ИванскIа
аполковник Васильцов йыр йыркIын йанрымаз, акыт
йауата хъачвакIа ауаъа йцан йшрызгIагуаз хIапчып
гIаргтI. Джъамзар XIвсин йхъатала дакIвшашауа унагIва-
ла йрайхIвуан: «ШвызчIвайа, швцата ИванскIа йшвта-
хъу гIажвг. ЗакIгьи швамайгъдзан. АбольшевикIа
гъгIахъынхIвыхуашым. Ауат амжыкъ лакIа закIгьи
рызгIанывымжын. Швамайгъдзан закIгьи...»

АкытлагIвчва йрыуата азджъакI йыртахъыта, аз-
джъакIгьи йызлажъахаз напсыйгIарала йцан щарда

гІаргтІ. ЙгІаншатІ урышв чІахъварыдзырта хІаквдза
гІапызтшыта йгІазгызгы.

Ауи амштахъ Балахонови йыгІвзачви айгІайтІ, апол-
ковник йыр ащхъала йджвыквырцатІ. Акытква гІадыр-
хвитхуа йалагатІ. Ащхъаркт йауата ИванскІа амцІчІва-
ра йалаквас шван, ртгІачваквагы тырган тшычІвахра
ащхъа кытква рпны йцатІ. КъомракІ йаъан. Ауат анты-
цуаз агІан астаршинагы, абайаквагы, акыт айфандгы
йрымхІвузйа... «Тшышвхча, марджа! Абальшавикква
гІайитІ. ЗымгІва хъырщгІитІ, зымгІва рблитІ. Аджья
Гъаригы ауат дрыцпІ. ЗымгІва хІдйырщуаштІ. Швхъа
швхча, тшышвчІвах!..»

Ауи хъазымцІауата йтымцІквас йара йшаъаз апш
йгІанхатІ. Абольшевикква акыт мышзаджвыкІ ахІа
йгытамызтІ. ПшцІакІ йгваралта закІгы гыгІагваррым-
гатІ, заджвгы закІгы гыйквырмхтІ. Йутахъызтын,
ДжъабарргІа рпны йаъаквас анцахуаз гІвтшыкІгы
ацІахІвата уандыр бзидздзакІгы гІаныржътІ. Джъабар
ТутІа ауи апш млыкв жвасквша йгызымырхІарызтІ.

Ауи акІвын акытлагІвчва закІылагы йрымзарар-
хауата ХІамиди йыгІвзачви тырцтра зыртахъыз,
Джъамзар ХІвсини йахщапи зыркъажуз.

ХІамид йыгІвзачва ауандыр йаницІатІ. Заджвгы
дйымпшуа, ажвакІгы йымхІвауа, гвыжвкІра гІайнып-
шуа, акІъарахІвагы йнапІыкІла йыма ауандыр тшани-
рышвлын Йынджыгы арыртала йбжъалуаз аурамбжъа-
ра йуандыр бжъайырххытІ.

Акыт уысынкъвгарта аргван йажвысылыз аугІагы
амцІыщІхуан. Рахщапа дгІазкІквас дырнапІыщІцІта
йызбаз АджъпаргІа Дауытгы ХІамзатгы ргвква тынч-
та рпынквала йдырхаухтІ. Къазигы йкытлагІвчва гІай-
пшІагылуашта йанхъайцІа, къазауат тайымцІауа, йан-
ща Джъамзар ХІвсин дъанардылхыз атдзы днашылтІ.

Йара ауи асахІат йахъагІацІшвтызгы рымдыруата
ахысра бжы ацІырри щІырхуа, атшщамзаква йгІат-
дырцуаз асы аларпІапІаква кІвымгъыгъарта йырхъа-
гыла, аурам тшчва гвыпкІ гІабжъаххытІ. Ауат ргІвыча-
щала йзачІвыз зымдырхуазда? Шкуро йыр йрыуан.
Йъадгылуашыз рдыруата йгІацІцуаштІ райша акыт
уысынкъвгарта йадгылтІ. Ауат йрыуата хгІвы тшыжв-
цын атдзы йнашылтІ. Ауаъа йзачважвзгы йырхІвз-
гы заджвгы йгыймдыртІ. Ауаса ахыгІвгы Къазигы
астаршина ХІвсингы рыцта ласы ауысынкъвгарта

йґааджвылкъяхтІ. АчІашва хыльпа шкІвакІва зхъаз йунашвала зымґвагы Къази дызбжъаххыз аурамбжарала йбжъаххытІ. Ауат ХІамид йуандыр ъабжъайырххыз аурамбжъарала йтрыстІ.

Йара ХІамид йацІахІваз атшква йрыгвжважвауа ауандыр адзырыртала йрыґІуан. Адзатшпы йазцуз амґІва аталырта акыт ахвыцквa таґІвзуамцара ацІашвы апшта йдрыкІазкІазын. АґІвхъцІа йшыквыз ауи йашІаххыз аґІвтшыкІгыи ґІвзырын йшацІахІваз йкІахІатІ. Ауандыр апахъ чархква ацІадрыхъванчуа йґащтІахатІ. ХІамид атшква ґІайыргылхра ахъазла ауандыр дґІакІапан дрыцІагватІ. Ауаса ацІашвы мґІва апны атшква ґІвзыуан, йгыызґІамгылхуазтІ.

Йчпара йымдырхуа, йгвжважваѡаджъуа атшква йнарыхъ-ґІарыхъуаз ХІамид йхъа анґІащтІих абар йбаз: аґІаталырта апххъа йґІаквххыз акъазакъ тшыґІквa алацІыруа амґІва йґІашІаххын ауандыр йазґІаґІуан. Ауат аниба дшвачвата акІвма момкІва агвжважвара йґІалихта акІвма, ХІамид зныкІ ахъазла йчпара йымдырхуата дгыланхан йзыґІаґІквуз акъазакъквa дырпшуан. УацІыхъван ауи йыла Джъамзар ХІвсин йыквшватІ. ХІвсин дызцыз акъазакъквa рацкІыс рыцІагыи дгвжважвауа ацІашвы йґІашІалырныхыс йшвуз йтшы къамчыла дасуан, ауи дцІыруа закІы йхІвун, йнапІы ґІа-йырдатлун.

Хамид ауат бзиракІгыи шырмурадмыз шпайымдырхрыз. Зынла амґІваталырта апны хІахъв дукІ тшыцІайрышвын кІъарахІвала атшчва дрылахыстІ. Ауи зынзаджвыкІ ахІа дхысра дахамдзауата йґІайхъаххыз къазакъкІ ахІвала дґІакшатІ. Аудын чвґъа ХІамид йжвґІвымсакъьяквa йґІарзалтІ. АчкІвын йара ауаѡа дыгъзымпІатІаухтІ. Ауандыр йанквaz ахвчваквaгыи, ауи йѡашІагылаз алагъ талырта апны йадзхъата йызныз ауандыр ауацІа апны ахІвала йырщытІ.

ЙґІапкІыз астаршина Джъамзар ХІвсин, баґъата йзахъамкІхуаз йпыкквa ща ґІаршІычІвауаркІвауа ХІамид дйыдзхъаххтІ. ДтшыжвпатІ. Ауи йнапІыцІархъаркІваз акІъарахІва ґІайнапІыцІихтІ, йґІатахахыз ахквa дрылганацІыкІъара эпсы тахмыз ачкІвын йхъвади дайхстІ. УацІыхъван йаргваныз къазакъкІ дйыхІватІ, йыхъвдаз ашвокъ ґІайыквихтІ. Ауандыр йшаныз ахІвала йырххыз аґІвыджъ рхъвадиквaгыи зны-зын драйхстІ. Ауылагыи днамхъахуа йґІайшІычІваркІвуз ашала

дрыквджвджварныс штшазичпуз акъазакъква рыуа
заджвы ауи дйыхын ауандыр дакъвидатІ.

ЧІашва ѓашхІва хъылпа зхъаз аурядник унашва
йчпан, йщыта ахлахъвква йрылаз ХІамид йхъвадигъи
ауандыр йанырцІатІ. Ауандыр драбинаква йгІаркІыл-
чІвуз аща амгІва цхІашвы арыкъапшуа йара ауаѓа
йшвуан. АгІвзра, ахысраква, ацІырра быжъква йгІадрь-
хІаз ауандыр йацІахІваз атшква кІъазызуамца йнахъ-
гІахъуа йщгІан. Акъазакъква ацацхърыгІауамца атш-
ква гІадыргылхын ауандыр ацІахъыдза йтардатІ, йгІа-
цадырпахын, агІвада йгІахъардылхтІ. Йщакъдзыз ауан-
дыр акъазакъ тшчва гвып рцІыхъва йтагыла ачкІвын
хахва ХІамид йѓагІаджвыквйырххыз акыт уысынкъв-
гарта апны йатадырцалхтІ. Ащхъаркт аурам зынги
ауи апш уандыр гъбжымссызтІ. Зынла йацщхата хыгІв
хъачва рхъвадиква ща гІарыцІІвауа йынкъвызгуз
ауандыр ацкІыс уандыр мыгІва, уандыр рыцІа акыт
ныжъхта, апсыхІва ду апынги йыгърымбасызтІ.

ЙшвбкІыз агъны щымта йгаз ахысра быжъква акыт
зымгІва рщапІы йатагІахвыннарсылхтІ. Ахъатаква зым-
гІвалагыи йгІархІаз агІвна лаква ршра-ууура бжыи
гІащгІыцІтІ. Ахъачваква аурамква йгІарбжъаххытІ.

Дауыт рпны дгънамдзахсызтІ. Ахысра быжъква ани-
гІа йщахваква йыцІакъвалуа дгІакІъазызтІ. Йчпара
йымдырхуа, дѓагылаз гІван-хын дхъынхІвытІ. Дгвжва-
жвауа зыпщІа йгваралхыз йткъвымлагІв ХІамзат йпны
дцатІ. Дгваралырныс агвашв гІайтІгІвацатІ акІвын
йчвагыи йхъыцІхын дшабгаз дкІъазызуа ХІамзат ауи
дгІайпшІалтІ.

— Уалей, хІшхъчІва, саша. Ауат йгаз ахысра быжъ-
ква йыгъбыжъ хыйам. Акъазакъ мыждаквагыи абагІа-
цІшвтыз?... ЙхъырщгІагвыщата гІацІцІуаштІ... —
йхІвун ХІамзат, йажваква хъантадзата йгІайшыцІуа,
дызпшІахыз Дауыт йлакта дзытамшуа.

— ЗакІ чпара атахъыпІ. АчкІвын закІыла хІиц-
хърыгІара атахъыпІ, ХІамзат, — дгвжважвун Дауыт-
гыи, йара йхъатала ауат дызларцхърыгІарныс йылшушыз
йымдыруа.

Ауи ахІа йырхІварагыи йырчпарагыи рымдыруа, ай-
щыва лыгажвква акыт уысынкъвгартала йатадырхаухтІ.
ГІъанайыз абар йырбаз: йырдырхъаз ауандыр къазакъ
гшчвала йкІвыршата ауысынкъвгарта адзхъа йгылан.

Ауи йаныз гьрымбатІ, чвагІва мачІкІ эквыршвшваз уа-
пІала ауи йаныз хьгІван. Йрымбарыгьи ХІамзатгьи
Дауытгьи, антахьгьыт йгІагІвквас ркытлагІвчвакв
агьи йырдыртІ ауандыр йанквас ХІамид йджвыквйрххкв
аз шракІву. Ауаса йара ХІамид дьацаз заджвгьи йгьим-
дыруазтІ.

АчкІвын дьану ййырдырра ахъазла дгвжважваъа-
джьуа Дауыт йгІайззаз йкытлагІвчва дрыгылуан, дыр-
цІгІун. Ауаса заджвгьи ауи дьаныз йдыруата дыгьгІа-
рылымцІтІ. Ауандыр зхчауа йгылаз акъазакъква дырцІ-
гІушын, рыбызшва гьидырам. Ауаса йшаъаз Джьамзар
ХІвсингьи дйыцта ачІашва ъашхІва хьылпа зхъаз акъа-
закъ атдзы дгІаджвылцІтІ. Ауи йквпшырала ухьим-
хуашта дгьаъамызтІ. Дауытгьи ййдзхъагылаквас йкытла-
гІвчвагьи рылаквва йкІынхалуа йпшуан. Акъазакъ сквшы
гІважви жвабаквакІ йыртаз дцІагІв-хІагІан, джвгІва-
хъатыбгІан. Йхьылпа ъашхІва йгІацІхвхвуз йхъабра
квайчІва, йлакта цкьа лашара йангІалуа, рыцІагьи
чвацкъара анатуан. Аныла-арыла йагІвга-цІгата йжв-
гІвахъаква йырхъдаз ахІви амаузери пшдзата дызла-
чІвырхъуз йщахваквва йрыдсылуан.

Йыбызшвала йалагылаквас салъам гІариттІ. Ауи
бзира дудздзакІ акыт йырзихата гІанищтуата, тшала-
йыртшхъвара йтахъыта, днаскІбатІ, ауандыр адрабина
тшхъирыхІван, ауапІа гІащтІихтІ. Йлакта разыра гвыр-
гъара гІанищтуа йалагылаквас тшырзыгІанайырхан
йхІватІ (ауи йхІваквуз йкІвгьагьашауа ййдзхъагылаз
Джьамзар ХІвсин абаза бызшвала йхІвахуан):

— Ари акІвпІ йрызнийуаш абольшавикква зымгІва-
гьи. Ауат закІылагьи урайгьдзара гьатахъым. ХІырмай-
гьдзауата зымгІва хІрылганацІыкІара йхъхІщцІлуштІ.
Арат йацы хьвлапны йаъаз алакшара апны йхІнапІь-
цІцІквас йрыуапІ. Ауи хІакъпІ. Ауаса араъадза йгІа-
дзара шрылшаз гІальаматпІ. ЙырцхърыгІаз агвымхагьи
швкыт дауапІ.

Акъазакъ ауи ахІа йымхІвахуата, йыгІвзачвакв
дырзынаскІан унашваквкІ йчпауа далагатІ. Ауи йа-
жваквва найырдызауа астаршина Джьамзар ХІвсин, за-
пытла йпыкквва йрыцкъауа, йгІацицІатІ:

— Ткъвым тынч йнакІвызлакІгьи гІвы тынч дгІа-
рылцІхитІ. Ткъвым гвымхагьи гІвы гвымха дшгІарыл-

цлауа абар, джъамглат, ужвыгы швара швхъатала швылаквала йатажвбахитІ. Арат алаква хІкыт йгІатазгаз дхІкытыгІвпІ. Ауи ауат рыхъазла саргы сищра ймурадын. Ауаса йгыГайдамышІвтІ. Абар йаргы йхъа ззитийквас дрыдзхъалхтІ...

Ауат ажвакв аныргІа йалагылаз ахъачваквa йызхуаз акъазакъквaгы гІатадымрышвхуата ауандыр йажвылтІ. Ауи ауандыр агІвхъачва йырбахъазгы ХІамидгы йщыта йанын. Аджъпа ХІамзат йыгІвнапІыкІгы щтІихын, духІа гІайахвтІ. Ауи йчпаз анырба акытлагІвчва зымгІвагы духІа ацГарахвтІ. Ауат дырпшын Джъамзар ХІвсин, мчыла тшйырхъыччауа, йхІватІ:

— Йызбахъада, аурышвквa, абольшавикквa рыхъазла мсылман духІа гІайахвуата? Швлагахама, йрылахъчІвушыз алагаквa? АчІвыйа хІдин гвнахІ зазышвхауа? ШвГасхама?..

Ауаса ауи йхІвуз заджвгы йгъазхъайымцІузтІ. Ауат йрылаз Базйат ГІазиз кьангыашра ду гІайылашвауа йхІватІ:

— ГвнахІ гІагІгтІ. Агъауырквa духІа рыквхІчпатІ. Ужвы хІыгвнахІ злахІшвахуаш алахІ йдыритІ...

— УыгвнахІгы уаргы схІварын усымарыцІапІ. Сыла уыцІ араъа,—йхІван ХІамзат ауи дйыквцІыртІ. ГІазиз, йхІварагы йчпарагы йымдыруа, дтхъан хъарата дгылтІ. Астаршина йпныла тшикІырныс йтахъын. Ауаса ауи дшгвыжвкІыз йдырын дыгъйдымгылтІ.

ХІамзати Дауыти закІгы рымхІвауа, рчкІвынхъара гІаталхызшва, ауандыр йанпалын ХІамид йхъвадий гІанырхуа йалагатІ. Ауаъа акъазакъквa рахІваквa ркъауа йгІадзан, агІвыджъгы ауандыр йгІакІнырцатІ. Ауат йгІаргвындыргІвытІ, апсы дгІанырхра ахъазла йызцІГара атахъу ахъылпа ъашхва зхъу шйакІву.

— ЙауитІ, щта, зны тшщаквхІыркІы, — йхІватІ ХІамзат, злакта щакІгы ацІахымкІва йчвышхаз Дауыт дишІапшуа. — Уымшван, хІпсква тата хІахщапала рыцІа йпсхъа заджвгы йгъыхІыррпудрым. Зны тшыкІ, йырчпуш хІарпшы. Йпсхъа йазыргвалайа? ХІа дыцІахІдырцІахпІ, йгыГвычІвГІвысымма?..

Ласыла акъазакъквa зымгІвагы тшыжвылхын, акыт квта урамла йджвыквылхтІ. ЙГІаныржъыз ахыгІвкъазакъчвагы йрызшызтыз астаршина Джъамзар ХІвсин йыдгылан. ХІвсин ахъачваквa йырчпушыз дацІвшвауата араса йгІарайхІвтІ:

— Уа, джъамгIат! ЙгIаншаз зымгIавагы бзита йжв-
битI. Ужвы абольшавикква зджъара йыцIацIара ата-
хъыпI. Ауат рымаша ржырныс йгы йыцIарцIарныс
акIвпI арат ахыгIв згIаныржъыз. ЙшвхIва йыцIарцIара
ъауаш. Сара швгIасцIгIузтын, сыгъразым хIкыт адгъыл
апны ауат рыуа дыцIарцIарныс. Сара сабгата боль-
шевиккIгы йщапIы хIкыт адгъыл йгыквынкъвызжъуа-
шым. Рпсхъагы хIкыт адгъыл цкъа йгъасырбушым.
СхIазырпI ауат рпсхъа акIвар йтасрышвта алаква йам-
цIыржвжвауа йдсрыфырныс. Швара, швара амсылман
джъамгIат йрыуакву, швырхъагылитIта ауат духIа ры-
квшвчпитI. СымгIващузтын, ауи йгIаныцIуа гIасырапI.
ЙгIанхахыз джъуар швыхъвдашвцIахра акIвпI ужвы...

Джъамзар ХIвсин ХIамид йгIайыквицIаз аудын аща
йхахуа, рыцIа-рыцIа йажваква йрычвгъауа аджъамгIат
драчважвун.

ЗакIгы зымхIвауата къомракI тшызчхIаз Аджъпа
Дауыт, ауандыр адрабина датагIадзхъагылхын, штшн-
зымкIхуаз зымгIавагы йырбауата, дамхъацIыруа
йхIватI:

— ЙнахъапI йхIыквухIвачваз, ХIвсин! ХIара хIыуа
заджвгы джъуар гъйыхъвдайцIушым. АцIабырг ута-
хъызтын, джъуар уара йуыхъвдижътара щарда
цIитI. Ауи акIвымзарквын, уара иман уымазарквын,
акъазакъква рыштауыжъта арат гъхъдумырщIарызтI.
Араса ахIвала йгъдумрыххрызтI.

— ЙахъуачвитI, Аджъпа Дауыт! Ушла ашлауры-
сырквын, йузагъхъапI, — йхIвауа, Джъамзар ХIвсин
йкъамчы гIащIихтI.

— Момо! Сара йгъахъсум. Уара уакIвпI йахъызца-
та тшызымдырхуа! Уара уакIвпI арат гIазкIыта акыт
йгIадызрыцыз! Ржъы уфатI! ХIшкытыз хIжъы уфатI!
АлахI ужъы гIайфахтI! АлахI йхIвузтын, йыгъуызгIва-
рым! ЙыгъуызгIвушым! Уара ухIлаквым зхахрагы дгIа-
найуапI! Уымгвжважван!

— Уаща йпа — улыан йакIвма схIаквым зуырхуш?
Ауи ахIа гъстахъымызтI... Ауи атIакIв зны дгIаснапIы-
цIашванда, — йхIвауа ХIвсин йызщтайщтита йгIадиры-
дуаз акыт айфанд дипыралтI.

— Йа дсащахапI йа ддатшахапI... — гIацицIатI Да-
уыт тшикIырныс йылымшауа.

ХIвсини айфанди айчважвауа къомракI, аугIа йгIа-
рыдымгылауа. йгылан. Ауат йгылакваз паргван йангIа-

дза йыщтахьгьи ауандыр йазынайырхауа айфанд йхIватI:

— Астаршина сызгIадирыдыз арат агьауырква рпсхъа ьаргушла ажва схIварныс акIвпI. ХIдин йша-хIвауала гьауыр мсылман адгьыл апны дгьыцIарцIум. Ауат рпсхъа хIкыт йшгIанагыз гьсыздырам. ЙгIанамг-зарквын, йхIымбарыквынз агалагьи йагьын. Ауаса йангIаназара амаль ьадзамула ласы-лас акыт йтгара атахьыпI. Ауи акIвпI ащаригIат йшахIвауа. Астаршина Джьамзар ХIвсин йакIвпI акыт апны йахIбу. Ауи йшгIасайхIвызла, швара йызбаквауа ауат швырхъагы-лын, духIа рыквшвчатI. Ауи имансызрапI гьауыррапI йгIаныцIуа. Тоба, тоба! ЙзачIв маджьусийрайа ауи? Шыц-шыц иман гIазымгхуа уахъчIва йнашIанарышв-та йымсылманрагьи йимангьи шыдзыз йхIымраштылр-гIатI.

— Ауат йщквахаз хIычIкIвын ХIамид-рыцIагьи дрылапI. Айфанд, йухIвауа ачIвыйа? — йхIван дгIагв-жважватI ауи йажва зынгьи гIвбата йзымчпасыз ХIам-зат.

— Ауи ХIамид зухIвауа дхIкытлагIвзарквын, дым-сылманзарквын, хIкыт дауата йпхъадзаярквын агьа-уыр бальшавикква дгьрыламылуашызтI. Ауат агьауыр-ква данрыцзара йаргьи дгьауырхатI. Ауи духIа гьйкв-швум. ...А аллахI, арат ракъыль рхътыцIитI угIарц-хърыгIа, марджьа! Сара йсхIвушыз салгатI, — йхIван айфанд днаскIан йыщтахь шгIархаз иман гIайахвын дджвыквылхтI. Ауи акIвын астаршина Джьамзар ХIвсин йтахьызгьи. Акыт зымгIва йыззхъарцIуз айфанд ййырхIвата, йпыцква гIацIзырпIлаз ХIамид дйырпудуа-та йъанымгIалдзуз зджъара апны дыцIадйырцIарныс йтахьын. Ауи акIвын афицар дйыхIвата ахыгIв къзакъ-чвагьи йцйырцхърыгIарныс йызгIандирыжьыз. Йхъазы акыт, йалкIгIата йлыгажвызтынгьи, Дауыти ХIамзати дырчвшвун. Айфанд йрыбагъбауа йхIваз ажвакка ага йдыршазазтынгьи, Дауыт, ХIамзат йгьи ауат йрыдзхъа-гылаз ахъачвакка райхIарагIв йгьрымуазтI, льяжъакI-гьи змакIва йырцквас рпсхъаква лапсызшва зджъара йкIадрышвырныс Ауаса йрычпушыз гьрымдыруазтI. Йаллагата мчыла ауат акыт нышвынтара апны йыргата йыцIарцIа ауашта йгьхъарымцIузтI. Гьауыр йпсхъа йа-чвымахатшун. ХIамид йпсхъа гIанырхта йыцкввахаз ХIвсин йзгIаныржьырнысгьи ргвы гьамуазтI. Ауат

лъажьадъа йшацырщыз рдыруан. ЙгІгалырхри йрылшуши гьрымдыруазтІ.

АдъямгІат закІытагы йырзалмыргуз уыс хьанта, уыс рыцІагІара йалан. Йацырщыз амсылмани агІвурышвчви ргарта йазхъвыцуан.

Ауи удынта йыззалыз Дауыт йызнигы йымдыруата, дмахын ауандыр адзхъа асы дылахІатІ. Ауи дгІаштІырхын йунагІва дыргахтІ. Дауыт ймахра йарыгвжважваз ахъачваквва, ауи йъадзайыдзхъачІваз астаршина Джъамзар ХІвсини ахыгІв къазакъчви йцкввахаз зныз ауандыр джвыквырдатІ. АджьпаргІа руатра цІыхъва апны йамаз ахъватоба аргван йдырцатІ. ХІамиди йыгІвзачви рпсхъаква кІвары хъаракІ йтайрышвырквын айшыста йшизымгІвушыз ХІвсин йгІайгвынгІытІ. Йгы йгІайхъвыцтІ, ауат ахъватоба апны йыцІадырцІарныс.

ЙъацІарцІушыз, амаша ъагІарыжуашыз ахъватоба акъазакъква йдйырбатІ, апсхъаква андирыхтІ. атшыуандыргы йахщапа йпны ййыррцатІ. Йаргы тшдимырбара ахъазла ауысныкъвгарта апны дцан тшыгІвнайкІын дыгІвначІвахтІ. Ага дымшвауата тшичпара йтахъызтынгы Джъамзар ХІвсин дшвун. Абольшевиккви йари ангІалра заджвыкІгы рызбжьамкІва йшагъадзаз йдыруан. Йгы щарда цІуата дхІазырын ауат драйсуга йхъа пщцІайцІарныс, йаба йызгІанижъта йымаз йбайара йхчарныс. ХІвсин рыцІа дызчвшвуз датшан: мурадта йымата акыт дызгІатахаз гІайдамыхІвра акІвын. Ауи алыгажв Дауыт йгІайайхІвыз ажваквала йщхаз ачкІвынчва акыт хъачваквва ргвы йшыцІалыз гІайгвынгІытІ. Акыт апны йара йдыр-йымдырыргы дызпшІагылаз авласть шыц агІагыгІвчва—абольшевикква руыс цхърагІагІвчва айаура гытахъымызтІ. Ауи йара йыхъазлагы йыгІвзачва рыхъазлагы сабапракІгы гьаламызтІ. Ауат ракІвымкІвагы йунагІва йрысасыз Шкуро йхъвдаквцІара — йъадзайылшауала йкытлагІвчва абольшевикчва йырпшІагылуата йчпара йара-йара йалайырпІатІун. ХІвсин афицар ажва Шкуро йййттІ, тшчва гІважвагІвы адикІылта дйызцахырныс. Ауат ъабайаухуашыз ашыпІагы рхІвахъан. Ауат Бакышт станица йа БыргІвыстан рпны йабайаухуашын. ХІвсин йгвы йтаз щардагІвы йгърайымхІвуазтІ, анцІралагы акыт дтазлушызшва тшичпун.

Йайчважвазижътара мызкІы йнаднацалуан. Йара гІвзата йгІайыцлырныс дгІазыргвыгъаз гІвыджъза-

джвыкІ ракІвын. Дара ауат йрыуата азаджв, Шкуро йыр дрылалырквын зынла дбайахушта йхъазцІаз, Базіат ГІазиз йакІвын. Ауат аъащаква ракІвпІ Джьамзар ХІвсин дашІазкІыта, йгвы йтачыз агвымхарала йдйырщквас, йара йнапІыла йрыцищквас рпсхъа хъвадиква дрылахтыччауа кІварыкІ йтадйыррышвра дзачвшвас. МацІыхъвангы йгІайхъвыцыз агвымхара — ауат ахъватоба апны йъапІадйырцІуз — рыцІа дазыразын, йыцІарцІаз йшыцквас гІайгвалашвауа далагатІ. Ауи агвалывра таІвшашун.

Дозштоу пша рыцІа-рыцІа тшгІанарычвгъауата, ахыІв кІвазакъчва руыс джвыквырцІатІ. «Араъа йыцІашвицІа» йхІвата ХІвсин йъадйырбаз ахъватоба йнакІвшна-гІакІвшчауа рызаджв араса йхІватІ:

— ЩуагІа хІыквума, ари йалашвыз атоба апны мапша хІымжрыквын? Асы рыцІа йъацІагъарарту ари ацкъарта апны йхІшвыржы... хІайгъдзума ари акыт гвымха радгыл?..

Ауахъауат агІвыджьгы ауи йхІвас йадгылтІ. Ауат йшаъазлакІгы унашвата йырзырчпаз дырхъята рыгІвзачва йырхъыдзахырныс йгвжважвун. АхыІв тшамырпсахуамцара амаша ласыта йгІаржытІ. АххъвадикІгы ауаъа йтарцІатІ. ЙщагІвапахаз ауапІа, ага йшыцызтынгы, йнарахвырныс йачвымахатшан рхъахыгІ йыквдрышвын амаша хъыргІватІ. Ауыла руыс йалган Джьамзар ХІвсингы дырхъаштылхын, рыгІвзачва йрыщталхтІ. Дауыт йчымазагІвра йзауырахан. Ауи агІапындзагы дызгІамгылуа дцІтан. Дызбарныс йызгІайлуз ХІамзат рахщапа ХІамиди йыгІвзачви рхъвадиква, кІварыкІ йтадымрышвуата, акыт нышвынтара апны акІвмызтынгы, рчІвылахъв цкъата йраута йшыцІарцІаз гІайайхІвтІ. Ауи агвымхадзара ацкІыс рыцІа йагъята йпхъадзауа рыцІа дщаквнакІытІ.

Дбзихахта дангІагылх агІан апхъа уыста Дауыт йчпаз ари акІвпІ: хыгІв хъачва ъацтаз амашажыра апышвынтара заджвыкІ йара йычвуандырла йгІайгыз дзхІахъв хІацІкъыала багъята йкІвйыршатІ. Пшдзата йгІатырсу мызшІа сурат рныта швчІвы хъадасата хпа ахъайыргылтІ. АпхкІ ауралагы данахадзуз, акІварла йгІахъарцылхлуз акыт рахв рыуа закІы ахІахъвгвара тшахънащта йахънамыргІвра ахъазла, хъвлапныла дцІалунта ауи аргван дчІвалун. Дыззсакъуа йхчуз апышвынтара, рыхъватоба ага йаргвандзастынгы, акыт

нышвынтара йрыламызтынгьы, рахла йъапшдзарту йъаквшвазгьы дазыразын. Ауи ъащтІу апххъа шабгу агІапын хІвра йачІвала тшхънагІватІ. Апххъа ацІахъ йыцІсуаз Йынджыгь дзыгІв хъвлапнылагьы щымталагьы пшдзата йахъыцІлауа атолкъвын аквчвара быжъква уарадта йгІанаргалитІ. Щымтала йгІатшкІа-рыщІуа амара нурква акыт апны апхъа йгІазквпхауа ауи апххъа хІагІарарта акІвпІ. ЙгІагылуа амыз шІа акІкІара нашхыйара апхъа йыззыгІадзауагьы ауат ахыгІв хахвачва рнышвынтара ъану апххъа апны акІвпІ.

Ауатквала йгвы щаквикІуа, Дауыт апхынгьы адзынгьы йган, агьынгьы гІаталхтІ. Ауии йкытлагІвчви рпны йгІадзун айгъдзарадаѡа йакІвшауаркІвуз айсра чвгъа ахабарква. ЙшырхІвузла, апхкІ аурала Арукъызи Чатакъали йраргвану ахІагІарартаква рпны айсра чвгъа акІвшатІ. Дара ауат ахабарква йшгІаргуазла, айсра рыцІа хъара йнаскІѡата рхІвун. Ауаса ауыс ацІабыргквыз йалыргата Аджъпа Дауытгьы йкытлагІвчвагьы йгърымдыруазтІ. Аща зрычІваз астаршина Джъамзар ХІвсингьы хгІвума, пщгІвума йыцта, Шкуро йыр дшрылалыз акыт апны йалачважвун. Ауи амштахъ Гъари уахъынлата акыт дгІайтІ. Ауи йшихІвазла, йкъва-йстІарыгьы абольшевикква айгІайуаштІ. Йауа ухІварыквын, йбольшевику зпхдзыла йынхата йчахуа, йбзазахуа ракІвпІ. Ауат щардагІвыпІ. Ауат райщчвара багъапІ. Заджвгьы дгърайгІайуашым. Дауыт йцІабыргдзата йтахъын, ласы-лас абольшевикква айгІайырныс. Ауат ракІвпІ аугІа адгьыл гІарызтыз.

* * *

Къвыршоу армала Калаус психІва йахъштІыхгІу хІагІарартакІ йгылу аотрядкІ апны абадырга швѡаргатІ. Ауи згаз Отраднa станица йауу акъзакъ — красногвардеец Лагутин Егори Аджъпа Гъарии ракІвпІ. Ауат Киан экономия аргван йгІадзауата йбжатагІваз апслымдз акъамышйирта апны йгІашІастІ. Агъагъара зымгІва дауышвапІ. Апслымдзква рпны йщардазлауа адзыбабыщкввагьы адакввагьы рбыжъква гьгІадыргум. ЗакІы гъазхІвам ауат йашІамсуата апхынгьы адзынгьы йакІвшаз айсраква йдрыхІата датша зджъарала рхъа-

ква пхъаркІырныс. Ауи йапшдзата закІгьи гъазхІвам,
адаква йГаргвандзахаз ахътаква тшырчвырдзауа ры-
гІвараква йыркІылащхырныс. Абабыщква зынги ахъ-
таква йгъырчвшвум. Ауат рыцІа йбайу, дзы шарда этаз-
лауа агвалква йрызцазапІ. Ауаѳа рыцІа йшардата фа-
чІвы рызгІаулуштІ.

Ащымта акъвышлыкъвква йнарайгвгъахъан. Йацы
амараташвамта йГІашІарышвта йтшыжвымцІуата
йГІамгІвайсыз Гъарии Егори ргІапсара йГІалцІла рща-
хвакка писийГІвун. ЙГІапсаз, йымлащийыз агІвтшыкІ-
гьи ркъырстаква ташвадза, ртшымгвархъаква льальа-
дза, рагъвракка шыршІазгьи амлышв хІвра гІвабджъа
рхІвуан. Дара агІвуджъ йрыхъваквырцІаз ауыс дыр-
хъйата йѳагІайхуаз йазыразын. Ауаса ауи йаламчва-
жвауа, Егор йГІатихыз акъыса амырдауа закІы-закІ-
тутын цыгарка аладрышан, йаладыршватІ. Араѳа йѳа-
гІацІшвтгьи рымдыруата, йалацІыруа къазакътшчва
гвыпкІ ауат йГІархъаххытІ. Акъзакъквагьи, йрагъа-
квас рыуа ауаѳа йГІаршІашварныс ргвы йыгътамызтІ.
АгІвуджъ йанГІархъаххы, бхъвы ташвартакІ йрымдыр-
дзакІва йахъаххыдзырщатІ. Ауат зныкІ ахъазла йгылан
хазшва йцатІ. Ауаса Егори Гъарии рхъылпа чІашвакка
йрыладзахыз акІас лентІ къапщква рбатІ. Ауат йала-
цІыруа рахІвакка гІатырчІвакытІ. Гъагъата агІвуджъ
гІакІвдыршатІ.

— Йамна хІашІашватІ, саща! Утшы тшнаквыршв,
марджъа! — йхІван Егор йара дъагылаз тшауищтын
йтшы тшаквирышвтІ. ЙыГІвза атшы тшаквирышвта
апслымдз акъамышйырта дшылаххыз ахІа Гъари ауаѳа
йгъйымбахтІ. Йара ауи асахІат йГІайзалыз ахІва аудын
чвгъа амлышв хІвра жвпІа дыланарышвтІ. Йылакка
йГІархъылыз аща закІгьи гынамырбахтІ. Йхъа йГІакв-
швас аудын хъанта закІы гъГІайгвыннамыргІвыхтІ. Гъа-
ри тшанидырх, далашІахІвата ауандыр дшаныз йбатІ.
Йхъа аннакъьалуа йызкІыдыз ауандыр драбина акаца-
ра йтшымдырхра дгІалнакъьатІ. ДгІапшызтын йбитІ:
тшынлапІ, далашІахІвапІ, ауандыр даныта зджъара
дыргитІ. ЙыГІвза Егоргьи дыгъйыщым. СквшыкІ йнад-
нацалуата дызквчІвата айбашра мгІва ауыракка злами-
даз йтшгьи дгъаквчІвахым. Ауандыр зырцауа ахъацІа
йызкв пІатІаугІвацитІ. Ауи дыгъГІацапшуам, бжъыкІгьи
гьихъгум. КъомракІ йанымГІвайс агІан ауандыр
тшыГІвкІ дгІадххылын, йаквчІвас ахъацІа дгІайцІгІатІ.

— Дабгума ууандыр йану?

— ДабгапI. Ауаса йгъызра бжъы гъгIайыргауам. Ичпаз гъсыздырам...

— Ичпуш йара дахвитпI. Уара йпсы такIыта днардза. Ауи йпсы тата днауырдарыквын Джьамзар йпа уала-хIа уыунагIва уштайырчIвахра. Джьамзар йпа дныжъхта, йара Шкуро йхъатала швабыжта дшуыргвыргъара.

Ауат ажваквa анигIа акIвпI Гъари акъазакъква рна-пIы дшыцIашваз ангIайгвынгIвы. Ауи йацта Гъари йгIайгвынгIвытI, дызкIквaз дшырдыруз. Йауа ухIварыквын, ауи йлымхIа йтаркIван, ауандыр йгIадххылыз атшыгIв йхIваз ажваквa: «Джьамзар йпа дныжъхта, Шкуро йхъатала швабыжта дгвыргъыуштI». Йхвырта йгIайнарыхъын Гъари гвымхата дгIагъзытI. Ауандыр йаквчIвата йзырцуз тшгIацайырпан араса йхIватI:

— УшIа ашIарыс, ахъацIа. Ауаса уыгъзуа йгIап-хъадзагъы хIафицар йкъамчы гIауыквшвитI. Ауи уара уыхъазла закIытагъы йгъбзирам...

Гъари ауат ажваквa джъауап гъримттI. Йхъа мачкI йгIацтIихрa анылша ауи йбатI, ауандыр къазакъ тшчва щарда шагIвсуаз. Йхъа адрабина йахъынгIвзуа йаннайыркъвы «хвыр-хвыр». хIва йхIвачвакъъауа хIвакIгъы ауандыр ацтахъла йшаныз йбатI. ДъалашIа-хIваз йгIалцIла ахIва тшачвгIацайырпара гъылымшатI.

Дшгъархаз йгъы йъадзацIалуаз ацкIысгъы ахIва зныз ауандыр дъанырцIаз абаза хъацIа даргвыжвкIтI. АчIвыуара днанардзауата дгIагврымтI. Ауи йгврымра бжъы згIаз атшгвхъ тшгIацайырпан дгIапшвырхъыч-чатI.

— ХIы, уыгвла гъуымгвапхума? РачвакIы угIанар-гврымитI? ИчхIа, йчхIа, хъацIа! ИучхIарыквын рыцIа йагъьхапI.

Гъари йъадзайылшузла тшгIацтIихын, атшгвхъ йгIайзайцIауа дгIакIаджвджватI. Итахъын ауи йылаквa дыркIыладжвджварныс. Ауаса йджвджвы ауи йгъызы-намдзатI. Йкъару гъазымхъатI.

— Эй, уымкачкIын! ГIы йшйыквдыджвджвауа, йута-хъызтын, са йусырбапI. Уара ахIва хIарамта йшууыму здыритI. Идыр ауи уакIвата, уандыркIла угIаргырныс унашва шаъаз, хъацIа. Ауи закIылагъы сара йгъсызам.

Ауи уара бзита уыздырквауа ракІвпІ йызуысу. АхІва гІазгта ауандыр йгІанызцІазггы дара ауат ракІвпІ. Сара льяжъа гьсымам. УгІасыкквмджвджван. Ауи акІвмызтын ужвыгын укачкІырныс уалагузтын, йхъацІа йншсымчІара. Ага упсы тата йъартахъу апныдза унасырдарныс гІасархІвызтынгы... ЙгьсычхІарым. Ари хбума? хІва йгІацІахын, йымъа йацІдаз йакъама талашьмаруа йгІатнхтІ, йалашІахІваз Гъари йкырстаниІатайыргытІ. Саргын сгІвычІвгІвыспІ. УгІасыкквмджвджван. Уара йакъвудыргІайа сара сзачІву?..

Гъари, ауи датагІайыквджвджвахырныс тшгІазичпазтІхІва, йхъа йызгІацтІымххуата даталанахІвахтІ.

Акъазакъква, Астрахани Къалмыкъ шти рпныла йтхъуз, акрасногвардия отрядква рцІыхъва йтагыла йымгІвайсуан. Ауат рцІыхъвала йгІанхуз мцаблыран. Гвым-дзыгІв арма тшпыла йатшпынчІвалу аурышкыт ауыра апны йгІашІасыз акъазакъква ргвы дырчІвун. Акыт ауыра ду аквта йтагылу акъльиса шкІвокІва ншдза апахъ хътІырапІ. Ауаъа хъахъыхырта дыргылхъатІ. Ауаса заджвггы дгькІнырымхІасызтІ. Ауи агъагъара апны, гІвуандыркІ рызна йрымбкъас гвадз, кврыста йшІахІвата, йгІаргын йгІакІарпсатІ. Адзын агІан агвадз зчІвыз йбкъарныс дгъахамдзатІ. Ужвы ауи, йчІвууаз асабикваггы ауат ранггы йрымпшуа, йгІагварыргатІ. Акъазакъква ртшква йддрыфитІ, йддыргвычІнтІ. ГІвызджъара-хызджъараггы акврысквала мца рчпан, акъазакъква тшахъадырпхитІ. Йымчыта йгІасуа апша амца йакву акврысква йрыцІаситІ. Агвадз чхъаква йырту арызкы хІазыр—агвадз цыраква—амца йгІатнарпІлитІта йчІчІуа ахъва ршы йылапІлитІ. Ауат закІггы йгъайгъдзум. Акъльиса йаргвану апшцІаква зымгІва рпынггы чІвыуа бжъы ртаууитІ. Акъазакъква хІвынчІитІ, рыла эквшваз гІарахвитІ. ЙрызгІамахъва пыртшитІ. Ахъыза-хъчква рахІвакка рыгърырщтитІ. ГІвахъа-гІвымш йрызгІамахъуата йъайсыз акыт ргвы аздырчІвитІ.

Ауи акыт апны Гъариггы дгІадырдзатІ. Ауандыр шыкІ ахъазла акъльиса апахъ апны йгІашІастІ. Ауаса ауи тшыгІвкІ дгІадзхъаххын, атшгвыхв закІ йайхІвын шцІыхъва йтагыла йджвыквидатІ. Акъльиса адзхъала нбжъалуаз аурамбжъара ахъа йгылаз атыдз гъагъа агвашв апны ауандыр гІашІастІ. Атшгвыхви йгІагварныс къазакъкІи ддмыртІлауата Гъари ауандыр да-

нырхтІ. ДштІырхын атдзы днаргылтІ. Ауди аджъахашва агъвы дыквырцІан агІвуджъгы гІаджвылцІхтІ. Апещ апхара, аджъахашва апны далашІахІвата дшцІІазгы, Гъари йгІайыцІахІатІ. Ауди йылаква гІахъитІын дгІапшытІ. Апещ мцыран. СахІатбжакІ аъара анахъыцІ ашв гІайтІын дгІакІвашауазшва дщаласта апещ заджвы дгІашылтІ. Йбжыы разыра дукІ гІанищтуа йара Гъари йцри бызшвала йгІайхІватІ:

— Сальам алейкум, Аджъпа Гъари!

Гъари ауди збжыыз дидыртІ. Ауаса асальам джъауап гъайымттІ.

— ЙгъуымгІума, Аджъпа Гъари? Сальам алейкум!

ЙгІванхуз асальамгы джъауап айымтуата, Гъари йара дъашцІаз тшацайырпарныс дхІвынчІауа далагатІ.

— О! ДзачІвыйа уара уапш ахъацІа араса далашІазхІваз,—йхІвауа йгІашылыз йакъамала жваныкІла йгІарыкІвшауата йщапІква злашІахІваз ашамкъба алапикъкътІ. ИнапІква гІаймыртІлауата дгІайцхърыгІан, дгІайыргылтІ. Йыпкъ гІайыцІайкІуа йыгІвнагылаз арымдза чІвры дыквйырчІватІ.

Гъари, йщапІква зыртІлауамцара йгІайачважвуз дзачІвыз йдырызтынгы йшІа ажвакІ гыгІатыйымщтуазтІ.

Ауди дзыртІлаз йара йкытлагІву Джъамзар ХІвсин йакІвпІ. Гъари бзита йдыруан йагІвсыз асквш агъны агІан йгІархъшваз ауандыр, ХІамид дызквчІваз ауандыр, гъарта йдзыркІыта Ащхъаркт йдзыррцаз ХІвсин шйакІвыз. Ауди йапщдзата Гъари бзидздзата йдыруан ауандыр йаныз, ахвчва Писаренко Харитонгы, Казаченко Сидоргы, дара рахщапа ХІамидгы акъазакъква йрыцызщыз Джъамзар ХІвсин шйакІвыз. Йгы йцІыхъвахуата Гъари йдыруан, Джъамзар ХІвсин Шкуро дшицхърыгІагІвдууыз. Ауди адгъа кытква дгІарыкІвшауамцара угІа гІакІылихта аршкІвокІва Шкуро йыр йшрылайжыыз, йара йхъатала ауди дшйыцайсуаз. Авласть шІыц йымбара ахъазла йылшарквныз адуней зымгІва алайрыхъвашарныс ХІвсин дшхІазыру Гъари бзита йдыруан.

Бакышт станицы Джъаханас бни раргванква рпны йгъызным Гъари йыгІвзачва Шкуро йыр ъадзаладрыхъвашаз. Йгъызным Балахонови Кочубейи ротрядква акъазакъква рквуджъма гІвараква йъадзагІартырцаз. Ауаса ауат алакшараква зымгІва рпынгы Гъари дгъа-

квымшватІ, Джъамзар ХІвсин дгІайшІашварныс. Абага къвыш дапшта Джъамзар ХІвсин ауралагы акрасно-гвардеецкв дырнапыцІуан. Джъамзар ХІвсин дшшва-гІвымыз, айсра дшазычпаз Гъари йдыруан. Ауди йдыруан ХІвсин афицарра хъзы йымата Къарс даъата дшгІа-хъынХІвыхыз. Ахвамыхквкв йафицархара шрылымшуз зымдыруазда.

Гъари ауат зымгІвагы дакыккъаквакІ руацІала йгІайгвалашвахтІ. Мчыла тшичвыхъызгІвуз йылакв агІылахІва йангІахъитІы, йщапІкв зыртІлаз ХІвсин апещ дгыгІвнахмызтІ. ДанджвылцІхуаз ауди кІара йХІвазтынгы Гъари йыгІымгІатІ. Йара гъарта дыз-кІквас дшырнапыцІуаш дазхъвыцуан.

ДызлагІаргыз ауандыр гІазцуаз аурышв къазакъ дгІашылтІ. Ауди, закІгы йымхІвауата, Гъари дгІайыр-гылын ахъышвла дкІылйырпштІ. Рпахъ атдзы апныла йгІархата, йшгІахысуашыз апш йХІазырта, ршвоккв рымата хыгІв къазакъчва Гъари йнайбатІ. Ауди амцтахъ йгІашылыз араса йХІватІ:

— Ууыс зкву гІаугвынгІвра атахъыпІ. Уара ужвы тшурычвгъата йгІатугуш гъаам. УгъарпІ. УдзыргІвы. ЙгІауархІвуа чпа. Ауди акІвмызтын, акълыса апны ахъахъыхырта гуаздырцапІ. Швара шваща йшимайгъдзауа ухъумраштылын... Угвыбзыгъаха, унапІквagy сыртІ-луштІ. Ауаса уымкачкІын. ЙуасХІвитІ, уджвылцІырыныс уъапІатІауыз зынла йгІауайхсырыныс анат йдыргылыз ахахквкв унашва шрыму..

Ауди ахІа гІацымцІауата акъазакъ Гъари йнапІкв йыртІлатІ. ДджвылцІын, пщырхІакІ аъарагІвшарадза йнадзауата суп йгы урышв чІахъва абгакІ гІайгын дгІашылхтІ.

— Уча! Тшумырлаган. Сара усыздзыргІвы. Уымчарыквын, укъару уалгадзапІ. Къару змам дыгъхъацІам. Ауди анычва шІахІва дапшпІ. МачкІ уъайыдсылыз дкІахІлуштІ. Уча, абар алошкІагы. ЙгІауыхъвахпІ...

Акъазакъ, закІгы йыгІвзадзакІ йапш дйайуыбзауа, дацІхІвачвгІауа Гъари дйыцчатІ. УацІыхъван йагъма напІыла джбуаргы йыквицІан дгылхтІ. Йара ауаъа йыкІваджып йтаз акІас шкІвакІвала Гъари йхъахвыр-та шІайхІватІ йгы араса йгІацицІатІ:

— Угвыбзыгъаха. ЙсхІвауа угІаздзыргІвы. Уара уыхъазла хІгвып рпны хІалъабалыкъра аъапІ. Афицар

гІвуджъ рабджьарквaгъи гІарыквихын ашІуна йтайдѣй-
ррышвтІ. Швара швыбызшвала ауат закІы амаркІытІ.
АцІабырг саргъи йыгъгІасгвнымгІвытІ. ЗакІгъи гъаз-
хІвам ауат ура уырдырныс. ЙшаъазлакІгъи ура
уалашІахІвата хІафицар уъайыму ауат йгъыргвапхум.
Ауат ракІвпІ йгІахІыхІваз ухІырчарнысгъи, ухвырта
шІахІхІварнысгъи. Сара мцы схІварныс анчва сачвихчатІ.
Ауаса ухІырчарныс йара афицаргъи анат акъазакъква
ангІайыргылаз агІан унашва йчпатІ. Афицаргъи уйы-
марыцхІахазапІ...

Ауат ажваква анигІа Гъари йгвы гІвбахатІ. Йауа
ухІварыквын, Джьамзар ХІвсин йгвы йгІанагта закІы-
ла дшгІайцымхърыгІушыз ауи багъьата йдыруан. Ауат
агъачвапІ. АйгъдзarakІгъи агІвуджъ рквтабжъара
йгІабжъашварныс закІылагъи уайгвгъа гъамуашызтІ.
«ХІвсин ашІуна йтайдѣйркІкІквaz йзачІвудищтІ? Ауат
ХІвсин йамаркІыз амгІанищтІ?» — йгвы йгІанагтІ.
Ауаса джъауапкІгъи азгІайаура йылымшауата, Гъари
йбжалыргаз апещ мцыра дыгІвнан. ЙхІвуш, йчпуш ауи
йгъйымдыруазтІ.

ЧІвагІвакІ ахъымцІуата дзырчаз йхъагъи шІазхІвaz
акъазакъ датагІашылхтІ. Ауи Гъари йнапІква шІай-
хІвахын, дджвылидатІ. Швокъ змата атдзы апахъ йгы-
лаз ахыгІв къазакъчвагъи дгІакІвдыршауа йгІайы-
дзхъагылтІ. Ауат ауи акъльиса апныла дджвыквыр-
датІ.

Ауаъа акъазакъква йгІазырццаз угІа шардан. Ауат
райхІарагІв пхІвысын. Алыгажвквaгъи гъмачІыгІв-
мызтІ. Акыт йабзазагІвчвата йгІазырццагата йалагылаз
аугІа рыщтахъ атшква йрыквчІвата акъазакъква гылан.
Ауат зымгІвагъи рахІваква гІатыхта йрыман.

АугІа ага йыжвпІаразтынгъи, ашта хъгІыра ду мцы-
разшва йдауышван. Заджвгъи ажвакІ гъгІайшІым-
цІуазтІ. ЗымгІвагъи йыртахъы-йыртахъымызтынгъи
йгІаншуш йазпшуан. Ауат йгІасуаз апша хъшвашва
тшачвырхчауа рыхъвдаква тадырхъауа йахъвлапшуа
йгылан. Ахъахъыхырта йгІакІахвхвуз аркъан аларышв
апша йаруышвуан. АугІа йддырбушыз арыцхІагІара за-
чІвыз рдыруан. Йдыршвара ахъазла гъарта йгІаркІыз
абольшевик Гавриш Сепани шра зхъуата йчмазагІвыз
акрасногвардеец командири кІнархІушын. Ауи ахабар
гвымха зымгІвагъи йырдырхъан.

Ахъахъыхырта апны дшгІардуаз аниба Гъари йхъа

йГаташваз закЫпІ—дкІнырХІарныс дГІардуата. Ауи ймурадын дджвыквххырныс. ЗакЫ акІвмызтынгЫи йыщкІлахыста хыла дырщрыквын рыцІа йагъьта йпхьадзун. Ауаса йыштахыла йнапІква злашІахІваз ашамкъа дГІаздуаз къазакъкІ багъьата йыман. Ауи тшинапыщІижварныс Гъари йгъйылымшушызтІ.

Акълыса агъьмала йадзхъагылаз гІвбата йаквгылаз атдзы агвашв гІартЫн йыркІквата йрымаз агІвыджъгЫи гІагварырдатІ. Акомандир агІылахІва йщапІква агІвигауа дГІайуан. Ауи йлакта щагІвацан. Йхвырта злашІахІваз акІас ацІыхъва йщагІвацата йжвгІвахъакІ йгІаквсуан. Гавриш СтепангЫи дасІахъцІацІагІвацан, ауаса чрыкъв йышван. Квпшырата йымазла ауи багъьата тшикІуан. Йшаъазла дызгІвадаркІван, хвыртакІгЫи гъйыквмзарызтІ. Агвашв йГІагварырдата мацІкІ йангІаскІа ахъахъыхырта йазгІардуаз ахвы дбыртытІ. Гавриш, йнапІква шшІахІвазгЫи, жвгІвахъала ауи дйыцІагылын, дыгъкІайымрахІатІ. АуахъауыгЫи рыцІа гвы гІайчпан, псрала йащахаз йжвгІва тшаквйырХІан, аркъан зкІныхІаз ахъахъыхыртадза тшкІайымрахІауа дГІайтІ. ЙхъаталагЫи дшгъару, ахъахъыхырта дшазгІардызгЫи йхъаштылхын Гъари ауат агІвыджъ дырпшуан. Гавриш Степан зынгЫи дгъйымбасызтІта ауи дыгъйымдыртІ. Ауаса йГІвыджъхуз, акрасногвардия командир ауи дидырхтІ. ЙгъызнымызтІ Гъари ауи дъадзайбахъаз. ЙгъызнымызтІ ауи айбашраква дъадзайыцпщІалыз. Ауи йГІванхауата Арукъыз анГІадырхвитхуаз агІан зымгІва рапхъа астанѳца йталыз аотряд ркомандир, зымгІвагЫи хІара «хІ-Ваня» зырХІвуз ачкІвын къаймат йакІвын. Ауи ачкІвын Армавир йаргвану къвтыркІ дауан. Йара дйыцта йахщагЫи краснагвардия отряд дрылата авласть шЫц ахъазла дайсуан. Ауаса ауи агъачва дшгІаркІыз, дъаркІыз Гъари йгъйымдырүазтІ. ЙцІыхъвахауата ауат анабабаз Егори йари швЪа гІарыртта рыгІвзачва рпны йыргарныс йанГІаджвыквылуаз агІан акІвпІ. Ауи ѳаншаз Суркъвылыи Къвыршоун раргванква рпны акІвын. ЙаргЫи ауи агІан йдзныркІван, сгЫи гыГІамсысызтІ..

Гъари, тшизымчХІауата йдырхыз ачкІвын хахва дшыцІрырныс ймурадта йыдзхъала йалагылаквас апХІвысква гІалацІыртІ. Ауат зчІвагІгІаз ауыс гвымха ГъаригЫи йбатІ: аркъан йыхъвдата Гавриш Степан дкІныхІан.

Акъазакъква йалацЫруа, ркъамчквала йГларылакшауа, йчИвууаз, йалагІваласуаз аугІа ашІаркІуан. ЙкІнырхІаз йГайыцІдырцыз арымдза къазакъкІ йГлаштІихын йыГІвбахуата йкІныхІаз аркъан йацІайыргылтІ. Ауи аркъан шаларышвыз йрыхъынхІвуа дапшытІ. УацІыхъвангы йыГІвнапЫкІла йкІын дГІахъуа абагыара йырхъыхтІ. Аркъан шбагыаз анхъайцІа, зыжвГІвахъаква уапІа зхъарпата ауаъа аргваныта йгылаз афицар дйыдгылын закІ йайхІвтІ.

Акъазакъква рыуа гІвыджь йырбжъагылаз акомандир шІа Ваня дГІащІырхуата йыхъын, аркъан дацІадыргылуа, арымдза дхвындыргылтІ. Ауи йшйылшузла дцІыруа дГІачважватІ. Ауаса йхІвуз Гъари йгыалимыргатІ, йалацЫруаз, йчИвууаз апхІвысква рбжы йгынамыргІатІ. Аркъан йыхъвда йанахъадрышв, йыдзхъагылаз акъазакъкІ шапІыла дасын арымдза гІайыцІйырцтІ. АчкІвын дГІапарныс тшГІауицтуазшва йпахъла дГІауышвтІ. Ауи аркъан дгыаныхІамызтІ, йГайыцІдырцыз арымдза дадзхъа дзартала дщІан. ДызлакІнырхІаз аркъан аларышвырта тІлан, йыхъвда йахъышвтын, дамхъварауата дГІакІашватІ. Аркъан мцырагыи ауи йхъахъла йуышвуа йхринун.

Ауи анырба, йГІажвырцата йГІардыз аугІа рыцІагыи гвымхата йалацЫруа йалагатІ.

— Даушвщтх! Даушвщтх! ГІвычІвГІвыс гІван дыгыкІнархІум!.. Даушвщтх! АлахІ йхІватІ, ауи йаджъаль аркъан йГІахъымцІырныс!

Ауаъа зыжвГІвахъаква ауапІа зхъарпата унашва зчауа йгылаз афицар дкацауа, дгвыжвкІуа дцІыруа, аркъан рхъазрышвуаз акъазакъ дйыдххылын дидзастІ.

— Са йусырбапІ, ала йГІанарийыз йпа, аркъан шаладрышвуа. Са йусырбапІ гвымха-шІымха, ахрат зырхІвауа ауи аркъан уыхъвда пІай йахъасрышвпІта!..

— Ари акъазакъ, акъазакъ—бальшавик гвымха, ари апсыда йакІвма йшвызкІнымхІауа?—йхІвауа, дпшвырхъыччауа, йалагылаз атшчва дГІарылцІын, заджвы ахъахъыхырта дхъаххылтІ.—Са йаласрышвпІта, хІупшыпІ, ура ала, ауи аркъан ушГІашЫцІуа? — йхІвауа, ауи дсакъуа йтІлаз аркъан аларышвырта аталайрышвхтІ. Ауи ачвауандыр зладырхъауа шамкъыакІ алайрышвуазшва, дымгвжважвауа йуыс гвымха йхун.

Йара-йара, заджвгъи йгІайаймхІвуата ауи аркъан аталазрышвхуаз даниншы, Гъари ауи дзачІвыз дидыртІ. Ауи йара йкытлагІв ХІарун йакІвын. Дадыщ ХІарун Джьамзар ХІвсин акыт йыцІгатыцІквас дрыуан.

Йажвысылуа ахъахъыхырта аргван йырчвынаскІуыз аугІа йрылата, Гъаригъи ауи дызхчуз акъазакъквэгъи ачкІвын шІа дъакІнырхІуыз йазаргвандзахан. Гъари йбауата Дадыщ ХІарун йнапІыла, йгІаштІырххта арымдза йатахвындыргылхыз акомандир шІа йыхъвда йара йалайрышвыз аркъан ахъайрышвтІ. АчкІвын арымдза атагІайцІдырцхырныс тшаназырчпуз, къарута йзыгІан-хахыз зымгІва адикІылын, ХІарун дишІаджвджвауа йхІватІ:

— Ла! УлапІ уара, уыгъгІвычІвгІвысым! Сара сажьбал уара йыгъуызгІвушым, щхъа квыджьма...

Ауи ахІа йхІвара йылымшахуата акомандир шІа арымдза йыцІдырцын датакІнырхІахтІ.

Дадыщ ХІарун бзита йдыруан аркъан аларышвща. Аркъан гымтІлатІ йгъи йгъшІымчІватІ ари йгІванхуз. Ауи аркъан авласть шІыц йазабакІуаз ачкІвын хахва дахъваратІ. ХІарун йгІайшІатІгІаз ачкІвын йджвджвы йбашлыкъ цІыхъвала йрыцкъахуа, йтшы даназцахуаз, Гъари йнапІквэгъи шшІахІвас акъазакъква тшгІарнапІыцІижван ХІарун гвтшпла тшйыквырышвуа жвгІвахъвала дйысын, дылайкъьатІ йгъи араса йхІватІ.

— Рахвы, ла! Ульяжьбата йыдызйа ауи, угІарылцІта унапІыла дызкІнухІаз?Йудырума, ащамакъы, ауи йпсы **дамайгъдзауа аугІа рыхъазла** аща дыла дшабакІуаз? Ла!..

Ауат ажваква згІаз ХІарун дгІакшарныс тшгІазичпазтІхІва, Гъари йпныдза дгъгІадмырдзатІ. Ауи дызхчуз акъазакъква йыхъын, днадрыскІбахтІ.

— ЙуыргІа, уаргъи уаджьаль пІай шузыпшгІауа. Ауи йухаз ауыс гвымха уаджьаль шалу,—йхІвауаркІвун Гъари дызмаз акъазакъква тшгІарнапІыцІижвауа. Ауи йлымхІа йгІатастІ ХІарун йгІашІипхъадзуз ажваква йрыуата зджьакІы:

— Угвыргъьа, Аджьпа-хъагажв, ауи аркъан зхъасрышвыз уыхъвда шакІвым. Уара уыхъвдагъи хІа йхІнапІыцІархъапІ... Зны уашІас, уаргъи хІуыхадзапІ..

ЙкІнырхІаквас рхъвадиква гІакІнырымххуата, акъазакъква мчыла йгІазырццаз аугІа мчыла йамцІырцахуа

йалагатІ. Ауат йрыуаз апхІвысква райхІарагІв йашІып-хьадзауа бжыауштла йчІвыуаркІвун. АчІвыуа бжызымч йалазырхІауа йгІасуаз апша абжыи алажжуан. Ауат йхьтаз агъны мыш рыцІагъи йдрыхьшвашвун, айдзара-пшкарата агІвычІвгІвыс йгвы йкІыдыз кІыдырхуан. Ауахь Гвым агъма тшпыла йаъаз архъаквала йгІатыцІуаз атоп агІвжвжвараква рбыжъквагъи дагвдза йгІагун. Дызхчаквузла дкІвыршата аурамбжъара ахъа йгылаз атдзы апщІа йгварардахыз Гъари атоп-агІвжвара быжъква ахъагІагузла дацапшуан. Ауи дгвыгъун йыгІвзачва йара дъагъарыз, рагъачва аща татадрычІвуз акыт йгІасырныс, ауи ддырхвхитхырныс. Ауаса ауи йгвыгъа бзира рыцІа-рыцІа йхъарахун.

Красна гвардия отрядква гІапсара дудздза йалата Каспия тенгъыз аргванкваламца ГвымдзыгІв апхартшахъва рхъаква йъарылсуа ашыпІаквала йтхъун. Ауат тхъауаркІвун, тшадыркІылхта, рхвырта хІатлаква дырбзихахта, удын мчыла агенералква йатагІарысхырныс, ахвитра абаракъ къапщ Ставрополь, Къвбина йгъи ащхъа штаква йрызгІаргхырныс.

Тутанакъта йзалыз апещ апны дангІардх агІан Гъари йгІайгвынгІытІ, ахъахъыхырта апны дыздырцаз, йыгІвзачваква шкІнархІуз зидырбаз. Джъамзар ХІвсин йтахъыпІ ауи дйыршвара. «СнапІы угІацІашватІ. Сара суайгІайтІ. Йстахъызтын, уыгІвзачва рапшта уаргъи укІындсрыхІапІ. Ауи сара йснапІыцІапІ...» — хІва гІаништуата акІвпІ ХІвсин ауаъа дздйырцаз.

Гъари, апещ ауацІа дыгІвнаныкъвауа, йынцІра йгІа-мидаз амгІва йгвыла йгІамидахтІ, уыста йыла йыцІс-квас гІайгвалашвахтІ. Ауахь ркыт апны атацанадылра. ШвхІакІва гІайзысхаз ИнальргІа ртпхІа длымцІасра. Ауи лчІвахра. ЧІвачІваргІа ХІатІатІ. Ауи йыквдзыз йахшапа. Барабаш йырхъа апны амцІасраква. УацІы-хъван АбатагІа. Сбыр. Ауаъа йыгІвзачвахаз Чермени Зруйченки. Балахонови ауи йыгІвзачви дшрабадырыз. Джъаман-алгъа апны ауат йрызйырцаз атшква. Ахвитра абаракъ къапщ дацІата Балахонов йыцІгІамидаз абакІра мгІва. Акыт данцах агІан йбаз, йаба йащажв Дауыт йхчауа анышвынтара...

Дшгъарыз, йуыс зквыз тшаназидырх, Гъари дгІакІа-зытІ. Йчпазгъи йымдыруата дгІалакацауа чІвыхъта дгІацІрытІ. УацІыхъван йыгІвнапІыкІлагъи йхъа дам-цІасын къвакъвадза аджъахашва дыквчІватІ. АхъацІа

йгъарра дагІвнажвун. ДшырнапІыцІцІра гІамаль дазхъвыцуан.

Гъари йара ауаса къвакъвадза дшчІваз акъазакъ тшгвыхв заджвгъи дйыцта дгІашылтІ. Аурышв закІгъи йымхІвауата, арахъари йгІвыджъхуз дгІазхъысыз ашвхъымсагъи дгІакъвымцІуата йгІайхІватІ:

— Салъам алейкым, Гъари! УгІай, ушымсылману уырдырхта йсхІвауа угІаздыргІвы!.. Сара судырхра утахъымхарнысгъи закІгъи гъазхІвам. Ауаса суыхІвитІ, сажвакв урыздыргІвырныс. ХІымгвжважвакІва йгъауашым. Ари акъазакъ учывмшван, хІара дхІыгІвзапІ...

— Йутахъу ачІвыйа? АчІвыйа йупІатІауа «гІвза — мыгІвзахІва? Сыла ухъыцІ! Йгъстахъым сара уара йуапшу ащажвыгІвчва срачважварныс... — йхІвауа; Гъари дгъвыжвкІуа йщапкв дгІархвынгылтІ.—ЙхІва йутахъу? Апхъа-пхъа йгІасахІв, узачІвыйа уара?...

Сара ХІатІыщргІа срыуапІ. Сыхъыз БакъырпІ. Агалагъи сайцІбапІ. Суымдырыргъи сгвы йгъасуашым. Ауаса йхъацІа, Аджъпа, хІуцхъыргІарныс шакІву араџа хІызгІайыз. Джъамзар йакІвымзарквын, уангІаркІызында уаухІщтхуашын.. Ауи хІичвшватІ, хІгІауыдгылырныс хІгъйырхвитуам. ХІгІващатІ. ХІижьатІ Джъамзар ХІвсин. ХІайсуа араџадза хІгІайуашта йгъйымхІвузтІ. ХІжьахатІ. Ужвы йыгІбитІ хІыззайсуа зачІву. УгІахІцхъыргІушызтын, кърарла угІахІыдгылуазтын, уырхІырдата хІнауыцджвыквълхуаштІ. ХІпынкв хІцархра хІтахъыпІ. ЙхІызхъауымцІузтын, уца ухъазы! УаухІщтхитІ... ЙхъацІа хІажва, Аджъпа!

Гъари, йгІайачважвуз ачкІвын йлакта дтапшуа, дгІагылын, йрыбагъауа йхІватІ:

+ ЙшухІвауала хІакыткІпІ. Йуырдыр, щта арат уъарылу сгвы йшасуа. Датша йуыцуада? ЙрызхъацІа ауашма?

— АгагІвгъи хІацыпІ. ХІкытгІваца йауакву агІгІвыкІ хІнадзитІ. ЙхІылапІ Бибаркти Локти йрыуаквугъи. ЗымгІва йрызхъацІа йгъауашым. ХІара хвгІвы хІнадзитІ, ари акъазакъ дхІылата... Ауатгъи убахпІ. Уара уымшвауата хІкърар йазхъацІа. ХІкъва йгъауашым. Афицарква йрыжвитІ. Джъамзар ХІвсин Шкуро йызшитын дыггІамахстІ. ЙлащцарапІ, йхътапІ. ХІара хІайчважвахъатІ. Атдзы зхчауагъи ужвы заджвы йакІвпІ. Ауыгъи хІара дхІыгІвзапІ,—йхІватІ дгвжважвауа ачкІвын.

— ИхъацауачвапI. Ауаса «кърарла углахыдгыл» — ухIвита, садгылитI. Унай! — ихIватI Гъари, ашвла дглачIвырхъауа. Ауди ахвитра шйаухуаз хъайцауа, йымч зынла йатазхIахтI, йща глайыцIалхтI.

— Зны, уымгвжважван. Сара хIыгIвзачва йрасхIвпI. Ари араъа дыгIвназлуштI. Ма, ари ахъамы уанна-джвылцуаш йушвыцIа. Атшква заджвгъи йымбауата йгIарыхIазырра атахъыпI.

АчкIвын дгвжважвауа дджвылцIтI. СахIат бжакI аъара анахъыцI, аун датаглайхын, кIъарахIвакIгъи акъа-макIгъи Гъари йглайыттI. Ауат анинапIыцIашва агIан акIвпI Гъари йанхъайцIа йыгIвзачвахаз акъазакъква мцы шрымхIвуз.

Ауат йрыуата Гъари апхъа йдырхыз ауандыр даныта дглазгыз акъазакъ хъацIа кврыт йакIвын. Ауди йпцIаква дрыцIгвыргъауа, ауаса дгвжважваъаджъуа йгIвыцIа-ра йглацIихыз абчва чрыкъв жвлIаква Гъари йщапIква йыцахъайцуун.

— Ужвы саща, мгIва хIыквмылскIва, хIнапIква аба-хIыркIыпI. Сара сыхъыз ИванпI. Сара сурышвлпI. Аурышкв Иван хIшардагIвлпI, швара МхIамат шшвщарду апш. ХIайда, хIшвыргвжважва. Атшква Бакъыри АхIмади йгIадрыхIазырхъатI. ШвнаджвылцI.

Гъари, чмазагIврагъи хвыртагъи гъйымдырхуазтI. Ауди дшхвитхуз глайыцIасуа, йкъару гIван-хынла йгIа-лахIата тшипхъадзахуан. Агваны йангIаджвылцI агIан атдзы зхчуз акъазакъгъи ауат рцIыхъва дгIатагылтI. Агвашвла йгварымцууата, ауат апщIа йглахъыкIвшуз андакъ ихъыпатI. ЙкъарагIвыльызи Гъари андакъ йта-чIватI. «ИванпI» сыхъыз зхIваз акъазакъ аурамбжъа-ра дахъыстI. Ауыла йаъаз агъвысарыйа тшыцIайкIуам-цара алащцара дыладэтI. ЙарасахIаткI хвтшыкI шIан-кIыла йрымата Ивани датша гIвыджъи йгIадырдзатI.

— Ма, уалаша уаквчIвах! — ихIватI Бакъыр, андакъ йгIатыцIхъаз Гъари атшы глайыдйырххылын. — ХIайда, псимлахI! ШвгIагвжважва, — ихIван ауди йтшы акыт амараташвартала йаъаз архъала йрытрыстI.

Ауыла йдырхаууата йаниба Гъари дгIагвжважватI:

— Ауыла хIабауырцауа? Акадетква ъащардула хIы-зуырцауайа? АдзыгIв хIырсагъатахъымма? Зны, зны...

— Арыла хIцара атахъыпI. ХIырдаща хIара бзита хIазхъвыцхъатI. МачIкI хIанхъарахара агIан агъъмала йацахIырпата адзы хIыруаштI. Ауди акIвымкIвагъи

йгъауашым. Акыт йаргвану апслыкв бна зымгІва кадет-
ла йжвагвапІ. Йгъуымбума ауат рымцакІкараква ъа-
дзанадзауа.

— Угвы умыргІван, хІаща! ЙхІымгІвахара атахъыз
хІара йхІырхъвухъатІ. Уара апещ апхара уъадзагІвна-
чІваз хІара ахъазы хІыгъчІвамызтІ,—йхІвауа тшгІайыр-
тшхъватІ АхІмадгъи.—Йшалахъвлабыргуаз хІгІардар-
ныс хІхІазырхахъан. ХІыззпшуаз афицар мыжда Джъам-
зар ХІвсин йакІвын... — гІащицІахтІ ауи йажваква Ба-
кыргъи.

— Йауа, — йхІван йджъайшатІ Гъари. — Ауыгъи
дгІардушызма?

— Ауи утшы акІвын дызквчІваз. ХІгвы гъамуытІ,
алашахарзына ХІвсин йызгІаныгІжырыныс. Ужвы
акІвпІ ауи йангІайырдах. Атшы дгІакІныцІгІвадан
йфатар днашылхтІ. Ауи агъвра ангІасйыркІуаз дгІасцІ-
гІатІ уара уыхъазла.

— ХІы сгІайгвалашвама?— йхІватІ Гъаригъи дпшвы-
рхъыччауа йтшы Бакыр йъайызгІайауахыз дазыраз-
дзата, ауи дйылактапшра даштата.

— Са йакъвыздыргІайа? Йалырыныс аурын угІайгва-
лашвата, уибарныс дуызнайырыныс йтахъызларнысгъи.
Ужвы дазцарыгІатІ апещ мцъра.

— ШвашІас зны! ШвахадзахпІ швчважварныс! —
йхІватІ ауат чважвара ду ъащІырхуаз ахъаз дразым-
кІва рапхъа йгылата йсакъуа йымгІвайсуаз Иван. —
Зны ари апсыхІва хІтышвштга уацІыхъван хІчважвахпІ.
Ужвы хІшвырсакъ. Ргвы ъагІваз йхІзыпшгІауа йшгІап-
харуаш швхъшвымраштылын. ЗакІы гъазхІвам афицар
хІымгІва ахъвкІылщаква дрызхъвыцхъазарнысгъи.

АгІардагІвчва архъаламцара акыт ауыра йагІвстІ.
УацІыхъван айшыста агъмала йхъынхІвытІ. Гвым псы-
хІва апслымдзыртаква, ахІвынчІвква йрылсуамцара
акъамыши апслыкв бни рыцІа йъажвпІараз апны йгІа-
шІастІ. Ауаъа Ивани Бакыри рапхъала пшыхвра йцатІ.
Арахъаратгъи тшыжвцІын, йдзыргІвуа ауат йрызпшуан.

АцІх бзидэдзара йшаласкІахІахъаз апстхІваква
йчвададза йгІарылпшыз, ажвгІванд аквтала тшгІахъаз-
кІылхъаз ЙачІваджъргІала йырдыртІ. Апслыкв бна апны
апша рыцІа йтаусынын. Ауаса ауи мчыта йшгІасыркІвуз
йхІвачвуз акъамышква йгІархІвун. Гъари йтшы амла-
щийра йгІалнахын асы йацхІун. РыгІвзачва гъгІахъным-
хІвдзахуазтІ.

Ауат агІвыджьгы йатшпхынчІвала тшыкІла йрыз-
гІайхтІ. Йрызнийыз, йызшІашваз адырра йазыгвжа-
жвауа ауат йрыдзхъахтІ. ЙырцІгІара йахамдзаскІва
Иван псайспадза йгІарайхІвтІ:

— ЙгІанша гъаѡам. ХІангІайхуаз машакІ хІгІа-
залтІ. Ауи йантапа стшы ащахва шІчІватІ. Йара ауа-
ѡа йгІаныгІжын азакІыла хІгІайхтІ. Апсыхъвда сыцІ-
хъуашын. Ауаса сгвы гъамуытІ. ЙгІашарыквын, араѡа
йбзазауа акъалмыхкви анагІвайквы рыуа заджвы йгІа-
йаупІ. Ауат атшжы йгъагІвсуашым, Йаргы гъамлагам.

— ЙхІымгІвайа? Атшы тшыпІ. Ага йхІтахъдзазтын-
гы, йгъхІымахым. Йазухахуа гъаѡам — дгІагвжва-
жватІ Гъари.

— ЙхІымгІвазлуш закІыпІ. УыгІвзачва йрыуакву
ласы йгІахІаура,—йхІватІ Иван, джъауап багъакІ йыз-
гІамаууата. — ХІара хІѡадзапшгІаз заджвгы хІгІын-
шІамшватІ. ХІѡагІардаз акытла хІгъымцатІ. Йаргы
ауаѡа уыс гъхІымахым, ага хІыртахъдзата йхІзыбжаз-
тынгы,—гІацицІатІ Иван ахъвыцра днанауахуа.

Ауи йангІарда ауахъ йгІашІарышвта Гъари йыгІвза-
чва шыцквы йари йтхъуз акрасногвардия отрядкв
рцІыхъва йтагылан. Ауаса йырхъыздара гърылымшузтІ.
Ауат ѡадзамгІвайсуаз йырбаз агІапсара ахъахъвы ар-
гылитІ. Рапхъала йщталкваз йырхъымдзауа, йырхы-
дзазтынгы, йрымдыруа йрыгІвнагалун. Рыцтахлагы
акадетквы Покровский Шкуроуи ркъазакъква йыркІыр-
ныс йшвун. Мшы гІважвы гІвба Кизльари Астрахани
йырбжъу архъаква рпхартшахъвакв йрылан ауат. Йыр-
зыгІанхыхыз агІвтшызаджвыкІ къазула йрыквчІвун.
Йрынасыпын пхартшахъвасы аквхІвхІваракІ ацІахъ
уандыркІ йахъанагатІ. Ауи йазната рызкы анын: чІа-
хъва ргІва, фачыгІв йамгвашІахІвата хъамы. АфачІвы
зымгІва гІарахвтІ. Йызшылууаз хъамы атаршвыр-
цІахтІ. Ахъамы мыгъраква зымгІвагы амсыта рщапІ-
ква йырхъарцІатІ. Башлыкъ змамыз Гъари йыхъазла
хъамчва башлыкъ пха Иван йаквышІайхІвауа дзадзыла
йдзахытІ. Ауат тшынла тшпсырщун, рымгІва гІарпшы-
хвуан. Уахъынла йызнымкъвахнацІыкІъара амарагІа-
тшкІарыцІыртала йымгІвайсуан.

Ауи амгІва ауыра ѡадзамырдуз, ргІапсара ѡадза-
гІвыршуз йагІвзачвахаз рыцІагы бзита йабадыртІ.

Иван йакІвымкІва, ахыгІв йакытлагІвта йупхъадза ауашын. Бакъыри АхІмади Ащхъаркт йауан. Агвхъауа ХІа-тІу Бакъмырзей йГатыщІхта АбатахІабля йтабзаквуз дрыуан.

Йара ауи айчважвара апны Гъари йдыртІ, йыгІвзачва шІыцква йызланагаз ар шкІвокІва йГарылщІхырныс рмурадзиштара заман шахъыщІхъаз. Ауаса йГардара гърылымшузтІ. Ауи акІвымкІвагъи, ауат рунагІваква йГарыгІвнаржъыз рцриква рымарыщІлан. Йырдахырквын, дара ныжхта, рцрикагъи рпны йцата йГаркІырныс, йырщырныс йаладыршвун. Абар ауи ауысла, ауахъауат ахыгІвгъи йыцыркІуата, Бакъыр йхІваз:

— Гъари, уара бзита йудырхитІ ИванскІа швангІатхІцаз. АуаъагІваца йыгІбаз згвы йтыщІра, йыззычІара мачІсачІпІ. Акыт апны йГлахІкІыз ахчва йара йъащтІаз, атшква рыгърадырпауамцара, йщтІаргвычІатІ. Йызныкъваквуз пщыгІв хвчва Йынджъыгъ йхъу ащІа йхвындыргылын, рнапІквагъи рщапІквагъи алашлархІван, адзы йтадрышвтІ. ЙшпасхІвара ари асквшкІ ауащІала хІара хІыла йыщІсыз. Уара ухвыта уангІаркІы агІан ХІвсин удынта йуыквыщІаз щта? УалашІахІвата ауандыр уанандрышвыл агІангъи хІъагІагІвсуаз къвтыркІ апны пщІакІ йгварайжъын, хІвакІ гІагвардйыргатІ. Ауи уыкІварцІарныс акІвын унашвата йчпаз. Ауаса йтшгвыхвыз ари Иван йакІвын. АхІва ауандыр ащтахъ йтайырчІватІ. ХІвсин йхІвуз ари акІвын: «ауи ала ахІва йыкІвата дпснацІыкІара далашІахІвата уандырла дынкъвызгуштІ. Абальшавикква хІанрылгарагъи йара ауи ахІва дакІвыршата дпсы-бзамкІва акыт ддсырбуштІ».

— Йахъцата йхуз, хъацІара злам йгвымхараква рыхъазла хІалъабалыкъра гІахІылашвазиштара шарда щитІ. ЗымгІва рацкІыс йаргванта йпхъадзуз Базйат ГІазизгъи къамчыла ддйырзактІ.

— ХІы, ачІвыхІа ауи дзизылахъхаз? — дазцІгІатІ Гъари, Бакъыр йхІваквуз йхъахъвы гІадыргылуа йгъи йджъайщауа.

— Привольна кыт анГлахІахвуаз агІан гІвыджъ гъарта йГаркІытІ. Ауат рщырныс унашва ззырчпаз Базйат ГІазизгъи дрылан. Ауи агъарква рыщищырныс гъйым-уытІ. Ауи ахъазла ХІвсин къамчыла ддйырзактІ. Ауаъа йГашІарышвта ауыгъи йхъа ьатъйгара йымдырхуа, ахъазыкІ хвагата дырцрахІвапІ. ДгІахІыдхІкІылуашын.

Ауаса йыздыруада? ЙгъйызхъахІымцІачватІ. АгІвычІв-
гІвыс йгвы йту удырырныс швабыжта йбаргвыпІ, хІа-
ща... Глазиз йкърарыдара уаргъи йудырра атахъыпІ...

Кизльари Астрахани рбжьара йабу Промысловка
шыпІа аргванква рпны акІвпІ Гъарии йыгІвзачви Крас-
на гвардия отрядква йанырпшІашвах. Гъари йыгІвзачва
ласы йгІайаухтІ. ЗымгІва рапхъа йгІайыныйаз Писарен-
ко дгвыргъьачІвауа дыгІвын Лагутин Егор дгІайыр-
дзатІ. Егор йыгІвза тшйыкІвйыршауа, агвыргъьара йгІа-
лихын, йыладзква йчвгІайуа йхІвун:

— ЙзачІвнасыпйа сара сыхъаз! ЙзачІвнасыпйа,
уара уабгата уызбахырныс! ЙсзыргІва, саща! Ауи агІан
закІытагъи акъазакъква угІаршызгахра гъсылымшу-
шызтІ. Йаргъи, атшы тшаквсрышвта акъамыш саны-
лаххуаз агІан зынла ушхадзысщатІ. Уара акврыс апш
ушкІахІаз, акъазакъ ахІвала дшгІауысыз збатІ. Йсыл-
шаз снарылахысуамцара тшгІапхъаскІрагІваца акІвын...
ЙсзыргІва, Гъари — саща ду!..

АДЗЫХЪКЪАПЩ АПНЫ

АгІапын паса йгІаталтІ. АмазахІван мыз йаквтар-
кІван. Ауаса Ащхъаркт апынгъи, архъаквагъи, Йын-
джыгы йгъи Уарп псыхІваква йырбжьысуа ахІагІарар-
таквагъи сы гърыквхмызтІ. Акыт ауасаква дырхІвуа
йджвыквырцІахъан. Дауытгъи йымаз ауаса швбжакІ
щымтала йгварицалун йырхІвырныс. Хъара йгъимыр-
цызтІ. Йара йуатра ацІыхъва, Йынджыгы аталырта
шІапхарартаква рпны йыкввижьюан. Ауасаква йрыцІаз
асара хвыцква рызджыакІ агъаба йашІахъвмаруан, рыз-
джыакІгъи йгІаргвыцІашуаз амара йацІата, агъаба йа-
шІапсаз ахІахъв гъажьква йрылагІващауа йштІата йы-
чван.

Йуасаква агъаба йгІашІайжын, Дауыт щыбжъан
намазчпара рпны дгІайхтІ. Абдаз гІайахвтІ, ашвымгъы-
цІара йхъарышвыз аджъмачва намазлыкъ гІахъихтІ.
Ауи апещ аквта аджъахашва йыквицІатІ. Йнамазчпара
джвыквицІушта ашв гІайтІын йыгвла Мазан дгІагІвнап-
шытІ. Ауаса ашвхъымса дгІахъымсуата, псайспадза ашв
айыркІыхтІ. Дауытгъи ауи дымгвжважвауата йпхъадзан

дызхвынгылхъаз анамазлыкъ дгІаквымцІуата йнамазуа-
хъты йчпатІ. ЙамгІаква щачвкъвапа дыртагылын ана-
мазлыкъ ахъарышвырта йхъайрышвхтІ. Ахъышв дан-
кІылпш Мазан днас-гІасуа апщІа дпщІаркІвата ди-
батІ. Йыгвла йара дйызпшуа дъайыркъвас тшалайыр-
къванчауа Дауыт дджвылцІтІ.

— Агваны уызгылайа, Мазан? УгІамшылума?

— Анашылрагы алахІ бзила хІахайырדзахтІ. ЗакІ
уасхІвра стахъыпІ,—йхІватІ Мазан йылахъ аквыта.

— АчІвыйа йгІаншаз?ЙуымхІвума щта,—Дауыт ауи
аргваныта дйыдгылтІ.

— Араъа хІныштта, тшпхъахІыркІ. ЙуасхІвуаш
гъуысчІвагІвам. Датша заджвгы йгІарныс гъстахъым,
Дауыт. Ауи хъацІа.

АгІвыгвлачва агІвнабзазарта тдзы ацІыхъва йашІа-
чпаз апещ кІыдара йнашылтІ. Мазан ашвхъымса
дшхъысуаз ачІварагы дахамдзауата йгІаджвыкквицІатІ:

— Суасаква йдсрыфра чва шарда цІтІта йшсыма-
хым уаргы йудыритІ. Йызбаз уасхІвырнысгы гвы анс-
зычпа йахъчІва щымта акІвпІ. ЙсымхІварнысгы сала-
ган. Ауаса йсымхІварыгы йайчву закІы сашІашвапхІва
сшвитІ. ЙгІапшгІауа йалагарквын, ауаъа сара сакІвым-
кІва датша заджвгы сынчІва шапІы шыквйымгаз
йшкытугы йырдыритІта, йгІасыквырцІарныс йалаганІ.

— Йуымраууата, йгІаншаз, уызшІашвас, уымхІва-
дзахума, Мазанмшхаз? — дгвжважватІ Дауыт, йыгвла
йчважвара шираучвуз йзымчІауата йгы гвыгІвмыгІв-
ра гІайылалуа.

— ГІвычІвгІвыс дшыршуаз схъатала йызбатІ. Ауи
шызбаз рдырырквын йамна лъажъа саргы сашІар-
цІуштІ.

— Уара дуымщызтын, лъажъакІгы угъашІарцІушым.
УгІай, Мазан, кІара гІасаухІвырныс усызгІайызтын,
йгІасахІв. ЙуымхІвушызтын, уара йуымадзата йузы-
гІанхаргІатІ. Саргы йшсымдыруа апш ста тштасыгІ-
бахпІ, — атайхІвахтІ Дауыт, Мазан йрауаз ахабар за-
чІву ласыта ййырхІвара ахъазла.

Дауыт йдыруан, закІы дачвымшвадзауата Мазан
кІара гІайайхІвырныс йпны дшгІамйыз. Мазан ари йа-
гІвсуа агъны акІвпІ йунагІва дангІадгылх. Айсра анал-
гагы ауи ахакв ласы дыггІатамылхтІ. Зджъара даъан.
ЧІвытарышврала Шкуро йыр йрылалта йрыцайсквас

дрыуапІ. СквшыкІ айхІа айсра даъан. Астрахань архъа-
ква рпны йыгІвзачва зджъакІквата дгІаркъвнаган, акыт
дгІайхтІ. Акыт апынгы «уабаныз, ушпагІайх» — рхІва-
та йцІыхъва заджвгы дыгътамгылтІ. Йаргы йунагІва
тшадикІылхын, йунашвагы йбыжгы ймыргауа дбзасун.
Мазан дшвун. Совет власть адгъыл гІайызтыз ахабза
шыц дапщІагылата дъайсыз ахъазла къванчагІара ду
шыдыз йдыруан. Аурам дыггІабжъамылуазтІ. Ауи
ныжъхта, акыт апны псракІ гІаншарыгы аджъаназква
дыгърыламылуазтІ. ТширычмазагІвуан. Ауаса чва аны-
гха дабацахрыз. Йуасаква гІатицара атахъхатІ.

— Йацы, — дгІалагахатІ Мазан, — йнасырхІвы-гІа-
сырхІвуамцара ауасаква ЖаквачкІвын ъаджвыквылуа
акІвархъа апныдза йнасырдзатІ. Ауаъагы къомракІ
йсырхІвытІ. УацІыхъван, абначкІвын агІвына апны
млышв хІврашІа бзи гІацІайхъата йанызба, ауасаква
ауыла йнасырскІватІ. Саргы дзыжвра ауи адзыхъ
сазцатІ. Дзы сыжвын, акІвархъа сангІахъалх, гІвтшы-
гІвчва АгышкІларарта йгІашыкІвшауата сыла нарыкв-
шватІ. Ауат хыйата йгъсымпхъадзатІ. Йауа ухІвары-
квын, йхыйазарквын, акыт ду йтамылуата, ачІвыйа
ашыгІвгІвыртаквала йызныкъвушыз? ЙгІаргванхата
сгІарымбарныс ахъаз ласыта ауасаква срызгІайхтІ.
Ауат агвагІварта йтата йанызба абна адзакІа цІлакІ
сыцІачІватІ. АгІвтшыгІвчва бзидздзата йызбитІ. Абна
йылалуа амгІви акыт йазцауа амгІви ралыцІырта йан-
гІадза, агІвыджыгы гІашІастІ. Дара сгъгІарбум. Сара
бзидздзата йызбитІ. Азаджв кІамуна хъылпа йхъапІ,
шаналь ауы йышвапІ, швокъ йыхъвдапІ, ахІва йыбгъапІ.
Азаджв кІвымжвыпІ йышву, адгъа хъылпа йхъапІ. Ауы-
гы ахІва йыбгъапІ. АгІвыджыгы ртшква чарахсапІ.
Тшани алаши хъарачІвыла йгъалсмыргатІ. АкІвымжвы
зшвыз апхъа дгыла, ауахъауыгы ацІыхъва дтагыла, ауа-
са дгІайхъымшвауа, ауат адзыхъ апныла йдырхаутІ.

Адыгъа фашала йгІвычаз атшыгІв сгвы йызгІватІ
дызбахъата. Ауаса тшгІаштІысхта ауи бзи-бзи сипшыр-
ныс схъагвы гъсзаквымцІатІ. СшватІ. Ауат ргвы йтаз
шпаздыррыз? Адзыхъ ъану уаргы, Дауыт, бзита йуды-
ритІ. ГвагІварапІ. Ауат агвагІвара йантал, ага сшваз-
тынгы, сгвы зызгІваз азаджв дзачІвдзу ссырдырырныс
ахъаз, йъадзауаз тшраргвансчІвтІ. АбнацІыхъва аб-
жбынцы кыбраква срылата ауат сырпшуан. Адзыхъ
апны агІвыджыгы тшыжвцІтІ. АгІвтшыкІгы ртшым-

гвархъаква дырльальан дзы ддрыжвтІ. УацІыхъван дыздыруата сгвы зызгІвуз дахъаштІалын, йтшы агъврагы йара йымахта, дзы йыжвтІ. ЙгІвыджъхуз йтшы агъврауи йгІайахвуа йнапІыла йыцыз, акІамуна хъылпа зхъаз, закІ йайхІвтІ, адзыхъ ййырбауа. Ауат йырхІвуз сара йгъсымгІатІ. Ауыгы дзы йыжвтІ. Ауи амштахъ йшвокъгы йахІвагы гІайыхъвдихтІ. Ауат ахІвра йылайцІан йымъашІахІварадза тшйыртІлатІ. Тшиджвджвара шимурадыз убун. КъомракІ адзыхъ дзы цкъа йгвы аныырчвгІауа ауи йшІа йджвджватІ. УацІыхъван йхъа йшІшуа далагатІ. Адгъа фашала йгІвычаз, сара йыздыруата йгІацІызы, йшызбузымцара тшйырхъыччауа дйачважвауа зхъа зшІшуаз дихъадзгылтІ. ЙнапІыцІакІыз атшква рагъвраквагы ауиштын, зынла йахІва гІатихын ахъацІа дйыстІ. АхІва зквшваз ахъацІа йара ауаъа гвытшпла адзыхъ хвыц дташватІ. Ауи анызба сара зынла тшсырпсын, абжынцы кыбра жвпІа апны тшысчІвахтІ. Амара ташвауата, суасаквагы саргын акыт гІвына хІгІадзахъахта, ахъацІа дызщыз датазбахтІ. Ауи атшыкІ даквчІвата атшыкІгы ъадажъта йымата псайспадза Апслыкв бна хвыц дгІалсхын, акыт дгІайхуан. Йыдзхъагылата йгІайдуаз атшы кІвдыр гъаквхмызтІ. АугІа ргвы ймыргІвара ахъазла акІвдыр аквнхын, зджъара йчІвахытІ, сара сшазхъвыцызла.

— ДзачІвыйа ауаса йызчпаз? — дазцІгІатІ Дауыт йпсыцхІа ацІайуа.

— Уалей, Амин шйакІву, — йхІватІ Мазан, йырпсайспадзауа, ахъыз йхІваз ъагІайшыцІуаз дачвырхІахуа.

— Дзапш Аминйа?

— Защ Амин! УалъахІа, кІвтІукІ йщуазшвагы йымбауата, ахъацІа дшищы. Йтшы дайхІвапсачвата гІацІцІуашзапІ. Амин дзачІву уаргы бзита йудыритІ, Дауыт.

— Йщыз йара ауаъа дштІаркІвума?, — йхІван Дауыт Мазан дицІгІауа, дызквчІваз арымдза сгІа дгІаквцІхын дгІагылтІ.

— Йгъсыздырам. СхъынхІвыта ауаъа спшырныс сшватІ. Сара дсщыта йгІасыквырцІарквын щта? Ауаса алахІ сачвихчатІ ауи апш гвымхара сара йсхарныс. Дауыт, ари йуасхІвыз ахабар тІакІв, са сгІалумырпшуата ъджъакІквата апрабльана йдырдыр. Йгъбзирам хІкыт адгъыл апны гІвычІвгІвыс йпсхъа йыцІарымцІауата йштІазларныс. Дара йшыртахъу ауыс алдыргахпІ. Сара йызбаз сымхІвахкІва йыгъсызмчІатІ...

Дауыт йхІвушызгы йчпушызгы гыймдыруазтІ. ЙгІаншаз агІвщра акыт ахъазла йшгвмхарадзаз бергъылын. Мазан йшихІвауала, йщхаз акытква зхчауата АбатагІа апны йаъакву дрыуахара атахъыпІ. Ауаса йнаъазара йкъвайсГарыгы ауи йзыпшГІауа йгІаджвыквылуаштІ. Йгы амалькІ амадзахызтын дГІараухуаштІ. УацІыхъван йаргы ауыс шакІвшаз асатей йгІаквылуаштІ. Амаль гъамам агІвщы дзачІвугы гІарымдыркІва. Ауи апш зынгы йыгъчІваххум.

— Ща йыгымхаргІатІ акыт ща гІатазгауа. Заш Амин тшйыртынчуазшва тшичпузтІхІва, ахІаджъратква дшрылу йшкытугы йырдыритІ. Ауаса уара йшухІвауа апш йгвмхара йхътІыта ужвы йъагІадзазгы йгъгІацІи-мырпштІ. ДжькІа зфаз дзы йжвхитІ,—гвмхара зхазгы йзымгІварыгІатІ...

Ауи йажваква рцІыхъва днаймырдзауата Дауыт дгІагІвыцІкъатІ. Мазан дгІагвжважватІ.

— ЙгІасгвынгІвытІ йухІвара утахъу: гІвы дызщыз йгвмхара йщала йхахргІатІ. Ауаса сцата йшпарасхІв-ра, хІкытлагІв йсымдыруа заджв дищытІхІва. Скыт-лагІв снапІыла дшпадсыркІра? Ауи йцриква шпагІаспш-уаш?

— Ауи хІкытлагІв йщыз дгъгІвычІвгІвысмызмищтІ? Ауи цри гыймамызмищтІ? Ушпахъвыцуа уара, Мазан — дгвжвкІуа далагатІ Дауыт.

— УацІыхъвангы гъауыркІ йыхъазла адгъа хъа-цІажвкІ гвмхара дашІасцІарныс йангІалуазшва йгъыз-бум. Уара уапшы, йшутахъу.

— ЙауитІ, Мазан! УызлагІасыхІвауа насырдзарныс усыргвыгъитІ. ЙгІасаухІвыз ауыс уара уашахІатта заджвгы йгъисырдыррым. Ауи йацта йуасхІвитІ, ахабар йызквнагу рпны йнардзамкІва амаль шамам. Уара уыз-лагІасыхІвауала усыргвыгъитІ. Уаргы сызлауыхІвауа сзухапІ. Зджъарагы уымцан уахъчІва. Йачпара гъаъам-йатауасхІвхитІ, уара угъгІалсырпшуашым. Ауасагы сыгъчІвазлушым. Ауыс дсырдыруаштІ йыздырра зквна-гу.

Дауытгы Мазангы ацгварцІтІ. Мазан рпны дцахтІ. Дауыт йхІамшвкІвытІ лаба йызквла йнапІква йыркІы-ларпа акыт ауысынкъвгартала дджвыквылтІ. Ауи дгв-жважвун.

Алагъ КІавкІаз апынгы Совет власть йнаскІап-хъадзагы тшарыбагъун. Ймамырхищтара йагІвсхъаз

асквшка руацІала акыткавагы астаницаквагы бзита тшадыркІылхтІ. АугІа ртыдзкавагы, рчгІвычаквагы, рфа-чІвквагы йнаскІапахъадзагы рыцІа-рыцІа йбзихун.

1921—1922-хуз асквшка руагІвра йгІанагыз амла йгІахъшвалквас абзаара, анхара тшартуан. Амла ба-ракъатрала тшапсахызтІхІва, авласть агъачваквва ргвым-хараква гъашІадымрыссызтІ.

Йшбергълы апшта, Алагъ КІавкІаз, Ставрополь йгы йалкІгІата Кубань область йауаз Баталпашинск отдели ауи йадзхъу ашыпІакви рпны абандаквва раб-джъар гыштІарымцІасызтІ. Ауат совет власть анхагІв-чва рщуан, акытки астаницакви йгІартасуан, аткван-ква, абзаагІвчва рхІвынчІун. Асвш 1920-хуз агІапын-ква рагІан Деникин йыр аналадрыхъваша ар шкІвокІва афицарква, абайачва йрыуата щардагІвы банда гвыпта тшадыркІылын совет власть йайсуа йджвыквырцІатІ. Акъазакъ станицаква йгы ащхъабзаагІвчва кытква рпны, ага йщардамызтынгы, къару чІвагІвакІгы рыма-мызтынгы, ауат цІагылагІвчва раууаркІвун. ЙцІабыр-гыпІ, абандаквва рпхъадзаралагы рымчлагы сквшигІа-дзагы йкІвадахун. Ауаса ауат шварагІвара згІва ахакв апны йынкъвыргауаркІвун. Ауаса акІвын йшаъаз арат агІаншараква анакІвшуз асквшка рагІангы.

Дауыт Совет власть йапшІагылата йайсыз йыгвла Мазан йбаз агІвщрагы ауат абандаквва руыс гвымхаква йшрыуаз йдыруан. Ауи йапшдзата ауи йдыруан, ауыс шгІаншаз йара йылаквала йшибаз йхІвахырныс Мазан йзимуазгы. Мазан абандитква дырчвшвун. Дырчвшвун дырщырныс, дырчвшвун уахъынла йгІайгвыквста йуна-гІвагы йпыщІагы амцІырчІварныс, мца гІайыларцІа-та дырблырныс.

Дауыт райша акыт Мурсанов сынкъвгарта днашылтІ. Ауаъа йыгІвназ аписарь Мурманов Алексей Федорович за-джвыкІ йакІвын. Муранов акыт йауаквас апхъалагы бзита дырдыруан. Ауи абайа Мазаев йпны чрынта дпщІан. Урышв чвахра акыт йауаквас абайа йпны йанцаларыз хъпшылыгІвта йрыздыргыллуз ауи йакІвын. Ачвахраква йанрылгарызгы ауи йара йынхара уыс да-таддыргылхлун: абайа дйадгбылхчагІвын. Зынгы йы-гыгІанамшатІ «абайа йадгбыл, йхІвырта швгІаквылтІ» — йхІвата чвгъара ауи заджвы йзихахъата. Адгбыл йгІа-квыштхыргы, ауыс айшара гыгІалимщтуазтІ. Ауи ахъаз-

ла акытлагІвчва Алексей зынги дгырчвыгмыгмызтІ. Ауди дшзапхуыз, дшыгІвуаз рдыруанта, авласть анщаквгыл акытлагІвчва йхІван дырписархарныс ркыт дГардта дтан. ЗымгІваги йхыыз злархІвуз Лексейын. Йтдзахыызги йбабахыызги акыт апны йыздыруаз заджв-гІвыджзырын.

— Лексей, Гъари дабану? — йхІван Дауыт йара йыбызшвала аписарь дицІлатІ.

— Уехал,—йхІватІ Алексей Федорович йара йурышвыбызшвала. Ауди абазаква дъадзарецбзазахъаз азаман ауацІала, абгата дзаламчважварги, йырхІвуз айхІара гІайгвингІвуан.

— Ауди асхъан усыцнайра атахыпІ, Лексей. Хырхъа апны гІвы дырщытІ,—йхІватІ Дауыт агІвыбызшвакІги алайсауа.

ЙшаъазлакІги гІвщра шГаншаз Дауыт аписарь Алексей Федорович йГІайгвинйыргІвытІ.

Ласыла Аджыпа Дауыт-лыгажви акыт уысынкъвгарта аписарь Алексей Федоровичи йтшыгІвта, ауысынкъвгарта ачІапщакІвы Кырбыдж Азаматги тшыуандырларцІыхъва дтагыла, акыт йрылсын, Абна чкІвынла йдырхаутІ. Ауат ъаджвыквлыз зыпщІа йтшкІаралта мадзамадза ахІахъвгвара йГІахъпшылуаз Мазан заджвыкІ йакІвпІ гвы азтыз.

АГІапын паса мара йаргІваз архъа мгІва анышвышыкІва атшкІва щакІхъдрысылуан. Адзырырта апны йнакІвызлакІги йщардазлауа ахІахъкІва ачарх анырхвынгылра агІан йапшта, ауат Азамат дзынчІвалаз ауандыр аладрыкацун. АшІапхарартакви адзкІырта накъвыртакви рпны адгыл аквайчІвара уымбахуата йчІыхврахъхъан. АГІапын амч шарыбагъуыз агъагъара зымгІва йГІаныпщуан: йпхагІвын, ахІвра гІайуан, абна тшарчІыхвуан.

Дауыти Алексей Федорович гъамайчважвузтІ. Йзамайчважвуз дасу рыбызшваквала абадырра дукІ ъарызбжъамызгІваца гъакІвмызтІ. Йзызцуз анашхыйара агІвыджыги ауди аъара йыргвасранта, ачважвара ргвы йгъазГІамиуазтІ.

Абна чкІвын ащакІги йыцІста, Жаква хвыц ахъахътшанхъаркІыл йахъагІатыцІги рымдыруата хысра быжкІ рхъгІатІ. Ауат азаджв азаджв дипшыхтІ. Ауаса закІги гърымхІватІ. МгІварыгІвги гърымчпатІ. УацІыхъванги йатагІархъхысылхтІ.

— ЗныстІ, хІаба! Араѣа закІы аѣапІ — йхІван, Алексей Федорович дгІашІастІ. Ауи йджып йтаз акІа-рахІва гІатихын, йщхъвайрысуа ахы танайыргатІ. Ауандыр гІархъдрыдзан, ауи унашва йчпатІ, Азаматгъи йшвокъ ширыхІазыруашызла. Дауыт къамчымкІва абджьар гъйымадзамызтІта, йахІвра атахъыз закІын, йщхаз дштІата ѣархІвауа апныдза дымцауата йгІахъын-хІвыхнацІкІѣара ацІахъыла тшпхъайкІта дрызпшырныс.

— Йауа, симаныдума сара? АлахІ йымхІвауата закІгъи гъганшушым. Ауи йхысуа хІара хІйымбауата ахъазгІваца дхысуазтынгъи гъхІыздырам. Ужвы архъаква, ащхъаква, абнаква рпны агагІвгъи хыситІ. АцІайквэгъи йкІларышвта йгІарауитІта ашвокъкви акІѣарахІвакви йрылахыситІ, йрылахъвмаритІ. Швнай, швнай! ХІуыс хІшвырба! Ласы йхъвлуштІ, — йхІван Дауыт йапхъала дджвыквылхтІ.

Ахысра быжьгъи ауи ахІа йыгъгІамгахтІ. Дшрымбаз апшта йгІахысуаз дзачІвызгъи ауат йыгърымдыртІ. Адзыхъ ѣагІацІуаз акІвархъа йаму агвагІвара хвыц апны ауат йырбаз алахІ уачвихчатІ. Адзыхъ гІвынаква зымгІва шагІвацан. Ауаѣа тшгІащтІызхъаз ауадабыгъь апны квпынцІара кІышвра зму ахъылпа йахърышвту асйакъ цІола йапшта йщтІап. Адзыхъхъабырг йамаз акыбра апны йцІахъцІацІа чгІвычаква рахІа йышвамкІва заджвы дылан. Алексей Федорович ауи йлакта дштапшуаз, гІархІара йылата йхІватІ:

— Ари сара дыздыритІ. АбатагІа дгІатыцІын йацыщымта хІкыт ауысынкъвгарта днайын даѣан. Уыста йымаз сара йыгъсымдыртІ. Гъарии йари къомракІ йайчважватІ. УацІыхъван дѣацушыз амгІва ййырбарныс йацы чІапшагІвыта йызкъазута йаѣаз дгІайыцицІан архъала йгІайтІ. Йыцызгъи йаргъи гънахънымхІвыхтІ. Саргъи уыста йсчпата сгъырзымцІгІахтІ. ЙангІауарымхІвра йыншаз шпаудыруаш...

— Азамат, — йхІватІ Дауыт, швыгвла Амин рпны даѣата дубама йахъчІва?

— УальахІа, гвы шйысымт. Дабауштиуаш даѣамкІва? ДаѣазапІ... — йхІватІ Азаматгъи дкъапшхауа (Азамат йгвы йгІаташватІ, зынла йыгвла Защ Амин йацы йхъвлауата ѣададжъта тшы чарахсакІгъи йымата рпны дгваралхуа дшибаз).

— ГІвычІвгІвыс йыхъызта ауаса заджвгъи йгъизычларым. АмгІва зуырбарныс уызцырцІауа агІвычІвгІвыс

адзых даурайхІвапсата, дзы шйжвуа ахІвала уйыста дузыщрма, ура?

— АлахІ сачвихчатІ. ЙухІвауа ачІвыйа занаджъя? АчІвыйа, Дауыт, ауаса уызгІасцІглауа? — йхІватІ Азамат, Дауыт йазцІгІара йгІаныцІуаз йгвы йыцІакъацауа.

— Уара йуымчпарыгы уыгвла хъацІа ауасабырг йчпатІ. Абар уипшы ауи йщыз ахъацІа харзына. Швыгвла Амин йакІвын йацы ауи амгІва йзырбарныс йгІайыщырцаз.

АхыгІвгы ацацхърыгІауа апсы дгІаштІырхтІ, ауапІа дамгварцІан, ауандыр данырцаІатІ.

— Ужвы, — йхІватІ Дауыт — хІсакъра атахъыпІ. Ауандыр сара йнасцхпІ. Швара абджъар швымапІ. ШвтшыгІвызтын рыцІа закІ швылшапІ. ЙалудыргІауайа? Ауи йхысуаз зджъара дгІахІпшІалырнысгы закІы гъазхІвам. Гвымхара йащцауа гвымхаракІла дгъашІасуам. ХІайда, швнагвжважвах, марджъя. ЙхъвлитІ. Швсакъха.

Амара аташварта йнаквххъата апсы дызныз ауандыр акыт ауысынкъвгарта йадгылтІ. Ауи аргван угІа азнахахъан. Ауат йгІаншаз гІаргвнымгІвуа йазацІгІахуа йалагІваласуан. АбатагІа йгІатыцІхта акыт йгІайхыз Аджъпа Гъари астаница йщтийыз атшыгІв йгІайхра дазыгвжважвун. ЙгІаншаз анидыр, ауи Алексей Федоровичи Дауыти ъацаз дгърыщтамцатІ. Зынла Защ Амин йпныла дтрыстІ. Ауаса Амин рпны дгъаъамызтІ. Ауи акытгы дыгътахмызтІ. ЙпхІвыс йшылхІвазла йацы йгІайдыз атшы кІвдыр аквицІан, йара йтшгы ъададжъта йыдзхъайыргылын, дгварцІтІ. Дъацуз гъйымхІватІ. Гъари йдыртІ, йчвгъахара щІламкІхушыз гвы анайт агІан, Защ Амин йхъа шджвыквигаз. ЗакІы гъазхІвамызтІ, ауи дзабадыруз абандакв дрылалдзахырнысгы дджвыквлырныс. Акыт йалста Арукъыз кырагара йцуз агІвурывшвчвагы рщыта, рычкввагы руандыркввагы андумпха агІан Амин дангІайымкІы Гъари дшгІващаз ужвы йдыртІ. Ауи йыгъхъайымцІузтІ, йахърыкъъата закІылагы тшгІалзмышхІвауа йбзазуз ркыт хъацІа ауи апш гвымхара йхарныс. Ауаса дгІващатІ Гъари. Агвымхара зхуз ужвы дидыртІ.

Ащы ауандыр дгІанырымхскІва АбатагІа йгІатыцын абджъарла йахъахацІах тшыгІвчва къомкІ йгІадырдатІ. Ауат рыгІвза дщыта ауандыр даныта данырба, йгІатшыжвцІтІ. Рызаджв, йшаъазла драхІба-унашва-

чпагІвзарын, Гъари дйыхІватІ, йщхаз йара ауи ауандыр-
ла астаница ддйргахырныс. Гъари араса йхІватІ:

— ...Ауи йпсхъа хІкыт йауаквугъи йшвыцнагІдасра
хІтахъыпІ. Дъадзыз хІкыт апны акІвпІ. Ауи дызщыз-
гъи йгъцІакІырам дзачІву — хІара дхІкытлагІвпІ. Ауа-
са йыншушта йыздырда?...

Дчважварныс ажва ахъацІа йгъизымхъузтІ. Айсра-
гъи аъахымкІва, ймамырта, амамыр кытква, астаница-
ква йгІартшуз арыцхІагІараква йзалалын ауыгъи да-
квырщуан, ддырхъвыцуан.

Йара ахъвлапын Кырбыджъ Азамат йтшыунадырла
йщхаз ахъацІа йпсхъа астаница йыргхатІ. Ауи йпсхъа
нардасуата акыт йауата тшыгІвчва гвыпкІгъи ацІы-
хъва йтагылтІ. Гъаригъи ауат дрыцын.

АмгІва ага йауырамызтынгъи, астаница унадзанацІыгІ
кІъара анагІвай кыт ауыра ацІыхъва адзы уырра ата-
хъын. АтшыгІвквагъи апсы дызныз ауандыргъи адзы
йталгІвацатІ акІвын хысра ду гІащтІыцтІ. Ауандыр
йацІахІваз атшыкІ хы гІаквшван, ахъа арыкацара гІва-
ца ахІа алымшахуата йара йшацІахІваз адзы йта-
хІатІ. Бзита йалабыджхъанта ахысраква рмачвысра хвы-
цква адзатшпы йамаз абна цІагъа йшгІалцІуаз рбун.
Апхъа адзы йырскваз ажрасноармеецкви акытлагІвчва
йрыуата абджъар змаквази йахъъагІахысуазла йаба-
рыстІ. Гъари ауи йапшыз алакшараква гыпычІвбара-
мызтІ. «Арыла, сцІыхъва швгІатагыл, марджъа!» —
йхІван, абна цІагъа агъьмала дгІакІвшауа дтрыстІ.

Ауи асахІат хысракІгъи гъаъахмызтІ. ЙгІахыскваз
гъцардагІвымызтІ. Руыс аквымшвушта йанырба, тшыр-
чІваххра рмурадта йгІалашцарахуз ауахъ тшаладыр-
гІващахуашын. Зджъарала тшпхъаркІхуан.

Абна цІагъа агІвадахъ гІвына апны йаннадза адзгІы-
хырта йбжъаххуаз тшыгІвквакІ Гъарии йыгІвзачви йыр-
батІ. ЙгІахыскваз ауат шракІвыз ГъарийргІа йшпарым-
дырхрыз? Ауи адзгІыхра ъагІалагузгъи йъалгузгъи Гъа-
ри йдыруиштара щарда цІуан. Иналь йпа Тамщыгв
йпхІа акІважва длымцІаста апхар данырнапІыццІуаз
агІан дызчІвахыз йара ауи адзгІыхра цІола акІвын. Ауи
ахІаджъратква збжъаххыз адзгІыхра абжъалыртала
рцІыхъва дыгътамгылтІ. ЙыгІвзачва напІы гІарзичпауа
ауи адзгІыхра ахъа гІаджвыквлырта абна йъадсылуаз-
ла йтшы йрытрыстІ. Ауи дшазхъвыцыз апш ачвгъахачва
адзгІыхра йгІатышвтын, абна йшылаххуашыз йырп-
шІахтІ.

Ахладжъратква гІвуджъ раКІвын йнадзуз. Гьарии
йпхар гІвзачви агІвуджъгьи дымрыпІатІаууата йара
ауаѣа йгІакІвдыршатІ. Азаджв Защ Амин йакІвта дгІа-
цІцІтІ. Ауахѣауи дагвхѣауан. Гьарийгьи йыгІвзачвагьи
дзачІвыз гьрымдыруазтІ.

Гьарии йыгІвзачви Защ Амингьи ауи йыцызгьи атш-
ква йшрыквчІваз дара ркІвдырква йырташІархІватІ.
Ауат ртшква рагѣвра хваква закІы-закІ агвып рыуа
гІвуджъ йыркІытІ.

— Адзырырта швазнайх! Арат агІвуджъгьи швырхы-
мсуата йнашвырдза! — йхІватІ Гьари дтшыжвылхуа.

Дара ахладжъратквагьи ауат гІазкІыз апхарыгІвчва
рыуа заджвгьи мчважвауа, зымгІвагьи адзырырта йна-
дзатІ. Ауаѣа ахы эквшвата адзаквта йтарщыз атшгьи
адзы йгІатырхІван, ауи атарала кІвдыр эквырхыз датша
тшыкІ ауандыр йацІархІвахъан. Йара ауи йшджвыкв-
лыз йапшдзата, рыуа заджвгьи дымчважвауата, ауат
рымгІва йыквылхтІ. Астаница аргван йнадзауата, Гьа-
ри акрасноармеецква ркомандир, ауандыр ацІыхѣва
йтагыла йымгІвайсуаз, йтшы йхьыридзан йайхІвтІ:

— Абани акІвымжвы зшву йакІвпІ хІыгІвза дыз-
щыз. Йыцу дзачІву гьсыздырам. ХІнадзарыквын дгІа-
бергьыльхапІ.

— ЙангІашвкІуаз агІан йырчпузйа? — йхІван ако-
мандир йажваква агІыла йгІайшІищтуа йхѣа Гьари
йзынайырхатІ.

— АжвакІгьи гьгІаршІымцІтІ. Защ Амин, дгІахІкІ-
ра дазпшдзузшва, хІанипырахх агІан дгІашІасын, акІв-
дыр дташІахІхІванацІкІѣара зджъаралагьи тшгьим-
рыпІатІаутІ. Ауаса анахъани йшвокъ гІайыхѣвдихыр-
ныс дшахамдзахуашыз йдыртІ, йакѣама гІатичІвакын,
дгІакшарныс дгІахІыжвылтІ. Ауаса дгѣахадмырдзатІ
агІакшара. Йакѣамагьи йнапІыцІдырцтІ, йаргьи дща-
квыркІытІ.

* * *

ЙаштагІайуаз атшын йхѣвлауата акІвпІ Гьаригьи
йыгІвзачвагьи акыт йангІайх. Акыт йангІатыцІуаз йап-
шта, ауысынкъвгарта апны угІа шардаркІван. Ауат Защ
Амин акрасноармеец дѣайщыз акыт йрызгІалцІуаш
ддырдырра ахѣазла акІвын ауаѣа йзалагылаз. Йны-
кѣваз абыз йшгІахѣыцІызла, ауи ахѣазла акыт шабгу

тыргушта йачвшун. АзджьакI «хIара йхIльажьайа? Дызщыз Защ Амин анякIвзара, ауи йхIаквым данырцIа-рыгIатI» — рхIвунта аладз кIадрьчIвума ухIвушта йайшшуан. АзджьакIгьи йахьдрыкьяауа йырхIвун: ауаа алапшра гьяахым. Авласть агIвычIвгIвыс дьарщыз хIкыт апны акIвпIта, ауи альажья хIшкытугьи йгIахIыквырцIуштI, хIтыргуштI. ХIтрымгузтынгьи да-тша балахI льяжьякI хIзырхуштI.

Дара ауат дрылагылата йбыжьгьи тхIахын, дашIам-суа дчважвун ХIатIыщ Бакьыргьи. Бакьыр йгIазгвным-Iвуаз йкытлагIвчва йрайхIвуан:

— Совет власть льяжья йымамкIва заджвгьи кьван-чагIара гьйыквнацIум. Уа, хьагаргIа, швакьыль швхь-тышвымщтын! Акыт зымгIва льяжья рымата авласть йгьяпхьадзум. Акрасноармеец дызщыз йакIвпI ахабза зхIаквым ахуш. ШвамцIыцIхта швкIватанква адыжв-гал. Йгьшвымбума, астаница йауакву рчвагьвара йшал-гауа? Шва швгьымчвагьвушма? Швгьымчахуашма? Швгьымбзазахуашма? Йгьшвымбума хIыгвIачва йырч-пауа?

— Астаница апны радгьылква ддырбахьатI. АчIвы-йа йзырмчвагьвуш, адгьыл апыртзара? ХIара ачIвы-йа йхIурычвагьвуш? Йабоу адгьыл? — йхIвауа йыгIв-напIыкIлагьи йхьылпажв рыцIагьи йгIайхьайырщцуа ТахIванажв Кьальябакь Бакьыр дьйквцIритI.

— Адгьыл гIахIыртырныс акIвпI авласть ахьазла аща хIрычIвауа хIзайсыз. ХIы, цIыпх йгьгIауырымтма адгьыл? ЦIыпх йхIадзас адгьыл сажнала йгIаквызцIау-амцара йгIашIызчIвас схьатала сарабырг гьсакIвымма? ...Йбжьи рыцIагьи йырдууан ХIатIыщ Бакьыр, йахI-бачва щардагIвынта дута дьачважвуз мацIкIгьи дакIуа, ауаса дчважварныс шитахьу гIайныпшуа. Ауи йтахьын зымгIва йатадйырдырхырныс Совет власть ахьазла дшайсыз, адгьыл гIарыртра апны йара йбзирагьи шалу.

— Щта, ужвы хIара акыт хIуыс шпацара атахьыйа? АгвIачва йалаган йчвагьвитI. АгIапынгьи хIара йхIы-зпшуашма? Акыт гвымхара хIзыгIатазгаз — Защ Амин дгIараута йхIаквым данырцIанацIыкIьара хIчIвазлуш-ма? АлахI йдыригI йзапш бну ауи дьалу, йзапш кIва-ру дызту, йзапш хIатшпу дызцIу... — йгIвыдмыдуан акытлагIвчва.

— Салъам алейквум! — дгІатшыжвѳуа йхІватІ Гъари.

— Астаница атутанакътара дтачІвапІ зунашва швѳпауа, джъамгІат! Ауи тшаквнашвмырщыхын. ЙгІанша ачІвыйа, рачвакІы гвып дута тшадшвкІылтІ? Датша уыс гъаъахымма?

— Уальейквум салъам, Гъари! Йара ауи йгІаншаз акІвпІ хІзалагылу. Акрасноармеец дызщыз хІкыт дъауу ахъазла зымгІвагыи хІтыргарныс рхІвитІ. Абар хІайзатІ, хІалалта агвымхара йащцаз Защ Амин ачІвыла дыщІалызтынгыи дгІахІауырныс... Лъажъа йыквшватІ. Ауи йакІвпІ акыт лъажъа гІатазгаз, — йхІватІ йалагылакваз тшгІарылырхІвауа Базйат ГІазиз.

— ДзачІвыйа акыт тыргушта зхІвауа? Ауатква шгвымхара гІахъвыщру анат алыгажвква йрымдырыргыи, ура йудырра атахъыпІ, ГІазиз! — дгІагвыжвкІтІ Гъари.

— Сара ачІвыйа? Сара закІгыи гъсхІвум, — гІацицІахтІ ГІазиз аджъамгІат тшгІарылырхІвата апхъа дъачважваз дайгІваджъхуа. Ауи Шкуро дйылата, авласть дапшІагылата дайсуа Темрыгвдзагыи дрыцтхъатІ. УацІыхъван дызцайсквуз Кърым йцахырныс ахъазла ахъвыхІква йрыквчІвауата йаниба, дырчвгІардан, йшаъазлакІгыи йкыт дгІайхтІ. АхІаджъратква йа датша агъачваквкІ авласть йазарархауата уыскІ гІаншата йдырырквныз йпсы йхъыщІуан. Йара йыквырцІата ддыркъванчущдзищун. Акыт йтаз драпшта дынхун, тшгІацІимырпшуа дбазун ауыгыи.

— Йтгара атахъугыи йтрымгушгыи ахабза йалнацапІ. Совет власт лъажъадъа заджвгыи дгъаркъванчум. Защ Амин дгІахІкІытІ. Атутанакътара дтачІвапІ. ЙыгІвазгыи йаргыи тачІвапІ. Ауыс йызнапІыцІакву йалдыргапІ. Швара, ауи тшаквнашвмырщыхуата, швшбазуш ацІыхъва швтагыл. Йгъшвымбума, акытква шчвагъвауа? — йхІван Гъари ауысынкъвгарта днашылырныс тшазичпатІ.

Ауаъа Бакъыр дгвжважвауа йхІватІ араса:

— ЙыгІдыритІ, хІчвагъвара шатахъу. Ауаса адгъыл хІдмырбаскІва хІъачвагъвуш шпагІдыруаш?

— Адгъыл йара уачІвы чІвы дрышвуамца йшвдырбуштІ. Ауи зшаквуш швара йалшвх. Алексей ашвъаква йымата дшвыцызлуштІ. Адгъыл сынчІва рыцІагыи йатагІалахІахтІ. АбатагІа швъа гІарщтитІ, Джъалакъанр-

жвта йгырхІвум. ЙбжацІабыргыз йбжамцыз ахабар
Ащхъаркт йГІадзатІ. Дауыти ХІамзати, талмачгы дры-
цырцІан, акъвтыр йцатІ. Акъзакъ дГІарауын йцІГІатІ.
Ауи Гъари дбзахымкІва йрыбагыауа айщчва лыгажв-
ква йГІарайхІвтІ. Айщчва лыгажвква рхъаквагы ргв-
квагы кІашван ркыт йГІайхтІ.

Йпсхъа рыпщІа йгваррымгазтынгы Гъари дыр-
чІвутІ, йджыназы рчпатІ. Йахабзас аъара заман ана-
хъыцІ агІан йпсхъвы рчпатІ. Ауи амштахъ ГІвымызкІ ра-
ъара ахІа ахъырымштуата лъахІыльчва гІайын, Гъари
йтагвжва, йтаца чкІвыныркІваз ркыт ддырцахтІ. Ауи
аъара йпшдзас апхІвыс шІа ауырата ддырчІвузма? Дыз-
хІвайрыз ласдза дГІанайаутІ. Ларгы, «момо» лым-
хІвауата хъацІа дцахтІ. Гъари йчІвыта ГІари гылма-
усызтІ ауи.

Йаба йашажв Дауыт йыхъазла акыт дГІайхта
акІвын Гъари йшипхъадзуз. Ауи Ростов апны «Россель-
маш» завод ауыхвара анГІаджвыквырцІа, зымГІва йрап-
хъата ауаъа йынхауа йалагакваз дрыуан. Алагъ КІав-
кІаз, Къвбина, Дон ачкІвыныргІа йыруыхвуз «Россель-
маш» анхаГІвчва граждан айсра йалаквас йрыуатагы
щардаГІвдза рылан. Араъа акІвпІ йыГІвзачва рыргвыш-
хварала Гъари апхъарагы ъагІаштІихыз.

Ауаса йаба йашажв Дауыт «акыт угІамихкІва спсуз-
тын сгызыразымхІва» йзымкІва йадирыхІвыз ахІва-
ра гызымгваштІ. Акыт дГІайхтІ. Ауи дГІайхта Аба-
таГІа апны йанырдыр, зынла аджъамГІат азырддан
акытсовет дапредседателята далырхырныс ауыс адыр-
галтІ. Ауи асовет апны дынхауиштара хмызкІы айхІа
цІхъан. ЙуысшІыцдзас—акытсовет ауысынкъвгара—
Гъари йыхъазла йбаргвын. Ауи рыцІагы йдырра йа-
лайырхІара йтахъын. Граждан айсра асквшква раГІан
абакІраква йырсайыз йыхъазла зымГІва рацІкІыс йхъа-
даз аугІа рхвitra, рынасып, райщчвара дрызгылазара
акІвын. Ауат рыхъазла йпсы ашІайцІарныс дхІазырын.
Акыт апны рыцІа йрыцІаквас дырквцІан. Ауат дыр-
цхърыгІаГІвын, дырхчаГІвын, дращан. Ауаса акыт апны
байачвагы гьмачІмызтІ. Гъарии ауати абачІаГІвацун,
зынгы йрызбжъамыз аргванра рыцІагы тшарыхъара-
ра акІвмызтын адгылракІгы гьрымамызтІ. Ауи йгыГІай-
гвнымГІвуазтІ, йГІайгвынгІврагы гьитахъымызтІ,
млыкв щардаз зынла йызГІарыквырымхуаз, ауат рым-
лыкв арыцІачва йзырзырымшуз.

Ауи йгвы зынгы йыгытымцІуазтІ совет власть ахъаз-

ла аугла щата зъара дрычъаз, глапсарати глазбти йыргвашыз. Йара йхъатала авласть азабакыгъчва дрылата, граждан айсра амгла баргвы ауыраква рщарда гламидат. Йцри кыт йаргвандзу Джъаман-алгъа йджвыквиз аз йабакра амглаква Астрахань апхартшахъваквagy Дони Украины рырхъаквагы амайдырыст. Буденный йтшчва ры дрылата Варшава аргвандза ауат ауи днадырдзат. Ауи йаштаглауата, граждан айсра алгауата йанырпхъадзугы, асквш 1920 аглан, Алагъ Клавказ апны абандаквa рхъа англаштыргы ауат раларыхъвашара далан. Швхлагваща дзыгъв агладжвыквлырта Гвызарыптла ащхъаква рпны аполковник Васильцов йбанда анларкыуаз аглан йпщынхуата датаглархвхт. Ихвирта шбзихахуаз атшы датаквчъахын йхаквлагъв батыр асетин Хуцистов Николай Петрович дйыцта Георгиевск, Нарцана, Айсантыгъв, Гвымлокт, Бакышт раргванква йаъаз абандаквa драбакыуа дайсыт. Хуцистов унашва зхъицъуз атшчва дивизион айсра къвырлыкъвхаруа уысла Украина йанатыпуз аглан акъвп. Гъари ар дангларылцх. Глапсарата йбаз, хвиртата йчхъаз йгарылцрала йызгъадара йалдзглан акъвырлыкъвхаруа дгларцт. Ауи аглан адивизион Ростов йгылан. Йара Хуцистов йакъвп ауаъа Гъари дапхарныс ауысква анзыргалызгы. Абар ауи ужвы, айсра шалгазгы йцри кыт, кыт мамыр, апны дглайхта дшаъугы йгвы гътынчым. Йгътынчым апхъала ацкыс агала ймачхазтынгы, йаъаркыуа абандаквa рлагвыквсраква. Ауи йапшдзата йыгътынчым, абайачва рымыкквa рыцлагы йрыладырхъауа йъаныркыуа ахъазла. Йыгътынчым Совет власть ззгаргыз, рща цкъа здрычъаз арыцхачва йара йшаъаз йапшхмызтынгы араса йара йшитахъу апш зынла къвлейта тшъаглаштырымхыз ахъазла. Ауи йара йхъата унагла талплазгы йгвы йасит. Тшзитыз анхара йхътанкъахын мачкы дащцахт. Йаба йащажв Дауыт дъанызлакыгы дшйызпшуаз йдыруан. Ауи алыгажв йара йыхъазла глапсарата йчхъаз зынгы йгыхъмаштылуазт. Ауи йгвы йыртынчра йтахъын.

Гъари дзыгъаз йаба йащажв Дауыт бзи дибун. Ауи йыхъазла рахъа йбаргвдзу ауыс йхарныс, рахъа йхъантадзу аглапсара йчхарныс дхъазырын. Дъайцрийу гъаца гъакымызт Гъари ауи бзи дзибуз. Йгвыцкъара гычгвысыгара, йцлабыргыра, йхъалъальра, къвышра заджвыкыгы злам йхътыра ракыын ауи алыгажв

рыцлагы бзи дзибуз. Йара алыгажвгы йаша йпа ауи аъара бзи дибунта, ауидаъа датша бзазара йымата йгъизымпхъадзузтІ. Йыуахъгы ййтшынгы гвтарата йымаз закІын — Гъари йыхъазла бзиракІ йхара. Ауи тагвжва дъайымамыз алыгажв даквнашуан. Ауаса тагвжва дшгІайгуашыз йадирыхІвра гъизамайквуазтІ. «Дабацира, йхъа знымзара зны йгІаташвапІ унагІвара йчпара шатахъу, йылахъ гІацІцІпІ ауыгы»...—йхІвауа, абзира дайгвгъауа дбзасун алыгажв. Псайспа ачкІвын йымхІара аддйыргалуан. Йхъатала аджъармыкІа чвыуандырла дцатІ. Таца дгІаргуазтын амхІара йыгІвнадыргылуашыз чвартагъвы йхвгІатІ. Ауи йхвгІата йгІайгыз айха чвартагъвы апш Ащхъаркт апны йызмаз заджвгІвыджъ унагІвазарын. Агвлачва пхІвысква дрыуата заджвгы дыгъгІанымхатІ йгІайта ауи ачвартагъвы йампшыз, йамайхІвахІвыз, йтачІвата ахар апны тшызмыруушыз. Ауат зымгІвагы, йшырхІвауа апшта, «йгІарымкІысыз амшв ачва ахъырхуан» — ДауытргІа ртацагІагра акІвын йражва ауыраз. Йара Гъари тагвжвагІагра йгвы адзакІагы йыгъкІыдмызтІ. Адгъыл ласыта йдыршара, йызлагІадыргвыгъаз атрактор йзаланхуш дгІаура, ауи атракторла рыцІа йквлейсызу акытлагІвча радгылква дрычвагъвара акІвын Гъари хъвыцрата йымаз.

АЛАХІ ЙХЪВЫ

Акыт хъачвакв зымгІва абарыс йаштагІайуаз атшын архъа йтыцІтІ. АйхІарагІв тшыгІвын. Йаъан зкІватанквagy ауандыркв йрынзыргылта, йара ауи атшын йджвыквырцІата йчвагъварныс йтыцІквазгы. Ауат йрапшквaz йыршуз адгъыл аргван рычквa ацІырщтын, йгІайуа йгІакІылсхъаз ахІврайдзарарта апны йаурымщтуата, рычквa ауандырквa йырхъагыла йдырчун. ЧвагъвагІвыкІгы архъа ахІврайдза апны йычквa гъйырхІвуашым. АхІврайдза ахъгІара зшІашвауа йгІваз ачва бзита йгырфахуам, йымчыдахитІ. Ауи акІвымкІвагы ахІврайдза ачквa рымгва арыгІвитІ.

АчІврышвра акыт апны сквш щарда цитІта йызквдыршвауа зымгІва йрахІбу Гъатгъар Бемырза йакІвпІ. Ахъылпа йара йшгІайквдыршвушыз тшазидырхуата йара Бемырзагы дхІазырта архъа йгІатыцІквaz рквта дтагылан. Аписарь Алексей Федорович ашвъа дгІапхъауа йджвыквыцІатІ. Ауи зыхъыз гІайхІвуз ахъацІа йры-

хІазырхъата йыму ачІвы, йыхъыз шГІархІвауа, Бемырза йыГІвнапІыкІлагы йыму адгъа хъылпа гъажъы йтайрышвитІ. Ауи апхъала ахъылпа шГІайнапІыцІарцІуз бырг Бемырза дхІвахІвуа йджып тшпыц дукІ гІатихын зымГІвагы йдйырбауа йхІватІ.

— Йа псимлахІ, йалахІ! Адгъылшара джвыквхІ-цІауата, ачІврышвга хъылпа зымГІва рапхъа алахІ йчІвы тахІцІитІ. ХІгвыгъитІ, сынчІва хІадгъылшара апынгы алахІ йчІвы апхъа йГІатыцІырныс. (Ауаса йа-лырныс, алахІ йчІвы зымГІва рапхъа йГІатыцІырныс ауи багъбата дайгвгъун: атшпыц йрыхІазырыз дууын, йхъантан, майрата йнапІы йГІацІашвушын).

Аписарь дГІапхъауамцара зымГІвагы йдрыхІазыр-хъата йрымаквас ачІквва Бемырза йнапІыцІакІыз ахъылпа йтадрышвитІ. «ЗымГІвагы йГІаташврышвма?» — йхІван Бемырза ауат дырцІГІатІ. «Щта, щта!» — хІва джъуап анГІайырт агІан асажна агІвынакІла йГІаквыр-цІауа йалагатІ. ЙанГІаршва агІан Бемырза йнапІыцІа-кІыз ахъылпа гІайыруышвуа йнапІы тайкІын йГІайна-пІыцІашвас ачІвы гІатихтІ.

— АлахІ йчІвы апхъа йГІатыцІтІ. Бажвра зГІвадара джъамГІат,—йГІатихыз атшпыцду йъадзайылшузла, хъарата йшкІашвушыз апш йыршуз адгъыл ахъахъла ажвГІванд йалайрышвитІ. Йара ауи хъайыршвылтІ акІвын ахъылпа зымГІвагы йдйырбауа йГІащтІихын, йатайыруышвхтІ. ЙГІайкІыз ачІвы гІаритын, — «йузым-шрахатІ, йызчІвуда йГІатыцІыз? ШвапшыстІ» — йхІватІ. АкытлагІвчва рацбзазара зуыра апны дасуз-лакІгы йрыхІазыруа ачІвы хцІарата йаницІалуз бзита йырдыруан.

Йара ГІазизгы, агІвына дъаквшвас дазыразмыз-тынгы, йхъа йаквимцІауа, дгвыргъауа, йзыГІашІыр-чІвас адгъыл дазцатІ, — «аГІвына гІасадзатынгы, алахІ зымГІва рацкІыс бажвра гІаситргІатІ», — хІва йгвыла лахІ дйыхІвауа. Къвышлыкъвгы амш нам-дзаскІва адгъыл ашара йалгатІ. АйхІараГІв гІвыджь-гІвыджь, хГІвы-хыГІв дзала йадгыла рчвагъвара джвы-кеырцІахъан. Ашта ахъа йачвыхъарамкІва йгылаквас ауандырквва рыдзхъа алГІваквва тшГІащтІырххъан. Йдрыдзуаз ажыргІваквва рфГІви амамырсаквва рбахи баракъатга архъа йахъагылан. АкытлагІвчва йрыуата йрыцІадзаквас заджв-гІвыджь ракІвымкІва ачвагъва-

нымта агІан архъа йырфуш жьыргІва, мамырсапха йа бастапха зымрхІазырхъаз глаъамызтІ.

Йара ауи атшын Ащхъаркт архъаква рпны адгъыл-ква гІаквайчІвахуауа йалагатІ. Астаница абзагагІвчва чвагъварала йшгІархъшваз тшазырдырхуа, зымгІвагъи гвжважвауа йынхун. Йзылшуз, цІахІвачІвыла йадгалак-вазгъи, йырчвагъвуз ащтаква зынла йрыжвжвахуан.

ХвымшкІ йчвагъвахъата акІватан щхъва змаз Баз-йат ГІазиз акъбаба злайрыцкъуз акъру йчвыдзтІ. Дыз-цычвагъвуз йунакъващгъя йаргъи ачвагъварта къыж-ква шІыц-шІыц йатагІахъдрышвтхума ухІвушта йпш-гІатІ. Ауаса акъру гъырмаухтІ.

— ЙауыпІ щта, Сольман. Йыдзызгъи хІара йыгъ-хІмаухтІ. ЙацІыхІштпІта, ачкввагъи тшпсырщапІ, йчапІ. ХІаргъи хІчапІ. АчкІвын ЗедргІа рпны дхІщтипІ-та, къру чІыда рымазтын йгІайхІрыгпІ.

ГІазиз йшихІвадзаз апшта йырчпатІ: ахъа йангІадзах ачквва ацІырщтын, ачва йахъадыргылтІ. Даргъи тшпсырщатІ. Йанча амцтахъ ачаргъва зрыцкъахуаз, жвыгІвсквшакІ йыртаз ачкІвын йгІайызшІитын ГІазиз, араса йайхІвтІ:

— ПатІа, ЗедргІа урызцата, къру чІыда рымазтын йхІызгІаг. ХІара хІчІвы хІрыдзтІ. Хъвлапны йрыхІтхпІ. ХІаргъи закІ хІаухпІ.

Йаба йажва гІвба йымчпауата, ПатІа гІврала йхъарамкІва зчккъара зчпаз ЗедргІа дрызцан, йаба дыззищтийыз райхІвтІ. «Ауи уысума? УгІай, угІай, чкІвын бзи, чкІвын хахва, архъа хъацІа» — рхІвауа, Зед йыцынхуз йдзалагІвчва Бадри Къамботи ачкІвын, йъачуз дрыдзхъадырчІватІ. «Са счахъатІ», — шихІвуз-гъи дрыцдырчатІ. УацІыхъван дгІадыргылтІ, ддырцан, шамкъа дукІла ауандыр чарх дадшІархІвалтІ. ДшІар-хІвауа йаналага ПатІа дчкІвыныркІванта йгъйымды-руазтІта дызшІархІвуз, ачІвыуара тшайтуа дгъынцІ-кІвауа далагатІ.

— О, ахъацІа хахва! УчІвыуырнысгъи уалагиди! ШвгІайпшыстІ! Ари дчІвыуитІ. Дымлащийуата гІацІцІ-уаштІ. МомкІва ддзышумищтІ? Бадра, упшыстІ, хырчвы аъазтын... — йхІвауа дгвыргъауа Къамбот ачкІвын тшыт дызлашІахІваз ашамкъа аларышвырта абагъара йырхъвыхуан.

Бадрагъи ауандыр ащапІы йадзхъаз агъаша даз-

цан, мшы квлпн дукІ, йхычІвауата хырчІвы дгвыргъьачІвауа йгІайырдатІ.

— Ма, йжв! УымчІвыуун! АчІвыйа хырчІвы ахъаз уызчІвууа? ХІа хІгъайгъдзум. Йжв, йжв... — йхІвауа, амшы квлпн ду азна хырчІвы ПлатІа хвыц мчыла ййрыжвтІ.

— Йышвчауа ачІвыйа? ЙзачІвыйа ахъацІа ахІаты апш ауандыр чарх дзадшІашвхІвалыз? — йхІвауа Бадри Қъамботи йырчпуз йымдыруазшва, Зед ачКІвын дгІайыртІлахтІ.— Ма, чКІвын бзи, шваба, уыззыгІайщтийыз акъру ласыта йзыга. Ауи акІвмызтын, дгІауайспІ,— йхІван, йхъагы йщщын, дгІауищтхтІ.

ПлатІа хвыц, — «ауи аъара уызкъвайа» — хІва йангІайцІгІа дшшІархІваз, мчыла квлпн дукІ азна хырчІвы шидрыжвыз йаби Сольмани йрайхІвхтІ. Ауи йгІаныцІуаз агІвуджъгы бзидздзата йырдыруан. ПлатІа хвыц архъа дангІаквил сынчІва акІвпІ. Ауи йыхъазла ГІазиз йыгвлачва йгырчІайымхІтІ, йгымыхІвахІвтІ йара архъа апны. Ужвы ачКІвын «айсра» гІайыквырцІатІ. Ауи швахымкІва амаль гъамам. Ауи акІвмызтын, адгъа цІас ГІазиз йрыдзта, йымдыруата, йдырыргы арызкы дайгъдзауата акыт зымгІва йырхІвуштІ. «Укъру мыждахатІ. Уымдзарквын, ачКІвынгы ауат рчвкъара днапымцырата дгыквмылуашызтІ, айсрагы гыгІайыквырмцІушызтІ»— йгвыла йхІвауа, ауаса гъра ажвакІгы гІайшыымщтуа, ГІазиз йпа йайхІвтІ.

— Ауат уызшІархІваз ари акІвпІ. СынчІва йапхъахауата архъа уагІаквлыз ахъазла, ачвагъвара хІаналагуз йа дара ауат йа датша гвлачваквкІ йгІарызшІыхІтта, йхІырхІвахІвра атахъын. ЙхІхъткъатІ, закІы алымцІхтІ. Уангы дбзипІ. Йгълымдыруазма чвагъвара архъа ушгІайуаз. КІара задлымгалйа? ЙауитІ, анасагы арасагы йгІауыквырцІаз швахра атахъыпІ. Ауи акІвмызтын, рчвкъара уыквылра ныжъхта, уырбапхъадзагы ачарх уыдырхІваллуштІ. ЙауитІ, швнагыл. ЙацІахІвахра атахъыпІ. Йара ауасагы йахъчІва чІвагІвакІ гъІзымчвагъвастІ.

Ачквва анацІайхІвахуазгы Сольман ЗедргІа рахкІъала дацапшуа, мадза-мадза дхъыччун. Ауи йдыруан йкъва-йсгІарыгы ГІазиз йпа агвлачва рыуа зджъакІы «айсра» шгІайыквырцІушыз. Чвагъвара йгІатыцІырныс тшанадыргалуаз йымхъауысмызшва ауи ГІазиз йлымхІа йтайрысхъан, ачквва ршІа йдыркІырныс ПлатІа хвыц

данрыцызлушызла йшахабзу апшта йапхъархъатыцІра
дазрыхІазырырныс. Ауи ахъазла чІвагІва дукІгьи гъа-
тахъымызтІ. ГІвба, хпа бахсыма пщырхІа, жьыдзакІ йа
уачвакІ йгьи шырдаз гІвба, хпа мгьал, йа датша дкІыл
хІазыркІ. ГІазиз ауат йанатахъыз йгьигвапымцІтІ. Ужвы
йычкІвын Зеди йыгІвзачви чвагъвара айсра шгІа-
йыквырцІаз, йчвагъвауата архъа йыккву ракІвымкІва-
гьи, ауахъ акыт йтаквугьи йырдыруаштІ. Ауи рыцІа чва
ахъата, рыцІа йшардагІвугьи йырбауата йшвахра
атахъхитІ.

Йпа чвагъвара айсра гІайыквырцІарныс злагІа-
йыквшваз акъру угІарала, ГІазиз акІватан къбаба
йрыцкьун. Апыза йгылаз ачкьва рпсунч йхъачІвата
йазрыхъуаз ПлатІа хвыцгьи йаба дызшІымцІхуашыз ба-
лахІ льяжъакІ йызгІайгызшва тшибахуанта, йгІайай-
сра дачвшвауа, тшадикІылуан. Ауаса Сольман акъру-
тарчвыдзызгьи ачкІвын чвагъвара айсра ъагІайыквыр-
цІазгьи дырзыразын. Ауи йыхъазла мамырса блахъ
чІыдакІ ъайфара, хырчІвы квпІи чІыдакІ ъайыжвра
чІыдагІаракІгьи гъаламызтІ. ЙрыцхІата йбзазуз йаба
дикъвыцІизжътара йцІуа агІвысквша руацІалагьи йа-
ба йыпщІа йыцгІатшкІаригаз арыцхІагІара дыгъза-
цІымцІуазтІ. «АрыцхІа амахтша дшаквчІвугьи ла гІа-
йыцхІитІ»,— хІва Сольман йыхъазла акІвын йзыр-
хІваз. Йаба дангІайкъвыцІуаз йгІайадзаз ажвзаджвыкІ
ахъара йагатІ. ХвуасакІ йыман, дызхІвата зхІвыча йры-
лайцІаз йыгьла Бакъыз СагІид йнапІыцІадзтІ. СквшыкІ
йынйырхаз ашырдза гІвдесатынакІ гІвтанакІ гІалихтІ.
Ауаса ауат йчвчІварахата йацІахІва йауырныс сквшыкІ
датазпшхра атахъын. Къвльайта йбзазуз ХІакъым дйы-
хІван, йычв чІыдаква гІайыквихын, дрылачвагъвитІ.
ДъарылачвагъвагІвацауа ахъазла йгІайадзаз йадгьыл
йгІаквцІуа йауата чва уандыркІ йыйтра атахъыпІ. Йара
йшидыруала чвата йзыгІахуаш хпа-пщба уандырза-
джвыкІ ракІвпІ. Ауи йара йшизымхъушыз Сольман йды-
руан. Дзайгвыгъуз закІзаджвыкІын: заджвы йпны
йгІайынхара йа датша закІыта йгІайыдахІвра. Йамуаз-
тынгьи мадзата заджвы дзычрынра (ачрынра Ащхъаркт
апынгьи йгъаъахмызтІ. Ауаса шардагІвы, «хІырцхъры-
гІитІ» рхІвауа, абайаква рпны йынхауаркІвун. Ауат
рпхъадзара кыт апны йыгъмачІмызтІ).

Амара ташвауата ГІазизргІагьи рчвагъвара ашІад-
рысхтІ. Ауат аджъумгІа йаквшвахра ахъаз руандыркава-

ла йгвжважвауа ахвашауахъ акыт йгІайхуан. Рапхъа йгылата йгІайуаз ауандыр дгІаныцІын, Зед ауат дгІарызпшытІ. Йыдзхъа йаннадза ГІазиз йуандыр даквчІвауа араса йхІватІ:

— АчкІвынчва маджъанква асаби дъадрыхІаз сгвы йастІ. Ауи дхвыщыркІвапІ. Йауума, далашІахІвата, ачарх дыдухІвалырыс?..

Ачважвара ауаса Зед йызгІаджвыквциІаз ГІазиз бзита йгІайгвынгІвуан. Ауи йажваква йгІарништуаз бергълын: «угвы закІытагы йауымрысын, ГІазиз. УычкІвын анасагы арасагы чвагъвара айсра йыквырцушын. Ауи хІара йхІхатІ. ЙушвапІ зджъакІквата», ЙхІвара атахъыз тшазыздыруаз ГІазиз йджъауапыз ари акІвпІ:

— УалахІа, таразта йшизырха. Ужвинас йдырпІ, архъа йангІаквылуа агІан йатахъкву... Ауи гъуысым, Зед. Арахъ ауи йгІардыз атрактырла йырчпуш ачІвыйа? Сара йшызгІазла акыт рыхъаз йаланхарныс ахъаз акІвпІ ауи згІардыз. Уара йугІайа?

— ЙцІабыргыпІ, ГІазиз. Ауи йаланхуштІ. Ауаса йларчпуш зачІву таразата саргы йыгысыздырам. ЗджъакІы йырхІвитІта йалачвагъвуштІ. ЗджъакІы йырхІвитІта йалажвжвагІвацуштІ. АцІабырг гъсыздырам. Ауаса сара угІасцІгІузтын, ауи закІылагы сгъазыбжам. СыпщчкІла йсымчвагъвауа йгы йсымыжвжвауа адгъыл сара йыггІасмадзатІ. Йыртахъызтын КъарданргІа алачвагъваргІатІ... ЖвыгІв тгІачва йнадзитІта гІвкІватан заджвыкІ ракІвпІ йызлачвагъвауа. Ауат апхкІгын адгъылта йрадз ачвагъвара йышзалтагІвацауа акІвпІ. Йара, йхътІыта йсхІвапІта, ауи атрактыр зухІвауа кІара алаухарныс йыгъдурысым. Ауи акІвпІ зымгІвагы йырхІвауа.

— ХІы, ачІвыйа, йыздурысым? — йхІвауа, йджъайщадзауа тшичпауа ГІазиз Зед дицІгІатІ.

— Ауи шайтан гъачІвагІапІ, напІах гІахъвыщрапІ, гъауыр гІахъвыщрапІ. — Амсылман дадгыл ныжъхта, йаргван йгІагра гъатахъым...

Зед трактор ныжъта бкъага машинагы гыйымбасызтІ йынхауата. Акыт Йажъвып йчІвытІа бкъага машинагы паровикгы тан. Ауаса ауатлагы гвадз йа мхы рбкъауата ауи йбарныс дгъаквымшвасызтІ. АгІапын цІыхъваква рпны йгІашІарышвта асы гІакІашванацІыкІарагы руасаква дрыцта архъа дыквын. Апхынла

ашхъаква рпны йырхІвуан. Адзынквагы агІапынква-
гы арахъ йара акыт апны йаъаз ахІвыртаква рпны
йхчун. ЙагІвсыз агъны агІан акІвпІ йгІвайщчви йари
анакъвыцІ.

Ауии йайщчвакви ракъвыцІра Сольман йапш рыцхІа-
гІара гьрызгІалымцІтІ. Млыкв рщардан. ЙшырхІвауа
апшта дасу йадзаз йгъалымпсгІушызтІ. Йайщчваква
драйцІбан, раба йыпщІа йгІатшкІарахаз йара Зед
йакІвпІ. Ауахъауат йгІвайщчвагы тдзы, амбар, бора,
хІамач этадыргылхъаз апщІа хІазыркава йыртшкІа-
ралтІ. Йаргы рахвыта апщІа йзыгІапщІахаз йгІайхъ-
швалхуата йызхъун. Йтахъызтын мшигІадзагы уаса
йзыщуашын. ЖвгІвацата жвыгІв гІайадзатІ. ЙцІахІва-
чІву чвыта пщба, гІвуандыркІ, кІвдыраквцІа тшы...

Йаргы анхара хъара йачвгылуаз дыгьгІвычІвгІвыс-
мызтІ. ДзалагІвта йгІайахвыз Бадрагы Қъамботгы,
апхъала апшта йдрымадзаргы йара йычрынта йпхъа-
дзауаркІвун. Ауат йзынхун. ЙрымамкІва йупхъадзара
атахъыз рымлыкв тІакІвква рынкъвгара рысквш заман
айхІара гІахъшвалуан. ТшыткІ гІарынхара ахъаз Зед
йыцынхун.

ГІазиз трактор зырхІвауа айсра дъадзанызгы йба-
хъан. Айсра ацІыхъаква рагІан ауи ауахъ АрмалъхІаб-
ля йаргванта йаъу эконоmkІ апны йшалачвагъвуз
йбатІ. ДайхІвапсатІ, хкыжкІ зынла йцІолата йызчва-
гъвуз амашина. Ауи апш тракторкІла йзычвагъвушыз ад-
гъыл йымата йара йкыт дтахзара акІвын зымгІва йрап-
хъата ГІазиз йтахъыз. Мадза-мадза ауи йгвыла йхІвун
араса: «абальшавикква хІанрайгІара, йгІасыртуаш ад-
гъыл сызхъуштІ. Шкуро адгъыл шарда шгІахІыртуаш
йгъызным йъадзайхІваз. Ахчагы сымазлуштІ. Трак-
торкІ схвгІапта, зымгІвагы йдсырбапІ ГІазизгы
дшызбзазауа». Ауаса Шкуро йадгъыл шардагы атрак-
торгы ГІазиз йыгьгІайдамыхІвтІ. Йгвылагы йпсыла-
гы дызцайсуаз агенералква анырдахуаз йшаъазлакІгы
тшгІарцрикъбахын, йунагІва дгІадгылхтІ, закІгы гІа-
йарымхІвуата, акытлагІвчва драпшта дъадырбзазуз
ахъазла ауи дгвыргъачІвун. Ауи акІвын, закІылагы
тшгІалимырхІвауата, тшйырхвыцуа дзаъаз Базйат ГІа-
зиз. Ауаса атрактор адгъылнырхагІвы йыхъазла йам-
гІаныз бзита йдыруанта, Зед ауи зйымуаз джъайщун.
Йтахъын атракторла йчвагъвауата йъайбахъаз, дшай-
хІвапсаз Зед йайхІвырныс. Ауаса ауи йацта йара совет

власть дапшагылата дшайсызгыи гІазныцІуаз шІыпІакІ
йа уыскІ йхІварагыи атахъхунта тшашІайкІытІ.

— Акыт йшырчпауа апш хІаргыи йхІчпапІ. Уара,
Зед, ауи тшаквнаумырщын. Атрактор гІадызрыдыз
Адждапа Гъаригыи дыгылагам. Ауи йаларчпушгыи даз-
хъвыцхъзапІ. Йылшауата Гъари йунашва гвымхарала
ГІазиз зынгыи йыгъйымхІвузтІ.

— Ари Совет властпІ. ДзачІвызлакІгыи йара йхъа
дахвитпІ. Сара заджвыла ауи трактор зырхІвауа сад-
гыыл йнаквылуата баста гьсфарым.

Зед йайрышра чважвара згвы ашІуз ГІазиз йзымч-
хІауата йхІватІ:

— Уалей йшзымдыруа йара уара уызгвжважвауа,
Зед? Ауи атрактор гІаудрадзарныс угвыгъума йара?
УгІапшы, щта, мчыла йуызнайта, ауыла уадгыл
рчвагъвузтын?

— Йызбарнысгыи йыгъстахъым. Йызтахъу йадгыл
аларчвагъваргІатІ, — гІацицІахуа, Зед ГІазиз йуандыр
дкІапахын, апхъа йгылата акыт йрылалхуаз йара йуан-
дыр дазыгІвхтІ.

Ахвашауахъ архъа йыквыз зымгІвагыи рунагІваква
йгІарыдгылхтІ. Ащцалрата йшырзалыз апшта акыт ры-
хъазла ахваша пчва мшын. АйхІара, ахІбачва рыхъазла
ауи атшын маджгыт царан. АджбумгІа йадгылуанта.
намаз рчпун, айфанд йуаз йаздыргІвуан. АйцІбачва
рыхъазлагыи, ахваша мшква йгънымхузтІта ага йым-
духаргыи йыргІидрахун: тшпсырщун, тшырдждвджвун,
тшдрыцкъун, йрызгІайуаз рымчыбыжь нхара ауыра тша-
задыргалуан.

АджъамгІат рпны айфанд йажва алсуаркІвун. Ауи
йхІвауа акыт ахІбачва райхІара рыхъазлагыи йапхъан.
Ауат ахІбачва ражвагыи унагІвипхъадза тлапкѳипхъа-
дза зымгІвагыи рыхъазла йапхъу унашванта, ай-
фанд йажва унашвата акыт апны йныкъвун. Адин
щъата йацІагылаз алыгажвква акыт дауата заджвы
ахваша джбумгІа дгІадымгылта дгІардырзарквын,
йджъамгІат уыс дута йырчпун. Ауи йапшу ткІьийта
аджъамгІат рквта йыквчважвун, унашва рчпунта, йы-
рахвква акыт рахв йрылайцІарныс дыгъдмырхвитуазтІ,
акыт дзылу апны дгъдымрылагузтІ. Айфанд йхІвун ама-
джгыт йымцауа, аджбумгІа йадымгылуа дъалагауа
адзылу апны улагарныс йдурысымкІва. Ауатква йгІа-

рылцІла акыт хъачва шардагІв йыркъаландзата йырп-хъадзауа аджъумгІа йадгыллун. Анамазчпара, айфанд йуазква йанрыздыргІврыз амщтахъ мчыбжыкІ йа рыцІа заман ауыра йабамбаквуз акытлагІвчва, анбжъа-гІвчва анйун, рыгвтараква абархІвуан. Амаджыгыт йангІаджвылцІхрыз ащардагІв рунагІваква йабазшыт-уан, йабарайгвун, йабарысасуан.

АджъумгІа намазчпара ахъазла амаджыгыт йанад-гылуаз ауи амш йатагынхазшва уапІажв-уапІжв асы гІасуан. Ансисквагыи ауаса йгІаншалитІ: «йгІапын-хатІ, йпхагІвхатІ» — рхІвата архъа нхараква анджвы-квырцІара агІан, йрымдырдзаква асы атагІарыквсхуа, чва згхакваз рырахвкввагыи йаквычІвгІгІауа рхІамач мчыраква йангІартахуа.

АХВАШАУАХЪ

Йагвлачвата йбзазуз Базйат ГІазизи Зеди аурам бжъара тшва апны йанйатІ. АгІвуджыгыи джъумгІа намазчпара амаджыгыт йцун.

— Уальей, ГІазиз, шыц-шыц йшгынха! — йхІван Зед йыгвла салъам йыйтатІ, йара рыцІа дъайцІбаз ахъазла йыщтахъла дгІайыкІвшуауа йармала дгІайы-дзхъагылуа.

— Щта БырлыпІ. Ауи амш аланамгауата, сы гІа-намгхуата зынгыи йгъагІвнащтуашым,—джъауап йыгв-ла йыйтІ ГІазизгыи асалъам ангІайахв йацгІайшти-йуа.

— ЙзачІв Бырлыхйа йаъу? Ауи апш мзыхыз са-ра йаъата йгъсымгІастІ.

— Йгъымзыхызым ауи. Абырлы анласхауа хымшкІы йаъазлитІ. Ауаса йалитІ, ауи тшарычвгъата мчыбжы абгакІгыи гІвымчыбыжыгыи йнауырахауа. Ауи агІан арахв рыцІа швабыж йгІапситІ. АйхІарагІв йпхагІв-хатІ рхІвитІта, рчваква йыгърайгъдзахуам, йрылгитІ. Абараса йангІахътахара агІан йфачІвыдахитІта йымчы-дахитІ. ЙгІаншитІ шардагІвы рырахв гІакІвква рчвпсдзауатагыи. Абырлы йанчвгъахара йчвгъадзахитІ. Ауи уазсакъра атахыпІ, зынгыи йухъумраштылуата.

Ауаса йайчважвауа агІвыгвлачва амаджыгыт апахъ йайззакваз ркытлагІвчва йнарыдгылтІ. ЗымгІвагыи уыс дута йырчпата йызквчважвуз йыртахъдзамкІва, шыц-

шыц йГарыквсхуаз асы акІвын. Ауат райГарагІвдза
чва гьрымахмызтІ, рырахквва, руасаква ахІвыртаква
рымлышв хІвраква ддырхІвуа, ахІвра шыц агІадухара
йайгвгъадзауа йазпшуан...

Апахь йшардагІвыта йГІайззахъаз акытлагІвчва азан
гІашІызтыз амуъазин аминара дГІакІныцІхта, амаджъ-
гыт йнашылра йазпшуан. Дабар амуъазин уыс балахІ-
дзакІ йырхъйата тшипхъадзахуа, дгвжважвауа аминара
ачвымлала дГІакІныцІхтІ. Ауи йдиннкъвгара уысхара
ахв йалайырхІауа, заджвы йпнылагьы тшацаймырпауа,
йара дшгвжважвуз апш амаджъгыт днашылтІ. Йаргы
йГІаныцІуан, зымГІвагьн амаджъгыт йшнашылуашыз.

Акыт айфанд амухІараб дтагылхъан. Ауи йыштахъла
алыгажвдзаква, уацІыхъван рыцІа йахІбачвакву, ауат
рымштахъгьы ахІба айцІбарала акытлагІвчва намазчпа-
ра йалагылтІ. АшардагІв, йалкІГІата рахІа йлыгажкву
намаз зквырчпуз анамазлыкъква дара амаджъгыт
йГІаргын йыГІвнарцІатІ. Анамазлыкъква райхІара
джъмачва рГІван. Йрылан лъарыбыгІв тшыт, цГІвыпІа,
уапІа, джъаргъан абга, джъаргъан бжа йгьы акъватІана
йГІалху алапара хвыцквва. Дара ауат анамазлыкъквагьы
йырхІвун намаз рыквызчпаквуз йГІанырцІквахъаз
рысквшквала йшашым йапшдзата, рылшараквалагьы
йшашымыз. АуапІа шыцквва, альарыбыгІвквва йгьы
аджъмачва алыкквва знамазлыкъквваз йбайакву йгьы
рыцІа йкъвльайу акытлагІвчва ракІвын. Аджъаргъан
тшыткви акъватІана алапаракви чвзыркІврыхта намаз
рыквызчпаквузгьы бергьылын — арыцІацва, ачрын-
чва ракІвын.

Ауи атшын аъара йрылахуата айфанд джъумГІа на-
маз зынгьы йгьдимрычпасарызтІ. Апхъала апшта ауи
анамазчпага тьайатквва данГІарыпхъалуз йылаквва цІа-
йыршвкІвалуан, йхьигІвауа, йтахъдзамызшва йГІахьтІ-
тІыхуа йгьы хъантата дшІархІысуа тшгьимчпатІ. Аъай-
атквва йаквипсауа йГІайшІипсун. Йаквирыбагъауа
йГІвылакІ дГІарыцІпшуа запытла анамазчпачва дГІары-
лапшуан. Ауи амаджъгыт апны заджвы дизыпшГІун.

АуГІагьы айфанд ауаса данГІарылапшуаз агІан
аджъумГІа йГІадымгылквваз зачІвкву шийырдырлуз йащ-
цахъанта, рнамазлыкъква тшГІархъщтІырхуа, ауи йыла
штшГІацІадыршвушыз йащтан. АджъумГІа йГІадымгыл-
квуз йа йГІахъшваквуз айфанд кыт уыста йчпун. Ауат

алыгажвква дирайсуан, гвмхарала йрыквйырчважвун, аджъамгІат йрылырцарныс йнайырджун.

Анамазчпара йалгатІ. РыцІа йайцІбачваквас рай-хІарагІв рамгІаквагъи рышварцІахрагъи йахадзан, апахъ йгІаджвылцІквахъан. Йгвжважвара злымшахуаз лыгажвчваквкІ псайспадза ркъатырква, ркІалошква ахъарцІахырныс тшынадмыркъвуата, рыщачв пынцІаквала ауат йыртапашашун. АгІаджвылцІхырта апны йажвысылуа жвагІвыкІ раъара гылан. Ауат заджвы йызпшуан. Йзаджвыта йызпшуазгъи айфанд йакІвын. Абар ауи, йхъамы йгІацІпшуаз йкІвымжвы шкІвокІвасыш акІалта найыркъвыхуа, агІаджвылцІхырта дазгІайтІ. Агвып ауи мгІва йыртуа рапхъа дгІаджвылырщтын, даргъи гІагвжважватІ. Апахъ йалагыларкІваз ахъачваквва йхъыччауа закІы йалачважвун. Айфанд йлымхІа йгІатастІ ажва «бырлыы».

— Щта, щта! Бырлыы йтурых амадырса хІанапхъуз агІан саргъи йызгІахъан. АсахІвтаква йрымхІвауата турыхта йаъайа! ЙцІабыргыпІ ,ари йгІасыз асгъи, ауи йгІанагыз ахътарагъи БырлыыхІва йрыпхътІ. Ауаса йшвхъшвымраштылын, сынчІва абырлыы ахвашауахъ йшаквшваз. УачІвы хвашапІ. Анчва йымшпІ. Анчва йхІвузтын, абырльгъи тшгъарычвгъарым. УахъчІва мшы угІвырлыыпІ, мшы хайырпІ. Анчва йымш ду апны швгвы швымрыдзын, ауи йылпха хІаупІ. Щта, уахъчІва хвашапІ. ШвджъумгІа борч швырхъйатІ. Ужвы швуыс-квагъи жвба ауаштІ...

Ауи ахІа гІацимцІауата айфанд йыпщцІа дтшкІа-ралхтІ. Ауи йара амаджъгыт адзхъа дбазун. Акыт хъачвакввагъи дасу рпныла йдырхаухтІ. Амаджъгыт агІаджвылцІхырта апны айфанд йызпшквауата йалагы-лаквас дара йшабаркІыз апш йакъвымцІуа акыт гІвада-хъыла йацдырхаутІ. Ауат йшацыз йара кІадыгвкІ апны йгІаздыз айфанд йызнымкІва, йгІванымкІва йхІваз агІважвакІ—«уахъчІва хвашапІ» зйыргІаквуз ракІвын.

АРБАШІТЫМТА АЧВА ХЪГІАПІ

Агвып Защ Уали йыпщцІа йгваралтІ. Ауат рысасхъа час хІазырын. ДжъумгІачпара дцарныс дгІагварцІра апхъала Защ Уали йуасаква дрылалын, сыс гІанари-

йырныс дызмайгвыгъуз ауаса гдий гIатиган йщытI. Ауй ачва ахъихтI, йалйырган, ажы атдзы йанналгылуаз йпхIвыс араса йлайхIвтI:

— Бзита йжвы. Ажы зымгIва ачуан йтацIа. ГIвзачва сыцта сгIайхуаштI.

ДзачIв адыгъа пхIвысIа «дзачIвыйа йгIаудуаш, ауасажы абгата ачIвыйа йзызжвуаш?» — зхIвата зхъацIа йцIгIушыз. Ауй лхъацIа йажва гIвбата йгълымчпатI. Ажы лыжвра йацта бастагы щардата йылрысатI. ЛхъацIа йгIайдквушыз ргвапхара гIатылгара ахъазла лабаргIа йдыршхъата бахсыма шрымаз лдыруанта, дыгIвын, пщырхIакI азна бахсымагы гIалгтI. Йгъи, лхъацIа йшихIвас апшта, щыбжъан мачIкI йхъкIбра йахадзегIвацата арызкы лрыхIазыртI.

ЙыпщIа агвашв апхъа дгваралхын, Уалы апахъ йчIвас рла ду ашухъала йкIвицашатI. «ШвгIайгва. швгIайгва!» — йхIвауа йыцгIайдквас йапхъа атдзы йнайжылтI. АкIалындор апны ауат йрызпшуаз йтагвжва Фардауыс дгвыргъачIвауа рнапIква лкIуа, ркIыдара пещ йналжылуан.

— Щамсадин дыгъгIамихсма? — йхIван, зымгIва рцIыхъва апещ днашылуата, Уали Фардауыс дылцIа-гIатI.

— Момо. Йара кIара зджъара дцатагы йгъсыздырдзум, — лхIватI Фардауыс, лхъацIа йащайцIба дъайщтийыз талымдыруз джъалщауа.

Уали йажвакIва датша гIарицымцIауата йыцгIайдквас танашылыз апещ дрыщтанашылтI. Фардауысгъи «айшва гIагылхIва» — лхъацIа йажва гIалгIарыквын, луыс рыцIа йласхара ахъазла, рызкы зталцIушыз атамщакъкIва акIъарышвта йгIакIнылхуанта рыцIа ласы лнапIква тарзынадзушыз апны йлыргылуан. Ауаса лхъацIа унашвакIгъи йымчпауа азаман агIвсуан. Йыжвхъата ахIакв йхвынгылаз ажъгы ачIвангъи хыхуан. АхIакв йталцIушыз мшIкIвакI гIалгырныс Фардауыс дджвылцIтI. БжъахъабжакI аъара йххъаз мшы галгвыцIалкIын, атдзы дгIашылхуата, ргвашв гIартIын йтшыжвцIквас ртшквагъи тараджъта йрымата гIвуджъ гIагваралуата йылбатI. Фардауыс ауат дырпырамылуата атдзы днашылтI. Йыхъыз лымхIвауата ауаса ауахъауи апещ дшгIвнугъи йшигIушыз апш ауй йылхIватI:

— А уара, упшыстI угIаджвылцIта. ЗджъакIы гIагваралтI.

Уали дгвжважвауа атдзы дгІаджвылцІті. Йгьи ласыла йгІагваралквас атшыгІвчва рызаджв дйыцта йара сахІаткІ дгІашылхті. МачкІ анахъшІ йгІвыджъхузгьи Фардауыс дъагІвназ амацІауыртала днашылті. Ауи Уали йащайцІба Щамсадин йакІвын.

— ДзачІвыйа, хІычкІвын, йуыцгІаудыз ахъацІа? — лхІван, Фардауыс Щамсадин дицІгІауата, Уали апещ ашв гІадзхъитІгІатІ. «Асас йнапІква йрыдджва, Щамсадин. Баргьи байшва гІадгал ласыта» — йхІватІ ауи.

Щамсадин акъвымгІани альагъани найахвын йыцгІайдыз йнапІква ййрыджвджварныс апещ днашылті. Фардауыс, апхІвысква зымгІва драпшта йылзымчхІауата, йлырпсайспауа лхъацІа дицІгІатІ.

— ДзачІвыйа, ура, ауи йгІайыз асас?

— ДгІвычІвгІвыспІ. ДзачІву бдырра закІылагьи бгъазыбжам. Йбуысым бакъвыцІта, айшва гІарылас! — йхІван Уали асасчва ъагІвназ апещла дцахті.

Айшва аквта йазната уасажъжвхъа, ауи акъвапаква йшрызщтІыхуа — баста. КІыдара хъвыта айшва амдзакІ апны ахъабжа. Айшва гІазгылыз Щамсадин ашвхъымса дгылапІ. Асас, йгІаргылыз айшва йымбауауазшва, йалачІвакву хвы шгІайзырчпуш даштата драчважвитІ, дырцІгІитІ. Ауи Гъазмач Батыргъарий заджвыкІ йакІвмызтын, апещ йыгІвну ахъачваква зымгІвагьи драбадыритІ. Аган атацанадылраква рпны тшгІвыртлас йацастІ, йацгІахІвыті. Ауи йыгІвзадууыз зунагІва йыгІвначІву Уали йащайцІба Защ Амин йакІвын. Акыт, аджъамгІат рабгара-згІвадара, хабархайырта йаъаквас дрызцІган, асас хъацІа йнайымгІайымгуата йхІватІ: «уахъчІва хІгІазшаз анчва йымпшпІ — хвашапІ».

— Щта, хвашапІ. ЗымгІвагьи аджъумгІа хІаъан. Ауаъа хІгІатыцын, райша араъа хІгІайхын хІазпшитІ. Унашва шыц кІара аъума йгъхІыздырам... ЙауитІ, йаъугьи гІдырхпІ. Арызкы мхыскІва псимлахІ хІшвырхІва — йхІватІ йалачІвас зымгІва рыхъазлагьи Уали.

Сасыта йырпхъадзауата йыздзхъачІвас, йысасрагьи йацхта, айшва йацадзхъачІвас зымгІвагьи драхІбата йгІацІцын йпахъ йыквыз ахъабжа гІайахвын дгІалатІ:

— Йа псимлахІ, йалахІ, ари арызкы баракъат

хІызгІазыргылыз аунагІва дара йшырмураду апш йыр-
бзаза! Ари хІтахъыпІ ззырхІвауа рнапІы йгІацІалуа,
араъа хІнадзандахІва ргвы йъагІаташвауа рщапІква
йнадырдзауа, йызлу аджъамгІатгъи, йызту ахаквгъи
ргвапхара рымата, йнасыпщарду ткъвым дута алахІ
йнахъыргІвгІврагІатІ. Ауи йащтагІайуата, уахъчІва
зджыкІахбаста хІалъаль хІадзхъазырчІваз ари ауна-
гІва хайыр апны хІадызгалыз ауыс ду йшиху уыспІта
«сара схъацІапІ» зхІвауата, хъылпа нкъвызгауата йа-
цаъу амсылманквайацхІуыспІта, анчва йзаджвыкІу сйы-
хІвитІ, ауи апны йгІамхъвуш, щтахъла йгІатымхъуш
хІрыуайчІвырныс. Азаман — хырзыманпІ, сайщчвакв.
Лабачва йрахратцартахаз рнышбынтараква, хІапхъала
хІзайгвыгъауа хІсабичва йыргару хІыщхъаква, хІырхъа-
ква, хІкытква гъауыр йымгва йталитІ. Агъауыр хІигвы-
чІнтІ. Расей амжыккъва гІахІжвылын, амацІа рапш
аныла-арыла йхІхъыситІ. ХІдин цкъа—хІымсылманы-
гІара хІхъдраштылра ртахъыпІ. Ауаса ауи анцІра аду-
ней апны заджвгъи йгъгІайдамыхІвстІ. Абальшавик—
гъауырыжвквгъи йыгъгІардахІвуашым. Ислам дин
ших апачва рцкъара рхчатІ йгъи йырхчуштІ. ДзачІвыйа
ари аджъамгІат ду йрыуата агъауыр йылалыз? Йщар-
дагІвума ауат? СымгІващузтын, ари акыт йауата
абальшавикыжвква йхъыркъьалыз Аджъпа Гъари гвymi-
хи, зунагІва апны зымгва азна хІлатыкъ змауа хІгвы-
пщыгІвкІи ракІвпІ. Анахъанат зымгІвагъи йтынчта-
рунагІвакв йрыгІвнан. Ауыс зквыз гІазгвныгІвквзгъи,
райшата йсхІвитІта—рыцІа хъацІара злаквзгъи анчва
йбаракъ шкІвокІва йацІата йайсытІ, йара ужвыгъи
рабджарква гъщтІарымцІастІ. Йгъи йыгъщтІарцІушым
апхъа йшаъаз апш йцахнацІкІъара...

Ауи дъадзачважвуз, йыздзхъачІваз айшва йрызгІа-
квырцІаз арызкъы ахъазла дъадзахІвахІвуаз, ачара
заджвгъи йгъджвыквимцІатІ. АхІба ачара джвыквим-
цІауата дзачІвыйа знапа йаквназыргуш шІакІ
щтІихырныс?

— Анчва сатайыхІвахитІ, хІзырчауа аунагІва дыр-
зыразхарныс, дырзылпхарныс, атхаджыгІвари абара-
къати зынгъи ари аунагІва хайыр йджвылимщтырныс!
ПсимлахІ!— атайхІвахын, ауи дымгвжважвауа, ауаса
хъабжа айшва йгІаквихын, ажътІатІара мачІкІ гІакъви-
хын, йшІайцІатІ. Дымгвжважвауа ауи йшІацІахъвы
йкъакъуа, дазычпата ахъабжа ашІихтІ. Ауи ашІырпІыра

бжаква йыдзхъачІваквас рпахъ йыквицІатІ, йаргы йгІайнапІыцІахаз абжа йфауа далагатІ. Агвып чатІ, бахсыма рыжвтІ. АзджыкІгы йшырхІвауа апш, рча азымхъауата чІван пха атакврыжвхтІ. Уали унашва йчпан ашвхъымса йгылаз Щамсадин дгІаскІѡан айшва джвылигахтІ. Йгы ауи агІан акІвпІ агвып апны ачважвара рыцІа йцІолата йгы йатахъыз пкы багыа артуа йанджвыквырцІа.

— Ауысква шпау? — йхІван асас Уали тшизына-йырхатІ.

— АлахІ-алахІ! ЗакІгы йара хІшайчважвахъаз апкъ йыквпІ. Айфанд йхъатала уахъа шакІвыз йара аджъумгІа апны аджъамгІат йгІарылайхІватІ. Абар зымгІвагы йыргІатІ ауи йажва: «УахъчІва анчва йымшпІ, — хвашауахъпІ». Ауи йгІаныцуа здырквауа зымгІвагы, сара йшхъасцІауала, тшдрыхІазыритІ. Абар хІара хІубитІ. ХІхІазырпІ. ХІтшква, кІвдыр рыквхІцІата хІгІагварцІра акІвпІ йатахъыху. Йшызбауала, ужвыгы йгымхъвластІ. АцІхгы ауыраркІвапІ. ХІахадзапІ. УнашвапІ хІыззпшуа. ХІшайчважвазла ахабар шхІыргауа, ауахъауатгы гІаджвыквылуаштІ. ЙъарахІхІвуа апны йнадгылуаштІ. ЙангІаджвыквылуаш йгы йъанадгылуаш дырдыра акІвгІвацапІ йатахъыху.

— Ауи бзипІ. Ауаса ауат йырдырума, пхата тшыргІычара шатахъу, рахІа йанмачІугы гІвба, хпа мшы йрызхъуш тшхъа рыцІгІаджвыквыргара шатахъу?—даз-цІгІатІ асас.

ЙырдыритІ зымгІвагы, — йажва гІалайцІатІ закІгы зымхІвауата йчІвас ахъачваквва йрыуаз Зекъва Пакъа, йырхІвайхъата тшыргІачІвауа йчІву апхІвыспа пшдза йлапшта, лакта цкъа зму йгы зыпкъ алыху ахъацІа шІа. — Сара схъатала йахъчІва амаджыгит апны рыцІа паса тшасырган, йыздыра зтахъквас зымгІвагы унашвата йаъаз гІаргвынсыргІытІ.

Защ Уали йунагІва тшадызкІылыз ахъачва йдрыса-суаз Ащхъаркт атацанадылра дгІатырдата дангІардхуаз агІан Аджъпа Гъари дзымцІасыз Иналь йпхІа Геащамыда лхъацІа ЙагыбргІа ИсхІакъ йакІвын. Ауи айсра анакІвшуз агІан ахакв дыгытамызтІ. Айсра даъан. Ауахъ Дагъстан тланыкъвала Бичерахов зырхІвуз агенерал йыр дрылата авласть шІыц дапшІагыла дайсыта аугІа йырхІвун. Ауаса ахакв дауата ауи заджвгы дыгыйцмызтІта, йуыс зквыз, цІабыргыта

йгырымдыруазтI. Йыздыруаз йара ИсхIакъ йакIвынта, йыгыймхIвузтI уатыквкI апынгыи.

Айсра анщакIвкIха аглан ауи дгIайхын йкыт дтаб-
завун. Йаба, апхъала ага дбайазтынгыи, млыкв чIва-
гIвакI йызгIанижъта йгъаъамызтI. Астаница апны йгIа-
хъыртIыз, кIватан, чвахыга, уандыр агыква ъартийуаз,
аткван адкIылартаква рпны унашвачпагIвта дынхун.
Ауаса йыгIамстара йыквызхыз авласть шIыц йрыхъва-
шара ахъазла йылшауата иымчпушыз закIы гъаъа-
мызтI. Йынхарта апны ауи йылшун адгъылнырхагIвчва
йгыи ауат йрыуата зымгIва рапхъа арыцIачва псар-
чIвыта йднарыхвгIарныс авласть йгIанащтийуаз акIва-
танква, ачвахыгаква, ауандырква йара йдыруа абайа-
чва, акъвлейква рнапIы йыцIайыршварныс. Апхъала
йапшта арыцIачвагыи кIватан, чвахыга ртахъхары-
квын, ахIвара абайачва рпны акIвын йъацуз, ауат
рыхъазла хвы чIыда атартийхуан.

ТшызчIвахуаз ахI Джъантемыр Ильяс, агIымста-
чва — афицарква Джъальакъан Мырзабакъ йгыи ауат
йрапшквас руыс гвымха йацызкIырныс ахакв апны
апхъа йгIарауыз ЙагыьбргIа ИсхIакъ йакIвпI. Авласть
пыртшыта дара ауат абайачва йыртахъу апш хабзала
йбзауата йгIандыршара акIвын йырмурадыз. Рмурад
абджъарла йгIатыргарныс ахакв зымгIва гIащтIырхра
ахъаз бзы ацIарцIата тшадыргалуижьтара щарда
цIуан. Ауат абджъар рымата авласть йапшIагылата
йайсырныс йанджвыквырцIушыз амш гIадзан акIвпI
ИсхIакъгыи мадзамадза акыт дызгIайыз.

Айшва джвылыргахта айчважвара рыцIа йанкъа-
хвха агIангыи агвып йрылачIвас Атхан Азамат ддзыр-
гIвуан. Ауи закIгыи гыймхIвузтI, йгвы закIы шгIатна-
цауа гIайныпшуан. ДызквчIвас арымдза сгIа, дчIкIвын-
та дызлагIатагIвзыруаз джъаных хвыцызшва, аджъа-
хашва апны йыркIвыруа йыцIайрыхъынхIвуа йнайг-
гIайгуан. АцIабырг шаъазла зымгIва рацкIысгыи Йа-
гыьб ИсхIакъ дзачважвара йтахъыз ауи азаджв
йакIвын. Атхан Азамат йакIвын, акытква рпны ага
ймачIызтынгыи, авласть йапшIагылуата йайсырныс
абджъар гIащтIызхквуз адызкIылуаз, йабазырдыруаз,
руыс гвымхараква гIаздыргалуаз.

Абанда-хIаджъратква йырштабхушыз йаунашвач-
пагIвта йдрыбагъъаз Атхан Азамат йакIвпI.

Ауи йкъвышри йгвычвгъари гIвына гърымамызтI.

Зквпшырала алапш хъызхуашта йаъаз, ауи ахъацІа гІвайква пшдза йара дгІазтадриыйыз акыт апны гвылапсыла йыдгылуата гІвзакІгьи аргваныкІгьи дыгъйымамызтІ. Азамат йаба Атхан Аслъангъари акыт апны рыцІа йбайакваз дрыуан. Ауаса йымлыкв зджъакІквата ласы йнапыцІдзгІатІ. Тагвжва дгІазгхъаз йыхыгІв пачва раквымшвара йгвы акъвнарпуанта, йырахви йымлыкви багъята йнапы йыгъйызгІацІамкІхтІ. Йаргьи ауи агвакъвпра дагатІ. Йурычрата, ахшам намаз йчпарныс абдаз шгІайахвуаз, йгІайхъашван дпсытІ. ЙакъвымцІсыз ахыгІв айщчва раба данпсы амцтахъ ласы тшдыркІыдатІ. ЙахІбаз Азамат йакІвын апщЦа дгварцІтІ.

Йбайахушта хъала дзайгвыгъуз йнапы йгІацІамлызтынгьи, ахъацІа къвыш йгвы гымрыдзтІ хъаракІ дцатІ мчы йчпарныс ахъаз. Ауи дъацаз апны уыста йхаз, йыргъахаз акыт йгърымдыртІ. ДангІадгылхгьи айсра аналга амцтахъ акІвпІ. Хтшы балахІкІ зцІахІваз тачанкала акыт дгІаталхтІ. Ауи йаныта йгІайгыз аурышв швындыкъвара дугьи ачемоданквгьи шымцырамыз зымдыррызда. Йара дшгІайхуаз тдзычпара далагатІ. Ауи амцтахъ бкъага машина абарабангьи ацта йхвгІатІ. АгІвысквшагьи акыт ртшыгІвра айхІара зларбкъаз ауи йбкъага машина акІвпІ.

Ауи йбжъы ймырдууата йалачІваз йрайхІвуан:

— Зджъара йамгара ахъазла апслыкв бна йылалуа амгІваква ралыцІырта апны хІыуа дгылазлуштІ. Ауи йшвйырбуштІ, швнадгылра гъатахъу ашыпІа. Ауаъа акІвпІ йъагІдыруаш апхъа йхІчІвырхъазлуш. Акыт хІтыцІнацІкІъара ауыс йызтахъым заджвгьи йдырра гъатахъым. Амахъарыхъвара хІкІнацІыкІъара хІуыс мадзата йынкъвыгІгуштІ. Ауи анхІыргамуашгьи хІахадзахпІ. Йсхъаштылхыз, этшква йырмайгвгъаквауа хІырхвититІ, акыт апны дара йыртахъу атшква йрыквчІварныс. Ауи шичпуш дасу йара дахвитпІ. ЙызчІву угІарата йгІайыквх ауаштІ. ЙауаштІ, йрымцІгІауатагьи атшква гІатырдара. Ауаса, йаташвасхІвхитІ, дауыш тацІара гъатахъым. Мадзамадза, йрымдыруата зымгІва тшанадхІкІылра, уацІыхъван, абхъв квтІагъыла йайхсхргІатІ. Ауат хІа хІрызхъапІ. ШардагІвы хІнадзитІ. АлахІгьи хІара дхІыгІвзапІ. Ужвы, марджъа, хІамцІышвщтх. Амшгьи хъвлатІ. Бзила, хІанйахнацІыкІъара!

Ауи дгІагылын кьазула дызцакваз зымгІва рна-
пІква йкІытІ йгыи араса йгІацицІатІ: «Бзита тшады-
ж:вгал. ЗакІгыи гІашвхъшвымраштылын. Архъа хъацІа
йатахъу зымгІва йымазара атахъыпІ».

Уали йджвылцІквахыз апщІа йгварцІхнацІкІъара
йнайдастІ. Агвашв чкІвын швыта йлаз абацкъа гІайыр-
кІыхуата ауи араса йхІватІ.

— Арахъ, Батыргъари, зны угІашІасстІ.

— ХІы, кІара ухІвушмахІва? — дазцІгІауа Батыр-
Гари дгІахъынхІвыхын агвашв датагІадгылхтІ.

— Ласы угІаджвыквыл. Тшумыркъван. Сара ани
хІуатра ацІыхъва апны снауызпшуаштІ. Йсхъаштыл-
хыз, атшы ауыс шпаѳу? Уызланауаш запшыа? —
йырпсайспауа ауи Батыргъари дицІгІатІ.

— Уалей, йшсымдыруа йшсчпуш. Сара стшы
гъгвымхам. Ауи уаргыи йудыритІ. Ауаса наль ласы
йгъацІадсмырцІазтІ, агІвпахъ шапІыкІгыи цкъбатІ.
«Альдар йалаша гІатыздапІ» — схІвитІта, спхащитІ.
Сгынымйахуашма? ЙамгІанчвайа дызлагІаспуаш?

— ЙамгІанчвайа? ЙамгІанчвайа? — днаскІауа
Батыргъари йылапахъ тшадикІылуа Уали дгІа-
гвыжвкІтІ. ХІара хъвмарра хІыгъджвыквылуам. ХІыз-
лалыз гъуысмайрам. Йара Альдар йыхъазлагыи уай-
сырныс ушджвыквылуа ухъумраштылын. ПхащаракІ-
гыи гвнахІкІгыи араѳа йгъалам. Йатахъызтын, Альдар
йтшгыи гІатда. УацІыхъван йанхІыргІалхпІ. ЙауитІ,
марджъа, уцах ужвы. ЙшсхІваз апш сара ани хІуатра
ацІыхъва апны суызпшуаштІ.

Ахшами джъаси рбжъара йнадзаз, йгІаталыз ауахъ
швабыжта йлащцаран. Хъвлапынква рагІан алагъъ
хъатала апсхІва йгІатасуа йгІаджвыквылтІ пша
хъшвашва. Ауи йгІанацта ажвгІванд злахънагІваз
апстхІва жвпІа йшІаркІваз амызгыи айачІваквagyи
хънагІватІ. АцІахъыла адгъыл йгІаквсыз абырлыы
сыжвпІа чІвыца гІважъызшва алапш йгІаштІнахуан.
Ахъахъылагыи ахъатаква зымгІваллагыи закІгыи гъуым-
бузтІ. Ауахъ ацІахъыла, акыткветаква рпныла ахъта
йашуаз лажвкІ абжыы тхгІала йшуан. РыцІагыи йхъа-
рахта адзатшпыла датша лакІ абыжъ цІагІвла ауи
джъуап гІанатхуан. Акыт йаргвандзата йагІвсуаз адзы
агІвра бжыы ахъта йаркъацаз ахІахъв тшпква гІатна-
рыхІвачвгІун. Адзы толкъвынква ахІахъквва йрысуа
абжыы гъарпагъаджъ хъдагврадза алащцара ахъарпа

апсыхІва цІола йахъыпссгІунта, ауахъ зджъара хъарар-
такІ йыдзхуан.

Защ Уалии йари рхъазы апещ йангІагІвнаха агІан
Йагыб ИсхІакъ ачважвара атаджвыквицІахтІ:

— ЗъарагІвуда ари акыт йауата йгІахІылалуата
йлатыцІуа?

— ЖвипщыгІв, — йхІватІ Уали, апхъала йанайчва-
жбуз агІан авласть йапшгІылырныс абджъар гІащгІыр-
хырныс акыт зымгІва хІазырта йъайхІваз ъамцІабырг-
хуз даръанквынуа.

— ЙгыщардагІвым. Ауаса йшпаца? Акыт зымгІва
тшгІащгІырхырныс швхІвуни? — йчважвылуаз йы-
джымсаква дгІарыцІпшуа йгІайшпІлатІ ИсхІакъ.

— Ауи акІвын саргыи сшгвыгъуз, ИсхІакъ. Ауаса
ари амчыбыжъаджвыкІ аджъамгІат зджъакІквата
йцатІ.

— Йшпаца? АугІа датшахама? -- йбжбы рыцІагыи
йчвгІащгІыцІуа датазцІгІахтІ ИсхІакъ. — АчІвыйа
аджъамгІат рыцІа йызлачважвауа?

— ХІадгъылгыи хІымлыквгыи хІыквырхуашта, хІма-
джыгтыгыи адыркІуашта рхІвитІ. АджъамгІат агагыи
рхІвитІ. Ауат йырхІвауа зымгІва ухъа йызлатаукІ-
уашйа? Ауаса йырхІвауа мцхитІ...

— Щта ауаса йшцуш уара йгъазхъауымцІума? Ауи
йыршаз адгъыл йздрычвагъваквуауа йырзыгІанхушта
уазхъвыцума?

— Сара ускъвыцІ! Сара суыс датшапІ. Сара абаль-
шавикква закІылагыи саларыдгылырныс гІацапара
гъсымам... Ауаса аджъамгІат датшапІ йшхъвыцуа.
Ауат йырбауа акІвпІ рыцІа йыззхъарцІауа. Ажва бах-
та йыргІауа ацкІысгыи, рылала йырбауа рыцІа йаз-
хъарцІитІ.

— АчІвыйа аджъамгІат хъызкъъалуашта абальша-
викыжвкџа йгІаддырбаз? АчІвыйа бзирата йгІарыртыз?

— Адгъыл гІарыттІ. ЗымгІвагыи адгъыл гІарыттІ.
ЗакІгыи, йара анчва йшихІвабыргуа апшта, алых-ала-
цІа рымчпауата, зымгІвагыи йырчвагъвушызгыи чва
ъархуашызгыи гІарырттІ. Абайачва рпынква йпщІаз
ачрынквагыи адгъыл рыргІа. ЙшпакІву зынцІра йара
йчІвыта чвыуандыркІ ззацІамхІваз Арскъан Маджъид
ужвы авласть шІыц дшапшІауыргылхуаш?...

Уали ага авласть шІыц йтахъымызтынгыи акыт
апны йаъата йбуз ацІабыргква йхІвун. ЙзихІвуз ауат

тшхъдйыркъыалырныс гъакІвмызтІ. Ауат йзырхІвуз авласть йапшагылуата, абджьар гІаштІырхта ауи йайсырныс бзы анацІарцІуз агІан йызлабаргвыгъакваз гамцІабыргхуз акІвын. Ауи дзачважвуз ИсхІакъгы дгъата, атшгІаштІыхыгІвчва йырхъадахарныс йызквдырпшхъаз акнязь Джьантемыр йпа йхъатала дйыргыгъатІ, «уахъчІва айсрала авласть хІапшагылитІ» — анырхІвара атшын акыт айхІарагІвдза йрыцыркІырыс, абджьар гІаштІырхырныс. Йара ауыс гІаджвыквмылскІва йацІахътшуа йалагахъатІ. Авласть шІыц йагъахарныс абджьар гІазахквуз швабыжта ймачІдзан. Райшата йухІварыквын, Уали йара йхъаталагы мурадта йыгІвзачви йари йыркІуаз гІардахІвырныс йгъазхъайымцІузтІ. Ауи йыркІыз йаща Амин йща йахырныс ахъаз акІвын абанда дызрылалуаз.

АПСЛЫКВ БНА АПНЫ

Ауи апщаша атшын йгІахъвлаз ауахъ ацкІыс цІыхлащцара Йынджыгы психІваква зынгы йгърымбасзарызтІ. Агъны гІахъыннархІвыхырныс шІыц-шІыц йгІасыхыз асы жвпІа ашкІвокІварагы алащцара йгъунамырбузтІ. АжвгІванд йачІвакІгы гыгІалымкІкІгІузтІ. Ахшамква йнарайгвгъауата ауахъ астаница йахъштІыхгІу ахІагІарартаква рпны ажвгІванд къапщдза йгІалпшыз, амыз шІа ахщрып чвадагы гъагахмызтІ. Ауи йара йкІвададза йшгІагылыз апш Уарп психІва ахъахъла йгІажвыслыз апстхІва жвпІаква йарасахІаткІ йыргвыцІархІватІ.

Алагъыла йгІасуаз апша гымчымызтІ, ауаса абыгІв аквынцІ йазынадзауа йхъшвашван. Защ Уалии ИсхІакъы, пасата йшайчважвахъаз апш, ртшква йрыквымчІвауата, гъададжъта йрымата апщцІа йгІагварцІын акыт гІвадахъла ахІабля йгІарыкІвшауа, Апслыкв бна апныла йдырхаутІ.

— А зунагІва багІваз, йзачІвлащцарайа? — йхІван, ауат рымчважвара Уали йапикъатІ. Ауи йзыгІвсуаз амыгъ гвара дадхылын, йгІалхвхвуз къвацакІ амыгъ йагъьма дзамгІва гІайнарыхъуата йгІалахтІ.

— Алащцара йанакІвызлакІгы ахъацІа йыгІвзапІ. Унай, унай! ХІара хІапхъысра атахъыпІ, — йхІватІ ИсхІакъгы йбжы йгъадзайылшуз йырпсайспауа.

Ауат амыгъгвара йгІакІвшауата ауатра ахъа йан-надза, рыцтахъла йацанарпшуата акыт лаква ршра бжъы гІащтІыцІтІ. Абыжъква ауахъ акытквта апныла акІвын йахъагІагуз.

— Ныха схІвапІ, ауат алаква зыршуа Батыр-Гъари шйакІву. Уахъынла ныжъхта, ауи тшынлагъи акІвым-гъара апш акыт лаква дгІакІвдыршалитІ. Шайтан зщарду йакІвпІ зымгІва рапхъа алаква зайшуа йгъи йызцІауа.

— Дсакъра шатахъызла дурыбагъъазарквын, лакІ-гъи гъимыршрызтІ. ЙзимаухІвйа? — йхІватІ ИсхІакъ тшынайыркъвуа дсакъдзауа чІвырхъа зквтипуаз ад-гъыл швхъа апны щапІыргылырта дазыпшгІауа.

— ЙасхІвтІ. Ауаса ауи йаухІвуа злазкІуа дыгъры-уам. ДащцатІ йынцІра архъа хътІыри ащхъакви рпны даъата йгауа. ЙчІвырхъа быжъкви йажваква рдауыши дрызхъвыцхуа, ауат дрызсакъуа дгъамщцатІ. Ауаса Ба-тыр-Гъари йкърар багъапІ. ЙхІваз найырдзуштІ. Ауи. райша йхІхІвапІта, гІвзата дызгІахІыцылуагъи йажва багъапІта акІвпІ. Дызтечараз хІара хІакІвпІ. Йшыр-хІвауа апшта йымъа анйыртІлуз сара сакІвын йаша-хІатыз. Саща Амин даныршІашва агІан гвжважварала акъваш дгІатыцІын, хІпны дгІайтІ. Йгъи хІунагІва рыз-къыта йуацІа йту ахъызла ныха йхІватІ Амин йща йха-хырныс ахъазла йатахъызтын йпсы ашІайцІарныс. Ауа-са йанирыбагъа агІан акІвпІ саргъи уыста йгІащтІыхІ-хуаз ахабар анисырдыр.

— Зны удзыргІвыстІ! — йхІватІ ацІыхъва йгылата йгІайуаз ИсхІакъ. — ТшыгІвкІ дгІахъалитІ.

— Дыгъзаджвым. Ауат гІвдыджъгъи йнадзитІ. Йубу-ма, апсыхІвала тшазырчпитІ. ХІыгІвзачва йрыузара атахъыпІ,—джбуап рыцІа быжъ щтІыхІла йайтхуа, Уали йагъврахва атшы ахъа йхъиган ахъвда йыквырышвтІ.— Акыт бзидздзара хІгІарылсхъатІ. ХІтшыжвыл ауаштІ ужвы, — йхІван йтшы даквчІватІ.

Ауат йгІазлымпшуаз ацІх лашцара йылата йащта-гыла Йынджъыгъ дзыгІв абжъы ахъагІагузла йгвжва-жватІ.

АдзыгІв гІазцІачІвуз абыхъв хІагІа агІвадахъла йамаз амгІваламцара ауат йхІахъвкІыгІвацу алагъь йбгъалтІ. ЗейргІа рдзылу йазцуз анапІылажыра дзыщт-ра йырын адзыгІвбжъа апны йгІайыз Апслыкв бна

жвпІа йылалтІ. Хъара йымцауата йІлашІастІ. Йтшыжв-
цІтІ. АгІвыджьгьи Уали йкыса амырдауамцара тутын
аладрышатІ. ИсхІакъ, акІкІара гІарбуштІхІва дымшва-
хуата, асарныкъ айыркІын, ртутынка аладыршватІ.
Апслыкв абна хвыцызтІхІва, аласаракъ йапшта жвпІа-
та йалацапІ. Къазмых гІазшІалуа амыгъ цІлаквa йадз-
хъагыла, йадзхъарщцы йІайытІ. Ауат, йрыцІайыз
амыгърайквa кыбраквa йабадыркІыхын, рыцІагьи йа-
лачыджьхтІ.

Ласыла Зекъва Пакъа, Дагъаз Къамбот йгьи Джъа-
ным МхІамат адзы чкІвын йІаркъауа йІарын, ауат
йІарыдгылтІ.

— Салъам алейкум!— йхІван йтшыжвцІхъаз Зекъва
Пакъа ахыгІв рыхъазлагьи ИсхІакъи Уалии дрыдгы-
лын, рнапІквa йкІытІ. Йадщцылыз атшквa дгІарыкІв-
шауа ИсхІакъ днаскІан ауахъауат агІвыджь рнапІквa-
гьи йкІытІ.

— Арахъ! УхІатла щардамызтын, ари уартмакъкІ
утшы йнаквцІа. ЙхІтахъхапІ,— йхІван Пакъа Уали ди-
зынаскІбатІ.

— АчІвыйа утшы йазщІнамххуата ауи аъара бы-
гІвнифа щарда згІаджвыквугаз? — йхІватІ Уали зу-
нашва йчпуз ахІатла зачІву йымдыруазшва.

Ауи ахІа датша ажва гІарбжъадмыршвахуата Пакъа
йтшабгъа йгІаквихыз артмакъ ду йжвагвата Защ Уали
йкІвдырта ащтахъла йнахъагІахъгата атшы абгъа йа-
квицІатІ. АкІвдыр йадхІвалаз агІаквала багъата
йшІайхІвахтІ. Йшайчважвахъаз апкъ йыквта Пакъи
йыцІайквaзи акыт аткван йангІаджвыквылуаз йпыр-
тшытІ. ХІапчыпта, фачІвыта, тутынта, сарныкъта ахыгІв
тшыгІвчва йрызгІаджвылгуз гІаджвылыргатІ. Ауат ат-
кван йгІаджвылыргаквaз йрыуата хмашакв дукІ рыз-
на асхъа АгытшкІарарта йамаз ахІатшпыкІ апны йыр-
чІвахытІ. Ауаъа йкъарчІвахквaз дара ахыгІв уацІы-
хъван йацыршахуашын. ЙрыгІвзачваквaхауа йгъддмыр-
бушызтІ.

Апслыквбна апны апхъа тшадызкІылыз ахыгІв
хІаджъратчва ашыйачІва гІагылнацІкІъарагьи йырхъа-
зын. Йзайчважвaз, бзы зцІарцІаз рыгІвзачва гьгІами-
дзахуазтІ. Азпшра ауыра згвы акъвнарпуаз ахІаджърат-
квa гъамайчважвузтІ. ЙагьыбргІа ИсхІакъ акыт хІа-
джъратта щардагІвы гІатыцІырныс йзнымкІва ажва
багъа гІайызтыз Защ Уали дизагІвкъуун. Акыт йшаб-

гу йГатыщЫрныс багъята йайгвгъуз, ИсхІакъ / дыз-
хвынгылаз абна уацІа мгІва чкІвын злахъГІваз асы
ауи аъаралайгвычІан, шайтан гІахІвырта гваран гІалъа-
матхан. Аткиван гІазхІвынчІата абна йГІалалыз Пакъа
йгвы закІылагъи акытла йыгъпхъампшуазтІ. Аткиван ан-
гІайхІвынчІуз агІан, джъасы азан шызытыта зпны
йцахуаз амуъазин Азанч Кърым дибатІ. Ауи амашакв
йыквта амаджыгыт злакІвыршаз ахІахъвгвара дангІа-
цІшвт, Кърым йара ауи агвара дгІакІвшагІвацата дип-
шІахтІ. Йара тшынлагъи зылаква чІвагІва дукІ рымбуз
Кърым дйыгІвшвтын йыгІвзачва йтшыгІвта йъагІайыз-
шІаххыз дзачІвыз дидыртІ. Ауи дгІархІан, йхІвагІвацаз:
«Пу, шайтан, хІылаукъиди!» — акІвпІ.

— СыгъуымбатІ, уыгъсымбатІ, Кърым. Судырызтын-
гІи, сзачІву ухъураштлырквын рыцІа йагъьхапІ. Йгъу-
дыррым хІшашІашвахуаш... — ахІа йымхІвауата, Пакъа
Кърым дйыгІвшвтын йыгІвзачва йтшыгІвта йъагІайыз-
пшуазладыгІвтІ.

Пакъа йдыруан ага дмуъазинызтынгъи, дпсынамхъа-
га акыт апны дырпхъадзауата даъазтынгъи, Кърым
ахІварта къвлейта даквшварквын, йбаз йара адеста
йштаз йшихІвахуашыз. ЙзихІвахуашызгъи Пакъа бзи-
га йдыруан. Кърым бтыр анГІайыртуаз агІан йГІайадзас
ауаса йчвызгъычта акыт ачкІвынчва йдызрыфыз йара
йакІвын. Рыгвла чкІвынкІ атшы гІайысын, йщахва
шІначІван. Ауи йщахва бзихахнацІыкІъара ачкІкІвынчви
ахІвсси уахъынла чІапщара йзырчпун. ЙызгІва йхътыр-
къарныс йымшыркъвун, йхъвмаруан, чачпоу йасуан.
Ауи апш чІапщара уахъыкІ ажва акврышврала агвып
йыргІачІварныс йГІайыквшватІ. РгІачІвага гІайауыр-
ныс йГІайыквшватІ. РгІачІвага гІайауырныс Пакъа
хъара дгъымцатІ. Кърым йгвара дхъыпан, бтырта йГІа-
йыртыз ауаса гІатиган, агвып йырзиштІ. Агъыч зынгъи
дыгъцІакІхумта, Пакъа йгъычра асатей йГІаквылтІ.
«Суаса тІакІв гІасытх» — йхІвата аган ауи Пакъа
йГІайайхІвызтынгъи, хабартагъи дыгъйымбатІ. Джъуап-
та йыйтлузгъи закІын: «...уара уаса нкъвуцауата уынцІа-
ра заджвгъи уыгъйымбатІ. ЙабагІаугыз уара уаса? Йуы-
мамыз уаса дызда йучвызгъычуашыз? ПхашцарапІ,
Кърым! Йаквнагам уымхІван!»

Апслыквбна апны йызквшуз абандаква агвакъвпра
нагІвнакъвун. Ауат ззишквуз гъаъамызтІ. Акыт лаква-
гъи гъымшуазтІ. Йшаъазла Уалии ИсхІакъи рцІыхъва

йГаджвыквлыз Пакъи йыГвзачви йГадыршЫхаз акытквта лаквагы тшдыртынчхтІ.

АГІацІнапра йаргванхун. Ауи акыт аргванква рпны угІанха йгъамуыхуашызтІ. Апхъа йГІапІатІаууаз ауат йбушын. Йагыб ИсхІакъ йГІазыргвыгъакваз рГІамира йара йшГІайгвынгІвуаз, йчІвахуа араса йхІватІ:

— ЗакІы гъазхІвам, йГІахъшваквас арыла йГІамийуа-та райша зымГІва хІадгылра ъатахъу йцарныс. Ауат хІанйара ъатахъу здыруа дрылапІ. Швтшыжвыл!

АхвыГв тшыГвчва ацтагыла, йлаццараркІвас ацІх ГІацІпымта йыла, адзатшны абыхъв шапІы йыцІсуаз, ауаса мГІващ тшвадзала агІвадахъла йдырхаутІ. Ауат Атхан Азамат дыгырыламызтІ. Ауи йбандаквахуш бзы анацІарцІа йГІайыхъвдаквырцІаз ауысква рыхъазла акыт дГІатахатІ. РцІыхъва пхар ласыта йтадыргылыр-ныс закІгыи шазхІвамыз гІазгвынгІвуаз, ауат йруна-швачпаГІвачваквас Джьантемыр йпа ИсхІакъ йГІайай-хІвхъата йаъан. Азамат йъадзайылшауала дзачІву ГІа-цІимырпшуата йара акыт дтазларныс. Ауи акытква рп-ны йГІаншауа, абандаквa йрабакІырныс йадыркІылква-уа зъараГІву агыиква гІайдырта йыГвзачва йрайхІвлар-ныс.

ИсхІакъ, Уали йгыи ауат рыГвзачва йГІацІнапуата ЧвымГвра зырхІвауа адарартаква рпны йаъаз уаса къваш мцыракІ йнаквылГІ. Ауаъа тшычІвахырта гІа-льаматын. Бна цІагъала йхърысу акІвар цІола абжъа-гартакІ апны йаъаз, ауаса къваш аргван кытква йгыр-чІвымызтІ. Ауи ауахъ ащхъахъвшІа йаъу кыткІ йауаз къарчакІ йуаса къвашын. Ансисквшагыи адгыл йхвГІа-лунта, йуасаква гІайцуанта ауаъа йыгъныцІигун. Агъны штыцІуаз ауасаква акІвар йтицахлун. Акъваш сквшквкІ цІуата йымцыран. Акъарча йуасаква гъны-цІигарныс ауаъа йыгъГІайымцхуазтІ. Йауа ухІвары-квын, совет власть анщаквгыл ауи адгыл зчІвыз йгы-чІвыхмызтІ. Акъарчагыи адгыл акыт йгыидымрыхв-ГІахтІ. Ауаъа дара чва рхуан.

Акъваш ъагылаз йадсылуаз абна агІвадахъылагыи амараташварталагыи хъара йнадзун. Ауи абна уылагыла-та ауахъ Ахсауыт ащхъаква рпныдза агІвадала уыз-хъалуашын. Анахъанылагыи ауи абналамцара, йгыи ауи зтысуа акІварквала, йызшІысуа абыхъквала ауахъ Лъаба психІвадза узынадзушын. Абандаквa йразкІыр-тата ауи акъваш зГІалырхыз бергыльыпІ: Йъану ма-

дзартал, ауи акІвымкІвагы пхар гІаргвыквсуазтын,
зынла тшырзычІвахауа йырналІыцІуаштІ.

Йагыб ИсхІакъи йыгІвзачви Чвымгвра ауаса къваш
анны хахъа-хымш йаъан. Ауат йрыцлырныс йгІарыла-
хІазгы хгІвызаджвыкІ ракІвпІ. Дара ауатгы ркыт
йгІауамызтІ. Рачва ъагІацІырхуа асатин кыт йауакван.
АгІгІвы рахІа йнамдзас абанда «рыр» хахъа-хымш ауаса
къваш апны йчатІ, йыжвтІ. Йъадзачазгы йъадзары-
жвызгы рацкІыс рпхъадзара йъаламхІуз ахъазла
агвакъвпра йагІвнажватІ.

Акыт дгІатыцІуанта ансиуахъ ауат тшыгІв дрыз-
гІайуан. Ауи дгІазщтгийуаз Азамат, дара йгІатыцІи-
щтара акыт апны йгІаншаквуз, астаница йгІатыцІта
йгІайдыруаз ахабарква гІадирыгуан. Ауат ахабарква
ИсхІакъ йыгІымгвапхузтІ. Йауа ухІварыквын, йангІа-
тыцІуаз апхъала йшаъаз йапшдзата акытгы, астаница-
гы, апсыхІва зымгІвагы йтынчдзан. Архъаква тшыр-
квырпсан зымгІва чвагъвун.

Йара ИсхІакъ ауаса зымгІва тынчызларныс йгыта-
хъымызтІ. Ауи йтахъызгы дзайгвыгъузгы датшан:
акытка хІалъа-балыкъра гІарылалра, йшардагІвхар-
ныс дзайгвыгъуз абандаква йырчвшвата, ауат йнымха-
ра, аджъамгІатква алпІлара, совет власть рымуата ауи
йапшІагылра.

ЙцІабыргыпІ, Атхан Азамат йшгІадйырхІвазла, ста-
ница хъаракІ апны зджъакІы, дара йрапшта тшгІащ-
тІырхын, йбандата абна йылапІ. Ауат йырхъаду афицар
Козлов дгІахІвитІ, ИсхІакъгы йыгІвзачвагы ауи йыз-
цата йылалырныс. Ауи йгІаныцІуазгы ИсхІакъгы йа-
ра ахабар гІадзырхІвуз Азаматгы йгІаргвынгІвуан:
ауатгы мацІгІвын, йымчидан, ййрмурадыз алагІватІы-
раква гІандыршара гърылымшузтІ, ргвымхараква ры-
цызхушыз гІвзачва ртахъын.

Йхахъахуз ауахъ Атхан Азамат ауаса къваш апны
дгІайтІ. Ауи ИсхІакъ ауырата дйачважватІ. УацІы-
хъван, цІыхквтаквагы агІвсхъата, ачвагы йамгахуата
йалачІваз агвып йрайхІвтІ:

— Уа, сайщчваква! СызгІайыз ауыс зкву йцІасым-
кІуата йшвасхІвырныс акІвпІ. Йара швангІатыцІ йгІа-
шаз атшын АбатагІа йазната большавик гІайтІ. Ауат
швгІвы йрайхІапІ. ЙызгІайыз заджвгы йгыдырам.

ЙгГассырдырыныс йсылшаз ари акІвпІ: АбатагІа йпщІапІ, тшынлагы уахъынлагы гвып-гвып акытква гІамырдитІ, тшырбжытІ. Щарда йаъазлушма момкІва ласы йцахуашма закІгы гырхІвум. Ауи акІвпІ Барктгы АзанхІаблягы тшдырдагвта йызгІампІатІауа, хІкыт йауата йгІахъшваквазгы зызгІамис. Ауыс ауаса йанца хІызнапІыцІакву ахабар дхІырдыртІ. Унашва аъапІ мацІкІ хІсабырыныс. Ауи акІвмызтын, ауат АбатагІа йаъата акытква хІара йхІапшта йыртакву гыызгІатыцІуам, йшвитІ. Ужвы йгІатыцІырквын, йаъаз асатей йгІаквылуаштІта, ртгІачваква, паргванчва чыдагІа рызнийырыныс йшвитІ. Ауи акІвпІ ауыс экву.

Ауи йажваква хІвапс удынта агвып йырзалтІ. Ауат йжъахата, рхъа балахІ льяжъа йшаларцІаз гІаргвынгІвдзатІ. Йара ауат ахахъа-хымш гІваца руацІала заджвгы дгІарыламхІауата Чвымгвра йъатачІваз йрызгІаныцІуаз дасузлакІгы бзита йгІаргвынгІвуан.

— Айшыста йхІвата, Атхан йпа Азамат, швара шважва йазхъазцІаз хІара хІщамакъыта хІгІацІцІтІ. Ауи хІызакІ. Ужвы са суцІгІитІ, хІара хІбабуш? ЙхІчпара атахъыйа? ХІызууда, хІызчІвуда? — дызквчІваз акды дгІаквцІын, Джъаным МхІамат йбжалешыс, йбжатыпыз атдзыжв ауатыквла дгІаскІауа далагатІ.

— СымгІвашузтын, акыт йацгІатыцІкваз зымгІвагы хІара-хІара хІгІатыцІтІ. Заджвгы мчыла дыгыгІатгІымдатІ. Дасу йара йшидыруз, йнапа йшаквнайыргыз акІвпІ йшичпаз. Араъа йгІахІгвнымгІвуата хІыззцІгІуш закІгы гъаам. Ужвы хІаъацуш акІвпІ хІыззхъвыцра атахъу. Сара заджвыла. — дгІачважватІ Пакъа, Атхан Азамати Йагыб ИсхІакъи йырзынархаз ажваква йара йнайхвуа, джьюап гІаритуа.

— Арахъ, сайщчваква! Ажва амакІыра араъа йгІахІбжъахІыршвахра гъатахъым. Пакъа йхІваз цІабыргыпІ — хІара мчыла заджвгы ари хІызлалыз ауыс ду хІгІалайымцІатІ. Ауи хІакъпІ. Пыраста йхІзалыз зачІву, аугІа ашІазкІыз гІахІгвыншвыргІвы. ЗымгІвагы тшадхІымкІылскІва ар гІайын акытква йгІартачІватІ. УахъчІвала йхътІыта хІара ауат хІгъзырпшІагылуашым, — дчважвауа далагатІ Йагыб ИсхІакъ, йажваква щаквйырчІвауа, ауат багъара гІарништуа йгы йыгІвзачваква ргкква рквнайдыргара йтахъыта. — ИсхІвауа ари акІвпІ: хІкърар хІазцІабыргта, абальша-

викква хІхакв йтхІцахра хІазабакІра ахъазла, ужвыгъи мачІкІ хІазпшра ататахъхатІ. Ауаса йнаъазара, хІшангІалхъата йшаъаз апкъ йыквта, йанаяуаш атшын-дза хІсабырхатІ. ЗунагІваква йрыдгылх ауквуш адгылхпІ. ЗунагІва йадгылх амукувшгъи рхъаква заманкІ-ла зджъарала йпхъаркІквапІ...

— Майрачвата йухІвитІ, Йагъыб йпа, майрачвата!— дгІахънапылтІ Арскъан Маджъид. — Хахъахымш сгІаджъратта, йшпакІву ужвы сгвыргъьачІвауа аджъам-гІат сшызырлалхуаш?

— Зны уашІас, саща! Зны уашІас, — йхІватІ Ис-хІакъ, йщаквйырчІвуз йажваква рыцІагъи йапцІйырхв-хвауа.—Уара хахъахымш уунагІва уаъамызтын, йам-на гъгІанымшатІ. УыскІла зджъара уцата гъузымхІвуш-ма? Ауи акІвпІта, араъа щарда амахІшвмыркІуата, азаман гІадзанацІыкІъара тшцаквхІшвыркІы. Йшвас-хІвитІ: сара съацуш сазхъвыцхъатІ араъа хІъадзайчва-жвуз. Ауи йнасыцылквуш йырдырхпІ. Ауахъауатгъи йанатахъхара йжвдырхпІ. Акыт ахъазла гвмхаракІ-гъи гъшвымчпатІ. ШвунагІваква шврыдгылхта, тынчта швбзаза, швынха. Шванатахъхара швгІахІаухпІ. Ана-хъани — хІкърар кърарпІ. Заджвгъи закІгъи гъидырам. Швсакъха ари хІуыс ду, хІуыс ших зджъарагъи зынгъи шваламчважван, Азамат! ХІайщчва йрыквшвауа гІа-рыт!

Ауаъа Атхан Азамат йкъапталъ акІва джъып дта-сын, богІвча гІважъ дукІ гІатихтІ.

— ХІара кърарла йадгылкваз зымгІвагъи зтшын хІайчважваз йгІашІарышвта хІкъвырльыкъвхара ахъаз-ла хІакъ хІыквшвитІ. УнашвачпагІвта йхІымакву йхІызгІаддрыгтІ. Дасу швхъквва гІалххъапІ, зымгІва-гъи аъарапІ. Ари мыз хІакъпІ. Йнашвахквва. — Сара схъвы алсххъатІ.

Ауаъа ауи агІыгІвгъи, ахыгІв асатинчвагъи рылата, ахчата быжьба-быжьба туман ритатІ. Ауи гъахча мачІ-мызтІ. БыжьтуманкІ йгІатныцІуашын гІвычкІгъи, жвгъи, гІвба-хпа уасагъи.

— Ужвы йымшаскІва дасу швымгІва швапшыхра атахъыпІ. Акыт йнайхквуш ауахъ хІабабахпІ. Йызна-миквахуашгъи мгІва хайыр алахІ швыквицІатІ. Швх: бардъа сгІаныжвымжъын. Азаман аннадзара ласыта хІабайаухырныс ахъаз. Арахъ, Пакъа! Аткван зхІвын-чІаз уара шуакІву акыт апны йырдыритІ. Усакъха.

МачІкІ зджъарала тшпхъакІь. ГІвза дуыцта ргвы гыГІвум.

— Са сйызхъапІта сйыГІвсхпІ ауи Кърым-нача. Ауи йыбыз са йасыркІыпІ, зны хІахадзарГІатІ, — дГІагвы-жвкІуа далагатІ Пакъа.

— ХІайда! ХІшанГІалыз апш, марджъа! Швшхъачву швхъшвымраштылын! Бзила. ХІанйахнацІкІъара.

Чвымгвра кІвар апны ашахв гІацІнапымтаква йГІа-тачуаз апстхІва жвпІа тшыладрыдзуа, ащхъа дарарта-кви абнакви рппыла йджвыквылтІ Йагыб ИсхІакъ, Заш Уали йгы ахыГІв асатинчва. Джъандай Дылья, Джъа-ным МхІамат йгы Къагъаз Къамбот райша акытла йГІадырхаухтІ. Гъазмач Батыргъари, Зекъва Пакъа йгы Арскъан Маджид акытла уыс бзикІгы гыГІарзымпшыхуазтІта «ари хІымГІвахара ата-хъыпІ» — рзымхІвауата ауаса къваш йГІаквхатІ. Ат-кван шырхІвынчІаз шпархъаштылхрыз. Ауат Заш Уа-лии Йагыб ИсхІакъи йрыцарнысгы зныкІ ахъазла йаквыркІтІ. УацІыхъвангы акыт йакъвыщІуа тшхъарар-кІырныс йгырзамайквтІ. Ркыт йтамкІва, ртГІачваква йрыламкІва датша бзазара рауырныс йгъазхъарым-цІатІ. Заш Уали майрата тшизыржъата, авласть йап-шІагылырныс абанда йрылалквуз ахыГІвгы рхъа ащха ашва йымчважвауа акъваш мцыра йГІаквхатІ.

— Ныха схІвапІ,— амчважвара питшытІ Пакъа, Кърым-нача дГІахІшІамшварыквыныз, йназымг-ГІазым-гуа йара ужвыбырг райша акыт сшталхуашыз.

— Саргы ГІван сгъампшрызтІ, атшы йГІатыздаз акІвымзарквын,— йхІватІ Батыргъаригы.—Ауи какІв-чІвата акыт сшпаталхуаш? ЙамГІанлактайа аджъамГІат-сызларыдгылхуаш?

— Ауаъа йазухахуаш гъаъам. Абандаква тшГІащ-тІырххта, хІыртахъханацІыкІъара хІхъа шхІкІуаш хІазшвырхъвыц, — йхІван Пакъа атыпбжажв-апещб-жажв аджъахашва апны йацІхъийыз амца мшІквакІ аквирышвтІ.

Ауаъа Маджид, йыжвГІвахъаква йырхъарпаз йуа-пІа, дыжвГІвасуа абацкъа йыквирышвын, дизыГІа-скІъауа Пакъа дицІГІатІ.

— Арахъ, Пакъа, йзачІвбандахІа ужвыгы зунашва учпауа? ХІара хІацкІыс банда йзугвалахІа? Унай! ХІрайспІ аджъамГІат, хІрайспІ зымГІвагы! ЗакІы гъазхІвам заджв-ГІвуджъкІгы хІзыщырныс. Ауаса

йхъацІа, ауи ахІа закІгъи шІзымчпуш! ХІыржъатІ!
 ХІара кърар ажва ацыхІхІватІ, хІрыцІаджвыквылтІ.
 Дара къраргъи имангъи рымамкІва йгІацІцІтІ. Ргвымхара
 анамуы, хІгІаныржъын йджвыквылхтІ. Ауи йзухІвауа
 атшгІащтІыхра ужвы сара йгъхъасцІахуам. Йрылша-
 зарквын, ахпсыхІвакІгъи гІащтІырхуашын, авластгъи
 дрыхъвашушын. Швара йшвтахъу швчпа! Швхъа шва-
 хвитпІ. Сара йара ужвыбырг сшвкъвыцІхитІ. Швыгъзым-
 батІ! СыгъшвымбатІ! Санщчва рпны сцуштІ. УацІы-
 хъван йара сшнадзауа хІкыт сгІайхуаштІ. Арат ахымшкІ
 гъи ауаъа саъата схІвара ахъазла. ЗымгІва чвагъвитІ.
 Саргъи унагІва сывапІ,—счвагъвара атахъыпІ.

— МайрапІ, Маджъид, ура ууыс—йхІватІ йпсыцІа
 цІолата йгІайщтийуа Гъазмач Батыргъари. ЗакІылагъи
 сгъупырасуам. Умурад алахІ бзирала йгІаудайрыхІвтІ.
 ЙухІваз цІабыргыпІ. ХІыржъатІ. ХІаргъи хІщмакъыта
 хІгІацІцІтІ. Сара заджвыла пайхра гъсымам. Тшыс-
 чІвахра атахъыпІ. Ма ари ахча тІакІв зджъакІквата йыр-
 напІыцІаршва. Датша сывлауыхІвауа гъаъам. Асаби-
 ква закІыла йгІарыхъвапІ. Сывларжъата сывлабандахаз,
 схъа зластІыз ауи акІвпІ...

КЪЫЖ ЦІОЛА

Защ Уалии Йагъыб ИсхІакъи апщыгв-хвыгІв хъа-
 чва акыт йантырда, йгІарыквшаз ащымта Ащхъаркт ры-
 хъазла гвыгІвмыгІвра дукІ гърызгІанамгтІ. Ауат бан-
 дата йанджвыквылуашыз йзайгвыгъуз хІалъабалыкъ
 апсыхІва апынгъи акытква рпынгъи йыгъгІаннамыр-
 шатІ. Дасу йара йуыс йхун. Акыт аткван шырхІвынчІаз
 здырквазгъи ауи знапІыцІшаз зунагІва йыгІвната
 йызквымшаквас Защ Уалии Зекъва Пакъи шракІвыз
 акІвпІ йгІаргвынгІвыз. Ауат ауи апш агвымхараква,
 ахІвынчІараква йшырчвыхъарамыз зымдырхуазда.
 Акыт агІвыджъ зтыцІызгъи зквырцІагІвацуз йара ауи
 аткван ахІвынчІара акІвын. «ТшаладыргІващанацІы-
 кІъара зджъара тшпхъаркІта йгІадгылхуаштІ» — рхІвун
 зымгІвагъи. Акыт йауаквас зджъакІы бандата тшадыр-
 кІылта, ауат бзы ацІарцІата заджвгъи йгвы гымгІватІ.
 Атхан Азаматгъи, Йагъыб ИсхІакъгъи, айфандгъи, ауат

рыбызлагІвквагы рымадза уыс гвымха акыт рыхъазла йшмадзас йГанхатІ.

Тшахъыршваз агІапын йахънарыдзахуа амшква рыца-рыца йарыпхагІвуан. Уаса адкІыларазмаквас райхІарагІв рщассаква хъвлапнылагы акыт йыгыГарымцуазтІ. Ауахъ ахІвыртаква рпны йГалырыхыз ачвкъа-раква рпны йпхъун.

Акыт чвагъвун. Ачвагъвачва уахъгы тшынгы архъа йыквын. Агвлачва щажы гІагылрала, чвагъварала, жвжварала, жвла лацІарала йабарымхІвуа йанкъвакъвуан. Акыт апны Аджъпа Дауыт заджвыкІ йакІвымкІва йымчвагъвуз дыгътамзарызтІ. Ауи акІватан ащхъва йзыкІхырныс ныжъхта, дчврысыгІвхарнысгы йымч йыгыГанамгхуазтІ. Дажвын. ЙГарадзас радгыл зчвагъвара зборчыз Гъаригы дгъахамдзузтІ. Ауи акыт рыхъазла а кооперація йГарыртуаз афордзон гІазирыцра, йаланйырхуш гІвычІвГІвыс дизыпшгІун. Атрактор йзаланхуш дизыпшгІауата ауи дабамца йгы дзымхІвада. Ауаса зджъарагы дгъимаутІ. МшкІы, щыбжъангы намдзаскІва, астаніца дГІатыцІхын дГІайхуан. Радгыл дангІаквылх агІан, акыт дтамылуата, райша архъала дджвыквылтІ. Йаныршуз агІан дара йГарадзас адгыл дапшра йтахын. ЙГарыквшваз адгыл ъаштІу, гвлата йГарыдшвалквас зачІвкву ауи йГІайархІвхъан, райша Гъазмач Батыргъари дъачвагъвауа гІайауырныс йырхаутІ. Ауаса данрыдгыл агІан йчвагъвауата йбаз Батыргъари йащахІби ауи йпа хвыци ракІвпІ. Сальам райхын ауат дрыдгылтІ.

— Ачвагъвара швалгахъадзысщун. Шваргы швызлапхъысыз чІвагІвакІ гъаам, хІара хІадгыл апны къыжкІ лыгІарныс хІахамдзасызтынгы.

— Йабаъаз! Арат агІвымшкІгы кІватан заджвыкІпІ хІызлачвагъвауа,—йхІватІ ачквва гІашІазрыста, акъыж йГІатыцІыз Джъусып, йтшыжвцІра йахадзахъаз Гъари йнапІы гІайкІуа.

— ХІы, Батаргъари дыгъшвыцымчвагъвума? — дицІгІатІ Гъари.

— Момо. Асы йГІасыз щыквцІхуашызгы йымдырхуата, дгвыргъан зджъара дджвыквылтІ. УальахІа, дъацазгы шГІасайымхІв. Ауаса йыгъйымчпалузтІ.

— Дабацуш? ДГІайхпІ. Сасра дцазтын, йагІайчІархІуа гыгвапымцІхуазапІ.

Батыргъари дъацаз Джъусып йдыруан. Ауи абанда дрылалырныс шитахъыз гІайайхІвхъан. Джъусып йаща дгъашІайымкІытІ. Ауи араса акІвпІ дшхъвыщыз: «авласт птшуазтын, саща йуыс саргъи закІыла йгІасы-хъвапІхІва». ЙагІвсыз амшква руацІала айсракІгъи гІанымшауата йаниба Джъусып тшйырдагвын, йпа хвыш дпайахвып, ачвагъвара джвыквыцІахтІ. Мадзамадзагъи авласть пызтшуашыз йащи йыгІвзачви закІгъи ыарым-чпуз ахъазла йгвакъвпра дашуан.

— Дабацуш хІащагъи дгІайхпІ. Арахъ Гъари, швадгъыл гъшвымчвагъвушма сынчІва? Акыт зымгІва чвагъвитІ швара швакІвмызтын. Йшвмурадйа? — йхІватІ Джъусып, Аджъпа Гъари йаща дъаджвыквылыз йдыруата дачвшвара йгІалцІрала, райчважвара датша мгІва йыквыжъра дазыгвжважвауа.

— ЙуасхІвырйа, Джъусып? Сара сгъахамдзастІ. ХІаба йащажв, уара йудыритІ, дажвытІ. ЗакІы гІахІхъвыщпІ. ГІвычкІ хІымапІ. ЙхІтахъыху дзалагІви кІватанкІи ракІвпІ. ЗакІыта йхІчпапІ...

— Уалей, йчпачІву шзакІу — йчвагъвара атахъыпІ.

— ЙгъцІаскІрым, агвла. Сара йсмурадын, адгъыл машинала, трактор зырхІвауала йсчвагъварныс. Акооперація хІцарыквын, йара уахъчІвагъи атрактор гІахІыртуаштІ. Ауаса ари акъомракІгъи спшгІитІта, ауи ззынкъвцуш, йзаланхуш гІвычІвгІвыс дыгъсауам. УачІвыуачІващтаквадза ауи нкъвызхІырцуш дхІмауазтын, датша зджъакІы йрыртхуаштІ. ХІаргъи хІгІанхуштІ.

— Йараби, йазыгІвалайа ауи трактор зухІвауа, Гъари? Са угІасцІгІузтын, закІылагъи сгъазыбжам. Сычквала зъара сзычвагъвуш адгъыл сымазтІ. ЙсызхъуштІ ауи сара.

— Ауи атрактор атахъымзарквын, хайыр аламзарквын, йхъацІа, щта Джъусып, анат хІыгвlachва йахІвата йшгІарыкврымхрыз.

— Ауати хІари хІадумгалын, Гъари. Ауат гъауырпІ. Ауат руыс датшапІ. АхІважъгъи йыршІыртІта йырфитІта, закІгъи гърызнидзум. Анчва йгІанимыршаз ауи ашайтан машинала йчвагъварыгъи закІгъи гърызниуашым. ХІара амсылманкв ауаткв гъхІагІбушым. ХІара анчва йзаджвыкІу йшхІзихІваз апш, хІбзазара атахъыпІ. Щта, щта, хІабачва шбзаз аз апш. Йгъуымдырума айфанд уаз ангІахІитуаз йхІваз?

— АчІвйа йхІваз? — дгІагвжважватІ.

— АчІвыйа йхІваз? «Ауи анчва йкъвыцІуа ахъацІа, АджьпаргІа рычкІвын йгІайдырныс зцІыхъва дтагылу анапІахмашина швазсакъха марджъа», — йхІватІ — «Швадымгылын, хІырхъагъи йгІакврымдаргІатІ,» — йхІватІ.

— Йауа? АчІвыйа ауи зймуа?

— Ауи апш ъачІвагІала, анчва йгІанимырщаз закІыла анчва ду йадгьыл уыквынхарныс гІасрапІ хІва акІвпІ акътап йшгІанихуа.

— ЙгІасгвынгІвытІ ужвы, Джьусып. ЙгІасгвынгІвытІ хІаба йащажвгъи, — «ари аджьамгІат йрымуа атрактыр агІадра ацІыхъва утыцІ», — хІва гІван-хын йызгІасайхІвхъаз.

— Щта, щта. Дауытгъи анцІра йыгъйуурым, анчва йчвымгъу ъачІвагІа, напІах ъачІвагІа дадгылырныс — дгІафвышхватІ Джьусып. Ауи йгъхъайымцІузтІ, атрактор йалачвагъварквын, анчва йбалахІ акытгъи йаргъи йгІарыквымшвушта.

— ЙсызргІва, агвла! Ачвагъвара уапскъватІ. ЙауитІ. ХІапшыпІ. Амаль кІара амазтын, ауи атрактыр уызчвырхІауала ари йубауа хІадгьыл дсрычвагъвапІ сара. ХІапшыпІ ауи йгІалцІуа. ХІанйахнацІкІъарагъи ма бзила, — йхІван Гъари Джьусып йнапы йкІын йтшгъи ъададжъта йыма дгІайкъвыцІхтІ.

Айфанд йуыс атрактор апны йъалайцІауа, аджьамгІат ауи йзачвирахІауа Гъари йгъгІайгвнымгІвуазтІ. Ауаса дайрышта йгвы йтайкІытІ, дхвгІачІвызтынгъи дихвгІата атрактор йзаланхуш гІвычІвгІвыс дгІайауырныс. Ауи апш гІвычІвгІвыс Гъари йымдырдзакІва дгІанайаутІ.

АбатагІа йгІатыцІта акыт асовет йгІайыз, аэскадрон акомандири йари райчважвара апны Гъари йгвы йахъдзауата йхІватІ, йзаланхуш гІвычІвгІвыс дъармауа ахъазла авласть акыт йгІарнатыз атрактор рызгІамдуата астаница аоперація апщІа йштшкІарагылу. Акомандир акыт йгъи йара гІвза шыцта йзалыз Гъари дырцхърыгІарныс ахъазла араса йхІватІ:

— АцІабыргдза гъсыздырам. Ауаса хІэскадрон йрылапІ АрмалъхІабля йауата гІвыджъ. Ауат айхамгІва апны йынхун. СымгІвашузтын, азаджв амцамашина нкъвызцуз амашинист дйыцынхатІ. СырцІгІапІ. Атрактор йзаланхуш дрылазтын, закІы гІахІхъвыцпІ. Араѡа хІъадзану даланхапІ, ауи йзаланхушгъи дшвзибжьапІ.

Багъадзата угъсыргвыгъум, ауи апш тачІвагІа зму дхІымахарныс. Ауаса йгІассырдырпІ.

Йара ауи йанайчважва ахъвлапын эскадрон акомандир Гъари йпны тшыгІв дгІайщтитІ. Ауи йгІайщтийыз акрасноармеец атрактор йзынырхушта йгъи йзалапхуш йбжъарныс Гъари дйыргвыгъатІ. Ауи ахІа гвыргъара ду Гъари йынцІра йгІайыдахІвхъата йгъйымдырхуазтІ.

ЙащтагІайуаз ащымта акооперация агвашвквагъи рымтІыскІва, Гъари ауаъа йнайырдазахъан. Акрасноармеец Михаилгъи йара йтшгвыхв Қырбыджь Азаматгъи ауи йыцын. АхыгІвгъи ацгІайтІ. Гъари дтшыгІвта, ауахъауат агІвыджь — уандырла. Акыт йангІатыцІуаз агІан Гъари тшыгІвта йгІайырныс акІвын йызквикІыз. Ауаса уандыргъи шатахъхушыз ауи Михаил йгІайгвынйыргІвытІ.

Акооперация агваралырта гІартІгІвацатІ акІвын дгвыргъачІвауа Гъари дгваралтІ. Ашвъаква тьадзавынйыргІвуаз Михаил афордзон шыц дахъпшытІ. Гъари дангІайыдгылх агІан ауи атрактор алайыршвата, апщІа дгІагварцІхра ахІа датша дызкІыхушыз гъахмызтІ. Ауаса ауат щыбжъандзагъи апщІа йгъызгІагварымцІтІ. ГІвшвандрыйакІ фатагъан рызната, хъщы йгъи тьамапсыма щарда ауандыр йанырцІатІ.

Щыбжъан бзита йхъкІьхъата Михаил афордзон Ащхъаркт йгІайырдызатІ. Ауи апхъа дгыла дтшыгІвта Гъари акыт дгІаталхтІ. Азамат йуандыргъи ауи ацІыхъва йтагылан. Акытсовет апны йгІашІадрысыз афордзон аугІа жвпІара йкІвдыршан йапшытІ. УацІахъван гІвуандыр мцыракІ ауи йашІадрышвын акыт урам аурала йалатІ, йалагІайхтІ. Ауандыркава йрызната чкІвынчва рыквчІван. Зуандырла атрактор рыцгІаздыз Азамат Михаил йквчІварта ащтахъла йаму ашІагыларта, йара йакІвымкІва датша заджвгъи дхвитта йхъайымцІауа, дашІагылан.

Афордзон абжы жвгІванд ддра ауурадзата акыт гІатнарыхІвачвгІун, акыт йтыцІуанта атобакви ахвакви йрыгІвсуа, архъа хътІыра ду йыквылуан.

Аурамкви аурамбжъаракви йгІарбжъыкъъуз ачкІвынчва хвыц амгІадаква атрактор йащталун. АпхІвысква, апхІвыспа хвыцквва ахІахъвгвараква йгІархъпшылуа, ауи йащтахъпшуан. Алыгажккви атажккви иман

гIаргуан. БалахI льяжъадзакI акыт йгIатамылкIва ауат йыгырымпхъадзутI.

Алыгажв Гъатгъар Бемырза йгвашв дгIагварцIын, йлабагы ахIахъвгвара йдыргылын, духIа гIайахвуа анчва дйхIвун:

— Ай, алахIта йзаджвыкIу! Ари гъауыр йбалахI-мыжда хIкыт хайыр тIакIв йтугарныс суыхIвитI. СуыхIвитI, уара йучвымгъу анапIахъачIвагIа, ашайтан гIахъвыцра зквныкъваз ари хIадгъыл хыйа тIакIв гIаухчарныс. Зылаквa Бемырза йдухIагIахвра йгIарыцIашваз хъачвакIагIыи йара акытсовет адзхъа йъалагылазгыи духIа йыцIарахвтI. Ауат йрылагылаз Джъабар-ргIа Льяльу акыт апны йгIаншауа гыгIайгвнымIвуазтI. Ауаса ауи йгIардыз, йара-йара йныкъвауа амашина, гIвуандыр дукI ахъаззаджвыкI хабартагыи йамбауа йызрыгIвуа, йджъайщадзауа дащтахъпшуан йгыи йгвыла йхIвун:

— Ауи абольшавиккIва йангIардзара, Аджъпа Гъари йхъатала йангIадирыдзара, йбжъахъу алашажв йапшта гIвычIвгIвыс йанизынкъвцауазара, гвымхаракIгыи апщылазара гъатахъым.

ЙащтагIайуаз атшын ащымта, акытсовет апщIа йтшкIарагылата ауахъ Кырбыджъ Азамат йчIапщаз афордзон гIвба-гIвба къбаба змаз гIвкIватанкIгыи ацрахIвата чвагъвара йалатыцIтI. Ауи апхъа йаларчвагъваз йара акытсовет адгъыл акIвпI. Ансисквшагыи асовет ахъазла хдесатынакI рчвагъвалун. АтшкIва йдррыфуаш чва рхлун.

АхдесатынакI райхIара йара ауи атшын Михаил, Гъари йгыи Кырбыджъ Азамат йырчвагъватI. Гъарии Азамати акIватан къбабаква къазула йдрыцкъауа Михаил йыцынхун. Ауи акIвымкIвагыи, гIван ашта йгIакIвшапхъадзагыи, адзыхъ апныдза йцалунта атрактор йтарчварныс дзы гIаргуан. ЙхъвланацIыкIъарагыи гIван ахIа фатагъан атрактор Михаил йыгътайымчватI. Фатагъан этаз айха швандрыйа, Азамат йтшыуандыр йангылан. Азаматгыи Гъаригыи ажъира йыгIвнанхазшва, алгIви асаби йыршвын, рлактаква гыуымбахуазтI. Ауаса йгвыргъачIвун. Ауат йчвагъварныс ашта йантагыл йырхъазын. Ауаса ашта гIатакIыра апны зны йгIакIвшапхъадзагыи атрактор шчвагъвауа йапшырныс йгIайквуз ркытлагIвчва рыцIа-рыцIа йщардагIвхун. Ауи

йапшквуз зымгІвагы кѳабат пшдзата йацраxІваз агІв-
кІватанкІ йацгІадзхѳарцІуз апшкѳыжкІ ганыта йгІар-
кІуаз ршвун, акѳыж ацІолара йтагылуанта йапшуан.
ЙхѳарамкІва пшба-пшба, цба-цба чвыла йчвагѳваквуз
ашта зны йгІакІвшанацІкІѳара, атрактор гІван йгІи
хын йагІакІвшарыз рджѳашара рыцІагы йазІун.

— Арахъ, — йхІватІ йыдзхѳагылаквз тшырзына-
йырхауа Джѳусып. — Араѳа йгІайуаш анартыхв йа ам-
хы фатагѳан фыгІв гѳахѳымхІушмиштІ?

Ауи йгІвы йгІаташвз акѳангѳашра йырхѳвыххра
ахѳазла ачвагѳварта дылаѳабан, йыгІвнапІсаргвыцІакІ
рызна нышв гІаштІихын, дафгІвышвауа далагатІ.
КѳомракІ дафгІвышван, закІгІи йымхІвауата, йырхаз
йжвамачвкІ йыркІынйырпІлауа анышв кІайпсахтІ.

— ХІы, фатагѳанфыгІв ахѳхІума? — йхІван йара
ауаѳа йаѳаз Алексей Федорович ауи дицІгІатІ, йпыкв-
ква дрыцІхѳыччауа.

Йхѳа йыркацарагІваца акІвымкІва Джѳусып азцІ-
гІара джѳуапкІгІи гыгІайымттІ.

ГІазиз, АхІмад, ГІазиз йунакѳващ датшагІи шар-
дагІвы йраздзата атрактор ачвагѳвара, ауи амч ду
джѳарщауа йапшуан йгІи шІакІла йацчважвауазшва
йырхІвун:

— Акѳыж цІолазтын, ажвла гыдзуам, адгЫл ахѳ-
гІара йазалитІ. Атрактор кѳыж цІолала йчвагѳвитІ.
Ауи апш зымгІвагы закІы-закІ хІыманда!

Зысквшвала дчкІвыныркІвапІхІва уызпхѳа амуы-
хуашыз акрасноармеец Михаил ауи агІапын акытла-
гІвчва йрыуата шардагІвы радгЫлква йчвагѳватІ. Зад-
гЫл рчвагѳвуз, ауи ачвагѳвара йаквшвуз ахв акытсо-
вет апны йыртийуан. Ачвагѳвара йаквшвуз гѳшарда-
мызтІта, шардагІвгІи рцІахІвачвлагІи ркІватанкв-
лагІи йшадгалазгІи, атракторла радгЫлква рзыр-
чвагѳварныс йахІвун. Ауаса асовет апны унашвата
йшырчпазла апхѳапхѳа задгЫлква рчвагѳвз рыцІа
йымчыдаквз аунагІваква радгЫлква ракІвпІ.

Ауи агІапын чвагѳвара апны Кырбыджь Азамат,
йынцІра дызланхаз атрактор акІвызшва, ауи дзалан-
хауата Михаил дибжѳатІ. Аэскадрон АбатагІа йанты-
цІхгІи, акомандир дгІанижын, Михаил акыт апны
даѳаркІван. Ауаса цІабыргыта, ауи йтшгІи йара асовет
атшква йрыцынкѳвыргун. Дыртахѳхузтын, зынла йтшы
тшаквирышвта, йыгІвзачва дшырзцахуашыз апш.

Акыт абзагагІвчва ачвагвараквагы акІапсараквагы йацацхърыгІумца йрылгун. Апхъапхъа ащцалрата йшырзалыз апш, архъа аргванква рпны акІвын ауат нартыхв, кІартІоф, семчкІа ъаларцІалуз. Ауат ррашвара йагІахан. АкІартІофгы асемчкІагы драшван, нартыхвын йдрашвуз. НапІыла йаквырпсахта, ажвлаква алахъыргІвахырныс йрыжвжвахыз анартыхква ахІвра шгІайуаз йапшта йалайын, ррашвара баргвын. ТшгІаквызрыдзцауа йгІакваз аквакваша ашварахъва дырдууын, арашвагІвчва швабыжта йгІапсун.

Ага угІапсарыгы, укыт тынчта утазара, уунагІва уыгІвназара ахІа датша тынчри насыпи аъати йзымпхъадзуз Ащхъаркт абзагагІвчвагы ртынчра мшигІадзагы рыцІа-рыцІа йазыразхун. Йара апхъала апшта щымталагы, щыбжъанлагы, хъвлапнылагы алыгажкваша амаджыгыт йцалун. Йара апхъала апшта аунагІва пхІвыскваша рхъыргІвра, рквбасра, рлахІвара йгы рлзгІагра цыхъва гырмамызтІ. Акыт бзасун. Абзагара хвitra ргвы андырчвгІун.

ТАЦАНАДЫЛРА НАШХЫЙА

Хыщхъакви хІпсыхІвакви рпны ащцалрата йалтІ, апхІвысгІагра-тацанадылракваша анщардахауа агъынкваша рагІанкваша акІвызлауата. Йалырныс ауыпІ ауи гІазлыцІыз агІапынгы, апхынгы, адзынгы анхаракваша ъаквылуа акІвхарныс. Йалырныс ауыпІ, ауи датша аъащакІ йгІалцІырнысгы. Ауаса йгІаншалун, апхынлагы таца дгІаргуа, таца днардылуа. Ауи апш гвыргъбара ауи агІапын квта агІан Ащхъаркт апны йгІаншатІ. Акыт апны рахІа ймачІу аткъвымкваша йрыуу ХІатІыщргІа таца дгІаргын, днардылырныс дгІадыргалхуан.

ПхІвыс дгІазгыз ХІатІыщ Бакыыр йащайцІба ТІахир йакІвпІ. ТІахир пхІвыс дгІайгырныс йагІахищтара сквш къомкІгы агІвсхъан. Къвлейра дукІ змакІва йбзасуз атгІачва граждан айсра агІан рыцІагы йамцІпІлан. ЙащакІба чІврышврала йгІайыквшвата Шкуро йыр дрылата айсра данца агІан аунагІва зырбзасарныс йыззыгІанхаз йара йакІвын. ЙащакІба Бакыыр пщыскваша айхІа дджвыквын. Ауахъ дызшІашваз Аджъапа Гъари «Бакыыргы сара йсыцкву дрылапІ,»—йхІвата ахабар

гІайырганацІкІъара йаща дъанызгы, дабгазтынгы
рымдыруа ТІахиргы йаща йтІагчагы йыргатІ.
Йагла ага йнадзарыгы, ауи тагвжва гІагра дыгъзала-
мылуазтІ. Далалырныс йгвы йІаташварыгы, йыгъы-
лымшушызтІ. Йаща йычвуандыр, жвыкІ, гІвба-хпа уаса
рахІа рыпщІа датша млыкв гътшкІарамызтІ. Чмата
йтїуашыз гырымамызтІ. Ауи йайчвахугы раба йрыз-
гІанижъта йзыгІвнабзасуз атдзыжв ацкІыс ажвы акыт
ду йыгътагылахмызтІ. Ауи амстаква злащтІыхыз абацІ-
къбажквва ажвын, йызлащыхыз анышв аквпІлун. Ба-
кыыр дгІайхнацІкІъарагы, «ай,алахІ, сынчІвазаджвыкІ
йкІамхІауата хІтдзыжв хІхъарпата йыгІгандахІва» ау-
нагІва йыргатІ.

ХІатІыщ Бакыыр дабгазгІвадата йпщысквІахуз
ацІыхъваквва рагІан йунагІва дгІадгылхтІ. Ауи айсра ап-
ны гІвза дута дыззалыз йкытлагІв Аджъпа Гъаригы
акыт дгІайхтІ. Акытсовет апны апхъа унашвачпагІвта
йдыргылызгы ауи йакІвын. Йшйылшуз гІвысквша дукІ
райхІа ауыс нкъвигатІ. ДжъамгІат уыс нкъвгара чІва-
гІвадукІ дазычпамызтынгы Бакыыр авласть шІыц дах-
чагІвы хахвадзата акыт апны дгІацІцІтІ. Ауи ахабза
шІыцквва багъята дрызгылан. РыцІа айшыста йухІва-
рыквын, акыт йгІатахаквва абайачви айсра апны дызп-
шІагылата арыцІагчава рыхъазла дзайсквузи йыла
йгыцІаймырпшуазтІ. АхъазгІваца акыт йтабзасарныс
йчхІун. Ауат акыт йтцара атахъыпхІва хабза аъата
йгІайархІвзарквын, уахъыкІла йтнайыргарын. Ауаса
ауи апш хабза совет власть йгыгІацІнамщтызтІта, ауи
йгвы йасуан. Гъари дгІамискІва, гІвымызкІ рапхъала
йунагІва уахъынлата дшцахуаз Бакыыр йыщкІлахысын
хъантата дырхвытІ. Ахвырта йыхызтІхІва, ауи йгІайна-
рахвыз азгІва гымбзихахуазтІ. Ауи дныкъвадыкъва-
хан йымхъвахуаз йнапІыкІ йацта ша гІайтвылцІуа
дамхІвун.

ЙгІайайхсыз, дызщра зтахъквваз зачІвкву Бакыыр
йдыруан. Ауаса «ари йакІвпІ йгІахысыз, арат ракІв-
запІ дгІазырхысыз» — гызымхІвузтІ. Акыт апны дыз-
тахъымыз азнан. Ауаса рыуа йызквциарызда? Йхвыр-
та ацкІыс дызхквваз т̄айзымдыруаз дащуамцара ахъа-
цІа азгІва даркІвададзата Аджъпа Гъари дангІайх
агІан акытсоветгы дакъвыщІхын йунагІва дыгІвна-
чІвахтІ. Айсра апны йрызгІаджвыквлыз агІвзара ауат
агІвуджъ зынгы йыгъкІадымрышвхтІ..

УнагІвала рыцІа тшанабыртх, тыдз шыцгыи аныр-
чпа агІан Бакыыр йаща йадирыхІвтІ, тагвжва дгІайгра
шатахъыз. Атаца дызхІвайырныс йщтикваз, — «чмата
йхІтйырныс ари аъара гІахІдырбатІ», — анырхІва, —
«ужвы чма гыртйыхуам, ауи апш хабза гъаъахым-
хІва», — дцІыррыгыи йырхІваз дадгылтІ. Ачматира
авласть ахабзала йарыдзызтІхІва ащхъабзазагІвчва
ркытква рпны базта йаъаркІван.

Ахвашатшын ажвгІванд, ауи аъара йцкъанта, ауи
ауацІа аткван йгІаджвылыргаз агІвыга шыц йапш-
та йкІкІун. ХІатІыщргІа ртдзы ауарджыакъ йхвынгылу
альодан баракъ шкІвокІва лымхІарыгІв дууызшва ап-
ша йынкъвнагауа, акыт йгІарылакІкитІ. АпщІа угІа
азнапІ: ащъагІвчва, атшыгІвчва највысылгІажвы-
слитІ. Апахъ хъвмарра ду аларгахъатІ. Акыт совет р-
чанка акыт апны рыцІа йагъу атшква ацІахІвата,
йгваркъъарныс йхІазырта йтшкІарагылапІ. Таца дгІаз-
гыз Бакыыр йызгІвагыи йхъаштылхын дгвыргъачІвауа
атаца дгІазгхырныс йджвыквылуаш адакІвача йрахІба-
харныс йызквйырпшыз, йчІарачІата, чгІвыча шыцдза-
ла тшызгІвычата йгІайыз йыгвла ХІашышвт Мстафа
дйачважвитІ, йыкІва йгІатихуа ахча йыйтитІ. ЗакІы
гъазхІвам атаца дъадгалу, дшвхвгІах йа дгІашвыргыл
йшахабзу апшхІва йгІархІварныс. Бакыыр закІгыи
дгъайгъдзум. ЙаццазаджвыкІ тагвжва дгІайгтІ, унагІва-
ра йчпуштІ.

АдакІвача тшадызгалкввауа дрылапІ Дадыщ ХІарун-
гыи. ХІарун йацкІыс атшы дазычпата, йшырхІвауа апш-
та «тшыла дчвгъата» акыт йту заджв-гІвыджьпІ.
Акыт хъачвата йту зымгІва чІвгІван рымата йапыра-
гылыргыи ауи йпимтшуаш гвашвы гъаъам. Атдзы ашв
ныжъхта, дызквчІву атшы ахъышв йкІылыырпитІ.

Ауи ахъацІа ХІатІыщ Бакыыр дгыгвапхум; бзи йым-
баквауа дрыуапІ. Ауаса «атацанадылра апны угІам-
йын», — хІва дзапш адыгъайа йызхІваху? Бакыыргыи
йгызымхІватІ. Атаца йхъазы дгытацам, акыт зымгІва-
гыи дыртацапІ. ЗымгІвагыи лайгвыргъытІ, зымгІвагыи
ддрыпшдзитІ. ХІара хІыщхъаква рпны зынгыи йгыр-
хІвум,—«саби дсаутІ, гвыргъъара угІамйын»-хІва, «таца
дгІазгтІ,—гвыргъъара угІамйын»-хІва, «сыуа, саргван
дгъаъахым, гвасра сыцуымшан аджъанази ачІвыуачви
угІарыламлын»-хІва. Ауатква аджъамгІат зымгІва йа-

цыруыспта, зымгІвагы йацырбитІ. Ауди акІвдзапІ Дадыщ ХІарунгы тшгІатихуа адакІвача йрыуата ахІбачва тшъазыркІкІыз апны дызрылагылу. АгІвычІвгІвыс йгвы уызгІатыхпІ, ауаса ади йгвы йту ахъвыцра зынгы йыгъуызгІатыхуашым. ХІарун йгвы йтугы дыззгІайызгы заджвгы йдырра гъылшушым. Ауаса зымгІвагы багыата йырдыритІ, йиртахъдзугы ргвы йтазтІ, йгІайыз зымгІвагы—аргвангы хъарагы йгІадырбуш ргІвычІвысыгІара, . ргвыргъъара шракІву, йъагІайыз ауагІва гвымхара агвхахІвара мшы апны йшазырымхуш. Ауди акІвпІ ахабза шаъу, ади акІвпІ ахІбачва рабачва йатарабачваху рпны йгІашІарышвта йышгІамгІвайсуа.

ШайыжвгІаква аннадза адакІвача рахІбачва атдзы йпардылын йдырчатІ. АйцІбачва йрыуаквазгы азджъакІ рпынква азджъакІгы агвлачвакка рпны йчатІ. Ауат зымгІва зыгІвнашвуш пещ ныжъхта пщІагы майрата йгъуаурым. Ащхъаркт гъджъамгІат хвыцым.

АдакІвача рахІба абаракъ йымата атдзы дгІаджвылцІхтІ, йынбжъагІвчвагы йыцта. Ауахъауат зымгІва ртшква йрыквчІвата—азджъакІ апахъ аджъакІгы аурам апны ауат йрызпшуан. Атачанка акъвабызчи ахІвсси аквчІвата йгварцІырныс йджвквмылскІва ахІбачвагы гІатшыжвылтІ. АхІба абаракъ ауацІимхуата йагыма напыла йыма апщІа дгварцІтІ. Аурам анрау агІан, акъвабыз абжы злымхІаква йыртасуаз атшква хІвычІвуа, йрыквчІваквас йырзымкІхуа, йалагатІ. Ауат джвквылтІ.

Апхънысраква. АгІвхъцІа йшыкву ахысра закІмакІква. Акыт апны кІъарахІва, швокъ нкъвызгаквуз мацІын, акытсовети амилиция рпны йынхаквузи ракІвын. АдакІвача йрылата йхысуазгы ауат ракІвын.

ХІатІыщргІа йгІаргыз ртаца йара акыт апны дадгалан. Раба йахщапхІа лпны акІвын дъадгалаз. АдакІвача ауаъа ласы йнадырдзатІ. Ауат йгІарчІархІнацІыкІъарагы лара атаца дгІадыргалнацІыкІъарагы, ауаъагы хъвмарра ду аларгатІ: йгІахІвытІ, йгІакІвашатІ.

АдакІвача рахІба ХІашІышвт Мстафа унашва йчпатІ, атаца дгІадыргылырныс. Ауди дгІазыргылквушыз агІвычкІвынчвагы апхІвыспаквагы хІазырын. Бакыр йгІайыйтыз агІаргылша ахчагы агІвычкІвынчва йырнапыцІайыршвахъан. Атдзы йызнамшылта, йыгІвнамшвата, апщІа йтшкІарагылаквас атацагачва йгІаджвы-

квырцІаз ауаридада аурам йгылаз атшыГІвчвагы йац-
гІаштІырхтІ. Акъвабызчы апхъа дгылапІ. Лхъаквтадза
йштІылхуа акъвабыз лрыхІвачвитІ. АГІвхІвсса дырб-
жъагылата атаца дГІаджвылырдитІ. АГІвпхІвыспачвагы
асаби йлапшта йлызсакъуа, тшыкІвдыршауа ауи лма-
хъаква рымапІ. Лхъапахъла йгІауштта лыурала йГІа-
кІахвхвауа альодан кІас ду агІылахІва ллакта гІацІпш-
гІвацун. Ауат рцІыхъва йтагылу, атаца дГІазыргылыз
аГІвчыкІвынчвагы аджъамхаГІаса аныла-арыла йыз-
хъагыла, йгвыргъачІвауа акъвабыз абжы йаквдыр-
швауа, напІы йасуа йГІаджвылцІхуан.

Атаца атачанка данандырчІвал ауаридада рыцІагы
тшГІаштІнахтІ. АпщІа йгІаштІыцІта йГІагварцІыз
ауаридада абжы аурам йГІаквлын акытуацІала йпсгІа-
уа йджвыквылтІ. Абаракъ зму атшыГІв атачанка дадз-
хъагыла дГІагІвитІ. Ауи атаца йГІаргуа йылбаракъпІ.
Дъаргауа апщІа днадырздзата, дгварарданацІыкІара,
атачанка данырхнацІыкІара абаракъ лхъагылазлара
атахъыпІ. Ауи дананырхра йГІайамарымкІуазтын, йыз-
мата йГІазгыз йызГІанхитІ. Ауаса зща гІашуз ачкІвын-
чва рпны хъацІарала абаракъ гІауамазымкІуаш дыгъ-
гІауаурым. АйхІарадза амчыбыжъ шабгу йзайгвыгІвыз
ртшква йызГІарыквчІваз йара ауи абаракъ амакІри
тшыГІваратлас йасри ракІвпІ.

АдакІвача тшыГІвквала йкІвыршата, ауаридади ахъ-
хысылракви ахъагыла атаца дзынчІвалаз атачанка
акыт аурамква йГІарыкІвшан, райша ХІатІыщргІа
рпныла йГІанархаухтІ. Агвараква, абакъква йрызната
угІа рыквчІвапІ. Ауат зыла гІакІылцІта йГІагІвуа атш-
ква, джъгыт харс зпауа ауат йрыквчІву ачкІвынчваква
йырпшитІ. Агвашв йауацІыхта йтІыпІ. Ауаса ауи хъыр-
кІылуа, ачІвГІванкви абаца дукви рымата, ахъачви ач-
кІвынчви апырагылапІ. Ауат атаца дызлагІаргуа ата-
чанка акІвымкІва тшыГІвкІгы дыгъГІатшкІарарыжъуа-
шым. Атаца дананырхра йГІагваралргІатІ. УацІы-
хъван йртахъызтын, хъалагы йгылргІатІ. ЙхвитпІ.

Атачанка ХІатІыщргІа рпны йнадзарныс шарда ата-
хъыркІван, адакІвачачва йрыуата йапхъаныскваз агва-
шв йапырагылакваз йанырпшлах. РыцІа йшлаквас йгы
акІвдыр тштарчІвахырныс рмурадта тшаддырпцІылуа,
атшква рыхъвдаква тшырквдыргъвгъвауа, ауат рыдзар-
таква тшырдырбцІылуа, ртшквала агвашв зхчаквуз

йрысуан. Ауахь ауатгы айрышра дудздза рылата атшквагы ауат йрыквчІваквзгы йґларысуан. ЗымґІва алацІыруан. АдакІвача йрыуаквзгы рґлажвылра — агвыквсраква аквдрыдзцун. АхчаґІвчагы ркшараква, рапшІагылраква йрыладырхІун. Атаца дзынчІвалаз атачанкагы ґадзатІ. Ауаса атшґвыхв мачІкІ йшхъараркІваз атшква ашІайкІытІ. ЙкачкІуаз адакІвача тшыґІвчви агвашвхчаґІвчви ранкъвакъвра айрышра алґа-нацІыкІыара дрызпшра атахъын. Ауи акІвмызтын, йара атачанкагы ґгварарымжьюашызтІ зайрышра зызчыз агвашвхчаґІвчва. ЙшырхІвауа апшта, «агвашв ьарзы-пымтшдзахуаз» ахъазла атшква йрыквчІваквз агІв-къьун. Ауат рґвасра-гвыжвкІра йалахІапхъадзагы йґарпшІагылквз гвыргъьун. Рґвыргъьара йґаныцІ-уа бергылыпІ: «ШвхъацІазтын, швхІайґІай! ХъацІара злу хІапырйырцрґІатІ агвашв». Йара ауат апыруырцра ахъаз, хъацІара уара йуылазара пыжъхта, уызквчІву атшы балахІдзакІ акІвзара атахъын, йґаквшвауа ау-дын йачвымшвауата агвашв пхънажвара ахъаз.

Абар ґІвтшчва, йѳагварармыжьюаз агвашв йакъвы-цын, дэхъала тшыркІуа, тшдрыхъаран йгылапІ. Тынч-та йгылапІ. ЙґлахІвычІвуа, загъвраквва йрыхъуа ртшква рапхъала йыґґІаdryпІатІаууам. Алакшара йапшитІ. ЗакІгы гырхІвум. ЧкІвын хахвакІ тшазичпан йтшы агвашв аквтабырг йгылаквз, рыцІа айрышта йґак-шаквуз йнарзайцІатІ. Ауати атшыґІви ьадзабакІуаз, йнаскІьата тшызкІуаз агІвдыжъгы, швокькІ йацґІа-тышвтыз акква рапшта йадзхъагыла тшґІауырщтын агвашв йгылаквз йґларыстІ. Ауи аудын мадза ззализ агвашвхчаґІвчва йапырцІра рылымшахуата, йрымаз ачІвґІванкввагы абацакввагы рзымкъьаскІва, агІв-тшыкІгы ауат йырхъыпан апщІа йтшкІарапатІ. АґІвдыжъгы ртшква ґІацадыргъагысахын, агвашвх-чаґІвчва йґларыстІ. Ауати арахъарыла йкшаквуз атш-чви рудын агвашвхчаґІвчва амцІнацатІ.

Ауи асахІат ґІвахІбачва, ґІвлыгажвчва, ґІаскІьан йырхІватІ:

— ЙщахвпІ, бзирґІа! ЙнахъапІ швъадзабаквхыз! Агвашв пхъыржватІ хъацІарала. ЙамашвкІыхуаш ґьа-ъахым.

Йабачвырццквз адакІвача йрылаквзгы агвашв-хчаґІвчвагы йаквшвауа йґІалазрышвуа йыщтІырхуа ауаридада рхІвитІ. Йґагварадырххыз атачанквва

гІашІасма шуІвауаркІвауа йызквдырпшквас надзитІ-та атаца дгІанырхитІ. Ауаридада абжы рыцІагы тшардууитІ. Акъвабыз абжы ауи йанкъвакъвитІ. Ахъхы-сылраква аквудзитІ. Атаца днардылгІвацара йахадзагІвацатІ акІвын атшчва йанкъвакъвуа анашылырта йажвылтІ. Ауаса майрата унаржылуазма! Агвашв апны йапшдзата атдзы ашвгы абацаква, ачІвгІванква рымата йапырагылан. Ашв апынгы йара ауи йапшдзата ажвысылра, амакІра, цырра йгы хыччара.

— Уа, марджъа, хІшвымщын, шваргы тшышвымщын,— йхІвауа, таца дыззгІаргыз аунагІва тшрылазпхъадзуз хъацІакІ атдзы йгІаджвылиган баракъкІ гІарылайгатІ. Йаргваныз ахыгІв тшыгІвчвагы ауи йацамцІастІ йакъвыржвума ухІвушта. Ауаса рыцІа йымчхъаз йгы рыцІа къвлейта йызнапІыцІашвас агвашвла тшазичпауа даналага, апщІа йтшкІараз атшчва райхІарагІв гваркъбауа йалагатІ. Ауат абаракъ згушыз йыцталра, йхъыздара йгы йгІайквырхра ахІа датша тахъыра дукІ ауи асахІат йыгърымамызтІ. «Абаракъ гІазгыз ари йакІвпІхІва»,— аджъамгІат йыхъыз рхІвара йгы йызлагІайгыз йтшы аунашва ртшхъварала йырхІвара акІвын дзачІвызлакІгы йыртахъыз.

Дадыщ ХІарун абаракъ джвыквызгаквас дыгърыщтамылтІ. Ауи ачкІвынчва райхІарагІв драхІбан, дачвпхъацатІ ауат тшы рыцгІайрыгІвырныс. ХІарун ртшхъвара йара йыхъазла рыцІа ймайрата йызлагІатигушыз дащцахъан. ДызквчІвас йтшы дайгвгъун. Абаракъ амазкІквуз гваршвтгІвацатІ акІвын, ашв йапырагылаквасгы рыцІа тшандрыцІагы, ХІарун йтшы атдзы анашылырта йазайцІатІ. Йара сахІаткІ ауи атшы дшаквчІвас атдзы дыгІвнапалтІ. Атшы гІагІвнайжын, йара дгІаджвылцІхтІ. ЙыквлагІвчва ъагылазла днаскІан,— «ауаса акІвпІ тшы атдзы йшнарцылуа» — йгвыла — йхІвауа дгылхтІ.

Атдзы йнашылыз атшы йаквнагу замгІва ацта йгІаджвылырдахтІ. Ауи апырчв шІарыцкъага бльатакв шІыц алапан. Ахъвда йгІакІвшауа баракъла йшІахІван. Атшы ацІыхъва йтагылаз ахъацІа йацгІаджвылигатІ мшІы квпІи дукІ азна бахсыма, чашв, къальтама, хІалъуа ххыра къомкІ этаз акъанджъаль тамщакъ ду. Атшы анйызгІардхуаз агІан абахсыма кІвпІигы йацыз ачасгы ХІарун йнайдыркІытІ. Ауи ауат найхвын, йара

йацкыс йахІбачваквас йырзиган йриттІ араса йхІвауа:
— ШванйатІ, джъамгІат, стшы гІаквнаргарата йгІа-
зырбаз!

Рыца йахІбаз йгІаргыз атаца лыхъазлагы, аунагІва
рыхъазлагы, артшхъвара гІатызгас ХІаруни ауи йтши
рыхъазлагы дхІвахІвын, абахсыма квпІи ду найахвтІ.
Йамырдумцара аргваныта йгылаквас абахсыма кІвпІи
рыжвтІ, ауи йацыз арызкъгы йара ауаъа йырфатІ.

— Атшы йгІанагыз зымгІвагы ахайыр убатІ. ХІа-
льальта ура йучІвыпІ. ЙгІазгыз утшы акІвпІ. Атшы
йгІанагыз йгъацныхчылуам, йайхІвапсата йыгънарахв-
уам. Уара йучІвыпІ, ХІарун. Йга хІальальта!—йхІватІ
йалагылаквас рахІба.

Ауи ажва акІвын ХІарунгы дыззпшуаз. Йара са-
хІаткІ, йхъарамкІва йгылаз, йащайцІба йгІайызшІитын,
йтшы даквйырчІван, рпны ййырцахтІ. Абаракъ ахъвда
йакІвыршата, апырчв шІарыцкъага бльатакв алапата,
йхІвычІвуа ачкІвын йырцахуаз атшы йамайхІвапсузгы
мачІын. Акыт ачкІвынчва хвыцквa ракІвын ауи атшы
лала йызфуз.

АтшыгІвквa йрыхІвауа йтшыжвырщтІ. Атдзы апахъ
апны хъмарра ду аларгатІ. Акъвабыз, анапІасра быжь-
квa ХІатГыщргІа рыпщІа йтшкІарамшвахуа, гвыр-
гъара бжьыта акыт зымгІва йырхъагылан.

АунагІва йгы агвлачва ртыдзквa йрыгІвнамшвауа
ахІба-айцІбарала тшалызхыз агвыпквa, атаци ауи дгІаз-
гыз ачкІвыни рыхъазла йхІвахІвауа, йабарытхаджьюан.
Ащхъаркт апынгы аркъа зыжвквуз гьмачІхмызтІ. Ап-
хъала асатинквa рпны йцата гъашала аркъа мачІкІ
эджьакІы йгІаргта йзыжвквуз заджвмаджвын. Ауаса
ужвы акыт йауаквас асатинквa рпны йгІаргуаз аркъа-
гы асаница аткванквa рпны йырхвгІуаз аркъаквагы
рыжвуа йгІаджвыквырцІатІ. Алыгажквa ауи ахъазла
ага къазауат тарцІарыгы, ага йуысчІвагІвмызтынгы,
атацанадылраквa рпны ныжьхта, рунагІваквa рпны
мадза-мадза йабазшІытуа йзыжвквуз акыт хъачва
йрылан. Ауаса ачаражвраквa рпны аркъа зыжвквуз
тшдыркІыдун.

Атаца атдзы даннардылбырг амщтахъ йгІаджвылыр-
гата йгІарыргыз абаракъ джвыквызгаквас адакІвача
чкІвынчваквa гьгІадымгылхсызтІ. Йшаъула ауат
ртшыргІвра - апхъныгІвра, рбаракъамакІра ауыра-

хатІ. ЗакІы гъазІвамызтІ айрышра тшыгІвра пхастакІ гІалціырнысгы. Ауди дачвшауата ХІатІыщ Бакъыр агвып йрылачІвахъаз Мстафа дгІаджвылдйырдан, араса дйыхІватІ:

— Уалей, агвла, ари абаракъ джвкыквызгакваз рыхъазла гвыгІвмыгІвра шгІасылашвауа. ЙамынакІ рымчпанда ачкІвычва мыждаква!

— АчІвыйа йдурычпуш? Этшы апхъысуа абаракъ гІайгта акыт йгІатайгахпІ,—ахІа йымхІвауата Мстафа апещ днашылхырныс штшазичпуз, апхдзы швахъта йтшы йгІакІатІтауа, тшыгІвкІ апщІа дгІатшкІараххытІ. Ауди днашхыйадзата дгІатшыжвцІын, йшвахъырчуаз йтшы агъврагы ауимштуата, Бакъыри Мстафи дгІарыдгылын, араса йхІватІ:

— ЙсызшвыргІва, ахІбачва, хъшвашвара злу ажва ъасхІвуш ахъазла.

— АчІвыйа йгІаншаз, йчкІвынмшхуш? — агІвуджъгы гІагвжважватІ.

— Щамсадин... Щамсадин... — ачкІвын йхІвара йтахъу ацІыхъва йгъызынардзум.

— АчІвыйа Щамсадин йызнийыз? Дзапш Щамсадинйа? — дйыквгвыжвкІуа, Мстафа ачкІвын датайцІгІахтІ.

— ДырщытІ. Щамсадин дырщытІ—йхІватІ ачкІвын, йгІайыжввылыз ачІвыуара агІыла йашІайкІуа.

— ЙшпакІву дшырщуа? ДзачІвыйа дызщыз? — хІва йщІгІауа Бакъыри Мстафи ачкІвын ашухъа дыкІвырдашатІ.

— Ари акІвпІ йышгІаншаз. Абаракъ ХІамзат йанинапІыцІашва агІан, йтшы бзипІ шваргы йыжвдыритІ, хІихъымдзарныс дайгвгъан, архъала йджвквигатІ. ХІаргы дасу йтшы дшагузла ауди хІихъыдзарныс хІйыщталтІ. Йара ХІамзат абаракъ йчІвдзахата йпхъадзан, йкІвдырхъч йыцІайцІан дгІацапшуа дыгІвуан. ХІара ауди йыщкІлахІыргъвгъвун. Ауди хІизыцІыруан, акытла угІацапаххІва. ДгІацапахзарквын, рыцІа хІихъыдзарныс хІайгвгъауа. Ауди дгІахІайхъыччауа дыгІвуан. АгышкІарартаква йрыцІсуа ауандыр мгІва йкІын, ХІамзат дгІашІамсуа дыгІвуан. ХІаргы, хІихъымдзаргы, ауди чІвагІвакІ хІыгъгІайхъшвум. АмгІва рыцІа тшъарытыбгІауа апны хІнадзагІвацатІ акІвын гІван йгІахІылахыстІ. ЙахъьагІахысызгы гъхІымдыртІ.

Ауаға дарартап. Абнагы гхъарам. АгІвхъца йыквта йапхъныгІвуаз, йахъагІахысыз гхІымдырт. АхыкІ Защ Щамсадин йымгва йгІаташван, дащыт. Насып хІыман йыгІвбахуз ахы хІыуа датша заджвгы йыгІгІайыквымшват. Ахысра бжыы анигІа абаракъ згауата йыгІвуаз ХІамзатгы дгІашласын, дхІызгІайхт. АчІвы-хызйа йхІчпахуашыз? — ЙамахІкІуаз абаракъла Щамсадин йхвырта шІахІхІват. Агвып зымгІва ауахъ йа-тап. Щамсадин йхъагылап. АзджыакІгы йгІахысквас йырзыпшгІит, — гІацицІахт ачІвын, рыгІвза дъащхаз альяжа даршазадзата.

— ЙзачІвпшгІарайа, амгвыхъ йамгакварыз ачІвын-чва хъагаква? Абджъар рымума ауат йпшгІаквауа? — йхІван дгІакІъазыуа Бакыр дгІагвжважват.

— ЙабагІаргыз абджъар? Заджвгы йыгІйымам. ЙгІахысквас гІахІаута, йара ауаға йхІхъварушт, — рхІван шардагІвы джвыквххт. ЗджыакІгы йырчпара рымдыруа Щамсадин йызхъагылап... ЙшвасхІвырныс са сгІарштит.

ЙхІварагы йчпарагы зымдырхуаз, Бакыр йтацана-дылрагы йхъаштылып, рыпщца ахъызжвуз агвыргъара быжквагы гйымгІахуазт. Ауи акъвабызасри агІахІври ашІадйыррысхырныс йшрайхІвуашыз, Мстафа дгІагвжважват:

— Зны тшщаквкы, Бакыр! Тшщаквкы. Гъари йхІырдырпІта, апхъа йхІчпара атахъу амгІва ауи хІыквцицІап. Ахъмарра зны йапумкъан. АчІвын йши-хІвауа апшдзата, ауи дщхазтынгы, ахабар хгІвы заджвыкІ хІакІвыркІвап йыздырхъаз. Зны закІгы швым хІван.

Гъари, накъахІ згІвырныс йрызгІайуаш асасчва гІайзанацІыкІара, йуыс дгІакъвымцІуата асовет апны даъан. Мстафа ауи йпны дгвжважвауа йара ахабар гвымха гІазгыз ачІвын йтшы тшщаквирышвын дцат.

Асовет апны йаъаз Гъарии аписарь Муранов Алексей Федоровичи ракІвын. Мстафа йгІаншаз анрайхІв, ауат агІвуджыгы гвжважвауа рабджъарквagy гІарахвын йтшыжвылт. АкІвдыр дтачІвахъата Гъари унашвата Мстафа йгІайзичпат.

— Ари этшу ласыта днахІхъыздахргІат. ДнахІхъызданацІкІара тшхІырпсайспушт. АджыамгІат хІа хІгІайхнацІкІара закІгы рашвымхІвын. АбатагІа заджвы ласыта йнайырдырзыргІат. Амилиция ласыта ауахъ

йнахъалргІатІ. Йганшаз шцІахІкІуаркІвауа ауатгы
йырдырргІатІ.

Апхаста ъаганшаз йнадзанацІыкІара Гъарии Алек-
сей Федоровичи ауыс гвымха шганшаз ачкІвын йатай-
дырхІвахтІ. Ауи бзита йаназдыргІвы, агІвыджьгы
йгаргвынгІвытІ, тшызчІвахуаз зджъакІы баракъ амаз-
кІуаз ачкІвынчва йшгарылахысыз. Изгарылахысызгы,
йшардагІвыта йыгІвауа йгараргванхуз атшчва дара
гаркІырныс йрызгІайуата йгаргвынгІвын шакІвхара.
Ауаса датшатагы уазхъвыц ауашын. Шамсадин бзи
дзымбуз йыквлагІвкІ. — «агІвхъцІа хІыквта хІшыгІвауа
сйайхста дсщрыквын, дзачІвыйа сыздырхуаш?»—йхІва-
та, дищырнысгы. Ауаса йалырныс йхъацІауачван.
Йауа ухІварыквын, агІидква, атацанадылраква раган
ща рхахуата йа йрыцгвыргъауа заджвы гвымха йыщ-
танкъвыргахъата ащхъабзазагІвчва ркытква рпны кІа-
ра зны йганшазтынгы, ауи аъара ймачІынта, йала-
чважвауата Гъари йыгъйымгІасызтІ.

«Йшхаз ачкІвын ЗащргІа Шамсадин йакІвпІ. Ауи
Амини Уалии дращацрипІ. ДайцІбапІ. УнагІвара дгъа-
ламыстІ. Амин акрасноармеец дищыта, хІаджъратта
дъаджвыквылхыз ахъазла дкІыпІ. Уалигы акыт дыгътам.
Дъану ацІабырг заджвгы йгъндырам. ЙшырхІвауала,
йашахІба йчпаз ахъазла дшван, йхъа зджъарала йапы-
ригатІ. Ауаса баракъ амазкІуаз ачкІвынчвакв йрыуата
йшхаз Амини Уалии ращайцІба зйакІвйа? Ауи йызгІай-
зарцІайа ахы?»—дазхъвыцуан Гъари АгышкІарарта-
ква йрыцсуаз амгІва арыхъварта апныдзагы.

Йъанайыз абар ауат йырбаз. Йара амгІва адзхъа-
бырг йчІыхвта йгІайхъаз ахІврайдзарарта апны йырщыз
ачкІвын дщтІапІ. Ауи гъагъата дгІакІвдыршауа
ачкІвынчвакв йхъадзгылапІ.

Гъарии аписари анырба, ачкІвынчва апсы йгІай-
хъыцІын, йтхъатІ. Рыуа заджвгы ауат гІазтшыжвцІыз
атшква рагъвраквта найкІытІ. Йпшызтын, йцІабыргыпІ,
—ачкІвын дщыпІ. Хы гІайыквшватІ. «Йшпаганша?»—
рхІвата йанырцІгІа, ачкІвын йгарайхІвхъата йырдыр-
уаз рыуа заджвы араса йгІацицатІ:

— ЙгІахыста ари арыцхІа атшы дангІакІнырцІа,
хІгІайыдзхъаххызтІхІва, зынла закІгы гъгІахІгвным-
гІвытІ. ХІыуа заджвы гвыжв йызейымата дхысдзыхІщатІ
зныкІ ахъазла. Ауаса хІыуа заджвгы кІъарахІва гхІы-

мам. АзджбакI хIпшгIарныс аныла-арыла хIтрыстI. Заджвгьи дыгьхIмаутI. Ауаса абар ХIамзати ГIалымы йгIарауыз. АхIахъв адзхъа йжвагвата машаквкI ахъа-гьи шIахIвата йштIан. Гъарии Алексеи Федоровичи йнаскIьан, ауи йапшытI. Амашакв йшташвауа асхъа тапI.

— Арат асхъаква акыт аткван анырхIвынчIа йгIа-джвылыргакваз йрыузара атахъыпI. ЙаутI, ауи зачIву алхIыргахпI. ЙахIбу заджвы ласытаакыт убгъалх. ГвнахIпI ари араса йызнита къвабыз йасырныс, йкIва-шарныс, йгIахIвырныс. Йырчпуш ахIбачва йырдырпI. Ласыта йнардзата, ацIабырт экву ХIатIыщ Бакъыр йахIв. Йгьи ласыта тшыуандыр гIахIпыражвда. УапIа, цIгIвыпа ауандыр йшгIаншвцIуш швхъшвымрашты-лын,—унашва йчпатI Гъари.

Акъвабызасрагьи агIахIврагьи рбыжъква ХIатIыщр-гIа рыпщцIала йгIатыцIуата йыгьгIамгахуазтI. Ахабар ацIабырг здырыз, Бакъыр унашва йчпан, ауат ашIад-йыррысхтI. ТшыгIвратлас йасуа апщцIа йтшкIараркIваз ачкIвынчва айцIбачвагьи ашIаркIытI. Ауаса агвыпква рчаражвра гъашIадымырстI зынла. Ауат алачIваркIван. АджъамгIат рахIбачва гвыпта йцан, ахабар гвым-ха ЗащргIа йрархIвтI. АуагIва апны хъылпа йхъата заджвгьи дыгьтшкIарамызтI. ЙзархIвыз ахыгIв айщчва раныжв лакIвпI.

...ЙаштагIайуаз амшква духIагIахвра акIъадыгв йгIапщцIалквуз йджъабауа атдзы апахъ йгылаквас, ау-нагIва апны ахIбата йаъаркIваз Защ Уалигьи дрыла-гылата дырбатI. ЙгIагваралуаз зымгIвагьи «анчва ду-хъимраштылтI» рхIвунта, духIа ангIарахврыз ауи йна-пIы ркIуан. Ауаса рыуа заджвгьи ари акъомракI уаба-ныз? — йхIвата дыгьйымцIгIатI. Ауаса хымшкIгьи рып-щцIа апны дымджъабауата Защ Уали, райша амилиция ъаныз АбатагIала йырхаутI.

ЗАЩ УАЛИ

АбатагIа апны данца Защ Уали йыбгъаз акIъарахIва, йтарцIарныс апещ йнаргылуа амшIыхква йрапшта, йыгIвнапIыкIла йщтIыхта йымата, йнайгылын, астольт йыквицIатI. Апещ мцыран, заджвгьи дгыгIвнамызтI.

астоль йадгылаз рымдзакІ гІайахвті, ашв апныла йгІа-йрыскІѡан, аблыын йыдйыргылын дыквчІватІ. Атдзы заджвгы дыгыгІамшылуазті. Йаргы дыгыджвылымцІхуазті. ҚѡомракІ анахъыцІ амилиция знапІыцІаз Тауби-хвыц (йуыртла йара йыхъызлаз йунакъващ йацкІыс рыцІа дъасгІаз ахъазла ауи ауаса акыт апны йыпхъун) апещ даннашыл, зныкІ ахъазла дгІархІатІ. Ауи йылаква апхъа йгІарыцІашваз астоль йыквквас абджъарква ракІвпІ. УацІыхъван йыгІвначІваз ахъацІа дибан салъам йайхті.

— Уалъаквым салъам, Тауби, — йхІѡан Уали арымдза тшгІахъштІихгІауа джъуап гІайтың, дчІвахті.

Тауби, днаскІѡан, астоль йыквквас дырпшуа йхІватІ:

— Арат араѡа йгІаквызжъыз дзаѡвхъапшасйа? Ауи дыгы...

— Ауат заджвгы йыгыгІаквйымжътІ. Сара сакІвпІ йыквызцІаз...— йхІватІ Уали дгІамгылуата, йхъа гІащтіихын, астоль йгІадзхъачІвахъаз Тауби-хвыц йлакта райша дтапшуа.

— ЙабагІауг? Йшыздыруала уара амилиция уыгырылам, къвырлыкъвгы гъухум. Угвы йауымрысын, Уали, ауаса сѡауачважвауа. Ауи акІвпІ сара сынхара шаѡу,— дицІгІатІ Тауби, йажваква рыцІа йырхъауа, къвырлыкъв уыс йыхъвда йыквта дшынхауа гІанищтуа.

— Ауат ѡагІазгызлакІгы йызчІвыз сара сакІвпІ. Уымгвжважван, йуасхІвхпІ. Сара суыхІвитІ, амаль амазтын, Атхан Азамат акыт дтымцІскІва дгІахІыркІы. УацІыхъван акІвпІ йангІаугвынгІѡуаш абджъарква ѡагІазгызгы, сара сзачІвугы, сайщчваква агІвуджъгы...— дгІагвжважватІ Уали.

— ЙухІѡауа ачІвыйа, занаджъа! Са сгъахвитым, лъажъа змам ахъацІа тынч дгІаскІырныс. Йа дгычзарквын, йа дайсызарквын...—Уали йхІѡуз Тауби зынла йыгыгІайгвнымгІѡуазті.

— Лъажъа дацІымцІхті, лъажъачвгъа йыму аѡара. Лъажъа йыквшватІ ауи абагагІапкІ. ДгІауымкІуашызтын, йхІѡа! Сара сѡа ансхахуаш ауи уара дгІауымкІрыквын акІвпІ,— йхІѡауа Уали дгвыжвкІѡа дгІагылын ашвла тшазикІѡа далагатІ.

— ЙхІѡастІ, суыхІѡахитІ, Азамат йчпата йудыруа! — дахІватІ Тауби. — УацІыхъван йыгІдырпІ хІаргы йхІхуш: йа дгІахІкІыпІ йа...

— Сара сыгыпхІвысым! АчІвыйа бзы зынкъвызгуш?

Йара дгІадта, дшгылу йуасхІвпІ, — йхІватІ Уали.

УацІыхван, Тауби йхІвара йымдыруа дхъвыцуа да-
ниба, араса йгІащицІатІ:

— ДбандитпІ ауи! Абандитква драйчвапІ. Йута-
хъымызтынгы йхъауымцІан, Тауби. Сара снапа йаквна-
гауата йызбаз уасхІвтІ. СгІвайщчва йрызнийыз апш
рыцІагІара хІкыт апны датшагы йрызнымихра ута-
хъызтын, суыхІвитІ, Атхан Азамат акыт ныжъхта ари
апсыхІва дтумштырныс. Ауи Джъантемыр Ильас дйы-
бызлагІвпІ. Йагыб ЙсхІакъ дйыгІвзапІ. Ауат зымгІва
сара йыздыритІ. Саргы ауат срыгІвзан... Йыгъхъауым-
цІума йсхІвауа ужвыгы, Тауби! — Защ Уали йгвыла
дшчважвуз Тауби йхъайцІатІ.

— Ауаса йнаъазара, Уали, са угІасыздыргІвы! Амаль
амакІва уаща Щамсадин дызщыз дгІахІаууаштІ. Уа-
ра, закІгы уымдыруазшва, ууунагІва тынчдза уыгІвнэз-
ла. Арат уабджъарквагы нахвх. Щта, щта йнахвх! Йа-
натахъхара, йуахІхІвпІта, йгІаугхпІ. Ауат сара йшуысг-
хуа йъатахъу апны йсхІвахпІ. Араъа ушгІайыз агагІв-
гы уырбатІ.

— Щта, сырбарыгІатІ. Сара-сара сшгІайыз гъцІа-
кІырам. АгІайра шарда цІуата сазхъвыцуан. Ауаса
сшватІ. ЙыгъцІаскІуам. Ай, бетамаль, рыцІа паса сгІай-
зарквныз, саща рыцІагІагы ауаса йызнимйырныс аурын.
Йсчпахуайа? Анчва йзихІваз даквшватІ саща.

— Гвасрата, гвакъвпрата уара йуыкву хъазымцІа-
ра гІвычІвгІвыс йыхъызта дыгъуаурым. ХъацІарата,
гвыбзыгъарата йучпатІ уара-уара уъагІайыз. Ауи
бзипІ. Ужвы сызлауыхІвауа хІзыха. ЙатахъыпІ. Йшы-
збауала, уара ухъатала гвымхаракІ ухарныс угъахам-
дзатІ, угъаквымшватІ. Ауыс аналдыргауа ауыгы гІауы-
хъвахпІ. Уабджъарквагы нахвта уцах. Ауаса ауат шуы-
му заджвгы йумырдырын. Тшыртынчта уунагІва уы-
гІвназла. Ушджъабауа йшджъамгІату йырдыритІ.

— АчІвыйа йсчпуш? Йсчпуш ачІвыйа? Сара схъ-
чІватІ. СгІвайщчвагы срылгатІ...—йхІвун Уали, йгІа-
йыжвылуаз ачІвыура дахъварауа, астоль йыквипсаз йаб-
джъарква гІайахвхуа.

— АхІва гІаныжъ. Къарс йаъаз айсра уыгъпщцІал-
уам. АкІварахІвагы ашвокъгы нахвх. УуапІа, гІауыкву-
рышвырквын, ашвокъ шуыму гвы гьартрым. ЙуасхІвитІ,
Уали, ужвы уалагата уасакъха йгы укъвышха. Араъа
угІайра ауат уыгІвзачваква йыгъуыздыргІвушым. Рым-
гІва ушапырхуаш ацІыхъва йтагылуаштІ.

— Ауди хІапшыпІ! Ауди атІакІв акІвпІ саргы йстахъу, йсызгІайыргІатІ,—йхІвауа, Уали апещ дшгІаджвыл-цІхуаз, Аджъпа Гъари ашвхъымса дгІахъыстІ.

— Швыщымта бзита,—йхІван заджв йнапІгъи йым-кІуа, агІвуджъгъи къазула дрыхъвлапшуа, дгыланхатІ.

— УчІва, Гъари! ЙзачІвуысІа уаргъи араса йщажъыркІвата араъа угІазгыз?—ауди дицІгІатІ амчважвара питшра шатахъыз гІазгынгІвыз Тауби.

— ЗакІгъи, ахъазыкІ сгІайтІ,—йхІвауа, Гъари ас-толь аргванла днаскІватІ.

— ЙауитІ шта. АхъазыкІ ушгІамйыз рахІа йлагугъи йгІайгынгІвыпІ. Абар ауысква шаъу. Ласыта Атхан Азамат дгІакІра атахъыпІ. Ауди акыт дтыщта амаль гъамам,—дгвжважвауа йхІватІ Тауби,—Заш Уали йахъкІьала дпшуа.

— Сара йгІасашвхІв, марджъа! Са сшвырхвит. АхІа-ты апш далашІахІвата ужвыбырг дшвзыгІасырдзапІ — дгІагвжважватІ Уалигъи, йхІвауа ажваква Аджъпа Гъари йшхъайымцІауа йдыруа, «сара ужвы йсызхъацІа Гъари!», — ауди дызлайпшуаз йылаквала дахІвун.

— Ауаса йгъауашым, Уали! Йгъауашым. Уара ауа-са йъаучпаз, йуыгІвзачваквас дрыуата заджвгъи дыгъ-гІауыдгылхуашым. Ауат ргІакІра, ргІаддалхра хІачвы-хъарахуштІ. ЗныкІ ахъазла Азаматгъи хІгъихъысуа-шым. Уара упынгъи йыгъцІаскІуам, Уали. Угвы йауым-рысын! МачІкІгъи йуызхъацІауачвапІ. УымгвыжвкІын, хІаща! УымгвыжвкІын! УащахІба йчпаз удыритІ. Уа-ра ауди йща ухахырныс ныха шухІвазгъи ухъумраштыл-хын. «СгІахъынхІвыхтІ» ухІвитІта, йшырхІвауа апш, йгІахъынхІвыхуагъи анчва днаихвхитІ. Сара кърарта йгІасутуа йазхъасцІитІ. Азамат хІара дыгъхІнапІыцІ-хІштрим. Уара йшуасхІвыз апш тшыртынч. Уаща дджъаба, учвагъва. УтгІачва гъумырчахуашма? ЙуыгІв-зачваквас, хвы узырбузтын, чва ухъарбузтын, уаща йыр-щыз ргвы йшасуа гІауархІвырныс йуызгІайра атахъыпІ. Ауди акІвпІ уабджъаркввагъи знаусрахвхыз.

— ЙсызгІайырквын, ачІвыйа йырзысхуш? — йхІван Уали дырцІгІатІ.

— ЗакІзаджвкІгъи датша заджвгъи йзумхан, Джан-темыр йпа Йагъыби ИсхІакъи ракІвмызтын. Ауахъ-ауат гъуысым. УасакІ йа танакІ ргъычта, йырчІвахуа, абна йыларгата йырфара акІвмызтын, датша закІгъи гъырзычпушым. Ауат агІвуджъ уызгІайуазтын, ласыта йгІахІырдыр, йгІакІымкІва амаль гъамам. Азамат

дхІкІята рдырыквын, таманам ауат гьуызгІадгылрым.
ЙуасхІвІтІ, хІужьарныс...

Тауби йажва ацІыхъва днамдзаскІва, Уали дгвжва-
жвауа араса йхІватІ:

— Швара агІвуджьгьи сара швскытлагІвпІ, швым-
сылманпІ. ШвгІвуджьгьи швшахІатта анчва йгьи аджьа-
мгІат швыршахІатта, сара ныха схІвІтІ, Йагьыб
ИсхІакъи Атхан Азамати йрыстыз, лагарала йрыстыз,
сажва сшайжьахуа, авласть ахъазла уыс гвымхакІгьи
сшаламылхуа йгьи уахъчІва йнанаркІыта скыт йрагъу,
сгІвайщчва зквудзквас сшрагъу. Гвымхара кІара схаз-
тын, анчва йнагІалатгьи аджьамгІат рнагІалатгьи гІа-
сыквшватІ. Ари йнасахвуа акърар стлапкъ, сткъвым,
йсымахым сайщчваквагьи саргьи йацхІкърарпІ. Гвымха-
ра зхаз гвымхара дашІашвахргІатІ, джькІа зфаз дзы
шйыжвхуа апш, Амин!..

Защ Уали, ауат ажваквва йхІван, акъвыръан ъа-
яткІ ласылас йугІагІвацауата дапхъан духІа гІайахвтІ.

Ауи, йчвгІайуаз йыладзква димырбарныс ахъаз, йа-
ра дъагылаз зынла тшацайырпан дджвылцІхтІ. Дакъи-
къаквакІла Уали йуапІагьи йышвата йтшы даквчІва-
та АбатагІа апщІа дгварцІхтІ. Апещ йгІагІвнахаз Тау-
бии Гъарии астоль йыквыркІваз ахІва йапшуан. Ауи
йара АбатагІа йгІайта йаъаз аэскадрон акрасноарме-
ецква зымгІва йрымаз ахІваквва йрапшдзан. АгІвуджь-
гьи ауи ахІва Уали йшинапІыцІашваз ргвы йгІата-
шватІ. Адзыхъ апны акрасноармеец данищы агІан, Защ
Амин ауи йабджьаркьвагьи йара йыдикІылын йкъачІва-
хыта йыман. Амин даныркІы агІан, йчІвахыз абджьа-
ркьвагьи Уали йнапІыцІашвахтІ. Ауат йымата бандата
йджвыквылхквас дрылалтІ.

— ЙыгъхъауымцІузтІ, Уали дхыйата акыт дыгъты-
мцІтІ-хІва йануасхІвуаз, Гъари,—йхІватІ Тауби, дыз-
дзхъачІваз астоль дгІадзхъыцІын, апещ ахъышв апны-
ла днаскІвауа.

— ЙшпахъасцІарыз, ари апш нхамта заман ауи, йу-
нагІвагьи гІанижьта, ауаса йчпарныс? Ауи ауат дшыр-
лалыз йара йгІахІайхІвхтІ. Йуысу ауахъауат алаквва
ргІакІра акІвпІ,—йхІватІ Гъари, ахъвыцра дакІуа.—
Уалей акыт ауасаква йшрылгауа! Ауасахчаква айш-
шитІ, аладз кІадрьчІвІтІ.

— Йыгърылгарым. ЙгІанхауагьи рызхъахпІ. Ауаса
ауат ласыта йгІакІра атахъыпІ. ХІапшыпІ, Уали йгІа-

йыдгылуазтын. Йызглайуазтын, ауат ауи йгынапйыциштрим. Ахъацла дшыржъаз йгы йайщчваква зквыдзыз багъата йглайгвынглыты. Йшглайгвынглыхыз йара дахвитхп. Ацлабырг ухварыкван, Амин анасагы арасагы йгвымхара зны даквыдзхуашын. Сара рыцла йсымарыцху айцла йаклвп. Дшчкывиндзас дырщты. Йараби дызщыдищты? Уара йшпаубауа, Гъари?

— Ацлабырг ужвы йшпаудыра? Ауаса сара сшазхъвыцуала, тшызчлахквуз зджъаклы, баракъ джвыквызгаз ачкывинчва дара ханыз апны йнадзауа йанырба, йгларылахысты. Йызглахысызгы ауат дара гларкырныс йырызгывуадзырщан аклвхушты.

— Ауаса йаъазтын глан ахла йызгламхысыа? Йакврыдза йларыквырпсауа йалагазарквын, ауат рыуа щардаглы рыкынцилушын ртшква.

— Ауыгы уазхъвыцырквын, йглаугвынглвра атахып, Тауби. — Бзи-бзи йанглапшы, арахъаратгы рыцлагы йанаргванха, йгквквуз рбыжквагы аныргла, йзачлыз рдырын, рглахысра зынла йашларкыхты. Ауат йглахыскваз гкывымам. Хкыт йауазара атахып. Йгы, сымглащузтын, аткван зхывинчлаквас раклвхара атахып.

— Квлу згычуагы ткван зхывинчлауагы йаглыр-гауа гъаам. Ауат йрапшкву ачкывинчва йларайхсра гъатахым, — дгдадымгылуазты Тауби Гъари йхлвуз.

— Мачл глауызымтуа щардагы шглауыйымтуаш йапшты. — Гвымхара хвыц зхауа, агвымхара ду йхарнысгы глан дыгъхъвыцуашым, глангы дгъапшуашым.

— Щта, аткван зхывинчлада? Уара йшпаупхъадзауа? Рыцла йызквуклуада? — йхлатты Тауби.

— Ауи апха йызуысу швара шваквлп, саца. Асовет милициядзущума? — йхлауа, Гъаригы йзцлгара апшлайыргыты.

— Ауи цлабыргыпты. Аتكван зхывинчлаз дглазаура атаху хлара хлаквлп. Ауаса йагланшаз швара шпны анаквлзара, акытсовет апредседатель, шваргы ауи жвдыра атахып, — йхлатты Тауби, ахывинчлаглвчва зачлву глардыра харылымшаз, йагларымкыз ахъазла йхъатала йара йкванчагара ацнаймыргауата.

— Ауат глагдырныс, хлацацхъыргларныс аквлп, саца, йаргы йахъчла сызуызглайыз.

— Йшпаглдыруаш? Йглахла угвы зызглаквауа зачлвкву. Уалахла, йара ужвыбырг йгладсрыгпта, йтадсмы-

ррышвырквын, дгІагвыжвкІуа йхІватІ Тауби, ахІвынчІа-
гІвчва рыщта дыквшвара шитахъдзу гІайныпщуа.

— Акыт йтыцІта йгІатамылхквауа ракІвзара ата-
хъыпІ ауи зчпаз. Датша йсхІвуш гьсыздырам.

— ЙзачІвквуда акыт йтыцІта, йгІатамылхуата йа-
бакву? ДгІахІвастІ заджвы,— датагвжважвахтІ Тауби.

— Араса йгІаншанацІыкІара акыт йауата йтыцІыз,
йтымцІыз зачІвкву схъагы йыгьгІатамшватІ. Сара ауат
гьсуысмызтІ. Адгьылква дырбара, аугІа рычвагъва-
ра, атрактор гІадра ракІвын уыс апхъата йсымаз. Ужвы
йгІаншаз анызба аткван йджвылыргаз асхъаква
йрыуата машаквкІ азна ангІарау, ауыгы сазхъвыцтІ.
АчІкІвынчва йгІарылахыскваз, йатасхІвахитІ, ауи ама-
шакв зчІвкваз йа датша бандитквкІ ракІвпІ.

— Зны, зны, Гьари! ЙхІвахстІ йхІвастІ ужвыгы,—
дгІагвжважватІ Тауби.

— ЙсхІвиди, шта. Датша зджъакІы ракІвзарквын,
щыбжъан агвы йзачІвыйа акыт аргван йызгІайуашыз.
ЙхІакъпІ, ауат шхамам. Йгы йырдыруан, атшын,
тацанадылра акыт апны йшаъаз, йшджьумгІаз, ар-
хъа угІа шыквмыз,— йхІвун, йгвгІвара цІабыргхарныс
дазхъвыцпхъадзагы йатайхІвахпхъадзагы, рыцІа-рыцІа
багъара алата йазхъазцІуз Аджъпа Гьари.

— ДзачІвыйа уахъчІвала акыт йтам? ЙгІахІвастІ
рыхъызква.

— Гьазмач Батыргьари дыгьтам. Дыгьтам Зекъва
Пакъа. Йаша дырщнацІыкІараагы акыт дыгьтамызтІ
Защ Уалита шарда мцІуата араъа узачважвузгы.

— ЙгІасгвынгІвитІ ужвы йухІвауа. Шта Атхан Аза-
мат, Йагыб Йакъвып йгы зыхъыз рымхІвахыз ахІ
Джъантемыр йпа Ильасгы ауаъа йзацрахІвахйа? ЙгІа-
сгвныргІвыстІ ужвы бзи-бзи!...

— Абарауи гІахІгвынгІвырныс акІвдзан Защ Уали-
гы дгвжважваъаджъуа,— «Азамат акыт дтышвымщ-
туата дгІашвкІыхІва», — дзахІвуз. Ауат зымгІва апщы-
лапІ. Ауат рахІа йнамдзузтын, ухъылпа хъауыршвылпІ,
Тауби. Ауат Козлов зырхІвауата збанда Нибна йгІалы-
рцаз йрабадыруазтын, шта?

— Ауат абна йгІалхІцауата йангІахІкІуаз саргы
саъан. Зыхъызква ухІвакваз дрыуата Козлов йбанда
заджвгы дыгьрыламызтІ. Ужвы угІадзыргІвы, Гьари.
Уара йуымдырс уахасыргІвазитІ. Джъантемыр йпагы
Йагыб ИсхІакъгы Козлов йбанда йрылан. ИсхІакъ
дхвыта дгІахІкІытІ. Ауаса йара Козловгы Джъантемыр

йпагы хІнапІыцІцІтІ. Йщквахаз дрыуата заджвы йыкІваджып Джъантемыр йпа йшвѣаква гІатырхтІ. Йщыз сыхѣагылта санипшы, саргы Джъантемыр йпа йакІвдзысшатІ... ЗакІгы йара дйапшта шІахѣа къѣакѣа чвыш дукІ йакІвын йштІаз. Ауаса ауи Джъантемыр йпа гыа-кІвмызтІ. Ауи датша къзакъкІ йакІвта дгІацІцІтІ. АхІ йпа къвышыжв «сырщыздырщарквын, сышта йхыцІхпІ», — йхІван йшвѣаква ауи йыкІва йтайцІатІ йара дѣайшырпшыз ахѣаз. ЗакІы гѣазхІвам йара йхѣатала дищырнысгы. Уалигы ауат дрыцта гІацІцІуашын. Ауаса ауаѣа хІыла дыггІацІамшватІ. Дабар йара йуысква шаѣу убитІ. УацІыхѣван зымгІва йара йгІахІайхІвхпІ. ИсхІакъ дшгІахІкІыз зйасымхІвыз гІаугвынгІвыма? РыцІагы дсакъргІатІ. Азамат дзачІвугы уацІыхѣван йгІагІдырхпІ. ЙшгІасгвынгІвуала ауи тшгІацІимырпшызтІхІва, йамнаква йыргѣахитІ.

— ЙщардагІвызма ауи Козлов зырхІвуз йбанда йрылакваз? — йхІван Гъари Тауби дицІгІатІ. — ХІара йшпагІахІашвымхІв? ЦхърыгІагІв дыгшвтахымызма?

— Момо ЙыгъщардагІвымызтІ. ХІара хІнахѣушын йамцІхІцарныс йгы йгІахІкІырныс ахѣазла. Йаргы ауат хІыргвыквсра мадзадзата акІвпІ штшазхІрыхІазырыз. Ауи акІвын унашвата йаѣаз. ШвгІвыкІ йнарыднацалуата акІвын рпхѣадзара йнадзуз. Ауат рахІа гырзадымкІылтІ Козловгы Джъантемыр йпагы арат абыжъпсыхІва дукІ рпны. Йара зѣара станицаѣа, зѣара кытѣа, зѣара къвтырѣа йаѣадзу, агородкѣагы сыркъвыцІхитІта.

Ауаѣа акІвпІ йѣазбаз ахІ Джъантемыр йпа йшвѣаква зыкІва йгІатырхыз акѣазакъ — бандит йхѣадигы йхвхІатлата йгІаркІыз ИсхІакъгы. Апсы бзи-бзи сѣсзидырпшыз уаргы йгІаугвынгІвитІ: Джъантемыр йпа йлактала сара бзидздзата дыздыритІ. Къарс аргван хІанайсуаз агІан сара ауи синапІыцІан. Ауи гыа-кІвым йырщыз. ЙыгъйакІвым. Абагакъвыш, аквуджѣма «сышта йалаквсцтпІ» — йхІван, йшырпшыз йыгІвза бандиткІ дищын, йара йшвѣакѣагы йыкІва йтайцІатІ. Ауи акІвпІ абандакѣа, авласть алазрыхѣвашарныс змурадкѣаз, руысква шаѣу.

— Йабаладымрыхѣвашахуаз ауат авласт? Козлов йгы Джъантемыр йпа йрапшкву, зкыткѣа рпны йтынчта йгІанымкъѣакѣаз, йанымгІалкѣауа знапІыцІшакѣаз зджѣакІы ржѣан абна йылардатІ. Ауат къару дута йры-

мазгы гъааамызтI. УацIыхъвангы аугIа гьдмыртынчуазтI. Ауди акIвпI йаргы, уыста йхIдрычпата, йзалахIрыхъвашаз, йзамцIхIцаз,—йхIван, Тауби йгIаджвыквицаз ахабар далгатI.

АтшыгIв йырштийызгы дгIайхын, Тауби араса йгIайайхIвтI:

— ЗакIгы, йшгIасаухIвбыргыз апш йсымхъауысмышва АтханргIа раргван тшасыргатI. ХIанщчи ауати гъадзхъачIвамма, щта? Щай гъадзасдрыжвуаз, снарызцIгIа-гIазцIгIатI. Рыгвлачва лыгажвквагы срызцIгIатI. УацIыхъван, хIанща сицIгIатI, рыгвла Атхан Азамат йтшы гьсимырпсахырмищтI схIван. Ауди анигIа хIанща дгIахънапылуа дгIахъыччан, араса йгIасайхIвтI:

— Запшыйа Азамат йтшы злаупсахуаш? Ани уызлагIайыз атшада акIвма? Йабайымпсаххра? Уалей, дгвыргъачIвауа йшнпсаххра...

— ХIы, ачIвийа, уызхъыччауа? Ауаса уампшын, хIанща. Сара сызквчIву атшгы ауаса йыгьгвымхам. УацIыхъвангы Азамат йтшы сайлахIитIта акIвпI—схIван, йахънасыргауа салагатI.

— Апсахра здыруада? Ауаса йуирыхьвгIарныс ауыпI, ахча ущардазтын? Унай, умурад йахIхIвпI. Йаргы, амаджыгьт дгIатыцIхын, ужвы щарда гьцIуам рпны дгваралхижьтара. Дангваралхуаз дгIасыхIватI, саргы сцата йнартыхвца рыцатерыпарныс.

— Йстахъдзас санща йгIасайхIвтI. ХIаба сицIгIапIта, атшы хIирыхьвгIушызгын, сгIайпIтә хIаццапI. Ауди йымдыруата, атшы ахъазла сара Азамат сшпайачважвара. Атшы сайхIвапсачвитIта акIвпI апхъа-пхъа уара сзуцIгIауа,— йахънасыргауа салагатI.

— Са ужвыбырг ауат рпны сцуштI. Йтшы йтийра йа йпсахра ймурадызтын йыгьгIассмырдырума,— йхIван, хIанща сгIайыргвыгъан сгIайхтI. Азамат рпны даъапI. Йатирыпарныс хIанща йыззихIваз йнартыхвца апны зджъакIы йызхъагылата рпны сангIагIвсхуаз схъаталагы дызбатI.

— ЙауыпI, бзи! ЙуахIхIвыз уырхъйатI. Уцата утшы рча. МгIва уыквлырныс ауыпI,— йхIван ачкIвын дджвылищтхын, Тауби Гъари тшизыгIайрыскIауа йгIайа-йхIвтI.

— Азамат тынчта йпщцIа дантшкIаразара, йыгIвзачва шалахIрыхъвашаз ахабар гьгIаймадзастI.

Ауи уызакІ. Ахабар гІайадзатынгы, йара дшгІацІым-
гшуаш багъята дайгвгъитІ.

— ЗакІы гъазхІвам анасагы арасагы йалырныс. Ауа-
са Уали йгІадгылхра ауи дшпапшуиштІ? «Ауысква
шпау» — йхІвата Азамат ауи дйыдгылра гъатахым-
мештІ? — йхІван, Гъаригы азхъвыщра — азцІгІара Тау-
би йхІвуз йалайыргылтІ.

— Момо! Азамат хабаррдырра Уали йпны дыгъцу-
шым. Ауи дыгълагам. Хабар кІара йыгІвзачва йгІайдыр
дырра атахъхузтын, рейша йара йпны ахабар гІадыргал-
дра шатахъу ауи багъята дайгвгъитІ. Ауи къвышта
тшызчІвахуа дбагапІ. Ауаса асатей хъгІыра дыгъгІа-
квылуашым. ХІыла йхъыхІымхуата хІйызкІылпшра ата-
хъыпІ. Йудырума, саца? ХІыла йхъыхІымхуата. ЗакІы
гъазхІвам, Джъантемыр йпа мадза-мадза ауи йпны
дгІадгылырныс.

— ЦабыргыпІ йухІвауа, Тауби Джъантемыр йпа
йхъазы дгъызбзасушым. Дзабадырквауа дрыуазтын Аза-
матгы, закІы гъазхІвам, ауи дицйырхъыргІарныс гІвы-
чІвгІвыс дизыгІайштиырныс йа райша йхъатала дгІа-
йыдгылырныс, — Гъари ауи ауыс дшазхъвыцуаз дадгыл-
уан.

— Йа сара, йа араъа къвырлыкъв зхаквауа хІыуа
йаргванква хІнаскІауата гвы айтырквын, ауи дхІры-
хІапІ. ДшхІнапІыцІцуаш ацІыхъва дтагылуаштІ. Ауаса
йнаъазара, ауыс уара йнахв, Гъари. СуыхІвитІ. Уара
ансхІвара, ауи ухъатала дучІапшарныс гъакІвым. Йшуч-
пуш уара йудырпІ. ХІаргы йъадзауа хІуцхъыргІуштІ.

— ЙауаштІ. Атхан Азамат хІыла дгыцІхІштрим. За-
джвырагІв гІайыдсылта, цхъыргІагІв хІтахъхузтын-
гын, ласыта йшвхІырдырпІ. Сара датша закІыла суцІ-
гІуштІ, — йхІватІ Гъари, аджвылцІхра тшазичпауата.

— Защ Уали йуыс ушпапшуа? Ауи, — йшпабзийыз
уъагІадгылхыз — хІхІвата йтшыртынчхра пхІымтшыр-
ныс акІвма ауыс зкву.

— Момо, Гъари. Уали гвымхара кІара йхазтын, ауи
йхІаквым ахабза йшангІалуа апш йырхапІ. Сара сшип-
шуала, ауи абджъар найахвын ИсхІакъ йгвып дрыц-
джвыквылтІ акІвмызтын датша йыргъахаз гъаъам. КІа-
ра йчпазтын, къангъашракІгы аламкІва йыгъчІвахху-
шым. Ауи йуацІыхъван уыспІ. Сара Уали йхІваз йаз-
хъасцІитІ. Абар закІыла дгІахІцхъыргІахъатІ. Атхан
Азамат дзачІвыз хІйырдыртІ. Ууатыкв, ууацІа йту

агъа, апщІасырта хътырарта апны йґаупшагылата йґауайсуа йацкІыс рахІагы дайчваІ. Ауи ухъумраштылын.

— ЙауитІ. ЙухІвауа садгылитІ. Уара ухІваща, анахъанат агъадащ хІвынчІачва йырзыхІхушйа? — да-тайцІґахтІ Гъари.

— Ауат ґакІра, йґаддалхра атахъыпІ, — Шамсадин дґлазщыз ауат ракІвмызтын, рыус майрапІ. Абджъар йчІвахыта йбанкъвыргуз йґьи аткван ьархІвынчІаз ахъазла ахабза йшґІарыквнацІауала рхІакъ ршвахпІ. ЛъажъакІґьи рымамызтын, абджъар чІвахґьи рыдгаламызтын... йырзухушйа? ЙынхараґатІта, зымґІва йрапшта йбззарґатІ,—Гъари йазцІґара йаджъауапта йхІватІ Тауби.

— ЙауаштІ. АцІабырг ґдырырквын, ауыс щцушґьи ґдырпІ. Бзила! — йхІван Гъари дґладжвыквылхтІ.

ЙґІАНШАЗ АЦІАБЫРґ

Чвымґвра, акІвар цІола йау акъарча уасакъвашыжв апны банда гвыпта тшадыркІылырныс злымшакваз ана-мцІыцІхуаз, зымґІваґьи Йаґыб ИсхІакъ йцІыхъва йыґьтамгылтІ. Ауи дъацуз йыґьйыцымцатІ. Ауат йрыуата ґвыджь, Джъаным МхІамати Джъандай Дылы, зын-ла райша акыт йцахтІ. Ауахъауат ахыґв — Зекъва Пакъа, ґязмач Батыргъарий йґьи Арскъан Маджид— ауасакъваш апны йґланхатІ. Ласыла Арскъан Маджид-ґьи дыркъвыцІхын, Зекъва Пакъи ґязмач Батыргъа-рии рхъазы акъваш йґІаквхатІ. Ауат рфачІвы мчыбжь-ыкІла йалгатІ. Ауи йапшдзата ртшква йддрыфуашыз-ґьи ґырмахмызтІта, ауыґьи йазхъвыцра атахъхатІ. Датшата йухІварыквын, рхъаква ркІырныс ахъазла ауат ґычра атахъхатІ. Аквуджъма йапшхата, йхІфуш абаґІахІаууаш? — зхІвауа, акъваш мцыра йґІаквхаз агІвхъачва зымґІва рацкІысґьи йыртахъыз рунаґІваквараухта, тынчта йбззара акІвын. Ауаса ауат рґвыґъара ансимшґладзаґьи рыцІа-рыцІа йырчвыхъарахун. Акыт йґІайхырныс аткван ьархІвынчІаз ахъазла йпхашун йґьи йшвун. Аتكван ґлазхІвынчІаз Пакъа йакІвпІ. Ауаса Батыргъарийґи ауи йґладжвылигаз ахІапчыпква йыцґлатигатІ, йыцкъайчІвахтІ. «Арыґьи сикъвыцІхта, сунаґІва садгылхырквын, суысква шпацушиштІ?» — аз-цІґара Батыргъари йґвыла йкъакъуан. Зны ауи Пакъа араса йайхІвтІ:

— Пакъа, угІай, ари ауасакъвашыжв апны ацІаква тшдхІумрыфхуата, акыт хІадыргылх йа датша зджъарала хІхъаква апырхІырга. ЙнаскІахырквын, араъагы хІгъзаъазлахуашым.

— ЙцІасымкІуата йсхІвапІта, саргы ауи уара йухІва-уабырг акІвпІ сыззхъвыцуа. Ауаса хІабацуш? — йара Пакъагы Батыргъари дицІгІатІ.

— Акыт хІцахпІ. АджъамгІат хІрылалхпІ. ЙрахІ-хІвпІ йхІызнийыз?

— АчІвыйа йраухІврыз, йара ужвыбырг акыт хІцах-зарквын?—атайхІвахтІ Пакъа, йгІайыквхІаз хІатларадзакІ дшзацІымцІхуа гІайныпщуа.

— АчІвыйа йрасхІврыз? ЗымгІва, зымгІва расхІврын. Бандата хІшгІаджвыквлыз. Авласть хІапшІагылта хІшайсуашыз, ауи шпхІтшуашыз, — йгІашІипхъадзун Батыргъари.

— ШвыгІвзачва зачІвквуда? — рхІвата йыгІауым-цІгІушма?—Ауат абаца гырымхІвушмиштІ тшырхІвуыр-шарныс уызцахуаш ауат аджъамгІат? — Пакъа йажвакв йрыбагъатІ.

— ЙырхІвуштІ. Ауаса уари сари йхІхъазыта гхІым-хІвума? ХІыгъхъачвамма? ХІажва хІахъымсырквын, ачІвыйа йырчпуш? — дцІыруа далагатІ Батыргъари.

— Уара уымцІрын, Батыргъари. Сара ужвыгы сгы-мдагвхастІ. УгІасыквцІритІхІва, ссабита сыгІархІу-шым.

— Щта, ачІвыйа йхІчпуш? ЙгІайта, хІнапІы ркІыта хІджвылырданацІыкІара ари абжатдзы-абжабакъ тшыгІвнахІырпсуа хІдыгІвначІвазлушма?—азгвыжвкІра йажвакв йгІарныцІуа Пакъа йлакта йтайкъауа йа-тайхІвахтІ Батыргъари. Ауи йыджымса жвпІаква ауи аъара йалачыджъта йылахъкв йгІарылалуанта, йыла гІвабджъа дуква чархына цыра закІызакІ ахІа йнам-дзауазшва йубун.

«Саргы сыгъхъацІамма? Йстахъым авласть йапшІа-гылквуауа рацКІыс сармуума? Зрызкы сшІу Защ Амин йща схахра атахъыпІ», — хІва йунагІва дгІаджвылцІта ауи йаща Уали йцІыхъва дантагыл агІан аргвыгъара-кв шацІахътшыз Батыргъари зынла йыгІайгвным-гІытІ. Йагыб ИсхІакъи Уалии «хІуыс мкъвауата йгІаштІыцІхуаштІ, йхъахъхуштІ, швхІызпшы!»—рхІвата йаныркъвыцІхуазгы, ауи ауат йрызхъайцІун.

Ауи йара йбзазаралагы, йгІадзынгылралагы акыт апны рахІа йтынчдзакваз дрыуан, ауралагы, «кІвтІ-

агъшвкІ дрылапаргъи, кІвтІагъязджвыкІгъи гъизып-
тшуашым зырхІвауа драпшта, дГІвычІвГІвыс ъасадзан.
УацІыхъвангъи анбъагІвыГІара, ЗащргІа дъартайча-
раз агыква тшритын, Уали йГІайыдигалыз ауыс дад-
гылтІ. ДадгылтІ йГІайгвнымГІвуата, анкІыкІах къуатта
йпхъадзауата ЗащргІа йыррызкыта йуацІа йталхъаз
ахІатыр йбахуата йхъайцІауата.

Зекъва Пакъа, аткван пимтшызарквын, хабартагъи
йымбауата, акыт зынла дцахуашын. Ауаса ауи дшвун.
Атхан Азаматгъи йхІвахъан, аткван зхІвынчІаз йара
шйакІву акытгъи алачважвауата. Пакъа Батыргъари
дйапшта ауысква алимцадзауата дгъаъамызтІ. «ХІара
авласть пхІтшуаштІ. УацІыхъван йшхІтахъу апш
хІбазуштІхІва» Азаматгъи ИсхІакъгъи йырхІвауата
йГІахъаз ауи йыгърызхъайцІун йгъи йыгърызхъайым-
цІузтІ. Аун уахъчІвалан дызлабзауз. Аун акІвын йаргъи
йкытлагІвчва драпшта дыпхауа, тширыгІапсауа дза-
ъамыз. Йъачаражвраз днадзун, йъахъвмарраз днадзун,
йпсыз заджвы йпсхъвы рчпузтынгъи даъазлушын... Зым-
гІва рпынгъи йхъвы алата акІвын ауи йшипхъадзуз.

Ауаса гІидымцара, чаражврамцара йа садакъачпа-
раламцара йыргауа аджъамГІат гымбазузтІ. Ауа-
са йналрыз агІангъи Пакъа йуыс йдырхуан. Дтшыжвы-
луанта дджвыквылуан. Уабацауа? — рхІвага йГІайцІ-
ГІарныс акыт ду апны ауи заджвгъи дгъиуысмызтІ. Ар-
хъа къвашква йырхъвыхуан. Зджъара уасакІ гІаквигар-
ын, зджъара, ймайрата йГІайнапІыцІашварквын, тшыкІ
гІаквидарын. Ауат йтирын. Хама кыткІ, хама къвашкІ
рпны дгъычырныс гІайдамыхІвыргъи, йара йкыт апын-
гъи дгъычуан. Йыгвладчвакгагъи дырчвгъычырныс хаба-
ртагъи йыгъйымбузтІ. Аун йапшпІ йыгвла, амуъазин
Азанч Кърым бтырта йГІайыртыз ауаса гІайгычрагъи.

Йквпшырала дГІахвта Зекъва Пакъа чва йхъан. ЙхІа-
ГІадзам, ауаса йгъи йсГІам Пакъа ащхъа бзазагІвчва
рпны рыцІа ймачІызлауа драпшта длакта лашарапІ.
Йыла чІыхкква гвыргъачІвитІ, йдзамГІвакква ахш гІа-
рылхвхвауа йпшдзапІ, ауаса йыгъчвадам. Ашайтан йацІ-
кыс дласыпІ уйырхІвушта дГІвыласпІ. АГІахІвра, ам-
шыркъвара, ачважвара йара йГІайхъыркІГІазшва дыр-
зычпапІ.

«ЗымГІвагъи алахІ заджвы йгъизалимхтІ» — аугІа
йырхІвитІ. Аун йапшта, Зекъва Пакъа йзалырхквас
зымГІвагъи йрыгхауа гІвычІвГІвысаГІарапІ. Ажва,
кърар, цІабыргыра зырхІвакхвауа адгъыл ажвГІвандакв

йшачвухъару ацкІысгы Пакъа дырчвухъарапІ. Ауи йыхъазла райшата йухІва ауаштІ йызбауа зфауа, йфауа зымшвахуа-хІва.

ЙгІаджвыквыздаквас акыт йачвухъарахауата йаныркъвыцІуаз агІан Пакъагы Батыргъаригы «хІара шардала хІшвызпшуашма?»—рхІвата йыгърымцІгІатІ. «Швъацауа хІаргы хІнайуаштІ» — хІвагы йыгърым-хІватІ. АгІвуджыгы ркыт йакъвыцІта, зджъара кІаразын тшхъараркІырныс йаквшвушта ргвгы йыгъгІанамгуазтІ йгы йыгъзакъвымцІуашызтІ. Ауат рхъвыцра айчважвара ари ангІалрала йашІастІ.

— Акыт хІталхырквын, хІгІвуджыгы хІыркІуаштІ,— йхІватІ Пакъа. — Сара анцІра йсымбаз «атутанакъ-тара сташвырчІва» схІвауа акыт сгызталхуашым. Уара ухъа уахвитпІ, сцахпІ — ухІвузтын, уцах!

— Момо, саша, саргы сара-сара сцата, «атутанакъ-тара сташвырчІва» гъсзыхІвушым. Ауи акІвымкІвагы, зтшы гІатыздаз сыгвла йлакта сшпатапшуаш? — йгІа-цицІатІ Пакъа йхІваз Батыргъаригы. — Момо, саргы хІыгІвзачва «ауыс хІазырхатІ, тшатагІаштІыхІххитІ» гІархІванацІыкІяара зджъара схъа скІрыквын рыцІа йгІалсхитІ.

— Щта, хІхъаква хІацыта йыгъхІзымкІуашма? ХІа-цызтын, рыцІа йгъагъымма? — ауи дицІгІатІ Пакъа.

— Момо, Йгъагъым. Уари сари араъа хІымгъычуа-та хІхъа гъхІзыкІушым. ХІкыт, хІайщчва аквуджъма апш хІрайгъычлауа хІхъа хІкІра атахъыпІ. Сара ауаса йыгъсзычпушым, — йхІватІ багъата Батыргъари.

— Ауаса йнаъазара, датша зджъара хІцара ата-хъыпІ. Уадгылуазтын, ащхъаква хІырхъыспІта, СогІвым хІцахпІ. ЙхІыбызшвапІ, йхІайщчвапІ. Ауаъа закІквата тшрылахІыргІващапІ, — йхІватІ Пакъа, йхІвауа азцІ-гІара, азгІайыргылуашта Батыргъари дичвшвауа.

Ауи йхІварныс йтахъдзамыз азцІгІара Батыргъари йгІайшІышвттІ зынла:

— ХІы! АчІвыйа СогІвымла хІзахъысхуаш? СогІвым хІахъысхырныс акІвызма, абалахІраква хІыршатІуштІ-хІва тшыхІчІвахуа акыт хІызгІатыцІыз?

— Акыт хІызгІатыцІыз ауыс ацІахъымтшызарквын, Джъантемыр йпагы Йагъыб ИсхІакъгы йзабадыруа акъзакъ афицар дгІарцхърагІарныс, ауи йпны тшыр-чІвахра йайгвгъауата йгъымцарызтІ. Азаматгы тшйыр-дагвта, закІгы гІахІимырдырдзахуа ужвыгІандзара

йгымгарызтІ...—йгвы йгІаташвуз ахъвыцраква гІахъитІуа далагатІ Пакъа, ага йтахъы-йтахъымызтынги.

Пакъа йыгъхъайымцІахуазтІ «Джъантемыр йпа йадикІылыз ар» зырхІвазгы аъата, Атхан Азамат йшихІваз апш ласылагы йайчважваквас цІабыргдзата тшатагІаштІырххырыс. ЙыгІвза йызйайымхІвуаз йхъазы дгІаишара гытахъымызтІта акІвпІ. Ауи дикъвимштуамцара Батыргъаригы дхъикъъалта дъарымдыруа зджъара йцата йшбзасушыз акІвын йтахъыз.

Ауат ангІалтІ агышІкІарартаква йкъарчІвахыз, аткъан йгІаджвылыргаз асхъаква зджъакІквата ртгІачваквас йырнапІыцІадыршварныс. УацІыхъван ащхъа ахъвшІакваламцара Санчара ащхъахъысырта йнадзата, СогІвымла йахъысхуашын. Асхъаква аргваны агІвыджъгы дъарымаз акыт апны йыргата, мацІмацІымцара ауат ртгІачваквас йшгІарыртхуаш рархІвуашын. АхІапчыпкъа ангІарахъхуашыз амш запшыз ауат щарда йыгъгІалрымхтІ. АугІа, анхагІвчва акыт йанталхуа, аджъумгІа амш йгІарахъхырыс йайчважватІ. Абар ауи атшын гІадзатІ. Батыргъарии Пакъи ртшква йрыквчІван, абна квайчІвала йгІакІвшауамцара, агышІкІарартаква рпны йгІайтІ. Ауат джъумгІа мшыпІ акІвмызтын, акыт апны таца дгІаргтагы ауи днардылуатагы гырымдыруазтІ.

Заджвгы хІйымбандахІва, ацгвы апшта йсакъуа агІвыджъгы амашакквас нарахъхырыс ачІвахырта аргван йцатІ. АхІапчыпкъа йацъарата йшыршушыз агІвыджъгы багъата йырдыруан, мадзала ргвыла ащарда дасу йара йгІайыквшвара йтахъызтынги.

Батыргъари йтшы рыцІа йагъынта агІвмашакквІ ауи йтшы йаквырцІатІ. АмашакккІгы Пакъа йкІвдыр ащтахъ йаквйырхъатІ. Ауат ртшква шІанкІыла йрымата агышІкІарарта йгІабгъалхуан. Ауаъа йашІкІвшауа амгІва йахъыста, абналамцара акІвар цІола тштадрышвхуашын. АкІвар анраура заджвгы йымбауата амашакквас ъаргушыз акытдза йнадзуштІ. АшыгІвгІвыртаква йгІарылситІ. МацІкІ йгІабгъалхырквын, амгІвагы йахъыситІта, абна тшыладрыдзхитІ. Йпшызтын, агІвхъцІа йыквта ртшква йшырызгІагуа гвып дукІ абагІахъацылитІ.

— Йубама, хІызшІашваз? Уалей, ужвы хІшыркІы!— йхІван, Пакъа йтшы ашыгІвгІвырта йтайырххытІ.

— ЙгъамуытІ. ЙгъамуытІ, ауаса майрата хІыркІуа-

этын. ЙзачІвлагадзата тшыдрхІырбайа? — дгІагвжва-
жватІ Батыргъаригъи атшыгІвчва дшнарывквпшуаз, шар-
да збаз йкачкІыз йтшы махагъа агІылахІва ахІахъв ду
азквла йыкІвидашауа.

— Ауат ахъахыла йгІахІыкІвшарквын, хІдымрыпІа-
тІаууата хІыркІуаштІ. Ауи ацкІысгъи хІрыларкшата
йацахІырра,—йхІван, Пакъа йрыхІазырхъаз йшвокъ
дызцІагылыз ахІахъв ду йадзйырпшуа ахысра тшазич-
патІ. Батыргъаригъи ауи дыгъгІайхымшватІ. АгІвы-
джьгъи йгІагІвуаз атшыгІвква рыцІа йъажвпІараз зын-
ла йрылахыстІ.

— Уалей, бальшавикыжвкІ дшгІакІыннасырга —
йхІватІ Пакъа, дызцІачІваз ахІахъв тшыдйырпцІылуа.
Батыргъари йгвы чІвууа дгІацІрытІ:

— УырпшыстІ хІызлахысыз йрымгІану. ХІкыт ач-
кІвынчва ракІвпІ, зунагІвачвыз, йхІурычпаз ачІвыйа?

Бзи-бзи, ауи ахІа ахысра тшазимчпахуа, Пакъагъи
дпшызтын, йамна лъажъа шырнапІыцІшаз гІайгвын-
гІвын, араса йхІватІ.

— Ай, сара сынчва, йзачІвлашвта сгІаушазйа сара?
Йызласшвахуашйа ужвы ауи сара? ХІылаква гътамыз-
ма? Абаракъ змата ани апхъала йыгІвуа дызхІымбайа?

— ЙгІаншушыз гІаншатІ. УакъвыцІх ауи. АгІвычІв-
гІвыс данхъчІвуш агІан зымгІвалагъи дхъчІвитІ. ХІхъ-
чІватІ. Уара йшубаз гъсыздырам. Ауаса са ауат рыуа
заджвгъи баракъ йнапІыцІата дыгъсымбатІ. Ауи йбара
хІахадзахма йара?

АдакІвача чкІвынчвакв, ахы зквшвата этшы йкІа-
шваз, Щамсадин йъадзайхъадзгылаз, Пакъи Батыргъарии
тшыцІаркІуамцара, датша зджъарала ашІыгІвгІвырта-
ква йрыкІвшан, абна жвпІа алащцарара тшыладрыдзтІ.
Ауат анатардахуаз, рыцІа йласхара ахъаз, Батыргъари
йтшы йаквицІаз амашакквкв рыуа азакІы гІакІайры-
швхтІ. Ауи амашакв акІвпІ ачкІвынчвакв йгІарауызгъи

Ауи йыртахъдзамкІва йырнапІыцІшаз апхаста чвгъа
амщтахъ агІвыджьгъи, райша йцарныс йъаквыркІыз
акытла йгъымцахтІ. Ауат Чвымгвра йаъу ауасакъваш
йатаквылхтІ, ауахъ ауаъа йпхъарныс йгъи руыс рыцІа
цІолата йазхъвыцырныс. МачкІ йгІалабыджтІ акІвын
чокъвхІва ауасакъваш Защ Уалигъи дгІаквылтІ. Уали
Джъантемыр йпи Йагъыб ЙсхІакъи дрыцта Нибна апны
тшызчІвахуаз Козлов йбанда рпны днадзан. Абанда
аналадрыхъвашуз Уали дыгърыламызтІ. Ауи абанда

Гаркырныс йшквдыршуз ргвы анГва аглан Йагыб ИсхІакъ тшйыднайыргалын араса йайхІвті:

— ЙсхІакъ, угІай райшата хІайырчважва.

— Уалей, Уали, уари сари зынги хъвахъваракІ, гІагвнымгІвыракІ хІызбжъата хІшамайчважвас. ЙхІва, марджъа. АчІвыйа угвы йтыхъуа? — йхІватІ ИсхІакъ, зымгІва рацкІысги хъацІара злата йпхъадзуз, йара йыхъазла рыцІа йцІабыргыта йадикІылта, йчвалпІлахыз агвып йызгІарылцІыз Уали йлакта дтапшуа.

— Арат хІрылштх. Арат гъуагІа хыйам. Арат руыс ацІашвы йангІвылу уыспІ.

— ЙалудыргІауайа, уара? АчІвыйа угвы зурыдз-уа? — датайцІгІахтІ ИсхІакъ, ахъацІа йгІаджвыкквицІа-уа ачважвара йымгвапхауата.

— Йабоу араъа тшадызкІылыз ар зышвхІвуз? Уа-хъгы тшынгын йанІамсуа аркъа зыжвуа, акъвашкви акъвтыркви йырчвгычуамцара йчауа, агвып ракІвма рыта йхІпхъадзата хІыззгІайыз? — дгвыжвкІуа далагатІ Уали.

— Щта йгърымма ауат? Абджъарла йгъадгаламма? МомкІва мурад бзи гърымамма? — атайхІвахтІ Ис-хІакъ, дзайгвыгъадзуз йыгІвза йгІайрахах ачважвара йгІаныцІуаз гІайгвынгІвуа йги ауи даргвыжвкІуа.

— Мурад рымапІ. Щта, щта мурад рымапІ. Ауаса ауи амурад гІардахІвырныс ахъаз ры гърымам. Ужвы йшгІасгвынгІвызла, ры гърымам. Йрыму бандапІ. Бан-дапІ. Ауатги мачІыгІвдзапІ. ЗымгІваги хІатшпыкІ йыцІашвитІ.

— Ауат зъара йнадзауа уарги сарги йыгъхІызды-рам ужвыги, Уали. Ухъа уачвшвузтын, уайгІваджъ-хызтын, заджвги угыкІуам. Йутахъу чпа. Ауаса абаль-шавикква уъарнапІыцІашваз, ууысква шымчІвагІвахуш уасхІвитІ. Уари сари йхІапшкву хІыхъазла ауат рсбыр хІазырпІ.

— Сбыр, Сбыр! Сбыргы адгъылта гІацІуаштІ. Ауаъа йаныргауазара закІы аъазапІ. Сбырла са сы-гышвум.

— Арахъ, Уали! Ари хІайчважвара ауырахитІ. Уар-гы сарги йгІахІнатуа гъаъам. Ауи ацкІысги, уста уцах! — ажваква датша зджъарала зынла йацайырпатІ ИсхІакъ.

Ауат ажваква анигІа, Уали йрызхъайымцІауата ла-сыта ИсхІакъ дицІгІатІ:

— ЙабакІву съацахуа? Йауа йыгъуымдырума сара акыт апны сцахырныс сшахвитхым, абальшавикква тхІымцауата.

— Ауат уаргы сарги уахчІва йыгхІзытцушым. Азаман гыГамдзастІ, Уали, ауат хІзытцарныс. ЙухІваз цабыргыпІ. Саргы садгылитІ. ЙшхІгвыгъаз апш хІыр гхІзадымкІылтІ. АугІа гыГлахІыламылтІ. ЙшватІ. Абальшавиккыжкква йырхІвауа йазхъарцачватІ. Ауаса йухъумраштылын, анасагы-арасагы йайГлайуаш хІара шхІакІву. Сара кърар счпатІ, Джъантемыр йпа сикъвымцІырныс. СикъвыцІтагы амаль гъсымам—йчважвара аухун ИсхІакъ.

— Ауди сара суыс гылам. Сара Джъантемир йпагы уаргы закІылагы ужвы йшцазла швыгъсыбжахым...

Уали йажва далимыргауата, ИсхІакъ дгвжважвауа йхІватІ:

— ХІшГІакІвдыршауа удыритІ. Ауат хІыркІра ртахъыпІ. ХІырzymкІуазтын, йыгъГлахІайгъдзушым. Амаль амазтын, ауасакъваш апны йнардза ласыта. УчІвацта ауахъ ауаъа хІанйахпІ. Ари амъа уыбгъаца. Ари Атхан Азамат ласыта йнапІыцІаршва. Йара йГІауайхІвуаштІ йчпачІву зымГІва.

— А, занаджъа, ужвы мшыпІ. Сшпазыцуш срымбауата?—дъанквынуа далагатІ Уали.

— Абхъв ащапІы Уарп йъадсылуа щъагІв мгІва амапІ. УызбжысуаштІ угІарымбауата. Араъа тшумыркъвахын. Йухъумраштылын, акъваш апны хІананйахуаш.

Ауди ахІа рчважвара дымраухуата, ИсхІакъи Уалии акъвыцІтІ. ЙакъвыцІтІ Чвымгъра ауасакъваш апны йанйахырныс.

Уали дрымбауата абыхъв щапІыламцара дГІакІылстІ, йтшы тшаквирышвын, йымдухасыз Уарп дГІаркъбан, йымГІва дГІаквылтІ. ЙкІвымжвы ацІахъ йыбгъайцІаз арызна мъа йыбгъымшвтырныс ахъаз запытла дахысуа, тшпсызцаз йалаша пахв Йынджыгъ психІвала йГІайыргвжважвун. ЙГІлахъвлуз ауахъ аквтаква ауди ауаса къваш апны йГІайырдатІ. АхпсыхІвакІ ъадзаГіамайрысуаз йхъа йтымцІуаз йхъвыцраква йчвалалуа, ауди акъваш ащтахъла дГІадгылтІ. Ашухъа йачвыхъарамкІва йгылаз атшква дсакъуа дрыдгылтІ. Атшква аниба йдыртІ йызчІвквас ауат акъваш йшыквыз.

Акъваш йыкквасзгын ала шычвуаз акІвын йшычвуаз. ЗакІы хырткІ аргарыквын, ршвокыжкква рнапІыцІар-

хъа йгІагІвыцІкъьалун. Батыргъари дгІагІвыцІкъьан, атыпыжв аштахъла йырчпахъаз акІынхІара дкІылстІ. Заджвы йтшгъи ъададжъта йымата апахъла дыкІвшун. Мадза-мадза Батыргъаригъи ауи йцІыхъва дтагылтІ. АгІвыджъ атыпыжв апахъ апны йапшІахтІ.

— Уали уакІлма? — йхІватІ апхъа-пхъа псайспа Батыргъари.

— Щта, салъам алейкым, Батыргъари, — йхІвауа Уали ауи тшйызгІацайырпан, йнапІы йкІытІ.—Йуыцуда? Швшпаъакву?

— Пакъи сари йхІхъазыпІ. Уара йуыцуда? — йхІван Батыргъаригъи Уали дицІгІатІ.

— ЙгІахв утшы. ХІа хІчІвква ъахІвауа апны йсырцапІ. ЙгІапсазапІ.

Пакъагъи йуапІа гІайхъирышвтІ. ДгІагІвыцІкъьан Уали йнапІы йкІытІ. Ласыта тазакъли хъвали йхъва-цІахІвхІваз амца апыргъаква алайгІватІын, мшІы гІваквакІ аквирышвтІ. АмзагІв гІва мшІква йарасахІаткІ йгІалашватІ. Атыпыжв ауацІа гІалашарахатІ. Пакъа амшІква йрыквирывыз ауасадза ргІва йшабгаз амшІжыхчІва йхъайцІан, амца йахъайкІытІ.

— УгІамгІвайстІ. УымлащийуазапІ,—йхІван Уали тшизынайрхатІ.

— СымлащитІ, саша. Амлащийра ацкІысгъи ачва гІасхъатагван, йара йджъасщитІ акІвдыр сштымшвтыз. Йаъайа хабарта? Акытла закІгъи гъшвымдырума? — йхІван ймыркъвауата Уали агІвыджъгъи дырцІгІатІ.

— Акытла йыгІдыруа хабаркІгъи шаъам. Анылагъи арылагъи хІымпІатІаууа ари хІъагІаныжвжъыз хІыквчІвапІ. Азамат йхІызгІайгуаш ахабар хІазпшитІ,— йхІватІ Пакъа дзхъала Батыргъари дипшуа. (Ауи йгІаныцІуан йхІнапІыцІшаз гІауымраханхІва).

Пакъа ажбы йрыдзнацІыкІъара Батыргъари йартмакъ йгІатихыз амгъалбжа йакъамала йххын, ачаргъва йгІаквицІатІ. Ауат ацчауа йалагатІ. Йчащала агІвыджъгъи йырдыртІ. Уали дшымлащийдзас. Ауи ачаргъва йыквыз амгъал ххыра гІван, хын ацхІарала далгун. Адза йгІашІижвуз абыгІв шишІайцІуз зынла йрыцкъунта амца йаквирышвхуан.

— ХІшвызпшуа араъа щарда хІыквчІвазлушма щта, Уали? — йхІван амчважвара Батыргъари йпхъижватІ.— Анылагъи арылагъи хІауамкІва архъа хІгІаквхатІ.

— Шарда сымхІвауата, райшата йшвасхІвитІ: хІыржъатІ, сайщчваквa. ХІыржъатІ. Джъантемыр йпагы йыгІвзачвагы мцы рхІвитІ. РыкІгы гырымам. Швари сари йхІапшта хъатахІвхІваквaкІ ржъан абна йылардатІ. Датша йрыму гъаам. Райшата йатасхІвахитІ, бандапІ ауат йадыркІылыз. Дара ауатгы мачІыгІвдзапІ. Авласть ныжъта ари АбатагІа гІваца йаъакву гырызтцушым. Сара Атхан Азамат йпны ИсхІакъ сгІайщтитІ. Ари амъа гІасирыгІ. «Ауи йбарыквын йатахъу йара йгІауайхІвуаштІ» — акІвпІ йгІасайхІвызгы. УачІвыхъа йара абараъа хІапйахырныс сгІайыргвыгъатІ. Ауи акІвпІ ауысква шаъу.

Батыргъаригы Пакъагы, закІгы рымхІвауа, Уали йыздыргІвуан. АгІвыджъ ахъвлапшуан, йызквчІваз акдыжквa рыцІа-рыцІа тшырквдырбагъауа.

— Сара, — даталагахтІ йчважвара Уали, — ужвы йсхІвауа ари акІвпІ: амаль ъадзамула швгІвыджъгы швадгылх. АджъамгІат йырбауа шваргы йыжвбапІ.

— Уара щта? Уара ачІвыйа узадымгылхуа? — дгІагвжважватІ Пакъа.

— Саргы садгылхуашын. Ауаса сшвитІ. Саща йыргъахаз, акрасноармеец дъайщыз ахъазла дшыркІыз жвдыритІ. Саргы сыркІырныс гъстахъым. Сбыр сыргарныс гъстахъым,—гІацицІахтІ йырпсайспауа Уали.

— ХІара акыт хІадгылхырквын, зыкла хІнарахвта хІыргата джъанат хІтадырчІвапхІва угвыгъумиштІ?— йхІван, Батыргъари Уали тшызынайыратІ.

— АчІвыйа, щта, швара ауи аъара гвымхарата йшвхаз, анцІрала акыт швтaлхгы амуыхуашта?—Уали йыгІгІайгвнымгІвуазтІ Батыргъари дызчвшвуз.

— Аتكван йхІхІбынчІаз щта? АчІвыйа ауи ахъазла йгІахІархІвуаш? — дгІагвжважватІ Пакъагы, йызхъачІву йаща цри шйакІву йщыз йымдыруата.

— ШвыркІыпІ. ШвыркІыпІта, йгІашвыквырцІауа аныжвгара швунагІваквa швгІарыдгылхпІ. Датша закІгы гшвзырхушым.

— Момо, Уали. ХІара-хІара хІцата тшыгъдхІыркІуашым. Уара йшутахъу йчпа,—йхІван, ачважварагы дакъвыцІхын Батыргъари дцан йуапІа тшамгвайрыгъажьхтІ.

АхыгІвгы мчважвауа къомракІ йыргатІ. ЙъадзащтІаз Пакъа гІвы дшйымхъащыз азхъвыцра атагІайыжвылхын, дгІагІвыцІкъбатІ.

— ИхІымдырдзакІва йхІыквшуштІ. Уали, хІара ари акъвашыжв хІыквцІхитІ. ХІъацауа унайуазтын, Уали, унай! Ауи ахІа араъа хІаъахызла йгъауыхуашым. АлахІ йхІвауа хІазигапІ.

Пакъа йхІваз ажвакв Уали йгІайгвынгІвытІ. ЗакІы-тагъи йыгъджъайымщатІ. Ауыс ауаса йшщушыз ауи йдырхъан. ЙгІайгвнымгІвуаз закІын: ауат акыт йадгыл-хырныс йъашвачвуз, анасагъи-арасагъи датша царта шрымамыз ьарымдыруаз.

Ащымта йангІаша Уали йхъазын. Уарп ауыла уурта апны йгІашІарышвта йгІамгІвайсыз ахъацІа дназахвыз ачва жвпІа ласы дгъызгІалымцІхтІ. ДангІашІыха, йуна-гІва дгІаджвылцІижътара йгІайылашвз ацІас шІыц йыхътІ. Йыдзхъаз йшвокъ гІащгІижватІ, днапшыгІап-шып, йтшы ьаныз гІаййырдыртІ. Ауи йтшы, акІвдыргъи шаквыз тшарблыгъара амурадта, тшаруышвуа йщтІан. ДзхъакІла тшахънарышвтырныс тшазначпазтІхІва, акІв-дырхъаква абгъа гърымщтийуазтІ. Уали, днапшы-гІап-шуа дазыгІвын, йтшы гІайыргылхтІ. Йаргван заджвгъи дшаъамамыз анхъайцІа, акІвдыр гІаквихтІ. ХІвра гІай-пытІ, йалайрыхъванчын атшы абгъа йрыцкъатІ. АкІвдыр-гъи ахъирышвттІ, амара йашІайцІан, тшиджвджварныс акІвархъа йамаз адзыхъ дазцатІ. Адзыхъ йара йдыруата йшцкъаз апш йцкъан. Ауаса ауи агъагъара зымгІва уа-са кІъатІила йхърысын. Ауат йгІархъыцІуаз ажъбгІа фгІвы гвауата йгІайшІастІ. Ауи йгІайгвынгІвытІ, йыр-къвыцІищтара Пакъи Батыргъарии ауаъа йшуасакІ-мыз йапырыхыз. Ауат ауасаквагъи акыт йцауамцара рыпщІаква йшгІагваррымгаз Уали бзита йдыруан. «Ауаса акІвпІ йхІаджъратхауа дшбзазауа. Ауаса акІвпІ саргъи сшгІанхуш, зыла гІасыквшвата сызбауа апхар хъацІа йхы гІасыквшвата сищнацІыкІъара,»—дхъвыцу-цуан Уали.

Атшын йшабгаз дывчуамцара йгатІ. Батыргъарии Пакъи йызгІаныржъыз ажъгъи амгъалгъи дгъырхъымстІ. ЗджъакІы сгІарбапІхІвагъи йгвы йгІатамшвауа, ауи атыптдзы дгІагІвныцІуамцара йтшгъи дахъпшытІ. Йалахъвлауа йаналага, ауи гІайкІытІ, акІвдыр акви-цІан йщахІан. йатауищтхтІ.

Ахъвлапын швабыжта йпшдзан. АжвгІванд ауи аъа-ра йцкъапІта, тшуызхъагылта утапшырквын, угІазткІ-кІгІуш агІвыга йапшпІ. Абнала йгІатыцІуа афгІвы агви апси йырфачІвхІвырматхитІ. Ауахъ хъарата ачвагъва-

чва рбжыы зынзамыза йлымхІаква йырзыгІадзитІ. Ауат абыжькѡа ѡахъагІагуздза Уали дкІвыруа дрызцарын, ма дгъахвитым. Ауди дбандапІ. Ауди йапшкѡу аджъамгІаг йыгърыларжъуам. «СцахпІта, райша асовет сцапІта йрасхІвпІ съаныз. АчІвыйа йсчпаз? ЙцІабыргыпІ, саца дъаркІыз сгвы йастІ. ЙасуаштІ адуней сьадзаквугъи. Ауди йыхъазла сайсуашын, айсра спшцІалта. Ауаса сьызцайсуашызда? Авласть дупІ, йбагъаапІ».. Уали йхъвыщракѡа зкъыта йзалалуан. Ага йтахъыра хъвыщракѡа дырхъватшрыгъи, ауди багъата йгвы йтайкІытІ, Атхан Азамат тишишІайыршвата, ИсхІакъ йгІайайхІвыз найырджарныс.

ЙшгІахъвлуз, йшлащцарахуз дтшыжвлын акытла йырхаутІ. Акытла йщцуз гІазгвынгІвыз йтшы ауди аъара йласынта, ауди аъара хвита ащапІкѡа амгІва йхвыннаргылуанта, Уали йгвы араса йгІатанаршватІ: «ахІайуан шхІайуанугъи йара акыт йьаталхуа йайгвыргъытІ, сара сшгІвычІвгІвысугъи скыт сталхырныс сахвитхымкІва тшысчпахтІ, йсымгІаныйа сара? Анасагъи арасагъи сьдзын сьдзтІ. Ауаса заджвгъи тшгъичвыкъасчІвахуашым. СырщрыгІатІ йыртахъызтынгъи. Райша Азамат йпны сгваралуаштІ» — йхІватІ ауди дгвыжькІуа йгвыла.

Агвашв апны даннадза дтшыжвцІтІ. Агвашв йара йгІайтІын, дгваралтІ. Щардара дъагваралхъаз апшцІа тыбгІа цкъата йалырган. Уали йгвы йгІанагтІ, араса. «Азаматгъи йыпшцІа дтшкІарата тынчта дбзаситІ. Уаргъи абна уылазла ацІа уырфауа». ДшІтытІ заджвы дгІаджвылидара ахъазла. Бзита йаласкІахІазтхІва амзакѡа аркІыркІван. Ахъышвыгъвкѡа кІкІара гІарбыжькІкІун. Азамат йпахІба, унагІва кІьыдарата йара атдзы ауыра агІвынакІ йбзасуз Умарби дгІаджвылцІтІ.

— УгІайгѡа, дзачІвыйа ауди? — йхІватІ ауди йбжыы тхгІадза.

— Бзила хІайгѡатІ. Азамат мачІкІ дстахъын.

— Ужвыбырг йасхІвпІ. УгІашыл! Йачпушйа?

— СгвжѡажвитІ. Бзила шѡпынгъи хІнашылтІ. Шѡба гІакІв ласы дгІаджвылцІтІ, — йхІван, Уали агвашв ахъыла йтшы найрыскІахуа далагатІ.

— Ужвыбырг — йхІван Умарби атдзы днашылхтІ.

ЙарасахІаткІ Азамат дгІаджвылцІын, йыпшцІа йтшкІарагылаз атшыгІв йшигІушыз апш йайхІвтІ.

— УгІамайгѡума? АчІвыйа хъарата уызгылу?

Уали закІгьи гыймхІватІ.

Азамат акІалындор дангІакІныцІ Уали аргваныта ауи дгІайыдгылын, йхІватІ:

— Сальам алейквым, Азамат. Уали, Защ Уали сакІвпІ. Уыс сымата суызгІайтІ — йхІвауа, йкІвымжвы ацІахъла йыбгъаз, амъа гІайыбгъыхын йзираутІ.

Ауахъауи арызна мъа анинапІыцІашва, ажвакІгьи йымхІвауа дгыланхатІ къомракІ. УацІыхъван, псайспа-дза йгІайшІыцІтІ:

— Анчва дузыразхатІ, Уали. Амъа йатахъу сара йыздыритІ. Йсылшауа счпуштІ. Датша кІара гьуасхІвуам. Анчва угІайхчатІ. Ухъа хча. Уанатахъхара йусырдырпІ. Ужвы, ухъацІаха, марджъа. Ргвы уызгІвара акІвмызтын, уара кІара зджъара уаъата заджвгьи йгІидырам. Тшыртынчта убзаза. Ианатахъхара зымгІва удырпІ. УызгІвадахатІ.

Ауи ахІа йымхІвауата Азамат атдзы днашылырныс тшазичпауа, закІгьи йара Уалигьи дйымбазшва, тшацайырпахтІ. Уали йзнийызгьи йымдыруата акІвдыр тштайрышвтІ. Агвашв пхьижвума ухІвушта дгваршвтын алащцарагьи дамкІуа гІвапарала аурам дбжъаххытІ. Ауи йтшы дъагуз тшайыргун. Йтшы рыпщцІа дгваранарххтІ.

Агвашв тІыпІ. Амзаква аркІыпІ. Рпещква йрызната угІа шыгІвну йбитІ. АхъацІа зынла йдыртІ, рунагІва апны йамына лъажъакІ шгІаншаз. Ауи апш угІа жвлара йырчІапщауа апсхъа шйакІву йдырырныс Уали дыгъсабихмызтІ.

Ауи атдзы дшнашылуаз йгІвахщчвагьи чІвыууа тшгІа-йыквдрышвтІ. Апещ йыгІвназ зымгІвагьи йаквсаугъышуа йатаджвыквырцІахтІ. Уали йайхщчвакв йашІыпхъадзауа рчІвыуара рыцІа-рыцІа йаладырхІун.

— ХІйылгагвыщатІ хІ-Щамсадин рыцІа, хІара хІцимыгІва. Уа, хІара йхъчІвагвачвыз аткъвым, шахуахра зызгІайгвыщаз аткъвым. ЙзачІвгвыщайа хІара анчва йгвы хІызласыз? ЙзачІвгвыщайа хІара гвымхарата ау-гІа йырзыхІаз?.. Уа, хІара йхъчІвагвыщаз. ХІащакІ дъацагьи дъагІайгьи хІымдыруата дыркІын ддрыдзгвыщатІ. Уаргьи, Уали—хъгІа, думпта тшучпан уыггІадгылхуам. Абар хІзайгвыгъауата, хІабажв мыгІва йыпщцІа йгІатшкІарахагвыщазгьи йызнийыз убитІ. ЙыгІвзачва дшылаз, ауат дшырцхъмаруаз анчва дхІыквихтІ. ДзачІвгвыщайа ауи йзычвгъахата абзаара далызхыз,

йынбжыагІвчва дрылызхыз? ДзачІвгвыщайа хІара хІаща-хъгІа рыцхІа йжыы гІазфаз!..

Йнамудзахуазгы йыгхІынасыпмызма, Уали хІаща хъгІа, уара уихъагылата йджьаназы рчпарыквныз, духІа гІарахвзарквын. Уа хІгвъаджыгвыщатІ. Ма, уабагІахІа-урыз хІара рыцхІаква?..

Уали йгІайыжвлыз ачІвыуара дахъварауа, ауи ахІа апхІвысква рчІвыуара йзымгвашІхуата, апахъ дгІа-джвылцІтІ. Йара атдзы апахъ апны адгбыл тшыдиры-швылтІ. Ауи дчІвыууан. Ауи чІвыуара ду йыквын. Йа-щайцІба дырщытІ. Йара даѣамкІва рыпщцІа дгварырган дыцІарцІатІ. ЙащахІба йылахъ уыс шакІвшаз йалыргата йгыдырам. Ауат рыхъазла, йтгІачва, йджьамгІат ры-хъазла бзира йхауадзищан, абна дылалтІ. Ауи агІва-щагІара ду йчпарныс дацІазырсыгквас Атхан Азамати Йагыб ИсхІакъи ракІвпІта, агІвуджыгы кѣамала йххрын, кѣалмых тутынта лукІвагала йыркѣвакѣварын. Ма, йкІѣасахатІ. Йагыб йпа дижъан абна дылайдатІ, дижъан датагІайкѣвищтхтІ. ДчІвууа адгбыл кѣватІамаз дѣадыз апны акІвпІ Уали йѣагІайгвынгІвыз ИсхІакъ йгІайырыгыз амѣа йгІаныцуаз: ауи дшватІ, йыбыз-лагІв Азаматгы йгІайыррдыртІ, Уали йызхѣацІахта амаль шамахмыз, йаргы зджъарала штшпхъайкІуашыз. Азамати ИсхІакъи рыбыз ацІацІаркѣва зымгІва ауи йыркѣвидыргІузйа?

Зайщчвакѣва зыпщцІа йтшкІарыдзгІата йгІадгылхыз, ахѣацІа йхъвыцра ауи ауахъ йѣанадзас здыруашыз ан-чѣва заджвыкІ йакІвзарын. Ауи йхъвыцра ауыра апны Уали тынчта йбзазакѣвуз йкытлагІвчва драйхІвапсун. ДрайхІвапсун зайщчвакѣва зыпщцІа йтшкІараз. Драй-хІвапсун, йгІарыртыз адгбылкѣва зѣвагѣвакѣвуз. Драй-хІвапсун таца дгІазгыз ХІатІыщргІа. Ауи йацта ахѣацІа тшазидырхуан, йара дызквылыз амгІва шрайшамыз, ауи йара йшйымгІвамыз. Абджъар зѣнайахѣта, авласть дйыцапшІагылырныс дызцылыз Джъантемыр йпа, Йа-гыб ИсхІакъ йгы афицар Козлов, йара абна йѣалаз-гы, тшдрыхъарун. Йара абна апынгы дара рыцІа йдута тшырпхѣадзун, щала йара йгы анахъанат йрапшта штшырымпхѣадзуз гІаддырдыруан.

Абна йѣалаз йгІайыдшвалыз агвхѣауа хѣацІа на-скІѣахѣа, йара йапшта, йыржѣата йбандахаз, йхІваз зым-гІва щцІабыргыз Уали дакѣшватІ. ДакѣшватІ Джъанте-мыр йпа йымц. ДакѣшватІ Атхан Азамат йымцгы. Йа-

ра йыржъата акыт йацтыцквас абжыгІв-агІгІвы хъачва раКІвымКІва, йыркытлагІвчвата ауат йрыцбандахушыз гырмаутІ. Ауи акІвымКІвагы «йхІызшІызтуа архІрылалырныс хІцитІ» — рхІвата, йыззцаз афицар Козловгы, йара йхъатала дшибазла, авласть этахъымКІва абпа апны тшызчІвахуаз заджвыта дгІацІуІтІ. Ауи рыкІгы гыйымамызтІ. Ауи йыцквасгы йара йапшу нахъыс-гІахъыс хІаджъраткван. Ауат анГІакІвдырша агІан зыпла йшамцІбгъыжвызгы, Джъантемыр йпа дшырчвырдазгы, Йагыб ИсхІакъ дхвыта дшГІаркІызгы Уали йгыймдырузтІ.

Акъваш апны дзынйаз Багыргъариггы Пакъагы раъащаквала йГІайгвынгІвытІ, рхъаква рхчара акІвымКІва, ауат агІвуджъгы датша мурад шрымамыз. Ауат раъащагы дархъвыцуа ауахъ Атхан Азамат йыпщІа дгваралтІ. Азаматгы, ИсхІакъ йымъа аннайахв, апхъала апшта, йажвалагы йаъащаквалагы дыгыГІаймайгвыгІвхтІ. Ауаъа акІвпІ Уали багъата йгвы йантайкы, дъагІаталхыз акыт дтымцІхырныс. ДыркІыта йхІаквым рхарыгы, ауи дхІазырта акІвын йыпщІа дангваралхуаз агІан йхъа йтаз. Ауи йыргвыгъаз ИсхІакъ йынйарагын йгвы йыгътахмызтІ. ИсхІакъ данГІайра ддйыркІырнысгы гымурадмызтІ.

Дъагваралхыз йыпщІа, дызнашылхыз йунагІва апны дызшІашвас, арыцхІагІараква ахъацІа йхъвыцраква швкІыта йзырчпатІ. Эпсхъа дГІаквымшвахыз йащайцІба дызгаз ахымадзагы йара йапшта тшызчІвахквуз йГІарнапІыцІыз хыта йшаъу ахъацІа йдыртІ. Атхан Азамат йыбызла йащакІба Амин акрасноармеец дшищызгы йгвы йГІаташвахтІ. Уали йГІайгвынгІвытІ, йайщчваква зквыдзызгы йара дызквшвас агІапсарагы гІазхъыцІыз Атхан Азамати ауи йыГІвзачваквы рыбызацІацІара шакІвыз. Ауи акІвпІ йшГІашуз Уали АбатаГІа дцата йабджъар Тауби йпахъ йызкІайрышвыз. Ауи акІвпІ Атхан Азамат ласыта дГІаркІырнысгы дызрыхІвас. Ауахъ йнашхыйара хъвыцраква дГІарылкъауа ауи ГІван-хын тшихІвынчІатІ, дцата Азамат дапырихырныс, ауи дищыта йайщчваква рща йхахырныс. Ауаса йыздэхъачІвас йыгвладчваквы йчІвууаз йГІвайхщчви дыгъдымрыпІатІаутІ. ЙГІвайхщчвагы йсаугъышуа йархІвтІ: «йхІымахым хІГІвайщчва урапшта хІуылгаргы, йшыГІбауа хІыпщІа уыгъгвархІщтуашым. ЙыгъхІта-

хъым ура йхІзагІанхаз хІцризаджвыкІгъи архъа уыквта, аурам убжъата хцІыжвкІ уагахырныс». Ауат аъаща нашхыйаракви йыгвлачви йгІвайхщчви йгІайархІвыз дыззынадырхуз йара йхъвыцра гІагвынгІвыракви йгІа-рылихын акІвпІ Уали АбатагІа дызцаз.

Таубии йари шайчважваз апшта, ауи Йагъыб ИсхІакъи Джъантемыр йпи гІайыдгылра дазпшуан. Ауаса ауат агІвыджъ рыуа заджвгъи ауи йыгъгІайыдымгылхтІ. Джъантемыр йпа дгІакІвзыршаз дырнапІыцІцын, йхъа зджъарала йапыригатІ. Йагъыб ИсхІакъта, зымъа Атхан Азамат йпны йгІадызрыгыз, дхвыта амилиция дгІаркІытІ. Амъа анизгІарг, ауи йгІаныцІуаз, апхъала йайчважвахъанта, Азамат йдыртІ. Ауи йгІаныцІуан «ХІуыс ацІахътшытІ, ахча гІахІнапІыцІаршвах, зджъарала хІапырцІуаштІ».

ГъариргІа Азамат ддырхъвыхуан. Ауи йгІайуаз аджъармыкІа мшы йтшы йтйырныс йхІван йпахІбагъи днайахвын Лъаба станица дцатІ. Дзырхъвыхырныс мадза-мадза йыщтарщтийыз Қырбыджь Азамат йакІвын. Ауи дибатІ аджъармыкІа апны Азамат йтшы шитйыз. УацІыхъван агвхъауа бызшвала дчважвауата хъацІа хІагІа дукІи йари уандыркІ йаквчІван зджъара йджвыквылтІ. Ауат шырдуз Қырбыджь Азамат йыгъйымдыртІ. Акыт дангІай йрайхІвхызгъи йбагІвацаз акІвпІ.

Азамат аджъармыкІа йыцйырцаз йпа акыт дангІайх,дыдыркІылын йдырхІватІ, йаба акыт дгІахъынхІвыхырныс йгвыгъамкІва дшджвыквлыз. Ауи йыгъцІайымкІытІ, йаба дызцджвыквлыз ахъацІа Джъантемыр йпа шйакІвыз. Ауаса ауат ъацаз ацІабырг гырмайхІвтІ. «АрмалъхІаблъадза саргъи срыццатІ. Амцамашина вагон йанаквчІва, хІкыт сгІайхтІ. Йъацуз хІаба йыгІасмайхІвтІ. «ЙнагІахара агІан, сабгазтын, съану сара йшвсырдырхпІ» — акІвпІ йгІасайхІвыз. Джъантемыр йпа ауи азынгъи ауаса дырнапІыцІцІтІ. Хвырта хъанта зквыта йгІаркІыз Йагъыб ИсхІакъгъи ачымазагІвтара апны дщтІапІ. АчкІвын ЗащргІа Щамсадин дызщыта тшызчІвахуаз Батыргъарии Пакъи Қъарча йаъата, къвашкІ апны уаса рхчауата, адзын цІыхъвакв рагІан йгІаркІытІ. Ауат рхІаквым суд АбатагІа апны йырхатІ. АгІвыджъгъи йырквнагаз рыквырцІан. атутанакътара йтадырчІватІ. Защ Уали йсудгъи рхатІ. Ауа-

са йыквырцIаз гъаѡам. Пакъи Батыргъариин аткван пыртшырныс дъарыбызлагIвыз йгъи Йагъыб ИсхIакъ дъайыцыз ахъазла йщардачвамкIва, ахабза йшахIвузла къвады йыквырцIатI. Ауаса йунагIва дгIагIвнахатI, йкытлагIвчва рапш дынхауа дджвыквылхтI.

„САСЦАРА“

Акыт анхагIвчва ачвагъварагъи ажвла кIапсараквагъи йрылгун. АйхIара йырзыгIанхыхыз мхы ѡаквырпсуш адгъылква рчвагъвахра акIвын. Дадыщ ХIарун йаща ГIайса дрыцта, мшкIы тшадыркIылын чвагъвара къомыгIвкI архъа йацтыцIтI. Ауат йрылан Къарма Зед, ЗауаргIа Мурат, Шаза Амин йгъи рыцIа йайцIбачвата Джъамырзи ХIасани. Ауат агIвыджьгъи ткъвымла ГвыргъргIа йрыуапI. Шырдаза аквырпсарныс зымгIвагъи адгъыл ѡагIарыртыз аргван йдучвамкIва урышв къвтыр аѡапI. Ауи абзазагIвчви Ащхъаркт йауаквууи ащтаныкъвара бзи рызбжьата йацбзасун. Акыт йауаквудыр акъвтыр апны йрымапI. Акъвтыр йауаквугыи акыт апны айгвачва рымапI.

Йгъызным Къарма Зеди Шаза Амине ауи акыт апны йѡадзасасхъаз. Йгъызным ауат ауаѡа йѡадзачахъаз йгъи йѡадзарыжвхъаз. Зеди Амине йрылшазарквныз ансимшгъи аркъа рыжвлушын. Ауаса ауи апшлшара агIвыджьгъи йыгърымамызтI. Абар йапцIырхвхва ауат руандырка архъала йымгIвайситI. Ащымта, ауи аѡара йцкъапIта, ауи аѡара йпхагIвыпIта, агвы йахъвауа хъгIара гIа-рыланажытI.

Архъа йнадзатI. Руандырка йрынгылаз агIвкIватанкIгъи гIанырхтI. Ауат ачкIва рцIархIван йчвагъвауа йджвыквырцIатI. АцIыщтгIадагъи йымчвагъваскIва Къарма Зеди Шаза Амине злачвагъвуз ркIватан акъаба шIжватI. Ауи ажыра йгата йдрычпахра атахъын.

— Уалей, акыт ажыра акIватан гIгара шгIахIыкIв-шва,—йхIватI Амин, йхъащтахъла йхъабра дацIхъуа.

— АчIвыйа ауи адукIдза акIватан зыгIгауа? Йауа акъвтыр ажыра йыгIгарыквын йгърымчпахуашма? — йыгIвза дицIгIауа йхIватI Зедгъи. — Йауа дыгъгIвычIв-гIвысымма?

— АчІвыйа йызрымчпахуаш? ХІкыт ажыи ШахІым дпашвышвуа мшхъвлагІанцІакІ дакІуаштІ акъбаба ачпахра. Акъвтыр ржыи, уаргыи дудыритІ, дъзапІ, дласыпІ. ЙарасахІаткІ йчпата йгІахІитхуаштІ.

— А занаджъа, ауи ахча йытра гъатахъымма? ДзачІвыйа ахча йумтуата уара кІватан уызчпахуаш? йхІвитІ Амин.—Ауи йыстуаш ахча сара йыгъсымам. Уара йуымазтын йхІва.

— Ахча ахъазла акытдзагыи хІыгыцарым. Ахча зму са дыздыритІ. ХІйыхІвапІта йгІайыквхІхпІ, — йхІвитІ Зед, йхъагвы аквдзата.

— ДзачІвыйа архъа ахча зыцІахъазгылуа ари ачвагъванымта ду? — ЙыгІвза дицІгІитІ Амин, Зед йшихІвауа апшта, рыгІвзачва дрыуата ахча хІазыр заджвы йджып йгІатыцІра йтахъдзата.

— ГІайса ахча шйыму здыритІ. ЙащахІба йымдыруата гІвуасакІ йтйытІ. ХІйыхІвапІта йгІайыквхІхпІ. Акыт хІанцахра йыхІтхпІ,—йхІватІ Зед, ГІайса йджып йту ахча йгІарнапІыцІалдзахъазшва йпхъадзауа.

ГІайса ауат дырчвыхъарамкІва дчвагъвун. Ауи ауахъауыла ахъа днадзан. ДгІахъынхІвыхта, ашта дгІатагылхта къыж гІайгнацІкІъара Амине Зеди зкъбаба шІжваз ркІватан ауандыр йанырцІатІ, ачквва ацІархІван, амгІва йгІаквылхтІ. ГІайса ахъа дгІадзарыквын, йахча гІайыквырхта, акъвтыр ажыира йцара ахІа ргвы датша мурадгыи гътам. Зед, ауи ахъа дгІадзауа даналага, ахча гІайыквыхырныс дйызцатІ. Ауи дрыдгылгІвацатІ акІвын йызцаз йгвы йту ййырхІварныс дахаймырдзауата, апхъапхъа йара ГІайса дгІачважватІ:

— Ачвагъвара швалгама? ЙацІышвщтхын, акІватангыи хъарххыл ауандыр йаншвыргылхди?

ГІайса йуыртла дъадзасгІаз закІылагыи йанымгІалуата йбжыи йырдууа, йажваквва шаквйырчІвауа акІвын йанакІвызлакІгыи дшчважвуз. БгІвымкІва жыкІгыи зкІнымыз йлакта аквыргІва йашІаз йпынцІа абгъа ауи аъара тгвыгвра кІышвра аманта, йзымпсгІахуата, ацІлаквва тшрылазырпата йрыквчІвазлуз, абжъасыжв алакта йашІнарпшуан йшлахъа аквпшыра. Йыджыымса жвпІаква ауи аъара йаладжкыджынта, ауралагыи амара нурквва йырхвлауазшва йцІайыркІвакІвалуз, йыла гІвабджъа хвыцквва агІылахІва йгІарыцІпшуан. Ауаса

даъазтІхІва Дадыщ ГІайса, йащахІба ХІарун, йхъица-
хуата тшыла дбагъан, дцІаран. Атацанадылраква,
атшрыгІвраква рпны зынгы ацІыхъва дыгъгІатамхузтІ.
Ауандыр быргІанч апш акІвдыр тачІваразапыт йары-
хъваз йшахваква хыцызшва йыцІахъмаруа дрыкв-
ныкъвун. Ауди унагІвара йчпара йагІищтара бзидзда.
рагы агІвсхъатІ. Дшаъакваз ахъазла йара йгвапхаквуз
ахІвссаква гъыцгІамийуазтІ. ЙыцгІайырныс йадгыл-
квушызгы йара йхъа гърачвайымщузтІ.

— Уалей, ГІайса, хІчвагъварагы хІшалымгас. ЦІла
щапІыжвкІ йашІахама, момкІва хІахъвыкІ йазалма
йгъхІыздырам, хІкІватан акъаба шІжватІ. Ажыра йга-
ра атахъыпІ,—ГІайса йгІачважвара йгІанаргылыз аз-
цІгІара джъуап айтуата йхІватІ Зед.

— Щта, йызшвыркъвауайа? Абан акъвтыр хІаргван-
дзапІ, акытдза швтахъымызтын? Йара сахІаткІ йырч-
пахта швгІауырщтхуаштІ,— йхІватІ йырчпара атахъыз
зымдыруата йпхъадзакваз йатахъдзу райхІвуата гІа-
нищтуа ГІайса.—ЙгІарыхъынхІв, йнатаргыл акъыж!
Амш цитІ. Ачвагъвара уахъчІва хІалгара атахъыпІ. Уа-
чІвы абазар...—ЙчврысыгІв ХІасана унашва йзичпитІ
ГІайса, йызгІайыз Зед дшгыларкІвугыи гІатайымры-
швуа.

— Зны мачкІ угІашлас, ГІайса! Йамна гъгІаным-
шатІ. Сара суыхІварныс акІвпІ сызгІайыз,— дгІагв-
жважватІ Зед, йгвы йту йымхІваскІва, ГІайса дчвагъва-
уа дджвыквылхырныс хабартагыи йшйымбушыз бзидз-
дзата йдыруата.

— Щта, йуымхІвадзахума угвы йту? Упхашума, ута-
ца чкІвынхата?—Йгвауараква гІаджвыкквицІауа дала-
гатІ ГІайса, Зед дызлагІайыхІварныс дыйызгІайыз
шахчу гвы айтуата.

— ХІкІватан зладхІрычпахуаш ахча хІазыр хІыуа
заджвгъи йыгъхІымам. Ауди ахъазла акытдза хІуымщти-
хын. Йуымазтын, йгІахІыт. Йара хъвлапны хІшнадза-
хуа, снапІыла йназгІта, ныха йшуыстхра, — йхІватІ
Зед.

— Хъвлапны йгІасутхуаш ахча хІазыр уымазарквын,
ауди уджъып хІазырта йтазарын. Ауаса йъасхІвауа угвы
йауымрысын, Зед. ЙгъцІаскІуам — хсомкІ сымапІ:
Чрыкъв схвгІуштІ. УачІвы абазар сызцушгыи ауди
акІвпІ.

— Щта, уачІвыдза йыгъуыхІымтхума, занаджъа?
Ауди ахъазла хІаурыхІвушма? — йгъызымчхІатІ Зед.

— Йгън уамхІван, саща! Ныха, йшсызуымтуаш. Угвы йауымрысын! Сара чрыкъв схвгІара атахъыпІ. ХІайда! Унай, цо-бей!.. — ГІайса дчвагъвауа дджвыквылхтІ ахІвара йызгІайыз Зедгъи ауи ахІа хабаргъи дйымбауа.

Шаза Амини ЗауаргІа Мурати ахча гІайгта Зед дшгІадзахауа йджвыквлырныс йхІазырта, ауандыр йанчІвалалпІ. Зед дангІайх агІан, ахча ГІайса йшгІайыйымтыз, ауи аъарала йгвы йасын, агІвыджъгъи йырмайхІв-уата, кІвдыр эквым атшы абгъа тшаквирышвуазшва, тшйыруышвын, ауандыр даквчІватІ.

Къвышлыкъвква рахІа йнамдзас амш ауи аъара йхІвапсагІвата йбзипІта, угвы анымчвгІауа йгвапалпІ, йхъгІапІ. Архъа хътыра ду зымгІва хІврайдза фгІвыли хІауа цкъа фгІвыли йырчвыпІ. ЙмачІдзата ангІарала йгІасуа апша пха хъаракІ уаъата йгІаугвалашваз уан тшангІауыкІвлыршауа апшта тшгІауыкІвнаршитІ тІа-тІадза.

Аурышв къзакъ къвтыр хвыц ъаквчІву акІвар анх-хъа йыргауамцара йаладырчІвазшва акъаз хІвычаквала йхърыспІ. УахъапшлакІгъи къаз, уахъапшлакІгъи дауышвара. АнсимшгІадза ажыра апсыргла бжъы астаннца акълиса ауадгъына абжъы йанкъвакъвлауа йгІагалун. Ауи абыжъгъи зычвуандырла акъвтыр йгвжважвауа Амин, Зед йгъи ауат райцІба Мурат рлымхІаква йыгъгІартасуам. Дара ркыти акъвтыри йрызцаквуз амгІваквара лыцІырта апны йнадзауа йаналага агІан йзымчхІауата Зед араса йхІватІ:

— ШвгІай, рыцІа йхъаразтынгъи, райша хІа хІкыг ажыра апны хІшвщти!

— Йауа? Акъвтыр ажыра хІцарныс гъакІвымма хІшангІалыз? — дгІагвжважватІ Амин.

— ГІайса-лацІаркІвакІва ахча гъгІасимттІ. Йгъпхашцарамма, ахча хІымамкІва хІкІватан хІзичпахырныс аурышв хъацІа хІйыдгылырныс,—йхІватІ Зед... ГІайса дъагІайшвхІакІваз удын чвгъадзата йшизалыз гІайныпшуа.

— Унай райша акъвтыр! ХІкІватангъи йхІрычпахпІ. Дадыщ ГІайса щапІ-быргІанчгъи йара дшаъу дгІанхпІ. ХІкІватан йчпахнацІыкІъара Мурат хІпны дцапІта ахча гъгІайымгума. Унай райша, Мурат. Йауа ауи ахІа хъацІара гъхІылахымма? — дгвыжвкІуа далагатІ Амин.

Ажыра апны йнадзатІ. Ауи аркІыпІ. КъомракІ йазпшын, заджвгъи дыгъгІайуам. ЙгъыртІуам. Акъвтыр

апны ажыра зчІвызгы йара жыта йынхузгы акыт-лагІвчва йрыуата дзымдыруз хъацІакІгы дгъаѣамза-рызтІ. Ауат йрапшын Амингы Зедгы, йрайцІбу Мурат-гы.

Йасын, йптшыз ркІватангы зныз ауандыр йшанчІва-лаз, ажы дѣабзазуз аурамбжъара йбжъалтІ. Аурамхъа апны гІвыджь-гІвыджь, хгІвы-хыгІв ахъачваква йгвыр-гъаачІвауа йайчважвауа йалагылапІ. Агвара гыцІара-ква йрыдзхъысуа ащъагІв ныкъварта мгІваква рпны уа йкъапщыта, уа йчІыхвта, уа йгІважыта йшвыта акв-тІагъь чваква щтІапІ. Ауахъ акъвтыр адзакІбала, ауи ъачІву апххъа ахъкІбалагы уарад быжь гІагитІ.

Ажы ахъацІа хІагІа ду Корецкий Михаил йыпщІа агвашв аргван йаннадза агІан, ауи рыцІа бзита дызды-руз йгы урышв бызшвала рыцІа тшзырѣазуз Шаза Амин йакІвынта, ауандыр дкІапатІ.

— Ажы сара ужвыбырг дгІаздпІ, рпны даѣазтын. АуинцІкІъара швара ауандыр гІахъыншвырхІвых, — йхІван, агвашв дадгылтІ.

Ауи дѣадгылыз апщІа къахвра бжы щарда гІатш-кІырггІун. Йшаѣазла ауаѣа гвхахІваракІ тшкІаран. Агвашв заджв дшгІакІыдгылыз рбан, гІвхъачва йгвыр-гъаачІвауа йгІадзатІ. Ауат гІагварцІын рѣахІыльдзакІ йапшта йгІайайгвыргъауа, Амин йгІайачважвауа йала-гатІ. АгІвыджьгы ацацхърыгІауа ауи ддрайгварныс йыхъуан.

Амин ауат йрайхІвтІ ркІватан ддрычпахырныс йшгІайыз. Ажыра аркІыта йанырба, райща ажы йпны йшгІайыз. Ауаѣа агІвурышвчва рыуа азаджв ажы йгІа-йызшІитырныс атдзы днашылтІ. Ауи дгІаджвылцІтІ, ауа-са йчІыхъвагы хъачватагы пхІвыстагы жвагІвыкІ та-гылан. Амин ага йхІвазтынгы йгызырмутІ, йыцквазгы йаргы дымрайгвакІва. Аурышв къвтыр апны христиан гІид ду дыртлапІун. «Пасха» зырхІвуз Амингы Зедгы щарда цІуата йырдырхъан. Агангы акъвтыр апны ауи гІид артлапІара йаднагалхъан.

Апещ аквта йауацІсуа айшва ауыра хъачвагы пхІвы-сгы алапсата йазната йадзхъачІвапІта йрыжвитІ, йчитІ, АзджъакІ уарад рхІвитІ. АзджъакІ айчважвитІ. Ауна-гІва зчІву йара ажы Корецкий Михаилта ахыгІвгы — Зедгы, Амингы, Муратгы—бзидздзата йырдыруз да-майгъдзауа ачІвыца башырба йту аркъа астаканква, ак-ружжаква йгІартайчвитІ. Амингы Зедгы закІ-закІ ай-ха дзыжвга квайчІва дуквакІ аркъа рызната йгІаддыр-

кытІ. Мурат зынгы аркъа гыймыжвсызтІ. ЙызгІадрауыз ашІа гънаймахвтІ. Йуыс зквыз дйхІван Амин ййырхІватІ. Апхъала йжвхъата даъазтынгы, йахІбачва Амини Зеди дрыцхъачІвата йыгыймыжвуашызтІта, тшикІуа даналага, квпІи дукІ азна звар гІаргын йпахъ йгІадыргылтІ. Азвар дзачІвыйа йыззымыжвуа? ЙалачІваквас йырнапІыцІакІыз паркъаква ъадзарыжвуаз, ачкІвын шІа хахва дугъи, хІа, чІвахъахІа жвпІата йызлаз аурышв адгъылнырхагІвы азвар кІвпІи ду танайырбкъакъын дчІвахтІ.

ЗунагІва йыгІвначІвас ажы Корецкий Михаил абазква хІважы шрымфуз бзита йдыруан. Ауи даквшвахъан йыгвлакІ йабаза сасчва райшва хІважы алата борщ анырзыхвнйыргыл агІан, ауат ргвы швабыжта йшасыз, йызрысасуаз йайшва йахъыцІта йшичвцахыз. Ауаса йгІанымшара ахъазла ауат здзхъачІвас айшва хІважы гыгІаквдимырцІатІ. Йыквызтынгы, йрайгвас асасчва рыла йшгІацІамшвушыз апш зджъарала йнадйыррыскІятІ.

ЙалачІвапІ. ЙчитІ, йрыжвитІ .ЙабартшхъвитІ. Акъвтыр йауата айшва йадзхъачІвас ахъацІа шІахъа къапщы лашара ду дгІагылын АминыргІа ъауу Ащхъаркт зымгІва рыхъазла ажва бзи щарда йхІван зымгІвагы йрыжвтІ. Ауи йпахъла йчІвас урышв пхІвыс шІакІ уылпшыпхъадзагы саталпшыхында улырхІвушта дпшдзата ахъачваквас йырхъылцауа аркъа лыжвитІ, дхІвачвакъытІ, лбжы йшгІатыцІуала дута дхъыччитІ, дгІагылитІта айшва ду дгІакІвшауа лнапІква аквылкъауа дгІахІвитІ.

— Ауи агвыргъахъв ду дызтагвжву агата йынасыпхпІ,—йхІватІ Амин, райцІба Мурат ййймыргІауа.

— Щта, саща, йаъапІ гІвычІвгІвыс, ауи апш насыпзкъшвауагы,—йхІватІ Зедгы йгвыргъачІвауа, йгІахІвуа апхІвыс пшдза йылаквас гІалкІнихра йылымшахуа.

— Арахъ, Зед, ауи дланшта тагвжва тыршша пшдза дукІ дуыманда,—ачважвара гІайыжвылуан Амин йыжвыз аркъа йуацІагы йхъагы йырташуа.

— Ауи уара йуымхІвакІвагы анчва тІакІв йхІванда. УацІыхъангы йара аунагІва зчІвыз йчІвартагы дгІагылын зымгІва рапхъа Зеди Амини рпахъ йгылаз айха дзыжвга дуква аркъа атагІартайчвахтІ.

— Йшвыжв, хІыгвлачва тлапІаква. Швча. Анчва йгІахІитыз арызкъы хІгъайгъдзум. Анчва йымшпІ уахъчІва. Ауи йрызкъы баракъатпІ. ШвкІватангы хІчпахпІ.

Швымгвжважван. Абан швырпшы, швычквашагы ачкывнчва йацыврщтын ачвайдза ду йахъадыргылт. Швымгвжважван.

Ауи ашлагы адзы шрыжвлуз апш хабартагы йрымбауа Амингы Зедгы агвып йрыцрыжвт.

— Зны, зны, Амин. Упшыст ани агыцларала. — йхван Зед Амин йжвгваха дахьт. Аркъа йжвыз ахацла бзита йылашхан.

— Ачывыйа йубауа? — Амин Зед йхвуз хабартагы йгглатайрышвуам. Аггхавра джвыквызцаз акъазакъ шлаквы ауат ахвсса пшдзаквы дхъыркъалын, йылаква рыквхат.

— Ани Гайса лацларкывакыва хларам йкларт арат рпны йызкыдйа? — йхвауа, Зед Амин дишахалдзауа дшцгшт. (Аблын гыцлараква рпны хыла йхърыста йкыдыз анчва йсурат Гайса йклартдзишат аркъа квахв знарауыз Зед).

— Йзачывклартйа? Дзачыв Гайсайа? Ауат уырквыцта уымчума, йуымжвума, зунагыва багывушыз? Ансимшгладза ари апш тхаджыгывара ушаламшвауа ухъумраштылын, — йхвит Шцаз Амингы, акыватан ащхъва йымата, — йадал, йхъауымжылын — хыва ачвырысыв дизыцывруа дчвагывара ацкысгы, дызлашваз ачаражвра дайгвыргъауа.

— Амин, угвы йарыс, йауымрысын. Ауи уара уахвитп. Ауаса хъвлапныдза хсомк псарчывыта йггхызытырныс йхызыхъазымцаз ауи Гайса-лацларкывакыва, шахва бырганч йкларт ари аунагыва хлалъаль апны хыла йкывршата йызкыду здырра стахып сара — йхвит уацыхъвангы Зед, йагъма напыла йаквырыдзцауа йгвытшпы дасуа.

— Йаквыздырглайа сара, Гайса-лацларкывакыва йкларт арат рпны йдыргачывауата йзынкъвыргауа. Дырхаллыта глациуашт, — йхват Амингы, аурышнчва йсуратта агыцлара йкыдыз йылаква аквикын дапшуа. — Йгуымбума йара дъадзайапшу. (Аикона йаныз асурат, райша йухывушызтын Дадыц Гайса дшырпшын: йнашхыйара запытра, йпынца абгъа ахъвахъвара, йбжаквасу йжакыва цлагъа, йыхъва амлага ацгывра).

— Сара, ауи алацларкывакыва йкларт сацачывата йсыжвуа, араъа сыгъзычывушым. Уара, йутахызытын, йъадзаутахъу учывазла... — Зед йгвы йглаташваз рыцла-

рыцагы йгайыцашуан.—Унайх, Мурат. Киватанта уахчыва хара йхичпахуагы гьаам.

Зед аглагылхра штшазичпуз, уарад зхивауа йглахивуаз апхивыс шла пшдза дгвыргьячивауа абашырба ду лгивыцаракI, агвып дгларыкIвшашауа далагатI. Лармала йылгивыцаракIыз ачIвыца башырба ду йгIатлыржжуа адзыжвгаква, астаканква йгIарталчвуз аркъазтынгы ауи лгвы йгIатлыржжуа йырзыгIаталчвауадзыршун зымгIвагы. Ауи аъара агвыргьяара нурта йглазхыккьбуз апхивыс пшдза шла йгIаталчваз аркъа Амингы Зедгы йрымыжвуата йырзычIузма, щта? ЙрыжвтI.

Зед, йхъвы аийжв, йгIайахвыз ачIахъва шIацIахъвы бгIлигагIвацан, йажваквагы алайырпIатIауа, араса йхIватI:

— ЙгIакIыннасыргитI, Амин, ГIайса-лацIаркIвакIва йкIарт. Ауи йыла хIарамква ари хIайгва харзына йайшва баракъат арахIматква ахъырцауа ауи ахIа йыгьсычIахуам.

— А, занаджъа дыръахIлымзарквын йа драйгвабзийымзарквын, ауи йкIарт араса йазсакъуа, хыла йкIвдыршата йгьынкъврымгарызтI. УакъвыцI ауахъ! Ргвы йаспI. ПхацарапI. ХIъадзадрьсасызгы, йыррызкыта йхIфазгы хIатыркI рымазара гьатахъымма? — ЙыгIвза дашIайкIитI Амин, йаргы аркъата йжвхъаз йхъа йташын, йажваква ашухъала йгылу заджвы йхIвауазшва, агIылахIва йара йхъаталагы йгIахуа.

Ауат ажваква гьадзархIвуз ашIаква атахIазырхатI. Зед йпахъ йгылаз адзыжвга квайчIва дугьы йгIахъычIвауа аркъа тан. ЙанджвыквырцIаз заджвы дхIвахIвта зымгIвагы ашIаква анаццIтырхуаз йгьапшхмызтI. АзджъакI йрыжвуан, азджъакI гIвыджь-гIвыджь йайчважвун, зджъакIгы апхъа апшта рбыжквала йаквымшва-хыргы, уарадкI рхIвун.

Зед, уахъшагIанцIакI ашварацра йаквнащыта, агIылахIва бакъжвкI акв йыквчIвахта, йчвасысуа, тшпсызшахуаз атIыжв дапшта, закIгы йымхIвахуа, ауаса йылаква айкона йахъимхуа дчIван. Йшагъазла, айкона йара бзи йымбуз ГIайса йкIартдзата ауи йхъайцIатI. Ауаса йхъайцIара ахъазла йара нбжъагIв бзита йпхъадзаята йымаз Амин йажваквагы — «дыръахIлызапI йа драйгвабзизапI» швабыжта йацхърыгIатI.

— АлацIаркIвакIва сйыситI. — Ари зкIарту дшгIвычIвгIвыс бзийым, Амин, ари йхIчIазхIуа ахъацIа харзына уара йшутахъу йгIайгвныргIвых. Ауаса ауи агвымха

йкIарт ари йапшу гIвычIвгIвыс бзи йунагIва апны йыгIв-
нарызла гьауашымта, йгIакIыннасыргитI,—йхIван Зед,
йнапIыцIакIыз адзыжвга квайчIва ду йтаз аркьа йыжвтI.
УацIыхъван дымгвжважвадзакIва тшгIаштIихын,
адзыжвгала аикона дастI. Данасгьи йхIвуз ари акIвпI:
«ЗунагIва багIваз, йлацIаркIвакIва хIарам, ахьи йтата
укIарт нкъвыргарныс ари аунагIва харзына злаужьа
ачIвыйа?»

Амингьи, Муратгьи, йара Зедгьи йгIаншаз рымдыруа-
та, йгIарчIазхIуата йыздэхъачIваквас ахъачваквас, аб-
жъасква аквчIараквас шцIтырпгIауа апшта, йшцIтырп-
гIан, агваны йджвылдыркъатI. Ауат анджвылыргуз
агIан аркьа зымжвыз Мурат йбатI, апхIвысква зымгIва-
гьи джьюар рыквырцIауа йшчIвууаз, йахIбачвас акъа-
закъ лыгажвквас шамхъаша йгыла, Зед айха дзыжвгала
дызсыта йгIакIыннайыргаз асурати ауи злакIвыршаз
ахъчIвыцаквас шгIархъвшвахуаз.

Йанджвылыргуз агIан Амин закIгьи гьиымхIвузтI.
Ага къахв йымазтынгьи, дара данрайгвазара ГIайса
йкIартгьи йахъысра шатахъымыз акIвын ауыгьи йгIай-
гвынгIвуаз. Зед йгIакIницIаз йъадрьсасуа аунагIва
рдинла нчвата йырпхъадзауа, джьюар ззырчпауа ауи
шйакIвыз Амингьи йыгьиымдыруазтI. Зед йдыруазгьи
йхъайцIузгьи йгви йхъи йыртаз акIвын: ГIайса-лацIар-
кIвакIва хIарам йызрайгвас ахъацIа бзи, ажьи, закIы-
лагьи дгьиквнагам, ауи йкIартгьи ауат йрымазара гьа-
тахъымта, йгIакIыннайыргатI. Ауаса йзичпаз йгIайцI-
гIарыквын, ага урышв бышшвала дъазамызтынгьи,
йгIаргвынйыргIвуашын. Ауаса дара гьгIайцIгIум. Алас-
па апш дыркIын дъадрьтхаджъыз атдзы дгIаджвылд-
рышвтхтI.

Йдрысасыз ачкIвынчваквас йырхаз амаджъанра йар-
гвыжвкIыз гIвхъачва, даргьи къахв ьарымаз йгIалырх-
ма момкIва йызэхъарцIуз аикона ргвы йгIацIалта акIв-
ма, Зед дшцIых дрыма ашухъала дыкIвдыргъагъашан
адзкъви дтадрышвтI. Ауат йырдыруан акъви шцIоламыз,
дзы шардагьи штамыз. ЙцIабыргыпI, дангIаджвылыр-
гуз агIан, апхIвысква рыуа заджвы ажва гвауадзаквакI-
гьи лхIвауа бзита дгIайдзастI. Ауатквас анизырхуз агIан
зымгIвагьи Зед йалыргата йгIайгвынгIвуан. Ауаса ауи
йгьгIайгвынгIвуазтI, зкIарт гIакIницIаз ГIайса ауат
зымгIвагьи ауаса бзи дзырбуз.

Амини Мурати ркIватан ачпахрагьи гьырльажъах-
мызтI. Ауат ЗедтIакIв дгIараухзарквын, закIгьи рым-

хІвауа, тшдырдагвта акыт йцахуашын. Ауаса рыгІвза дыггІларыдымгылхуазтІ. Апхашара йгІгалырхын, акъвтыр аурам ауи ахІа йбжъамгылхуата, ауат гІаджвыквылхтІ. Йаргьи амара ташвахъан. Акъвтыри дара ркыти рымгІва алыцІырта апны йгІашІастІ. ЙгылапІта йгылапІ. Зед дыггІгайдажуам. ЙлащцарахатІ ухІвушта йалабыджхъата, акъвтырла йгІатыцІын гІвуджгІгайуата йырбатІ. Ауат акъвтыр йауата йгІарысырныс йрызгІгайуа зджъакІы ракІвдзырщан, Амингьи Муратгьи тшдрыхІазыртІ. Архъа апны ауат рыхъазла швара-гІвара дукІ гъаамызтІ. Ахъачва апшІахраква йыршІашвахъан. ЙанырзыгІадза агІан азаджв Зед йакІвпІ, ауахъауи азаджвгьи йбарчІархІуаз ажьи Корецкий Михаил йымхІв, Ащхъаркт айхІарагІв зымгІвагьи бзита йырдыруа, Койнаш Андрей—ачрыкъвчпагІв йакІвпІ. Ауат ауандыр аргван йангІадза агІан Зед, дцІыруа, ажва гвауата йдыруаз зымгІва алайцІауа, йгІайшІипсун:

— А, зунагІва багІваз, швгІвуджгьи иман зырхІвауа гшвыздырдзуми! АлахІ сшвчвихчатІ, швара сшвыцта, йсымдыруа гвып срылалра ныжхъта, шырда зархърыгІвуа апныдза сшвыццарныс.

Гъын чыльазшва ауи дкІъазызуан. Апхын аквтагьи ахъта дащуанта, акІъазуза дйапшта далакацун. Ауи дгІаздхуаз Койнаш Андрей дашІамсуа дхъыччун. Ауаса, дызкІыз ахъыччара ашІайрысхта, Зед йызнийыз гъйымхІвузтІ. Амингьи Муратгьи йырхІаварагьи йырчпарагьи рымдыруа, ауандыр йадзхъагылан. Амин, йыгІвза акІвтІу багІдза дзапшхаз джъайщауа, йзымчхІадзажуата Зед дицІгІатІ:

— Уабаныз? ХІуызпшуамцара хІаурайчтІ. МачІ цІума араъа хІгылизштара. Уабаныз?

— Уъаца угІамихтІ схІварын усымарыцхІапІ. ТшызкІвабун. Аркъа саланаршчван тшсрыхъхуан, — йхІватІ Зедгьи, дшкІъазызуагьи, ахъыччара дгІахънажвауа.

— Акъвтыр тшъаркІвабуш дзыгІвгьи дзыхъвкІыларагьи шрымам зымгІвагьи йырдыритІ. Ауаса ура акъахв йгІалухта йзапш лагъану йа йзапш бкъвылу уызташваз здыруа алахІ йакІвзапІ. Йа тшзумыртІлайа, шта? Ужвы учгІвычаква анбабаххуаш? — йхІватІ йгвы йычІагІвазшва тшичпауа Амин. Ауи йгІайгвынгІвытІ Зед чІанакІъатларадзакІ шйызныйыз. Йауа ухІварыквын, ауи дрызгІаздхыз Койнаш Андрей, зны тшацайыр-

пауа, зны дара рпныла тшГІанайырхахуа дхъыччауаркІвун.—Йуызнийыз гІахІахІв, йамна гІанымшазтын — атаГІащиЦахтІ Амингы ахъыччара днанауахвуа.

— Псхъвы алахІ алиррыхргІатІ ажьи йшІуна сташван, ари сГІатимххырквныз адаква рапш йара ужвыгы схъдзцалуа стачІвазлушын.

— ХІы, улашвызма? АчІвыйа акъвый апны уызцаз? — йазцІГІараква йрылайырхІауа далагатІ Амин. Йджвыквмылхырныс ахъазла ачквва йырпырагылаз Муратгы тшизымкІхуа дхъыччауа далагахъан. Ауи дибатІ, гІвкЪа-закъ дукІ дштІырпгІата ддыруышвуа Зед ашухъала даныкІвыргашуз. Ауаса дицхърыГІарныс дгъаламгатІ. Йхъа шГІапыригушыз акІвГІвацан ауи асахІат ауыгы дызштаГІвацаз.

— Ныха йшлагу,—йхІван Зед ахъвлапын пша йГІа-суа йчГІвыча баГІдзаква йчважъ йаднарысылпхъадза, ахъта рыЦа-рыЦа дащуа, йкІъазызра йтахъдзамкІва йчвалахІауа.—АлахІ дызжъитІ, сара ауат гвымхарата йырзыхаз гІасгвынгІвуазтын. ГІайса-лаЦаркІвакІва хІарамыжв ауи аъара ауат бзи дырбауата сара йа-къвыздыргІазйа? Ауи йкІарт ъаГІакІыннасыргаз ахъаз-ла акІвпІ ауат сыргата акъвый сыздадрышвыз. Къвый мыжда рчатІ, зымГІва сдзыГІвацахатІ...

Ауи уаЦыхъвангы йыгыГІайгвнымГІвуазтІ дъадрит-хаджъыз аунаГІва йанымГІалуа кІара рзихата. Ауаса-хІвагы йхъа йыгыГІатамшвузтІ, аркъа злайдрыжвуаз ай-ха дзыжвгала дызсыта йрыхъвашаз аунаГІва рыхъазла хвы ду, азхъацІара дудздза алата. Къахв анйау агІан, айкона йыла йГІацІашваз псарчІвыта хсомкІ гІайызым-тыз ГІайса йкІарт акІвдзищан, «ари ахІарам гвымха йкІарт ари аъара йхІалъальу аунаГІва йыГІвназлара гъа-тахъым,» — йхІван дастІ.

Ауи адзкъви дГІатызххыз ауандыр апныдза дГІазд-хыз Койнаш Андрей йакІвпІ. Андрей Корецкий Михаил йпны йалачІваз агвып дыгырыламызтІ. Ауи акъвтыр ауахъауи ахъатала зуарад быжкъва гІагуз ракІвын дызлаз. Рпны данГІайхуаз агІан, ажьи йыпщЦа дшГІа-гІвсхуаз ажьи йтагвжви ауат рыгвла датша пхІвыскІи дГІашІадрысын, ргвы йасдзауата рунаГІва апны йГІан-шаз зымГІвагы йархІвтІ. Дара йшырхІвалуз апш рынчва ду йсурат этаз ахърамагы йара асурат зын-ГІвылаз ачІвыцагы зрыхъвашаз «азият» адзкъви дшту-гы йархІвтІ. Атшква ауандыр йанацІархІвара йызлан-къвырцауа вожакІла Зед ауат ахыГІв акъви дГІа-

тырххтІ. Андрей ауи агІангыи дибан дидыруан. Згвы дасквас датарбахта йгІайщымхІалхра ахъаз, йкъвабызгыи апхІвысква йритын дгІайдхырныс дгІайыцылтІ.

Ауандыр хъара дакъвымцІуата Зед тшйыртІлан йчгІвычаква цІйыргІвауа далагатІ. Ауыс шгІаншаз абархІвхуа Андрей, Амин, Мурат йашІамсуа йхъыччун. Йара Зедгыи, ахъта дащуа йпыцквас ахъамгылуа йаквысуа йхІвун:

— Са сйызхъапІта сйыгІвсхпІ ауи алацІаркІвакІва. Агвымха закІыла дгвымхахума? Ауи зымгІвалалагыи дгвымхахитІ. ЙунагІва аквчвгІатІ аурышв жыгыи! Акыт йрылчвгІаз ГІайса-лацІаркІвакІва йапшыз йакІвымкІва нчвата зсурат йтдзы апны йкІыдицІарыз шпаймаухуаз? СыгІвзачваквасыи балахпІ, аласаракъ апш акъзакъква саладрыкацауа йанырба йгвжважваъаджьюа рхъаква гІапырыгахтІ.

ЙцІйыргІваз йчгІвычаква, саба рыцІйыршвшвауазшва, ауырата йыркацан йшвицІахтІ. ЗакІгыи йтахъдзата тшикІвабата тшигІвычахуазшва, дымгвжважвауа йчгІвычаква йшвицІахын, Зед ауандыр дазгІайхтІ.

— ЙауитІ, шта швара ауандыр шваквчІвата швнайх. ШвгІапсатІ. Саргыи щапІыла снайхпІ,—йхІван, ауи Андрей баракъатбосын ажва йайхІвуа йнапІы йкІытІ йгыи йацицІатІ айщчва рапшта йабабауа рапхъахыла йащтаныкъварныс швабыжта йшитахъу. Андрей йшйылшузла Зед йгІайгвынйыргІвуан, нчвата йырпхъадзауа йсурат даста йрыхъвашауа йгІакІнимцІарыквныз, ауи ауаса гвауара шизырымхушыз. Атажв-лыгажвква адин багъята йазхъарцІауаркІвитІ. Ауи йара Зедгыи йгІайгвынгІвра шатахъу ййырдырра йтахъын. Ауаса Андрей йхІвуз Зед уацІыхъвангыи йыгъхъайымцІузтІ. «Ауат гвыжв сызрыманта акІвпІ акъви сызтадрышвыз,» — йхІвун. Ауат ргвы йтаркІвапІ, хІырхъа рхІвачырквас аннаквыл агІан алаква гІарыщтахІцІата йшдхІрыжвжвас. Ауаса йгъымпхашама, дара рыпщцІа апны ауаса гІвычІвгІвыс йзырхарныс. А йсхІвауа ачІвыйа? Йамуа анциралагыи дгъауам. Ауи сасы зырхІвауа дзачІву гыдырам. УыгъырчапІта уыгыщыхпІ.

Койнаш Андрей дцахырныс даникъвыцІх агІан Зед тшалайыршырныс дтрысын руандыр дащталхтІ. Данахъыдзах агІангыи ауи ауандыр даквчІвахырныс дгъымгвжважвузтІ. ЙчгІвыча бгІадзаква дыгъдмырпхадзахуазтІ. Акыт йаргванхауата Амин араса йхІватІ:

— Ужвы хІазшвырхъвыц хІыхыгІвгы. АчІвыйа хІѡа-
цахуа йрахІхІвуаш? Амхы ѡаквхІпсушыз ачвагъвара
хІгъалымгатІ. Ауи закІы. ХІкІватан гѡдхІымрычпахтІ.
Ауи гІвба. ХІызрысасуаз аурышквва...

— АчІвыйа аурышквва зухІвауа?—Амин йажва ацІы-
хъва днаймырдзауата Зед дгІамцІастІ. — ЙшхІыжвыз
йгы «йгІахІайгвыргъѡачІвауа хІшгІардасхыз хІала-
чважва ныжъхта, хІгвы йгІатахІырхагы амаль гъамам.
Уалей, баракъта акыт жваны хІшгІахъыкІвыргашара.
Швгъсабихым, бзита йыжвдыритІ, акыт ршІа уталыр-
квын йгІаныцІуа.

— АугІа ахъазгІваца йгъырхІвум араса: «ухъылпа
абгата акыт йрылацІата, ауи йауата хъвыцкІгы йабга-
та йгъузгІарылгахрым».

Акыт гІвына йнадзанацІыкІѡарагы йѡачвагъвуз ар-
хъа апны йгІаныржъыз ачквва ргвы йыгъгІатамшвахтІ.
Ауат згвы йгІаташвазгы йара Зед йакІвпІ.

— Эй, акъазакъква ауи ѡара хІыман хІхъырцацІ,
архъа йгІаквыгІжъыз хІычкввагы хІхъаштылдзатІ!

— Уалей, ауат архъа йгІаныжъта йшамура. ЙхІчп
хуайа? ЙгІахІымцхкІва амаль гъамам, — йхІватІ Амин-
гы, йгІашІайрысырныс, ачквва дгІарпырагылырныс
ауандыр дкІапауа.

.. Мурат дайцІбанта, ачквва гІайцхырныс ацара гІаз-
квшвушыз йара шйакІвыз тшазидыруан. Ауыгы закІгы
йымхІвауа ласыта ауандыр дкІапатІ.

— Ачквва сара ужвыбырг йгъгІасмырдзахума. Швы-
уа заджвы акыт швшнадзахуа арат ачкввагы ачвхча
йгІайылашвцІах.

Ауи архъала щѡагІвта дджвыквылхырныс дшаштаз,
рыштахъла гІвуандыркІ гІархъыздатІ. Ауат Дадыщ
ГІайси йыцчвагъваквузи, ракІвын. Агвып анабайаух
агІан, йуандыр дгІакІныцын; дрызгІайуа ГІайса араса
йхІватІ:

— А, занаджъа, йшвчпахуаз ачІвыйа уыжвгІандзара
акъвтыр апны? Уалей, уыжвгІандзара къѡабакІ ашІа-
цІахра ныжъхта, ауи йыздыруа ажы кІватан шІыц ач-
парагы дшалгарыз.

— Уалей дшгІауау, ахчадаѡа кІватан уызчпахуа-
шыз? Ажыра аркІын. Ауи гІайтІыхуаштІ хІхІвумцара
щардара хІйызпшытІ. Ажы дангІахІаугы «ахча гІа-
швахв»-йхІван дгылхтІ,—амцквва йхІвауа йджвыкви-
цІатІ Амин, акъвтыр апны йрызникваз ГІайса ййырдыр-
ра йтахъымкІва.

Гайса дглархыдзахта йыздырыз Зед тшйырхвыцын ауандыр йаныз ауапла тшамгвайыргьяжытІ. Ауи йызни-йыз зымгІвадзугыи Гайса йльажьадзата акІвын йшип-хьадзуз. Зед йхІаль бзита йыздыруз Амин, ауи дгІай-йырчважвара ахъаз, датагІагвжважвахтІ:

— Арахъ, Гайса, ауи гъуысым. ХІкІватангыи уачІвы йдхІрычпахпІ. АмхлацІартагыи хІчвагъвапІ. Архъа йгІаквыгІжъыз хІычкьва гъуымбама?

— Ачкьва швырхъымгвыргІван. Ауат Джьамырза йгІайцхтІ, хІа хІапхъала. Ауи дангІаухІштхгыи кьом-ракІ хІара йара ауахъ хІшвызпшыхтІ. Ачвагъварта апны швнайхуашдзыхІшун. Ачкьва зымгІвагыи, хІара хІчІвкьвагыи рылата, Джьамырза ачвхча йылайцІуштІ. Швнайх, шта. Араъа хІгылазлушма? ХІарунгыи дсызпшуата гІацІцпІ. Ауандыр адышла псахра атахъыпІ. Атшкьва ацІахІхІвата Арукъыз абазар хІцуштІ. Щажъы хІгылра атахъыпІ. Ауи акІвымкІва ауаъадза уанбана-дзауа?—дхІвачвун Гайса, йызлагІайыхІваз ахча тІакІв ъаримтыз ахъазла АминргІа ркІватан рзырымчпахта йхъайцІан, йкъванчагІара зджъакІкьвата йахънайыргах-ра мурадта йымата.

— АлахІ базар мыждашвцІа уиштиргІатІ. Чрыкъв мыжда, йгІаучІенхуш чрыкъвхвгІара алахІ уиштитІ — йхІвун Зедгыи, йкІвйыршаз ауапІажв рыцІагыи тшам-гвайрыбагъауа.

Ауи кІватангыи чвгыи гъиуысхмызтІ. ЙчгІвычакьва ауи аъара йбагІдзата рпны дштшкІаралхуашыз акІвын дыз-зхъвыцуаз. Йан заджвыкІи йари ракІвынта йацбзаууз, заъара дкъвалакІгыи дгІадгылхнацІыкІъара йан йара дйызпшуан. Лара-лара длырчата, ачварта дылалхнацІ-кІъара ауи дгъымчвхлузтІ. Зед дчкІвыныркІвата аба-даъа дгІанхан. Йан датша заджвгыи дыгъйыцымцахтІ. Лпа длагІзатІ. ЙтагвжвагІагра днадзатІ. ЙцІабыргыпІ абадъа йгІадзынгылыз Зед ахърыкъъара мацІкІгыи ала-та дмаджъантагыи даъан. АкІъадыгв апны ацІайкьва рмаджъанракьва райхІара йыргІаджвыкьвцІагІвызгыи Зед йакІвын. ГІыма цІлауатра йталда?—Зед! Акыт ацІадырсыгъуа акІъадыгв рлакьва зыршуада? — Зед! КъараргІа рлажв ацІыхъва гІвымсарга адызхІвалда? — Зед! Адзы ауыла уурта йчІву акыт апхІвыскьва адзхъа йангІайра хІахъвыауштгала йрысуада? — Зед! Йчпа — йымчпарыгыи, ауат ачвгъахаракьва, амаджъанракьва ана-сагыи арасагыи Зед йакІвын йгІазкьвырцІалуз. Ауасамца-ра йаргыи дашцазшва дцан, йзырхІвалакІгыи хабарта

йыгъйымбахуазтІ. Ауаса ддухата тшипхъадзауиштара ауи, ахъмарра-маджъанраква ага йхъа йтаркІвазтынгъи, ахІбачва рыцІа тшрыдикІлыуа йгІаджвыкввицІатІ. АхІба аргваныта, нбжъагІв ахІбата апхъа йауыз рыгвлачва рычкІвын Амин йакІвынта, ауи йхуз зымгІвагъи Зедгъи йхалун. АминргІа тыдз шІыц анырчпуз агІан ашв-хъышвква урышв мшІычпагІв ызакІ йлайцІатІ. Ауат ауи йара йнапІлыла йчпатІ. Ауи даркъажвгІвын. Аркъагара йштилузгъи Амин йакІвын. ЙшаъазлакІгъи мшкІы, амшІычпагІв данхІалъальха, Амингъи Зедгъи аркъа мачкІ-мачкІ йайырхватІ, «аркъа ззыжвуа йакІвпІ къацІара гІазлыцІуа» йхІвауа. Ауи агІан ауат агІвыджъгъи хвыцыркІван. ИванскІа гІамырчІвата, ШазаргІа раба МатхІвыр ауаъа йгІатигаз амбар тдзыта йандирычпуз агІан акІвын. Ауаъа йгІашІарышвта, ага йчкІвышыркІвазтынгъи, Амингъи Зедгъи йашІашварыквныз мадза-мадза аркъа рыжвуа йгІаншалун. Аркъа аларыжвра ахъазла йгІаншун, йануасахчаз агІан квашткІ йа тыкІ ртиутагъи. Ауаса ауат агІвыджъгъи акъвтыр апны йышІашваз аурышв гІид чаражвра апш, йырбахъа ныжъхта, рылаквва пхызтагъи йыгъгІарыцІамылсызтІ. Йан йшлайхІвуашыз закІытагъи йгІайгвнымгІвуа, ауат акыт йнадзахтІ.

Зед ачвква ласыта йацІиштхын, рпынгъи днамшылуата, ауат гварицатІ, ауахъынла чвыхча йылацІара атахъын. Рпны дгІайхнацІыкІъара йхІвушызгъи йрыхІазыртІ. Дара йчгІвычаквагъи ауи аъара йыгъбагІдзахмызтІ.

— РачвакІы укъватІ уахъчІва, сычкІвын, учгІвычаквагъи багІдзапІи, йзачІвдзызйа уызталыз?—лхІвауа, ан айшва йзанлыргІалуан.

— ХІкІватан акъбаба шІжван, ауи дхІрычпахырныс акъвтыр ажыра йыгІган, хІан. ХІара хІкІватан ауат йыруысызма? Дара дзиуара ду, дзаквчвара рыман. Абар йшыббауа апш хІаргъи хІдырбгІатІ. ЙырхабзапІ. Дзы йгвыргъауа йъагІауыквырчвауа ахъазла уайсырма?

— Аурышвквагъи хІара йхІапшта дзиуара рчпума, саразйан? Уара йуымхІварыквныз, сынцІра заджвгъи йгъйызхъасымцІарызтІ. ЙгІаушвых, щта, учгІвычаква. Апахъ йчвсцІапІта йбаххпІ. Йуахъынлахазтынгъи йгыгъным — пхагІвыпІ. Щымтадза гІалъаматта йбаххуаштІ.

— Ауат хІара хІацкІысгъи дзаквчвара ду рыцІагъи йгІалъамата йырчпитІ, хІан, йхІвитІ Зед.— Дзы аквыр-

чвара ныжьхта, тшырнапыцлазыршвара зтахъквaм гIа-
ркIицIта акъвиква йыртадрышвуатагы йгIаншитI.

— Ауи шпаухра, саразын? Акъви йтадрышвуа да-
щрыквын, щта? Дыд-дыд! АлахI сырчвихчатI ауахъ ау-
рышвыжъква рдзиуарагы даргы — лхIвун ан, гIвычIв-
гIыс ага ахъмарра йгIалырхыргы акъви дызтадры-
швуа гIалгвынгIвра лтахъымкIва.

— Ауат рдзкъвиква гыцIолам, дзы шардагы гыртом.
АхъазгIваца уымъа аъарагIвшарадза ахIа йыгIадзу-
шым, — дызтадрышвыз акъви шаъаз йымхъахIвауа да-
лагахъан Зед.

— АлахI сырчвихчатI ауахъ! ПчагIвта йшвчпауа-
гы швара йшвапшхпI. ЙауитI, учата уычвх! УгIа-
псатI. Саргы щымта, алахI йхIвузтын, рыцIа щажьыта
сгIагылра атахъыпI. ХIыгIвчлава рычкIвын Ицамсадин
рыцIа йчгIвычаква уачIвы йщIырухуаштI. Ауаъа
сырцхърыгIара атахъыпI.

Зедгы йтахъыта дызшIпсгIуз йан дикъвыцIхта ласы-
лас йшаъазлакIгы йхъа ачварта йылайгвахра акIвын.
Рпны йтшкIарагылаз ауандыр йаныз акIватан
уачIвы ласыта йдрычпахра шатахъызгы, анасагы-
арасагы чвагъвара датацахра шиборчызгы дгырзым-
хъвыцхуазтI. Акъвтыр апны адзкъви дштадрышвыз
ахабар акыт йшгIарыралуаш, ауи ахъазла лакъырды
ажвата зъара йгIушыз ракIвын йзымкъакъхуата йта-
мкъ йыквхаз. Ласыла ауи дштIалхтI. Ачварта апхара
анйау, асаби пшка дйапшдзата, бжыкIгы йхъымцIуа
ачва жвпIара днанауахвтI.

ДЖЪАМЗАР ХIВСИН ЙГIАНШАХРА

Ахакква рпны абазара рыцIа-рыцIа йтынчхун.
АпхкI ауралагы архъаква рпны йнаныкъва-гIаны-
къвауа бандакIгы заджъгы йыла дыгъгIацIамшватI.
Ащхъаркт йауата акыт йтыцIквaз йрыуата Батыргъа-
рни Пакъи ракIвын йгIадымгылхсыз. АпхъагIв йшидыр-
хъаз апш, ауат агIвыджьгы адзын агIан Къарча уаса
къвашкI апны йуасахчата йшаъаз йгIаркIытI. Акыт
аткван шырхIвынчIаз агIвыджьгы адгылхтI ласыта.
Ауаса ЗащргIа ращайцIба Щамсадин ауат дырщыта
йгъадымгылтI. Ауи дырщырныс ахъазла амакIыракIгы
ауат йшырзбжъамыз акIвын агIвыджьгы йырхIвуз.

Ауаса апхар йґлакІвдыршауата йанырба агІан, ауат ашІаркІырныс ахъаз зны-зын агІвыджьґи шрылахы-сыз гьцІарымкІытІ. ЙыгьцІарымкІытІ, тшыгІвта йґІа-гІвквуз рыуа заджвы атшы дшкІннадыргазґи. Ауаса ауат Шамсадин йа датша ркытлагІвкІ дырщырныс рґвы йштамызла ныха рхІвун.

Ага ныха рхІварґи ачкІвын дызгаз ауат агІвыджь йшырхыз цІабыргхатІ. АгІвыджьґи рквнага йаныр-цІатІ. Ауаса рыуа заджвґи асуд апынґи ауи апхъала йъадзарцІгІузґи бзы ацІарцІата, абджьар нарахвта йшджвыквлыз, ауат ацІазырсыґыыз рыхъызква гьрым-хІватІ. Ауатыкв дгІатагылта, дара агІвыджь драпшта зсуд рхуз Заш Уали, Йагьыб ИсхІакъ, Джьантемыр йпа Ильйас, Атхан Азамат рыхъызква анґІайхІваґи, Пакъаґи Батыргъариги гьадымгылтІ. АгІвыджьґи ауи йзадымгылыз бзита йырдырхуан. Бзы анацІарцІуз агІан йызшІашвалакІґи ауат рыхъызква гІацІдмыр-пшырныс айфанд йкъвыръан йаквсуа ныха рхІван. Рныха йайжъахырныс, апчва йбалахІ чвґа гІарыкв-шварныс йшвун.

Батыргъарии Пакъи эджьамгІат йрылнагатІ, йыр-лъвнагатІ. Акыт эцІачІву абыхъв дуква зъара хІахъвы гІаршІбгахъайа? Зъара хІахъв гІашІыбгара амгІваква йґарыквылхъайа? АджьамгІат ауат ахІахъвква апы-рырххитІта, апхъала йшаланыкъвалуз апшта амгІваква йрыланыкъвауа йатаджвыквырцІахитІ. АхІахъвква гІазшІбгауа абхъвкваґи, тшытквкІ гІаршІыбгазтІ-хІва, ауат рыхъазла йыгьбжахум. АнцІрала йшгылаз апшта йгылапІ. Йгьыдзуам, йыгькІахІум. Ауаса ауат абхъвква йґаршІыштвуа ахІахъвква, ага йдууызтын-ґи, амара, аква, апша псайспамцара йдрыхъвашитІта, йсабахитІ, йызитІ. Ауи йапшпІ Батыргъариги Пакъа-ґи, дара ауат зжъаз ИсхІакъргІаґи руыс шакІвшаз. ДугІа йрылнаган, рджьамгІат йыркъвнаган, рхъаква дара-дара йдрыдзхтІ. Йымдэдзарыґи заманкІ ауацІа-ла ауат рылахъ йґІанылыз ркытлагІвчва рылахъ за-кІылагы йґьалшмызтІ.

АбатагІа апны амилиция знапІыцІу Тауби-хвыци Гъарии мшкІы астаница йрызшІыртын. Ауат аотдел аусынкъвгарта йґладжвылцІта асасырта апны йанґІай агІан Тауби араса йхІватІ:

— Гъари! Арат асквш къомкІґи уара айсра уаъан. УхъацІаралаґи уйырджьарныс йґІаупшІагылуаш, рай-

шата йсхІвапІта, сара схъатала сшрыднамгалс. Ауаса йджьасщитІ ухъа мацІкІ уъазымхъвыцуа?

— Ныха, йухІварныс йутахъу шсымдыруа, Тауби. АчІвыйа йсаъаштата йуымгвапхауа? Қара сылазтын йгІасахІв. Сара сгьмалаъикъым. Агангьи сгІващитІ. Ауаса сгьныхадам. Гвымхара гьсымхастІ. Спсы ъадзатугьи йыгьсхушым — йхІватІ, Тауби йажваква дырпырасуа Гъаригьи, йыгІвза йгІаджвыквицІауа ачважвара ззигушыз закІытагьи йгвы азымцауа.

— УнагІва учпара атахъыпІ, хъацІа, унагІва! Ауаса ухъазы уныкъвалушма? — йтахъыз райшата йхІватІ Тауби, Гъари йлакта дтапшуа.

Тауби йажваква йымгІазшва тшичпауа Гъари закІгьи гьйымхІватІ. ДзыхъгІа ъарыжвуаз аткван хвыц аргван йаннадза, Тауби, ймахъа йкІын, ауыла дйыхътІ:

— Унай дзы хІрыжв. ЙахъчІва йсызний гьсыздырам, зъара сыжвлакІгьи дзыла сыгнахъум.

— Унай, йхІыжвпІ. Саргьи сдзышитІ. Ауаса адзыхъгІа уыжвпхъадзагьи, — «ужвыгьи йсыжвында», — унархІвигІ акІвмызтын, адзышра гьухътнакъум.

ГІвба-гІвба стакан дзыхъгІатагьи йрыжвын, агІвыджьгьи ртшква ъадыргылыз асасырта апныла йджвыквылхтІ.

Тауби йгІаджвыквицІаз ачважвара ахънайыргара ахъазла Гъари датша закІы гІаджвыквицІатІ:

— Уалей, Атхан Азамат уаргьи саргьи хІшылайрычв. ДхІызхъатІ. ХІыла апахъ мшигІадзагьи дшыцІаз йамна льяжваква йыргъахатІ. Заджвгьи хІгвы гьызымгІватІ. Уали, агвыжвкІри йызнийыз арыцІагІаракви дацІадырсыгьта, йхІванацІыкІара уаргьи саргьи йыгьхІымдыртІ уыста йыргъахаквуз. Йутахъызтынгьи ухъа йаквцІа, йутахъымызтынгьи ухъа йаквуымцІан, ауаса ауи дхІнапІыцІара зымгІва рапхъа йызляжъу уара уакІвпІ. Уара уакІвпІ ймальцуа, уара уакІвпІ ауи йапшу агІвы гвымхаква гІазкІра атахъу. А, уара, йучпайа? ДгІакІымкІва амаль гьамам йхІвата Уали йыладзква йчвгІайуа йангІауайхІвгьи, хабартагьи йыгьгІатауымрышвтІ.

— ЙухІвауа зымгІва срыдгылитІ, Гъари. ЙухІвауа зымгІва цІабыргыпІ. Уали йанихІва агІан Азамат дызгІахІымкІыз датшапІ. Ауи хІара йхІынхара мадзаранта йыгьуасымхІвтІ. Угвы йауымрысын, — йхІватІ Тауби,

ауыс ыайызхъарымцІаз ахъазла Гъари йґайхъачІвауа дшгвыжвкІуашыз бзидздзата йдыруа.

— Швара швахвитпІ йшвтахъугъи сызхъашвымцІарныс. Ауаса саргъи акыт апны хвыкІ сымата стазшва тшызбахитІ. Асовет анснапІыцІарцІазара, сара йшґІасгвынгІвуала, акыт апны сара сыхъазла мадзакІгъи аъазара атахъыта йыгъспхъадзум. Ай, байтамаль, йыгъсымдыртІ, ауи ауаса майрата тшйырдумпуашта. Швара сыгъшвзымпшырызтІ. Схъатала дґІаскІрынта, далацІахІва дызгарынта, йъатахъыз дрыстрын. — Гъари ахъвыцра гвасрата йзалуа йхІвун.

— Йачпушыз ачатІ. ЗакІ йылымцІхтІ Азамат. Дабацуш? Анасагъи-арасагъи дґІараууаштІ. Ауи дыгъуысым, Гъари. Ужвы йуасхІвуаш акІвпІ йуысу, — йхІватІ Тауби ртшква ыагылаз аргван йнадзахъата.

— Йатахъым, швара йшвынхара мадзаразтын, Тауби, ауыгъи гІасауымхІвын. Уара угвгъи рыцІа йтынчхапІ. Йара акыт апны уыста йсыму йґІасхъшвалхуата йсызхъитІ. Абар уачІвы хІалагата хІкыт йауата авласть йґІахІыртыз адгъыл шІыц апны йбззарныс йцаквуш гІахІхІырдырра атахъыпІ.

— ЙцІабыргыпІ. Ауи ауыс дупІ. Уалей, сара йшызбауала, зымгІвагъи ауаъа йбззарныс йшквачра. АчІвы-йа йыртахъу? Адгъыл харзына апны тдзы эларчпуш гІарыртуазтын, йызлаквачуашла йґІарцхърыгІузтын. Ауи йацхтагъи рахвгъи цІахІвачІвгъи йызмаквм йґІарыртуазтын. Уалей, йшсымдыруа, ауаъа йквачырныхс зымуаш акыт дґІатыцІпІхІва?

— Ауыс уара йшухІвауа апш йыгъмайрам, Тауби. Азаджв йаща йа йахща араъа йґІатахауата дпІатІаура гъиуам. Аздажв йыгвла дыгъйызккъвыцІуам. АзджъакІгъи, — хІабачва, «хІанчва рнышвынтара хІгъаккъвыцІуашым» — рхІван йгылхтІ.

Ауыс баргвырата йалаквз Тауби йшидыруазгъи, Гъари йатайхІвахуан. Ауи йгъитахъымызтІ Тауби апхъа йґІаджвыквицІаз ажвакв, — «унагІва учпара атахъыпІ», — атаґІайрахахырныхс. Ауи йапшдзата йгъитахъымызтІ, йдатша уыс мадзата Тауби йґІайрахушызгъи Гъари йґІарныс. Ауи йґІвыласра ахъамабзира дазнарцауата дананаргвыжвкІуазгъи гІаншалун.

— Гъари, — йхІватІ Тауби, ауи йпахъла дґІайпырагылын, чІвырхъа атипра дахаймырдзахуа, — Джъамзар ХІвсин дшґІаншахыз кІара алудыргІума?

— Йакъвыздыргайа? Суыддзущума? Ауаса ауи йганшхара йгъазхъасцум. Уара йакъвудыргайа ауи йганшахра? — йара Гъаригъи Тауби дицглат, йгайайхъывыз ахабар швабыждзата йшджъайщауа йаъащаква зымгвала йгайныпщуата.

— Йцабыргып, саща. Ауи дабгап. Йгъи дымпхашауа, дымшвауа хкытгъи дгайын даъан, — йхват Тауби, дзачважвуз Гъаригъи дйымпшуа, йтшы злакыдхвалаз анахвта гайыртлахуата. — Йауит, унайх. Акыт хнадзахнацкьара зымгва уасхвп. Ауаса угвы йауымрысын, ауи хкыт дгайта дшаъаз сара сапхъа уара ухъатала йудырра атахъын. Уара уаквп акыт-совет йапредседательу. Йутахъызтын, уара йуымдыруата акыт апны цискгъи ахъыпсгара гъатахтым — йхвун йахъирыкъауа Тауби, Джъамзар Хвсингъи дъарнапыццыз акъванчагара йара йшйызу багъата йдыруата, ауаса ауи акъванчагара абжа, йамудзахуазтынгъи ажвала, йара йхъвыцрала Гъаригъи йыцагвишара йтахъыта.

— Абари йухвауа аквп, сара сыхъазла йгалъаматрадзу, Тауби. Йауа ухварыквын, Джъамзар Хвсини сари хлаъара адуней алны уыс рызбжъата датша гывджъ аъата зынгъи йыгъхъасцарым. Ауаса йхъацауачвап ауи дабгазларныс. Йауа ухварыквын, ауат атенгъыз йанхъысхуаз аган ауысква шаквшаз схъатала йызбат. Ахъвыхква йырзынамдзата йганхаквата йглахкквас ауи дыгърыламызт. Хвсин йыхъазла хызцгалалакгъи йырхвас закып, ауи зымгва рапхъа ахъвыхквала йырдахквас дшылаз. Йара ауи аквп ужвы йагадзазгъи гвза цабыргдзата йыцыз Дадыщ Хларун йхвауагъи. Йутахъызтын йара ужвыбырггъи хйызцапта хицглан — Гъари йаквшаз ауысква гайгвалайыршвахуа йхвун.

— Цабыргып, саща! Йцабыргып. Хларун йхвузгъи цабыргып. Джъамзар Хвсин зымгва рапхъа ахъвыхквала йырдахквас дрыуап. Йара Хларунгъи ауи аган Хвсин дйыцын. Ауаса Кърым апны агывджъгъи агенерал Улагай йадикылхыз ар йатарылалхт. Ауат ауи йыр йрылата Къвбина атенгъыз йъалачвауа арванква йайсырныс йгарквахыз йрыцгархт. Ауаъагли йаналадрыхъваша аган, Темрыгв йачвухъарам адгъа кытква рпны тшырыладыргващан, тшыкъарчвахт.

ХIарун псайспамцара хIахкв тшIанайрыгхын, аквIу ацкIысгьи тшйыррыцхIауа, дшубауа апш дбзазитI. Джьамзар ХIвсин дыгьIамихтI. Ауахь зджьара дбзазитI. Ауаса уыста йымаз ацIабырг гьсыздырам. Ауи хIкыт даьан. Райша дгIаздгылызгьи йара уара йзухIВауа ХIарун йакIвпI, — йхIВауа далагатI Тауби, Гьари йымдыруаз ауысква гIахьитIуа.

— ЙгьамуытI. Райша сцамакьыта сгIацIцIтI саргьи. Спырхуа сшычваз акыт йгIаталыз аквIдыма дабгата дтысцтхтI. Ма, ужвы ауи сара дабагIасаухуаш, — йгвы йкIыдыз ажьайдзара гIакIыдибыгьгььалуа йхIватI Гьаригьи, йтшы даквIвахырныс ацкIла атшы адзарта йадырбагььалуа йгIайыргьвгьвауа.

— Ауи йцIыхьва утагылта думрыхIарныс акIвпI Атахан Азамат йуысква шакIвшузгьи ацIабырг зынла йзухIмырдырыз, Гьари. ХIвсини уари йшвызбжьу хIара йыгьхIымдыруадзущума? ЙыгIдыритI, — тшйырзахвахуан Тауби. — ХIара йшхIгвыгьазла, ХIвсин Джьантемыр йпа дйыцзара атахьын. АугIа йшырхIВауа апшта, акьанджьаквагьи дара-дара йабадыритI. Ауат абадыруата йара бандакI йацрыладзыхIшун. ХIгIващатI. Джьамзар ХIвсин, дырбауата ахакв дгIаталх шамуаш, йаргьы дыгьлагам, бзидздзата йдыритI. Ауаса авласть йапшIагылквуз бзы анацIарцIуз. ауат тшанадыркIылуаз ауи дшгIархьшваз акIвпI ужвы саргьи йгIасгвнымгIвауа. Акыт апны йьахIыльчваква тахмищтара щарда цIитI. ЗымгIвагьи йырдыритI, ауат йара йхьатала йгIайщти-йыз ауандырквала йара ауахькI йштыцIыз. ЙьахIыльчва зымгIвагьи АрмальхIабля йтапI. Ауаьа йбзазитI. Абазар йцаквуа агангьи йгIаршIашвитI. Ауаса йара йьахIыльчвагьи дыгьрыцмызтI. Датша зджьара дбзазитI. Дьану заджвгьи цIабыргыта йгьидырам.

— Швымадза тьасшвмырдырыз сгвы йастI йгьйасыркIвитI. ЙыгьцIаскIуам. Ауаса саргьи сшсабихым тшазыжвдырра атахьын. Ауыс ахьазла тшсзычхIушын, ауи машвала сйжвылырныс сгьаламгарызтI. Айсра апны хIьадзапшIагылаз, цIакIыра гьалам, абджьар хIымата хIайсуан. ЙгIаншун ХIвсин дызлакваз анхIайгIайуазгьи. Ауаса хIцIабырг айгIайтI. Ауи йапшта тшыкьарчIвахуата ахакв агагIвгьи тапI. Айсра апынгьи зымгIва гьыршуам. Ауи уаргьи йудыритI. Ауаса ХIвсин дьадзабгу ауахьауат азджьакI драпшта тшйыртынчта дынхауа дыгьбзазушым. Ауи адуней дызгIаквлыз гвым-

хара йчпаларныс акІвпІ. Йызтахъу йтахъу йхІвары-
гІатІ. Ауи дзачІву сара бзита йгІасгвныгІвхъатІ.
Йсшвырдырзарквын, швара швапш тшыласрычвта, ауи
акыт дыгътысымщтхрызтІ. Сылачваква гІачыта ачвара
ахъаз йагІвкъъарыгы, ауи йыхъазла, ауи йгІакІра
ахъаз зынгы сгъымчврызтІ, — Гъари швабыжта йгвы
йасун, дуней агъата, йара йхъазымкІва, ахаквгы
акъраль зымгІвагы йырзалыз афицарыжв Джъамзар
ХІвсин акыт йгІайра ъайымдырыз.

— Ауыс щцаз ари акІвпІ, Гъари. Уара уымгвыжв-
кІуата угІадзыргІвы. ЗымгІва сара йснапІыцІазарквын
йхъацІа, саргы, йара ауи ХІвсингы Азаматгы йсым-
рыпІатІаууата, йсшзыгІакІуашыз. ХІаргы унашва
хІзызчпауа аъапІ. Ауат йырхІвауа акІвпІ хІаргы
йхІырхъйауа. Датша закІ сзымчпарыгы Козлов йбан-
да аналахІрыхъвашуз агІан, ауи асаби дгІасыквызры-
швыз апхІвыс слайхста дыгъсымщуашызмиштІ? Даб-
гата дгІаскІра акІвын унашвата йаъаз. ДхІнапІыцІу-
азтынгы, зныкІ ахъазла йхІчхІара атахъыта акІвпІ
йгІахІархІвыз.

Ауи шардачва лдыруан. Йаргы хъара дцадзушума?
Момо, бзи. ГІвба-хпа, мшы ахІа ахъымцІуата Майкъвап
аргван къвтыркІ апны дабга-дызгІвадата дгІар-
кІытІ. Йгы йылдырхІватІ афицарыжквва йацІадыр-
сыгъырныс мурадта йрымаквваз зымгІвагы. Ауаъа
акІвпІ Джъантемыр йпагы, Джъамзар ХІвсингы, Коз-
ловгы уыста йдыргъахаквуз ангІардыр. Ауаъа акІвпІ
Атхан Азаматгы абандаква штабта йырпхъадзуз, ауат
адызкІылквуз, йырцхърыгІаквауа гІайаууата дшаъаз
ангІардыр, — дымгвжважвауа ауысква шаъаз Тауби
Гъари йгІайгвынйыргІвуан.

— Щта, Азамат зынла дызгІахІшвмыркІыя? —
дгІагвжважватІ Гъари.

— Йагыб ИсхІакъ Уали йгІайыйтта ауи йызгІай-
гыз амъа йгІаныхІхыз ари акІвпІ: «хІуысква гъчІвагІвам.
ХІанйара атахъыпІ. ТшрыхІазыр. ХІнайуаштІ». Азамат
йызгІайра атахъквваз бергълын: Джъантемыр йпа, Ис-
хІакъ, йалырныс аурын йара Козловгы дрыцгІайыр-
ныс. Ауат йыртахъквваз зымгІва — ахчагы ашвъагы —
йдрыхІазырхъата Азамат йпны йщтІата гІацІцІуашын.

— Щта, йызгІамихІа Азамат йпны? — Гъари тшгы-
зымчхІатІ ауи дйымцІгІакІва.

— ЙыггаугвнымгIвума йызгIамихыз? Ианзырйара атахъыз Йагыб ИсхIакъ йакIвын. Ауи дыгырьцхмызтI. Дхвы хIатлата хIнапы дгIацIашватI, — ауыс-ква шакIвшаз дымгвжважвауата Тауби йхIвун.

— Йагыб ИсхIакъ йыквыз ахвырта гъакIвым ауи аъара ласы дзырпсыз. Ауи гъуымдырума уара, Тауби? — Гъари йхIвитI.

— ЙыздыритI. Ауи йгвы къама хвырта ду аквта дыцIарцIатI. ИсхIакъ ддзырщыхызгьи, къангъашра гъалам, Атхан Азамат йакIвпI. Ауи дхвыта дангIахIнапыцIашва агIан, Джъантемыр йпа йара сахIаткI Азамат йпны датша заджвы дгIайщтихтI. ХIшазхъвыцуала ауи Защ Уали йапхъа Азамат дйынйахъан. Датша унашвагьи гIайадзахъан. Ауи акIвпI, Гъари, Джъантемыр йнагьи йыгIвзачвагьи, Уали дшдыргвыгъаз апкъ йыквта, ауаса къвашыжв апны йзанымйахыз. Ужвы йаргьи ауыс бергъыльхатI. Ауат Лъаба станица аджъармыкIа апны йанйан, рхъаква зджъарала йапырыргатI. О, уанайчважвауа агIан амгIва йачIвытагьи йайшысхауайа! ХIгIадзахтI йхIымдырдзакIва, — йхIватI Тауби, йчважвара ауыла йашIайрысхуата йпхъадзауата.

— ЙшухIвауа йапшпI ауат руыс шакIвшаз. Щта, ауатгьи ахакв йшамкIуаз йдыруата, Джъамзар ХIвсин дымшвауата акыт дшпагIай? ДыззгIай ачIвийа? Уара ауи шпаубауа? — йхIватI Гъари акIвдыр ацкIлаква дгIартгылгIауа, йайсийуаз йщажвакIва йыргъвгъвауа.

— Ауи гъсыздырам, саша. Йсымдыруа гъсыздырам. Сара сшазхъвыцуала, ХIвсин ауат чIвагIвакI дыгърабадыруам. ЗакIы гъазхIвам, ауи хIхакв апны дгIаншахизщтарагьи щарда мцIырныс. ТшыкъазчIвахуа агIвычIвгIвыс цхърыгIагIвдаъа дгъызбазум. ЦхърыгIагIв дзыпшгIауазапI ауыгьи. Йалырныс ауыпI датша гвымхаракIгьи йгвы йтата дгIайырныс.

— Ауи ХIарун йпны дгIайта йаныжвдыр зынла дызгIашвымкIыйа? Йа швичвшвазтын, сара ласыта йызгIасашвымхIвйа? — атайхIвахтI Гъари, адуней апны зымгIва рацкIысгьи Джъамзар 'ХIвсин дишIашвара' шитахъыз йчва йгIанахIвауа.

— Уара уакIвмызтынгьи, ауи хIаргьи дгIахIкIрын. Ауаса дшгIайыз хIаргьи йгъхIымдыртI. Ауи аныгIдыр йацы акIвпI. Ма уацхIа умачхъвынцIа узацхIузтын. Ауыгьи Атхан Азамат дйапшта дхIнапыцIцIтI, — Тауби йгвы йасуа йалагатI, ХIвсин дъагIарымкIыз

пІыцІцІтІ — Тауби йгвы йасуа йалагатІ, ХІвсин дѣгІарымкІыз Гѣари йара йыквицІауазшва йазибауата.

— Щта, йшпажвдыр ауи ХІарун йпны дшгІайыз? ЙгІашвазхІвда?

— Йара ХІарун йхъатала йгІахІайхІвтІ. АбатагІа днайын йацы шыбжъан агвы йгІахІайхІвтІ. Абар йши-хІвазгы: «Йахъа Джъамзар ХІвсин спны дгІайын, къомракІ дыгІвнан. Агвхъауала дчважвауа йара дйыквлахушта хъацІакІгыи дйыцын. ЙпцІаква гІайыр-ытІ акІвмызтын закІылагыи йчва гъацамкІтІ.

— Щта, дануызгІай сахІат зынла йызхІумырдыр-йа? — схІвата саницІгІа, ауырата дгІаспшын, араса йгІацІицІатІ: — Джъамзар ХІвсин дзачІву швара бзи-та йыгъшвымдырузапІ. Ауаса са бзита дыздыритІ. СичвшватІ. Швара йшшвтахъдзугыи швазхъвыцх. «Шыбжъандза уыпщІа угварцІыркІвын, уабгата уыгъ-гІагваралхуашым», — хІва гІайайхІвын, дйыршватІ.

— Щта, дызгІайыз, уыста йымаз Дадыщ ХІарун дйыршвагІвацарныс акІвызма? Ауи ахъазла ХІвсин йуыс эквугыи шидыруа акыт дыгъгІамитІ. Ауаса дыз-гІайыз, ужвы ухъацІазтын, йгІадырх, — дхъвыцуа йхІвун Гѣари. — ХІарун йпны дызгІадгылыз сара бзи-та йгІасгвынгІвитІ. ХІарун аламаскІѣа дагІвызата ай-сра ауралагыи ХІвсин йцІыхъва дтагылан. ХІвсин бзи-та йдыритІ йара гвымхарата йыргъахаквази Дадыщ ХІарун йуыс пІайкви кІамбыщчва чварнала йшаквы-дзаху. Ауат закІылагыи йшзакъвымцІуаш бзирала агІвы-джъгыи йырдыритІ. Джъамзар ХІвсин дагІвпата адгыл дыцІашвазарквын, Дадыщ ХІарун джъанат дтата йпхъадзарын. Заджвгыи йгвымхараква йрышахІатыз адуней дыквызларныс йгъитахъым. Йара ХІарунгыи да-ныркІы агІан дѣагІауырщтхыз йсымгвашІуа джъа-щахъвара дупІ, — Гѣари йчважвара йалайырхІапхъа-дзагыи, йгвакъвпра рыцІа-рыцІа йалахІун.

— Эй-эй, Гѣари, Гѣари! Йгъуымдырума, щта, ауи дшгІауырщтхыз? ЙткъвымлагІв ШахІым дгІауди-рыщтхтІ. ШахІым йуыс шхъалыз, сара йуасымхІвыр-гыи ухъаталагыи бзидздзата йудыритІ. ХІара хІахкв апны Дадыщ ШахІым йажва хабзапІ. Ауи йхІваз йаздыргІвитІ. Аотдел аунашвачпагІвчва дры-уапІ. Райшата йсуырхІвушызтын, ауи уахъчІвала къа-ру ду йымапІ. Акомандир дкІнызхІахыз ХІарун шйа-

кIвыз ура угламихскIвагы зымгIвагы йыргIахъан. Базйат Глазизгы йыгIвзачвагы англайх йцIарымкIуата ауи рхIвахъан. Ауаса зымгIвагы ршIа ШахIым йашIад-йыркIытI. ЙыршватI. Йунакъващгы дглаудирыщтхын, дубитI акыт дтапI. Лъажъа шIацIакIгы йидмызшва тшичпауа дбзазитI. ЗымгIва глаугвынгIвырныс баргвыпI, сача баргвыпI, — йхIватI Таубигы, ШахIым йунакъващ — белогвардеец дглаудирыщтхра шизахъв-даквыцIыз дшазыразым йчважващалагы йщагашчалагы йглайныпщуата.

— ХIапшыпI, щта, йаща-щажвыгIв ауи дизыхчуз-тын. Арахъ зны сахардза. ГIвангы сампшуата Чермен йа Зруйченко рпны сцуштI. Ауыс ацIыхъва ауат йнад-мырдзузтын убапI, — йхIватI Гъари багъбата, АбатагIа апны йглашIасхуашыз Тауби дглайквыцIхта, райша акыт дглайхуата.

Ауи акытсоветгы дымцауа райша рпны дгваралхтI. Апахъ йгылаз аха апны йхъарышвыз ауасажы аниба агIан Гъари зынла йглайгвынгIытI, рунагIва сасдукI дшглайыз. Йауа ухIварыквын шарда мцIуата чвчIвыскI рщын, жъы аунагIва апны йшаъаз ауи йдыруан.

Йтшы пхдзы гъакIнымызтIта, акIвдыргы аквихтI, агъврагы ахъихын, хвита ахIамач йтайжътI тшарблыгъарныс ахъаз. Абакъ даныцIапш агIан, ркIвдырквагы рыквымкIва гIвтшыкI тагылата йбатI. Ауат овесгы шрыртхъаз, йанырфуз агIан йгIаршпIлата рпахъ йкIадырпIлаз ацыраквала йдыртI. Йаба йащажв Дауыт дамайгъдзауата, ртшквагы овес анритзара, йглайквас асасчва тлапIадзата йшипхъадзуз Гъари йдыртI. Апхын ду дзачIвыйа акыт апны овес зшардазлауа? Дасуз-лакIгы мачIкI йымазтын, мгIва хъаракI данджвыквылуаш йтшы йайрыфырныс йыцджвыквигуш аъара акIвпI йзыгIанхыхыз. Ауи ахъазла апхын агIаталымтаква рагIан овес сасыта йглагваралуа ртшква йанрыртуазара, ауат хвы дудздза эквырцIауа сасызлара атахъыпI.

Асасчва йаба йащажв Дауыт, рунакъващ лыгажв АхIмад йгы рыгвла лыгажвквкI рыдзхъачIвата йрачважвун. Ауи акIвпI ащхъаква рпны анцIралагы цIаста йаъу: сасы данглайра агвлачва глайззитI, аъахIыльчва глайитI, ауат дрысаситI, йрачважвитI, йырчIархитI. Йглайквас зачIвыз йдырзарквын, Гъари, алыгажквкIа йырхIвалакIгы, зынла ауат гъагIвначIвас апещ дывIвна-

палрынта, тшрыхъвцІайрышвын. Ауат зачІвкваз гыймдыруазтІта, ахІбачва йызшІыртнацІкІъара тшичхІун.

— Дабоу ари ачкІвын, дгІагваралхуазшвагы йызбатІ. ДгІашылта асасчва рнапІква шикІуаш гыймдырума? — йхІвата Дауыт йбжыы анГайырга агІан акІвпІ, Гъари ауат ъагІвназ даннашыл.

АгІвыджыгы къазула тшрыхъвцІайрышвуа тшыкІв-йыршатІ. Ауат дуней-ахрат ажва зайхІвыта, йаща црита йпхъадзуз ЧІвачІваргІа ТІатІи ауи йунакъващ аща Зуфари ракІвын. ТшыкІвйыршатІ, йгвылагы йпсылагы драйгвыргъауа, йайцІба гыларта йдырхуанта, днаскІбан ашв аргван дгылтІ.

— ЙауызанпІ, щта, арат хІрачважвауа йъадзахІры-гІапсаз. ПсимлахІ дхІырхІварныс йагІазапІ, — йхІватІ Дауыт йацкІысгы аткъвым рпны йахІбаз АхІмад. — Уца, айшва гІадыжвгал, сычкІвын, — гІацицІахуа ауи ашвхъымса аргван йгылаз Гъари унашва йзичпатІ.

АунагІва апны Дауыт йтажв лакІвымкІва датша пхІвыс гътшкІарамызтІта, ауи лмацІаура апны ргІвы-гвлачва пхІвысгы лцхъыргІатІ. Ауат айшва гІадыргал-нацІыкІъара Гъари лъагъангы къвымгІангы гІайгы-лын, ахІба йпны дгІалалан дасу дъачІваз апны йырзы-найрыскІауамцара, зымгІвагы рнапІква дирыджв-джватІ. Алягъани акъвымгІани анджвылигах, айшва гІайгылтІ. УнагІвакІ йыгІвну агІвыджь-хыгІв хъ-чва здэхъачІвата йызквчалуз айшвазаджыкІ алыгажв-кви асасчва рыцІа йахІбаз ТІатІи адэхъачІватІ. Зуфар дгІагылтІ «уацІыхъван Гъарии сари хІацчахпІ» — йхІван. АхІмад унашва йчпатІ датшагы айшвакІ ауат агІвайцІбачва рыхъазла йатагІаргхырныс.

— Агъвра гъасрым зымгІвагы йара ари апещ ап-ны хІацчарыквын. Араѡа зымгІвагы хІара-хІара хІакІвпІ. Ага хъара швгІатыцІызтынгы швгІвыджыгы хІара швхІащапІ. Ари швгІазштаныкъвауа хІычкІвын йапщдзата швыгІбитІ. Шваргы хІара швхІычкІвын-чвапІ. АлахІ йзаджыкІу сйыхІвитІ, хІащтаныкъвара, хІабабара зынгы йапымкъарныс. Насып зму кърар йымазлапІ. Абар хІычкІвыни ура хІаща ТІатІи шважва швыквымцІуата швабабитІта, шващтаныкъвитІта, сара анчва сйыхІвитІ, шважва йшвхІваз дуней швѡадзакву зынгы швамайжъарныс. ЙащтагІайуата, сара анчва заджыкІ сйыхІвитІ, ари асквш къомкІ руацІала хІпсы-

аурышв къайматгъи дйыцын. Ауи аглан ауат агІвуджъ
рыхъазла Дауыт йгІаштІихыз ачаражвра акыт ужвыгъи
йалачважваркІвун. Апещ чвартагъвызаджвыкІ акІвунта
йыгІвнагылаз, ауаъа ТІатІа дштІарцІатІ. Гъарии Зуфа-
ри аджъахашва апны йштІарцІаз ацІгІвыпІа ду ахъахъ
гвабан атаквырцІахын, шапІахы-шапІахы йштІалтІ.
Афатагъан мза акІкІара мачІдзинакІ йтарган, ауат
рчважвара джвыквырцІатІ. АхыгІвгъи йгІаргвалашва-
хуашыз, турыхта йабархІвхуашыз рщардан.

Ауат рчважвара абандаквa рунашвала йгІаджвы-
квылтІ. Ауат рамцІцара ЧІвачІва Зуфаргъи даланта,
ауыс цІыхъва шадрычпаз йалыргата Гъаригъи ТІатІа-
гъи йразхІвыз ауи йакІвпІ.

— Деникин йылаз аполковник Козлов трыквштала
дахъысырныс анизакъвдаквымцІ аглан ауи йара йапшта
тшыкъазчІвахквуз драбадыртІ. МачІ-мачІымцара ауат
гІвынгІважвагІв йрайхІахатІ. Астаницаква, акытква,
акъвтырква рпны йчІвахыта йынкъвыргуз абджъар гІа-
раутІ. Апочта мгІваквa рпны, астаницаква рпны
йхІвынчІауа йалагатІ. Ахакв дрышварагІваратІ. Ауи
абанда амилиция уыста йаныркІы, йыгІвзачваквaгъи
зныкІ ахъазла йамцІиштхын, йпагъи йпхІагъи найахвын
Уарп ахъаныла чІвахыртата йчпатІ.

Ауи дзапшыз, дзачІвыз амилиция йгІарымдырскІва,
йара йапшта тшыкъазчІвахквуз, ауаса абджъар гІазахв-
та авласть йайсырныс змурадквaз йгІардыртІ. Ауи
даддыргылтІ, абандаквa унашва рхъицІарныс. Ауи
акІвпІ Джъантемыр йпа Ильаси йари забадырыз йгъи
йзанйаз. Абанда алахІрыхъвашата йангІакІвхІырша
аглан тшъакъарчІвахуаз ахІатшпы аргван йпа пулеметла
аквa гІахІыквипсауа далагатІ. ЙыцІахысын ауи дыз-
цІачвaз ахІахъв дгІацІнадыргатІ. Ауи йпсхъа ауаъа
йгІанхтІ. ЙшырхІвауала Тауби-чкІвын асаби дгІай-
квызрышвта йнапІыцІыз апхІвыс пшдза Козлов йпхІа
лакІвта йдрыбагъытІ. Йара Козлов дырнапІыцІцІтІ.
Дъацаз заджвгъи йыгъйымбахтІ. АхІатшпы датша кІыл-
сырта аманта, ауыла дкІылсын, дджвыквылхтІ. Ухъа-
цІазтын дгІаух. ЙакъвудыргІайа ауи дъану?

— Ага дгвымхазтынгъи, хъацІара злаз заджвы йакІв-
зарын, — йхІватІ ТІатІа, йгІакІвдыршата йаъаз Коз-
лов дырнапІыцІцІра ъайылшаз джъайщауа.

— Щта, ауи хъацІара йыламзарквын аграждан айс-
ра чвгъагъи дгІацхата, тшичІвахуамцара ауаса дызбза-

зузма? ЙтгІачва тшыркъвнайыргата зджъарала дцарыквын, дзачІвызйа ауи йымгІану гІаздыруашыз? — йхІватІ Гъари.

— ЗакІ йылымцІхтІ ауи Козлов зышвхІвауа. Дабацуш? Анасагы-арасагы ауыгы дгІаркІуаштІ.

— ЦабыргыпІ, ауи хъара дгыцахуашым. Арахъ, Гъари, сара датша закІыла суцІгуштІ. Авласть ахъазла гвылагы псылагы йазайсуаз ахъацІа харзына йыхъвда аркъан ахъазрышвта дкІнызхІаз йквнага дзанрымцІайа? ДаныркІгы, йара сахІаткІ дгІауырштхтІ. Авласть, аугІа рвласть йапшІагылата, абджъар змата йайскваз дара йъартахъу йцитІ, йшыртахъу йныкъвитІ. АугІа рща зжвыз афицар сасра акыт дгІайитІ. Йъадзайтахъу дтазлитІта йара йангІайгвалашвара датаджвыквылхитІ. Уара йутахъу ухІварныс ухвитпІ, Гъари. Сара йыгыгІасгвынгІвуам ауаса йаъазара затахъу. Ауаса йаъазларныс гъакІвым уаргы саргы хІыззайсыз, айсра чвгъа апны хІара йхІапшквас зхъаква зштІарцІаз, — йхІван Зуфар, йажваквa йгІарныцуаз цІолата тшазиырхуа йгвгы шакъвпуаз гІайылхІвауа датша чважваракІ гІаджвыквицІатІ. ТІатІагы Гъаригы закІгы рымхІвауата, Зуфар йажваквa йгІарныцуаз шрылархІвауа гІаныцІуата йдзыргІвуан. Ауаса Зуфар йгвы мчІвауата йатайхІвахтІ:

— А зунагІва багІварыз, ауи Дадыщ ШахІым зышвхІвауа, йтахъу йчпарныс акІвма, щта, аугІа рща здрычІвас? ЙымгІаныйа йара? ДзачІвыйа ауи апш нхарта ду гІайызтыз? ЙшпагІатига? Сара дмуъазиндзысщун.

— ХІы, йымгІану гьумдырума? Ахакв апны дунашвачпагІвпІ, авласть нкъвигитІ, — йхІватІ ТІатІа.

— Йшпанкъвигауа? Ауи йынкъвигауа хІара хІыззайсыз аугІа рвласть гъакІвым. Ауи йынкъвигауа, йшвтахъызтын, аугІа зтахъым руысква шхъахъхуш акІвпІ. ШвгІапшы, йкъва-йсгІаргы ауи ахъацІа йгвымхараква гІацІымцуазтын. Ауи йуысынкъвгаща асатей йгІаквмылуазтын? — Зуфар, йхъагы ахъчы йгІаквихын, дычвырнысгы ймурадхымкІва, ймачхъвынцІаквала тшгІаштІихуа, Гъари йалакта райшата дтапшуан.

— Арахъ, Гъари, йшпаубауа уара ауи Дадыщ ШахІым йхауа? Дахвитума йара йшитахъу гІвычІвгІвыс дкІырныс йа дгІауиштхырныс? — йхІвауа, ТІатІагы йщапквa гІакІайырхвхан ачвартагъвы дгІатачІватІ.

— УангІасцІгІауазара, йшгІасгвынгІвуа уасхІвпІ. Дадыщ ШахІым ахакв апны амилиция рунашвачпагІвчва дрыуапІ. УахьчІвала уыста йынкъвигауала гвымхара зхауа, авласть йапшІагылквауа дйыркІырныс дахвитзара атахъыпІ. Ауыс шаъу йара бзита йдыруазтын. Ауаса, ахабза йшахІвауала, йцІыхъвахуа ажва зчІву асуд ракІвпІ. Асуд ракІвпІ атутанакътара зквнагу тазырчІвауагъи тазмырчІвауагъи. Датшата йсхІвапІта, суд йыкврымхауата гІвычІвгІвыс атутанакътара дыгътадырчІвум. Ауаса...

— ЙухІвуш здыритІ, Гъари. Суд зквырхара атахъу йкъванчагІара алдыргарныс дыркІитІ, йцІгІитІ. Ауи гъакІвымма йухІвушыз? — ТІатІа йщапІква, амшвчва тІатІа ду йгІахвынйыргылтІ.

— Щта. Ауи акІвын саргъи йсхІвушыз, — Гъаригъи тшгІащтІихын ачварта дгІалачІватІ.

— Йутахъым кІара гІаугваласыршвахуазтын, угвы йауымрысын, сача. Ауаса сара сгвасра уасхІвра стахъыпІ. Зунашва счпуш дшубуш, ушлызхъвыцуаш уара уахвитпІ. Сара ауи, ахшата дсчпауата, дуней-ахрат ажва ласхІвтІ. Ауи сахъызгуш закІгъи гъаъам, — дгІа-лагадзатІ ачважвара ЧІвачІва ТІатІа.

— Уара угвасра саргъи йсгвасрапІ, ТІатІа. ЗакІгъи угвы йту зымгІва гІасахІв. Йсылшауа зымгІва уара йшуагъьасымщущ бзита йудыритІ, — акІвпІ йзыхІваз Гъари, ТІатІа йгІайрахушыз Иналь йпхІа Гващамыда лтурых шакІвыз гІайгвынгІвуата. Ауи луыс ахабар Гъари Тауби-хвыц мачкІІ дахайыргІвазахъата йаъан.

— ХІыщхъаква, хІкытква рпны ныжъхта, зджъарагъи йгІаншахъата йгъхъасцІарым, Дадыщ ШахІым йхарныс дыщтагылу ауыс апш рхахъата,—ТІатІа йхІвуз ажваква дшдыргвыжвкІхуаз гІайныпщца, йгвы йтаз гІаджвыквицІатІ.— ШвгІвыджъгъи йжвдыритІ сара ахшата йсчпаз Гващамыда Йагъыб ИсхІакъ дшйыццаз. Гъари, ауи агІан уара угъаъамызтІ. Ауыс шакІвшаз гъудырам. Сара йыздыритІ. БыжъладзыкІла дсаугъыщца акІвпІ Иналь йпа Тамщыгв йпхІа ИсхІакъ дшйытыз. Лаби лани ражва дыгъзахъымпатІ. Сара бзита йыздыритІ, ИсхІакъ дйыццарныс шылтахъымыз. ДанырхІвай агІан Дота йгІалалхІвтІ. ДахІвун сылцхърыгІата зджъара дкъасчІвахырныс. ЙсцІабыргхазарквын, дсзыкъачІвахуашын. Ауаса сара-сара сазхъвыцхын, хъацІа дйыццарквын, лара лыхъазла рыцІа йагъьхушта йспхъадзатІ.

Ауыс сгъапырамстІ. Йаргы ауи агІан ауи аъара йала-
гІватІыранта, райшата йсхІвапІта, схъагы мачІкІ сачв-
шватІ. УансабитгІачвахара уызчвшвауа ауыскавгы ры-
ца йшардахитІ. БачІвбара рпны дгІардта даъата, лаба
Тамщыгв дшырщыз уаргы йудыритІ. Ауи дызщыз ар
ракІвын ура ухъаталагы уызлаз. Йгъцабыргымма?

— ЙцІабыргыпІ. Ауаса Иналь йпа Тамщыгв зымгІва
дыршІахысуа аурам апны даннарпырал агІан акІвпІ да-
нырщы. Ауаса йымчпарыквныз, ауи заджвгы дгыиуыс-
мызтІ. Авласть йквнагаз йызнахахрын. ХІара абджъар
змата йгІахІайсуаз ракІвын хІзайсуаз. ХІымгІва йгІа-
пшІагылуаз дапырхІхуан, — йхІватІ Гъари, Иналь йпа
Тамщыгв штшдйырщыз гІайгвалашвахуа.

— СадгылитІ. Йауа ухІварыквын, йцІабыргыпІ.
Иналь йпа Тамщыгв дахІын. ЙахІра заджвгы ййitra
гъитахъымызтІ. Ауи къарула йшйыквырхуаз анхъайца,
йшйылшузла тшихчатІ. Йанамудзах, акыт йгІаталуаз ар
драйхсуа дырпшІалтІ. Йаргы ауаъа дгІарщытІ. Ауи гъа-
кІвым сара йсхІвара стахъу. ЙсхІвара стахъу авласть
йызхъанацІата уысынкъвгара зхъвдаквырцІаз Дадыщ
ШахІым йыршатІаквауа йамуата йспхъадзитІта акІвпІ.
ЙшщазлакІгы Гващамыда Йагыб йпа ИсхІакъ дип-
хІвысхатІ. Сабигы ауаъа длаута длыман. Ауаса ахвыц
сквыкІгы йхъымцІуата дпсытІ. ЛхъацІа Деникин йыр
данрылал агІан, йызхъазхата йгІанхаз лан лпны дцахтІ.
Ауаъа даъамцара гІвысквша айхІагы ИсхІакъ дангІа-
дгылхгы ауат гъацымбзазатІ. АйхІарагы лан лпны да-
ъан. Уара упны ужвгІандзарагы йцІаскІуан, Гъари, Гва-
щамыда рыцхІа ура лгвы уштаз. Ауи арат асквш къо-
мкІгы мыгІвата йылгатІ. Ауасамцара абар йубитІ, лхъа-
цІа абанда дрылалтІ. Дырхвын дщІапІ. ЙшырхІвауа-
ла, ужвы мачІкІгы дызгІагылитІ. Дшбзихахуа йсуд
рхуштІ. Ауи заджвгы йгъйызам. Йзльажъу йара йакІвпІ.
Ауаса, закІгы зымдыруа, гвымхаракІгы зымчпаз ауи
йпхІвыс Гващамыда лъажъата йлымайа? АчІвыйа ауи
дзимырбзазауа. Йамуала лцІыхъва дызтагылуа?...

— Щта, ужвы Гващамыда дабану? Ауыгы атутана-
кътара дтачІвума? — дгІагвжважватІ Гъари.

— ДгътадмырчІвастІ. Ауаса «бтадырчІвуштІ» —
йхІвитІта дгъирбзазум. Швабыжта сгвы акъвпитІ.
Йсчпушгы гъсыздырам. Упны хІызгІайызгы хІуайкъан-
гъашырныс акІвпІ.

— Лъажъа анлымамзара, хъатахІвхІварала ауи дыгъ-
тадырчІвушым, — йхІватІ агвыжвкІра йнанауахвуаз Гъа-

ри. Ауаса йырхІвушйа ауи дызшвмырбзазауайа схІвата срызцарыквын?...—Гъари йажвакв алапІатІун. Ауи зынгы йгымІасызтІ Гващамыда йара дылтахъыта, ужвгІандзарагы ауи лгвы далата...

Амза рыцІа-рыцІа йлащцарахауа, йлакъвысуа йалагатІ. Ауи йтаз афатагъан йалгузарын. ТІатІа Гъари йаъща бзидздзата йгІайгвынгІвуан.

—ЙауитІ, щта бзита хІчважватІ. Амза афатагъангы йалгатІ, йаргы йагІапІ хІычвхырныс. Абан уипшы хІунакъващ — ачва дагахъатІ, — йхІван ТІатІа, йгІаджвыквицІаз айчважвара ацІыхъва йнаймырдзауата, ачва тшазичпахуа далагатІ...

Гъаригы йаквызрыдзцауа йлакъвысуаз амза дачвхІватІ. Ахъыза йщапІахъыла йщтІаз Зуфар йгІайхъимхІвауата, псайспадза йгІайыргъвгъвауа йгІайхъигІватІ.

Ауат зыгІвназ апещ ласдза йдауышвахатІ. АцІх лашцаран. Агваныла зкъатырка зрыхІвачвуз Дауыт йныкъвара абжы гІагун. Ауи йгъизымчхІатІ, дгІагылта йысасчва ртшква датарымпшхкІва. ЙдыритІ абаза хъацІа асас йысасра йгвы йнадзара ахъазла ауи йтшы уайгвыгІвра шатахъу. Дауыт асасчва ртшква зцІагылаз абакъ дыцІалтІ. Атачарта йтаз ачвайдза йымамачІхан, чвайдза атарзытайцІахтІ. Алыгажв абакъ дгІаджвылцІхтІ, йгІайшІасыз ауахъ хІауа хъшвашва дарамхІвауа, атдзы днашылхтІ. ЙатаркІвах йдауышвахатІ. Асасчва рпырх быжъква гІагатІ. Гъари ачва йхътпсгІан дщтІан. Ауи дзымрычвуаз щардан. Щарда гІайдыргвалашвахтІ йгІайыжвлыз ахъвыцпраквa.

Ростов дгІатыцІхта йцри кыт дгІайхищцарагы, Гъари дгъахамдзатІ, чкІвынагІа гвыжвкІрала дзымцІаста, апатшахІыгІва хабзала йхІаквым ззырхаз, Иналь йпхІа Гващамыда дибарныс. Ауи йгвы дгІаташвадзарыгы, длызцІгІарныс дачвпхашун. Йауа ухІварыквын, акыт апны Гващамыди йари руысква шакІвшаз агатагы йахъырца-ацІырцата акІвын йшаъаз. АзджъакІ йырхІвун, Гъари Иналь йпхІа Гващамыда пхІвыста длайгвгъауата АзджъакІгы йырхІвун, ауи дипхІвыста дшлыцбзауз дгІаркІыта дгІайыквырххта. ЙхыгІвквахузгы Гъари дшычваз Гващамыда дичвгІардахта, лара апхъала бзи йылбахъаз Йагыб ИсхІакъ дйыщцахта йдрыбагъун. Гъари Иналь йпхІа Гващамыда пхІвыста длайгвгъауата дыгълымцІамсызтІ, уадыргІвана бзи дйымхъабахызтынгы. Ауи акІвашара апны дгІалырпудуа йгІайачвалшаз

ажва гвасракви дгІазрыкІвашауата дгІазквихыз ахІпа штшичпаквази ракІвпІ дызлымцІасыз. УацІыхъван йзыпшгІауа, дыршырныс, чвгъарала йцІыхъва йтагылтІ. Йаргы тшихчара ахъазла апхІвыспагы дичІвахытІ, йхъагы йчІвахытІ. Ауаса ащхъа хъацІа йнапа йаквнай-мыргушыз гвымхарала апхІвыспа лцІыхъва дыгътамгылтІ. Йара йыхъазла йыгІвза даныркІы йхъатала дадгылын акІвпІ дшыркІызгы.

Граждан айсра даналашва, асатин пхІвыспа дгІайым-гскІва Гъари йтахъын Гвашамыда длынйарныс, длачважварныс. Ауаса дгъахамдзатІ, тшахайрдзарнысгын ацІыхъва багъата дыгъзытамгылхтІ. Иналь йпхІа Гвашамыда унагІва дшнашылыз йдыртІ. УнагІва йнашылхъаз Гвашамыда йлызчважварныс дачвпсытІ. Гъари ауи апхІвыспа йара йгІагвынгІвыщаквала пха лыквицІуи. Ауи йлыквциуз апха ауи аъара йгвтара адура, ацІолара гІаныцІуанта, йызлагІакІарпы ауашыз лшаракІгы аъата Гъари йыгъымпхъадзутІ.

* * *

АпхІвыспа гвтарамадзакІ лкІызтын ауи, ззыгІа-хъылтІуаш къару адуней апны ймачІпІ. Гвашамыда йылгвтара мадзата йлымаз, йлымдырдзакІва Гъари дъайызхъвыцлуз акІвын. Ащхъаркт атацанадылра апны лара йылхІваз ажва гвауаква йгІархъшаз ауысла Гъари дъаркІыз, уи лыхъазла йлынцира гІазаб чхІарата йгІанхатІ. Ахъвыцра гвыжвкІра йгІалихта Гъари ауи дъалымцІасызгы гвасрата йыгълымпхъадзахуазтІ. Йылшарквыныз дйыхІварынта ужвыгы зны дгІалымцІалрыхрын. Ауаса йагІвсыз асквшква йлызгІаныржъыз лгвтара амадзазаджвыкІ акІвын. АбатагІи апны лара лыхъазла ЧІвачІва ТІатІа дангІаркІы гІалгвалашвахлун. Ауи йацта зынгы лгвы йгътымцІхуазтІ йара-йара АбатагІа дгІайта Гъари штшдйыркІыз. ДзачІвыйа зыгІвза йыхъазла ауи йапшта йгІацІуаш? ДзачІвыйа «йшвкІыз льяжъакІгы гъйымам. АкъванчагІара зхаз сара сакІвпІ. Сабар сгІайтІ, сшвкІы йшвтахъызтын», — зхІвата йгІадгылуаш? Гъари ауаса йчпатІ. Йылшазарквын дыркІра ныжхта, архъа хътІыра мцыра дыквызтынгы дйыцызларныс акІвын лгвы цкъара йгІаныцІуаз. Ауаса йылчпарызйа? Йапхъахауата, лпхІвыспара аизин ажва гылнамырхІватІ, лгвы йгІаташваз ахъвыцра гвыгъара ду гылнам-

рычпатІ. ЙыгІвбахуата, лаба Тамщыгв дичвшватІ. Ауат йрыщуцІахра атахьпІ дгІазлыщІыз аткьвым рыхьыз артлапІара ахъазла нхагІвы тгІачвакІ рычкІвын дыркІырныс атахъызшвагы йылбауаркІвун ауи агІан. Ауи Иналь йпа Тамщыгв дипхІан.

Гващамыда, лаба дырщыта аурам асаба данылаз агІан, Гъари дызлайхІваз ъанайрдзас ахъазлагы хвы ду йзылчпун. «Ауи акІвпІ ахъацІа даъазара шатахъу» — лхІвун, закьыль цІараз згвы лашвмыз абзытлхвыгІа.

Лаба йтахъыралла, йрыгвжважварала ИсхІакъ дан-йыртуаз агІан, лымадза ТІатІа йахща Дота йлалхІвтІ. ЙлалхІвтІ, лаба йакІвымзарквын Гъари дгІахвитхана-цІыкІъара дйызпшырныс дшхІазырыз. ЙлалхІвтІ закІ-гыи дампшыхуа заджвгыи дизымдзыргІвыхуа, дырдата Гъари дйыццарныс дшхІазырыз. Ауи дйыцта дбазара ахъазла датша хаквкІ дйыццарнысгыи хабартагыи йшлымбушыз.

«Дабгата Гъари дгІайхуазтын, — длыхІватІ Гващамыда ауи агІан Дота, — сбыхІвитІ, сгвы дтымцІхуата сдуней шызгаз йабхІвхырныс. Йгвы кІара сасызтын, сйыхІвахитІ йсызыргІварныс. Сара швабыжта сизы-разпІ йгІвычІвгІвысыгІара ахъазла. Йстахъым сйыртитІ. СнаспынтшапІ сара, Дота. Ауаса ауи схІварыквын, саба йа са сищуаштІ, йа йара тшищхуаштІ. Анчва заджвыкІ йакІвпІ йыздыруа сара суысква щуш. Гъари гвы айым-тызтынгыи, сизыразпІ дсхъмаштылхуата сара сгвы хъгІата дъагІатахаз ахъазла. Йара дгІасынйарыгыи сшІала йыгысызйахІвуашым. КІасыпІ йсхъу, Дота, саргыи бара سباшпІ».

Гващамыда дызлахІваз Дота йара Гъари йалхІвхыр-ныс даквымшвауата, ауи аъара сквшгыи агІвсхтІ. Ауаса ауи лашагыи лтацагыи йралхІвтІ. ЙралхІвызтІхІва унагІва йнашылыз апхІвыс лгвтара йшмадзас йгІаныр-жътІ. Ауаса йзырчпаз ТІатІа, Дота йгыи ауи лтаца ра-кІвымкІва датша заджвгыи йыгъйымдыртІ. Йгырта-хъымызтІ ауи ИсхІакъ йа ауи йаргванква гвы артырныс, Гващамыда лыхъазла тшпынхІва гІалцІырныс.

Йагыыб ИсхІакъ дхвыта дангІайнапІыщІашва агІан ШахІым мурадта йкІытІ, дйыршвата Гващамыда йара йшитахъыз апш длыщтаныкъварныс. Ауи ШахІым йгвы йтазщтара щарда цІуан. Ауаса закІытагыи йыгъгІайда-мыхІвазтІ.

Дадыщ ШахІым апхъала, амадырса дапхъауаркІва-

уата дансахІвтаз агІан, Гващамыда аргваныта дибан,
йгвы дыгытымцІхуазтІ. ШахІымгьи зымгІва драпшта
дчкІвынын. АпхІвыспа бзи дибарныс закІгьи гьазхІва-
мызтІ. Ауаса ауи дларгванхарныс дайгвгьагІвацарныс-
гьи дгьахвитмызтІ. ШІарыцкьагала зуацІа ацІашІахІва-
та, уахгьи тшынгьи амаджыгыт йыгІвначІвата акъвыр-
ъани акътапи ръайатква дрыпхъауата тшызбжъуз, ахІ
Иналь йпа Тамщыгв йпхІа длачважварныс насып аба-
гІайгыз. Ауи апхІвыспа дибара ахъазла лшаразаджвыкІ
акІвын йымаз. Бтыр анкІылырхлуз дцара йа агІидква
рагІан напкІра ауат рпны йгваралквуз тшырайрышв-
та лазаджвыкІлазтынгьи дылпшра. Лара Гващамыда
ауи агІан дпхІвыспа чкІвыныркІван. Ага тшгІащтІылх-
хъазтынгьи, ахъмарраква дыгырыларымдасызтІ. АгагІв
сахІвтагьи рпны йгвараллун. ШахІым гватракІгьи гьгІа-
йзылымчпатІ.

Ареволюция ангІанша, Дадыщ ШахІым акыт ахъа-
зыкІ дтан. Амаджыгыт апны айфандра ныжъхта, азаншІ-
тыгІв муъазинрагьи гьгІайыквымшватІ. Айфандгьи муъа-
зингьи акыт апны йаъан. Ауи хсквша унала амадырса
дызпхъаз далабззарныс днаквшвушыз азаман дазпш-
уан. Ауи апш заман даквымшвауамцара Ащхъаркт ап-
ны, акъраль апны йапшта, апсахра ду гІаншатІ — совет
власть щаквгылтІ.

ТшахъадикІылуашыз запш хъату йымдыруамцара,
граждан айсра асквшква агІвищттІ. ЙшырхІвауа апш-
та, ала тшыгьгІацІаймыршватІ, асатейгьи дыгыгІакв-
мылтІ. Арукъыз дцатІ. Аласаджвджварта зчІвыз йпны
дынхатІ. Ауаъа дъадзаныз урышв бызшвагьи йдыртІ.
Ауи абызшвалагьи майрата дзапхъауа, дзыгІвуа тшиб-
жъатІ. ЙзаманыгІвата йхъацІара сквшква дыртан. Дыр-
ра йыман. Майрата авласть шыц ауысынкъвгартаква
рпны дынхауа тшанйыргІалтІ. Ахакв йауысынкъвгар-
таз астаница апны амилиция знапІыцІаз дрыуан. Аба-
тагІа амилиция аунашвачпагІв Тауби-хвыцгьи ауи йа-
кІвын дызнапІыцІаз.

ШахІым йуысква гьгвымхамызтІ. Йапшу йыквлагІв-
чва уаса рхчауа, рахвы рхчауа архъаква йрыквын, йчва-
гъвун, йкІапсун. Йара, фаэтонла, акытква дцун, унашва
йчпун. Йылшун йымгвапхуз дйыркъванчара, ддйыркІра,
йтахъу дгІаудирыщтхра. Амаль ъадзайыму ауи йкыт
Ащхъаркт дыгьгІатамылуазтІ. ЙгьитахъымызтІ, йкыт-
лагІвчва рыуа йаща ХІарун, Джъамзар ХІвсини Шкуро-
уи дрыцта, авласть дапшІагылуата дшайсыз гІайархІв-

хырныс. ЗымгІва рацкІысгьи ШахІым йчвымгъыз Аджь-па Гъари йакІвын. Аджьпа Гъари йакІвын йаша ХІарун йхаз агвымхараква зымгІвагьи здыруз. ХІарун аркъан акомандир йыхъвда йанахъайрышвуаз агІан йша-хІатдууыз Гъари йакІвын. Дадыщ ШахІым багъбата йдыруан, Гъари дъадзабзу йнхарта дакъвырцахырныс шшвара-гІвараз. Ауи йдыруан, йкъва-йсГларыгьи, Гъари йара йаша ХІарун йуысква шакІвшаз асатей йшГаквицІушыз. Ауаса йГІанимыршара ахъазла Ша-хІым йчпара атахъыз уахъгьи тшынгьи дазхъвыцуан. Ры-ца йшагъхушыз йгьи йшмайрахушыз ацІыхъва дтагы-лан.

ДанчкІвыныз агІан йГІашларышвта, айсраква тшГаш-тІырхта йакъвнаганадзыкІарагьи, ШахІым ркыт апны гІвзата йымаз рыгвлачва рычкІвын Джъамзар ХІвсин йакІвын. ХІвсини йари аквлан. Къвалы йацасуа йац-гІадзынгылыз агвлачва чкІвынчва бзи йабабун. Ауат раргваныра арыбагъун агвлачва гІвунагІвакІ рацта-ныкъварагьи, гвлахъвы час ацрызбжьазарагьи. Ауаса ауат абазара амгІва йакъвнагатІ. ШахІым амадырса дыцІарыжътІ, ХІвсин йаба рыца дкъвльайынта Чата-къала апны дадрыпхун.

Ареволюция апхъала, Герман айсра анГІаштІыцІ агІан. Джъамзар ХІвсин дафицарта Трыквштала йайсквуз апатшахІ шкІвокІва йыр дрылан, Къарс аргван айсра далан. Апхъала йшхІхІваз апшта, Дадыщ ШахІым тшГІалимырхІвауа зквца даквсуаш запш хъату дазп-шуа, акыт дтан. Джъамзар ХІвсин Къарс айсра дГІа-хъынхІвыхта, дстаршината Ащхъаркт дантачыз агІангьи, ШахІым чІвагІвакІ тшгъГІацІимырпштІ. Ауи йхъайцІатІ тшГІаштІызхыз аугІа-нхагІвчва шайГІайуашыз. Шку-ро йыргьи дыгърыламылтІ. Ауаса, агенералква айГІай-уазтын, йара агІв дГІацІамхарныс ахъазла Джъамзар ХІвсин йадикІылуаз агвып йашайцІба ХІарун дрыла-йыжътІ. Дадыщ ШахІым дызхъвыцуан. Ауи йапхъала йымгІва йзыщтІацІун. Агенералква аладрыхъвашата ахакв йантырца, ауи акыт апны щарда тшгъимыркъвахтІ. Арукъыз гъхъарамызтІ. Ауаъа нхартакІ тшанйыргІалын азаман агІвищтІ.

ШахІым унагІвара йыман. ДзымхІвызгьи Джъамзар ХІвсинргІа йырткъвымлагІвын. Датшата йухІварыквын, дзымхІвыз ДжъамзарргІа ракІвынта, ауат йгьи дырхІва-чІвыгІвхун йгьи дыркъанхун: дырцхърыгІара, пха рыквицІара атахъын, даргьи ауаса дырбахра рборчын.

ШАХІАТДЪА АЙЧВАЖВАРА

ЙгІаргванхаз агІапын афгІвы Йынджыгы псыхІва йыгытыцІхуам. АцІлаква ркѣагІара ацІыхъва йнадзитІ. Анартыхв жвла анларцІалауа, атІама цІлаква ркѣагІара йалгищтара щарда цІитІ. Амхква раквпсарагы йалгахъатІ. Анартыхквва драшвитІ.

Дадыщ ШахІым афаэтон дтачІва акыт йнайырдатІ. Ауысынкѣвгарта дѣадгылыз апны дгІаджвылымцІуата аугІа йщтийын ЙнальргІа ртдзы, рыпщІа дйырхІвынчІатІ. Абджьар кѣачІвахыра аѣазтын йазирыпшгІатІ. Астаницала райша дымцахуата АбатагІа йнаквйрххтІ. Тауби-хвыц ауаѣа зынгы дыгыгІаквымцІуазтІта, ауи йынхарта пещ дѣагІвначІваз днашылтІ.

— Сальам алейквым, зыхъыз рхІвауата зхъата бауачву Тауби!

— Уалейквым сальам, ШахІым. УгІайгва, угІайгва. — Тауби дгІагылтІ. Ашвхъымса йахъысхъаз ШахІым дгІайпыралын, йнапІы йкІытІ дйырцан, йара дѣачІваз аквчІварта дыквйрчІватІ,—угІагІващама, анбжьагІв. МачІцІума ухІызгІамихищтара! — йхІвауа.

— Уалей, агІайрагы ауаса хІшахамдзахуа, Тауби. ЙгІаншакваз гъуымбума? Ауат алыргара гъатахъымма? Йшвчпауайа, хабарта йаѣайа? — йхІван зынла ШахІым Тауби-хвыц дицІгІатІ.

— ЙхІчпарыйа? Швара йшвымдыруата хІара закІгы гхІчпум. ХІтынчпІ ужвы ари асахІат.

— ХІтынчпІ, — йхІватІ ШахІымгы Тауби дишпшыхуа. — ШвтынчымкІва ачІвыйа ужвы йшвчпахуаш? Атхан Азамат йара йанитахъдзаз агІан йыгІвзачвакв данырзышвщтих ага дшвзыраззарын Аджъпа Гъаригы уаргы?

Ауаса йанихІва агІан Тауби тшизымкІхуата, зынла дгІахънапылтІ:

— ЙшпакІву Атхан Азамат йыгІвзачвакв хІара дшырзыхІщтихыз? Ухъатала гъуакІвымма ауи ура уыунашва аѣамкІва хІихъымсырныс йызхІваз?

— Саргы унашвакІ сыманта акІвпІ ауаса йызсхІваз. Ауаса хІара хІѣану хъарапІ. Кытипхъадза йгІаншауа зымгІва гхІлыздырам. Ауатква здырра атахъу асовети швара АбатагІа йаѣата йынхаквауи швакІвпІ. ЗакІы гъазхІвам Ащхъаркт асовет знапІыцІу, ауи Аджъпа Гъарита йыздыруагы Азамат закІылагы дшиуысмыз. Ауи дызшту сара бзита йыздыритІ. — ЙсхІакъ ласыта ахрат дищтита...

— ЙухІвауа ачІвыйа? — йхІвауа, ауат ажваквангІа агІан Тауби дгІаштчІватІ. — Гъари йыхъазлауара йухІвауа ажваква швабыжта йгвауапІ. Ауи ахъацІа ауатква гъиквнагам.

— ЙшпакІву йшиквнагам,—йхІватІ Дадыщ ШахІым длшвырхъыччауа. — ДзачІвыйа ачымазагІвхъпшырта дшштІаз Йагъыб йпа ИсхІакъ дищырныс акъамала йызрысыз?

— ШахІым, ИсхІакъ дыщырныс йысызгъи йызрысызгъи сара йыгъсыздырам. Ауаса Аджъпа Гъари ауат апІайраква шйымчпуш сара багъята йыздыритІ. Гъари йынцІралагъи дцкъапІ...

— ЙауитІ! ЙауитІ, Тауби! Ауи хІара йалхІыргапІ. УахъчІва йшгІахъвлауа, ухъатала уцата, Иналь йпа Тамщыгв йпхІа ауахъ астаница днаг. Ауи гълакІвымма ИсхІакъ йтагвжва? — йхІватІ ШахІым Гъари йыхъазладатша гІацйымцІахуата. Тауби ауи шйымуашыз багъята йгІайгвынгІвуан ауи.

— Азанаджъа, йшпакІву сара пхІвысыжвкІ дгІаскІыта астаница дшназгуаш? ЙухІвауа ачІвыйа, ШахІым?

— ЙсхІвауа сара йыздыритІ, АбатагІа амилиция знапІыцІу Тауби! АпхІвыскагъи гъапшым. Уара йунапІыцІыз, асаби дгІаунапІыцІазрышвта йунапІыцІыз, дзачІвыйа? ДхъацІазма, дпхІвысызма ауи? — дгІагвыжвкІуа далагатІ ШахІымгъи. — ИсхІакъ йпхІвыс йлымдыруата бандата дыгджвыквмылтІ. Ауи ухъумраштылын. ЙакъвудыргІайа, уара, ауи йлыргъахахъаз йгъи йлыргъахарныс ужвыгъи лгвы йту? Ауи лаба абальшавикква ракІвпІ дызщыз. Лаба йымлыкв абальшавиккваргвы рымата аджъамгІат йамцІырчІватІ. ЛхъацІа дхвы хІатлата абальшавикква дгІахІкІытІ... (Йаргъи дбольшевикта йхІваларныс Дадыщ ШахІым бзи йбун). АхІ йпа йпхІа зынгъи йгъылуашым, дзылхъвдахаз амахъарыхъвара лчвыдзра. Ауи дгъашІасуашым. Йлылшарквын уаргъи, саргъи, зымгІвагъи ари адгъыл хІыцІалжуаштІ. Уара пхІвыс дшпагІаскІуаш? — ухІвитІ. ПхІвыс ныжъта, йатахъызтын, лагъи, гІаукІуаштІ, унашва узырчпарквын. Ауи акІвпІ йшаъу. Сара сгвжважвитІ. Датшагъи уыс сымапІ. Йара йшалахъвлауа днардза. Сара ауахъсшвызпшуаштІ.

Ауи ахІа датша гІацйымцІахуата, Дадыщ ШахІым афаэтон тштайрышвхын, АбатагІа апшцІа йгварйыркъахтІ. Ауи йбухар хъылпа цІыргІважъгІа амара нурква

йдрыкIаукIауан. ИчIвычаква саба гIарыквымпIлара ахъазла йжвгIвахъа йтарпаз ауапIа ашIачв афаэтон аквчIвартала йгIакIахвхвауа, ачарх тшахънащуан. Афаэтон йацIахIваз агIвтшкъаракI азакIы азакIы йацIауа рыгъвра шIаква йрыхъуа, амгIвала йыгIвуан.

Тауби йхIвари йчпари йымдырхуата, дызштагIа-джвылцIыз Дадыщ ШахIым дызлагIвхуаз афаэтон даш-тахъпшуа къомракI дгылтI. УацIыхъван, хвырта дукI йыквызшва, йхъа йызгIаштIымхуата, атшква зкIыдхIва-лаз атшхъапара дазцатI. ЙызлакIыдхIвалаз анахвта шгIайыртIлазгъи, атшымгвархъаква шйыргъвгъвазгъи, апщIа йшгIагваридазгъи йымдыруата, атшы даквчIван Ащхъарктла йырхаутI. АбатагIи Ащхъаркти аргван-дзан. ДъадзамгIвайсуазгъи ауи йкъамчы атшы адзарта йгъадимырсылтI. Дадыщ ШахIым йгIайайхIвыз ауи аъарала йгвы йасын, дшазхъвыщуашызгъи йшгIайгвын-йыргIвуашызгъи гъйымдыруазтI. Ауи йдырыз закIын: Дадыщ ШахIым Гъари дичвымыгъпI. Гвымхарала да-нйызхъвыщуазара, гвымхаралагъи йцIыхъва дтагыл-уаштI. Йара Тауби йхъа ацкIысгъи Аджъпа Гъари йыз-хъайцIун. Ауи йдыруан, Гъари зынгъи хъвахъварала гIвычIвгIвыс йышта дштамгылсыз йгъи дштамгылуаз. Ауаса йгвы мачIкI йыгIвбахун. ЙызыргIвбузгъи «Гъари йтахъу ИсхIакъ дапырихра акIвпI» — йхIвата ШахIым йъагIащицIахыз акIвпI. ЙакъвидыргIайа? Гъа-ри зъара цIуайа пхIвыс дйымамкIва дбзазауищтара? Ауи Гващамыда длайгвгъузтын щта? ЙыгъгIанымшас-ма, йпхвыжвхуауа пхIвыста датша заджвы дигахуата? Агангъи йгIаншахъатI. Апхвыжв йа ачвзаба дыргахра ныжъхта, ахъацIа дгIайыцIыркIгIата дгIаргуатагъи йгIаншахъатI. Ауи ахъвыцрагъи дашIауа, Тауби Гваща-мыда астаница амилиция рпны дйырцарныс йгIайзич-паз аунашва рыцIагъи дашIун. Ауи йыгъхъайымцIузтI, ИсхIакъ йымадзаква йпхIвыс йлайхIвырныс. Йауа ухIварыквын, Таубигъи йдыруан, ИсхIакъи Гващамыди агвынгIвра ду рызбжъата йшацымбзазуз. Ауи йды-руан, Гващамыда айхIара лан лпны дшаъаз, йара ИсхIакъгъи запытла астаница дшаъазлуз, дзабадыруаз датша пхIвыскI дшлыщтаныкъвуз. Ауат ахъвыцраква дрылата Тауби Ащхъаркт асовет днадгылтI. ДгIаз-тшыжвцIыз йтшы атшхъапара апны йгылаз Гъари йтшы йадзхъайыргылын йыдихIвалтI. КъомракI апахъ дгылтI, днашылра йтахъы-йтахъымызшва. УацIыхъван, йнапIы-цIакIыз акъамчыла, ахъвыцра тшгIаликъъуызшва, ауы-

рата йагъьма чрыкъв ахъагІва дасын, атдзы днашылтІ. Дъанашылыз аписарь Алексей Федорович шамхъаша дгылума ухІвушта, тшагІвирыхъвахын дагІвкъьауа дхъыччитІ. Гъаригъи дпшвырхъыччауа астоль дадзхъачІвапІ. Шаза Амин, Къарма Зед, ГвыргъргІа Джъамырза атшхІа агвы йыквгылапІ. Йхъыччума, ачІвыуара тшазырчпума, йырчпауа заджвгъи йыгъгІайгвынгІвуам. ЗныкІ ахъазла дъанквынхазтІхІва, аугІа гІвна-та апещ днашылыз тшазидырхын, Тауби ауат салъам риттІ йгъи араса дырцІгІатІ:

— ЙгІаншаз ачІвыйа араъа? АзджъакІ хъыччитІ, азджъакІ аджъаназы йрылагылазшва йгІакІадыржжитІ анашхыйара. АчІвыйа йгІаншаз?

— УгІайгва, угІайгва, Тауби. Дара йатахъдзата угІайтІ! — йхІван Гъари дгІагылтІ. Алексей Федоровичгын «анчва рыцхІа, Христос рыцхІа» — йхІвауа йхъыччара йарагъхІва тшгІалижватІ.

— ЙгІанша ачІвыйа, зунагІва багІварыз? ДзачІвыйа арыгъи христосхІва ймарыцхІу? — йхІвитІ Таубигъи Алексей Федорович йхІвауа ахъыз зчІву йамына лъажъакІ йызнидзищауа.

ЙымчІвауата ауаъа йыгІвназ ачКІвынчвагъи, дахъыхацІых Тауби-хвыц дангІашыл, рпсква рхъыцІын, рнашхква рыцІагъи йырчвкІашватІ. Ауат Тауби уыста йынкъвигуз бзидздзата йырдыруан. ЙкІырныс Гъари йгІайызшІитдзырщатІ.

Таубигъи дчІватІ. Гъари Шаза Амин тшизынайырхан араса йхІватІ:

— Абар ужвы, Амин, швгвжважвауа, азаджв азаджв йыквшвцІауа йшгІахІашвхІвыз акІвымкІва, уымгвжважвауата, йалыргата йшвыргъахаз зымгІвагъи атагІахІахІвх. Амилилиция знапІыцІу йара Тауби йакІвпІта, ауыс йшитахъу йалйыргарыгІатІ.

Ауыс цІолахауазшва йгІазгвынгІвыз Амин, райшата йсхІварыквын, рыцІа йсызгІвапІхІва дазхъвыцуа, йыгІвзачвакввагъи йлакта йтаймырпшуа, дгІалагатІ:

— Йапыжвац хІаргъи мхы ъаквхІпсушыз хІчвагъварныс хІаццатІ. Арат йгІайквваз хІакІвымкІвагъи Дадыщ ГІайсагъи ауи йдзалагІвчва рычкІфынгъи хІыцын. Ауахъ хІъанхуз, цІакІыра залахІа, ахча хІтахъхатІ. ХсомкІ ГІайса йшйымаз гІдыруан. Ауи рабагъи йымдыруата гІвуасакІ шитйыз сара йгІасайхІвхъан. Арукъыз аджъармыкІа дцата чрыкъв йхвгІарныс даштан...

Апещ йГардта йыГвнагылу ачКІвынчваква йрызГла-
лцуаш гырдырам. Йшван, рпсква рхыцІтІ. РыГвза
Амин йХІвауа швабыжта йаздыргІвитІ, кІара али-
рышвтуазтын, дара йацырцахырныс йшХІазыру гІар-
ныпщитІ.

— УацІыхъван, щта, уацІыхъван, — хІва Гъари
ачКІвын дырыгвжважвитІ.

— АчІыйа уацІыхъван? ДадыщргІа гІвычІвГІвыс
хІалаль дрылазтын шваргы йжвдыритІ. ГІайса йы-
хсомкІ гыГІаХІимтатІ. «Швара швгвы шыгыбитІ. Сара
чрыкъв схвГІуштІ», — йХІван хІХІатыр гыЙымбатІ.

ЗакІгы тынчдзата хІчвагъвун. Щыбжъан намдза-
чваскІва хІызлачвагъвуз акІватан акъбаба шІжватІ.
ЦІла щапІыжвкІ йазалын, йГІашІнажватІ, гымхатагы
йарыхъватІ. ХІкыт рыца йхъаран акъвтыр ацКІыс. Ауи
дхІрычпахырныс ауат ржыра апны йыГІатІ...

Ауи йажваква дшылаз ГвыргъргІа рычКІвын
Джъамырза дГІагвжважватІ:

— АкІватан аладхІрычпарыс акІвын ГІайса йых-
сомкІ гІаХІитырныс хІызйыхІваз.

— ЙцІабыргыпІ Джъамырза йХІвауагы. АкІватан
аладхІрычпахырныс акІвын йызГІайыквХІуашыз. Йы-
гыГІаХІимттІ. ЙшаъазлакІгы акъвтыр хІцатІ зымГІва-
гы. УандыркІ ацІаХІХІван хІалацатІ. Мурат рыца
дхІайцІбанта, ачкІва дырхъпшырныс дГІаныГІжын
хІцатІ.

ХІъанайыз ажыра аркІыпІ. Ажый Карецка Миха-
ил дъабзазауа зымдырхуазда? ХІйыхІвата дГІаГІдырныс
йара ауандыр хІшаквчІваз зымГІвагы дъабзазуз хІы-
зцатІ. ХІкІватан йчпахнацКІъара ауи йыхІтуашыз ача
ГІайгырныс хІыуа заджвы акыт дГІаХІштихуашын.
ХІаншІты агІан гІвхъачвакІгы йара ажыгы, пХІвыс-
кІгы, ауи йпХІвыс лакІвзапІ, гІаджвылцІтІ. Уыста
йХІымаз йаХІХІвтІ. Ауат зымГІва гІаХІайгвыргъачІва-
уа зымГІвагы хІдрайгватІ. «ЙгыХІтахым, хІгвжва-
жвитІ, хІГызнашылуашым» — хІХІвазтІХІва, йгыры-
муытІ...

Алексей Федорович ахыччара датананаухвхтІ. Ауи
йбжбы ймырдыуа, йжвГІахъаква йчвГІахъапалуа,
дГІагылын анахъани апещла днашылтІ. Гъари тшичХІун,
дгымхыччузтІ. Тауби ауат зхыччуз гыГІайгвнымГІв-
уазтІ. Йауа уХІварыквын, ачКІвын йХІвахъаз хычча-
хъваракІгы гыаламызтІ ауи йыхъазла.

— Њїанашылаз, — йхївїтї Амин, — чара-жвѣра
рчитї. Апещ йшыгївнашвуз йгылаз астал аураду
їадзхѣамшвауата хѣачвагѣи пхївысгѣи адзхѣачївапї.
Зымгївагѣи хїрахщапачвадзата хїырпхѣадзауа, ршїа
гвагївара хїтадырчївауата йгїахїаггвыргѣытї. Ахїбачѣа
рыцїа йтхѣатї. Айцїбачвагѣи арыла ашвла тшгїаркїын,
чїварта гїахїыртатї. Астоль йыквымшвауата рызкѣы
азнапї. Аквпїи дуква йрызната звар ртапї. Ачїахѣва,
ажы; акївтїуж щардапї. Йара аунагїва зчїву ахѣацїа,
хїара хїыззцаз ажїый, йнапїыла йхїзыгїатайчван ас-
таканква, адзыжвга дуква йрызната аркѣа хїирыжвтї.
Хїайда утхаджѣуашызтын, утхаджѣ! Атхаджѣымгїва
хїалата хїшчїваз Зед дгїасцїгїатї араса: «Ани Гїайса
лацїаркївакїва йкїартї араѣа йызкїыдїа?» — хїва
Мцы кїара аласцїузтын, йара йхїварыгїатї, дабар дѣа-
гылу.

Йѣасїырбазла спшызтын, хїпахѣла ашвымгѣыцїара
апны цїабыргыта Гїайса йкїарт кїыдта йызбатї.

Анѣва йыхызла йсхївїтїта, йхѣашвцїа саргѣи ауи
йызбаз Дадыщ Гїайса йкїартымкїва йшхѣасымцїа.

— Уара йшутахѣу йчхїа. Ауаса ахсомкї гїахїитыр-
ныс хїхїатыр зымбаз Гїайса-лацїаркївакїва йкїарт са-
цїачївата ауи дсыргїачївауазшва сара йшсзымчхїуш
ныха! Саситїта йкїарт гїакїыннасыргитї, — хїва кѣомкї
анцїы Зед дгїацїрытї.

Ауи сара йгѣызызмутї. «Данрайгвазара, йкїарт гїа-
кїыннауыргарыквын, ргвы йаспї. Йхїдрыфуа арызкѣ-
гѣи хвыкї амазара атахѣыпї», — схїватї.

Зныкї ахѣазла Зед тшщаквїкїын, кѣомракїгѣи тын-
чта дчїван. Ахѣышвла спшызтын, йхѣвладзахѣатї.
Хїгїайхра атахѣыпї. Сыгївзачѣва гїасыргылхырныс са-
хамдзауата, Зед адзыжвга азна аркѣагѣи йнапїыцїакї-
та араса атагїасайхївхтї:

— Шаза йпа, уара йутахѣу чпа. Ауаса сара Гїайса-
лацїаркївакїва дгїакїыннасмьргауата сгвы гѣчївушым!

— Уйыс, щта! — схїватї саргѣи, йажваква ауи ахїа
йсзымчхїахуата. Йакѣвыздыргїазїа сара, ауи апш кѣа-
зауат Гїайса йкїарт йгїахѣшахѣыцїуашта? Ауи аѣара
дакїыхуазма? Адзыжвга кѣайчїва ду йымаз йрыхын-
хївтї, далакшан, акїарт гїакїыннайыргатї. Швызма-
джѣануайа?—рхїватї, акѣазакѣква гїаштїчїван, ауаѣа
зымгївагѣи, йшыжвдырхѣаз апш бзита йгїахїыквырщтї.

— Ныха схївїтїта йшшвквнагу,—йхїватї Тауби, ач-
кївынчакѣа йырхаз акѣванчагїара ахѣазла ауаса

акъзакъква йзырзакыз зачѣву рыца цѣолата йгѣайгвынгѣвуа.

— Къармаргѣа йрычкѣвынта ари йгылугы, ауи дзыргвышхвас Амингѣи акѣарт Гѣайса йчѣвыта йхъарцѣарные закѣгѣи гъазхѣвам, — йхѣван ачважвара дгѣалалхтѣ, ауахъауыла апещ йгѣаджвылцѣхыз Алексей Федорович. Дадыщ Гѣайса йлакта, аурышкѣва йынкъвыргауа, анчва швабыжта йшырпшыпѣ. Йшвтахъызтын, ауи асурат. зну айкона дадшвыргылта бзи-бзи швипшы.

— Йзырайгвата, йгѣарчѣазхѣквас ауат шапшу акъвырдыргѣайа? Дара нчвата йыззхъарцѣауа ауи зсурат нкъвыргауа йакѣвпѣ. Анчва дныжхѣта, уара уаргванкѣ йкѣартта ууонагѣва йынкъвыргауа йаста йгѣакѣнырцѣарыквын, уара йухѣвушѣа? Гъари йгвыжкѣѣра йалахѣун. — Ауи акѣвпѣ акъвтыр ржѣийгѣи гѣвза дѣыцѣта дхѣызгѣайта йзашшыз. Йбзирума ауат йырчпас? Ауаса ачкѣвынчва хъагажкѣва айкона зачѣвыз шрымдырыз, ауи дара бзи йрымбауа Гѣайса йкѣартта йшрымадзыршаз агѣылахѣва йгѣаргвынхѣыргѣытѣ. Ауи ахъазла, гвы ахѣимрытуата йара алацѣаркѣвакѣва гвымхагѣи, уыскѣла дхѣтахъызшва, йгѣайызшѣыхѣтын ддхѣырбатѣ. Йрахѣхѣвыз хъарцѣазшва йаѣапѣ. Йхъарымцѣадзатынгѣи, тшщаквыркѣын йцахтѣ. Арат йырзыхачѣвѣа ужвы?

— Ачѣвѣйа йырзухауаш? Йамыкѣвра ззырхаз таразта йырчпатѣ: рынчва йсурат гѣакѣнызцѣаз агвымха, бзитагѣи йыквырщын, адзкѣвий дтадрышвтѣ. Ауи дыззашѣамкѣыз ашѣагѣварахѣквагѣи, дѣргѣи йырхѣвахитѣ, къалмых тутынта йшдырпѣапѣаз. Сара йшызбауала, ауат рквнага дара йцѣабыргыта йанырцѣатѣ, — йхѣватѣ Тауби, ачкѣвынчвакѣва ркъванчара гѣазлыцѣыз шымдыршару гѣайгвынгѣвын.

— Момо, Тауби! Ауат рѣшымдырхра маджъанракѣва ауаса йрыгѣвщт йгъауашым. Ркъванчагѣара рымшвакѣва амаль гъамам. Йырзыхачѣву уара йудырхпѣ, — ауи йхѣвауа Гъари дгъадымгылуазтѣ.

— Йатасхѣвахитѣта, — Тауби йажва ацѣыхъва йнаймырдзауата, Гъари, Амингѣи йыгѣвзачвагѣи джвылцѣта йшгѣарызпшуашызла унашва рзичпатѣ. Ауат анджвылцѣ агѣан араса йхѣватѣ:

— Ауат рыхъазла хѣара унашвата йхѣчпас ари акѣвпѣ. Йапхъахауата, зымгѣвагѣи йшацу йацитѣта, дара йшырхѣвауа апшта, Гѣайса-лацѣаркѣвакѣва йкѣартдзырщата, рынчва йсурат ѣагѣакѣнырцѣаз йрхѣвитѣ,

йырнапЫцІшаз рыздыргІвахырныс ахъазла: Ауат мдыршарала йшгІващаз, йамудзауа шырнапЫцІшаз рхІвахргІатІ. Ауи ахъазла дырцхърыгІарныс, дырзахІварныс дабар Алексей Федорович дрыццарныс йара йхІвитІ. УацІыхъван ауат йырквнагу сара бзита йыздыритІ...

— АчІвыйа, ауат анахІвахра амцтахъгьи йрызгІау-хъвыщхыз, — йхІван Тауби Гъари дицІгІатІ, йарадаъа ауыс цІыхъва адраууата йъандыргІалхуа дазыразхауата.

— УацІыхъвани? УацІыхъван ауат зымгІвагьи дзы хъвдсыркІылуаштІ. ХъызкІъатІ Дадыра йгІайыквхІхыз адзылу адзхъвкІылартаква пхыжвжватІ. Дзыта йазгІайуа ачарх агІылахІва йхъыннархІвитІ. АдзгІайырта зымгІва ахъвкІылартаква рдарахра атахъыпІ. Ауаъа йынхарыгІатІ йалганацІыкІъара. Нхашата йрыхІтуаш асовет йхІмапІ. Ркъванчарагьи ршвахпІ рынхарала, акытгьи сабапра азырхапІ, даргьи ачакІ гІарынхапІ.

АчкІвынчваква унашвата йырчпаз швабыжта йазы-разта йамцЫцІхтІ. Йара атшын йахърымгауата йа-хІвахырныс акъвтыр дрыцдырцарныс Алексей Федорович зымгІвагьи йыхІватІ. Ауат йамыкІв зархыз ауна-гІва шдыргІачІвахуашла йангІалтІ.

...Тауби йлакта гвасра шгІаныцІуаз йаъащаквала Гъари гвы айтхъан. АчкІвынчва руыс йъадзалаз закІгьи гъйымхІватІ. Ауат апщІа йангварырщтх агІан ауи Тауби дицІгІатІ:

— ЙгІаншах ачІвыйа ужвыгьи, Тауби? Ушызбау-уала, дара уклгвапІ. ЙачІвыйа угвы йасуа?

— ЙгъцІаскІуам. Сгвы кІара аситІ. Ауи уасхІвыр-ныс, суйайкъангъашырныс ахъазла акІвпІ сызгІайыз. СуайгвгъитІ, ауи йалудыргІауа зымгІва, закІгьи сы-гІвумгауагта йгІасаухІвырныс,—йхІван Тауби дызкв-чІваз арымдзагьи найрыскІъан, аргваныта Гъари дйыдз-хъачІватІ.

— Уари сари йабахІымхІвуа мадза шхІызбжъам удыритІ. Ауи акІвымкІвагьи, уара ныжъхта, сара да-тша заджвгьи гвагІвгара йзысчауата сынцІра сгъима-чважвастІ. ЙхъауымцІахуазтын ужвы ауи, суыхІвитІ йхъауцІарныс.

— ЙауыпІ, йауыпІ, Гъари! Угвы йауымрысуаш ауымрысын. Зынла суцІгІитІ, ухъатала Йагъыб йпа

ИсхІакъ гвыжвѣра кІара йызуымѣзма йа йара ужвы йызуымума?

— Апхъала йыгъызсымамытІ. Ауаса ужвы йызысмапІ.

— Йауа?

— Абджьар йымата ауѣла рвласть дапшагылата дъайсыз, ауи ацІапитшырныс дъабандаз ахъазла, йгвымхарала хІкытлагІвчва ѡайжъаз ахъазла, ауат ѡайыквдзыз ахъазла; — джьюапта йайттІ Гъари; йзай-хІвуаз Тауби йлакта райшата дтапшуа.

— Ауи датшауыспІ. Ауаса йѣлауахвырквын, ИсхІакъ саргы гвыжв йызысмапІ. Сара сзуцІѣауа ауи гъакІвым. Сара сзуцІѣауа йари уари швхъатаквдзала кІара амашвкІыта, йазшвмыргІвахуата швгъѣамма?— йзцІѣара рыцІа йырайшатІ Тауби.

— Момо, саца! ИсхІакъи сари ауи апш уыскІгы гхІызбжъамытІ.

— Ауи йтагвжва Гващамыда лыхъазла кІара гшызыбжъамызма?

— Момо. ЙѣхІызбжъамытІ. ЙцІабыргыпІ, санчІкІвыныркІваз агІан... — дѣлалагатІ Гъари. Ауаса Тауби ауи йажва апикъбатІ.

— Ауи шакІвшаз саргы бзита йыздыритІ. Датша, датша... Ари акыт угІайхищтара, хІхакв угІаталхищтара йхъацІарала дуырпудырныс, йтагвжва дѣлайыцІукІѣарныс угъаламгама? — йгвы йтаз азцІѣара райшата йыргылтІ Тауби.

— ЙухІвауа зачІвыйа, Тауби. Йауа? Сара сгъабаза-хъацІамма, гІвычІвгІвыс йунагІва ахъспсарныс ацІыхъва сызтагылуаш? СгІазлыцыз аджъамгІатгы йсырхІварызйа ауаса саъазарквын?... — йхІватІ агвыжвкІра йнанауахвуаз Гъари,—арат йѣасаухІвуа ажвакв уара угвы йѣатыцІуазтын, Тауби, уахъчІва йнанаркІыта уари сари...

— Зны, зны уымгвжважван, саца, сурыхъарарныс. Ауи ахъазла гъакІвым сара сызуызгІайыз. Сара сызуызгІайыз ауыс, йгы ауи йацта, уара ууыс шаѣу саргы йссырдырныс, уаргы йусырдырныс акІвпІ. УѣадзыргІвы!..

— Момо. Сара йуасхІвуаш уыргІата, саргы суыздыргІвыпІ,—йхІван, Гъари йыгІвза нбжъагІв араса йзацицІахтІ. — АбатагІи апны суд сывкырхата ахакв стыргыщтарагы Иналь йпа Тамщыгв йпхІа зынза-

джвыкІ ахІа сыгълыквымпштІ. Йара ауи агІангы сыл-
шІамшвазарквын, йсынасыпын. Ркыт анГІахІырхвит-
хуаз агІан лаба дырщытІ. Ауи йпсхъа дадзхъагылата
дызбатІ. «Саба-тІакІв йпсхъа кІварыкІ йтадумырры-
швын, Гъари спсы зхъашваз»,—лхІван дГІасыхІватІ.
Датша ажвакІгы гыГІасачвалымщатІ. Ауагъа йГІашІа-
рышвтагы, жвахъадза ауи лунашва рчауата йгъсым-
гІатІ. ЙцІабыргыпІ, жвахъа дунейахрат ажвала йсай-
щчву ЧІвачІва ТІатІи Зуфари хІысасын. ТІатІа Гваща-
мыда ахщата дичпата йагъапІ. ДлылачважватІ. Саргы
йызгІатІ.

— Дшпалылачважва? Уажва наумырдзума—
йхІватІ дахІвауа Тауби.

— ЙшпауасхІвра, саща? Гвыщамыда, лхъацІа айсра
дагъата данджвыквыз, Дадыщ ШахІым хІвайчва шыл-
зищтиквуз гІайгвалашвахуан. Ауи ШахІым дйыц-
царныс ахъазла дихІвайырныс гІван-хынкІ йара ТІатІа
дшйызцаз йхІвахуан. Саргы сГІвычІвГІвыспІ, ауи лани
лаби дырзыхІырцахуата, Барабаш йчвахырта апны ап-
хар анГІахІгвыквс йГІарщыз ачкІвын харзына, ТІатІар-
гІа рахщапа ХІамид, сгвы ауралагы дштымцІуа
схІватІ. Ауи сгвы дшпатысщтра, дызквыдзыз сара шса-
кІву аныздырузара?

— ЙухІвауа анцІабыргызара, Гъари, ауыс сара сша-
зхъвышуа акІвзара атахъыпІ йшагъу. Уара уунашва
гвымхарала йыргата, Дадыщ ШахІым йара йтахъкву
аквйыршвара йтахъыпІ. Ауи акІвзара атахъыпІ... Арахъ
йсхъаштылхыз. ДгъащГІаз ачымазагІвхъпшырта апны,
ИсхІакъ дырщырныс акъамала йысыз дзачІвийщтІ? Са-
ра йшГІасгвынгІвызла, ауи ауыс ШахІым уара упныла
йГІайыркшауазшва дагъапІ. Ауи ушпапшуа, Гъари?

— УГІай, суыхІвахитІ, Тауби, арат ауыс пІайраква
гІаспызщылуа урыцымчважварныс, — дГІагвыжвкІдзатІ
ауагъа Гъари. — Ауат зымГІвагы гІасыдицІара Дадыщ
ШахІым йзитахъу сара бзита йГІасгвынгІвитІ. Ауи уар-
гы йудыритІ. Йаща хъагажв ХІарун йхаз агвымхара
сара рыцІа бзита йгъаздыруа ахъазла рыла сапырыхра
ртахъыпІ. Ауаса майрата сгырзапырхаум. Ауи акІвпІ
ауат зымГІвагы заларцІауа. Йтахъдзу йчпарыгІатІ.
Схъылпа йзырчІвапІ. АхъазГІваца йгырхІвум джкІа
зфаз дзы йжвхитІ-хІва. Йаща ХІарун йцІыхъвагы
сыгътагылам. Сызтагылам, йатахъызтын сарадгъагы
дшГІараууаш здыритІта акІвпІ. Саба йащажв, сара

сзагІзахыз йпшы йгІайын йгІайыхІватІ, ХІарун закІы-
лагъи сйымзарархарныс. ХІарун длазтІхІва, сара сыгь-
лам. Заджвгъи йсабиква дырхъскІгІара сгъаштам.

— ЙауитІ, шта, саца. ЙухІвауа щахвпІ. ЗымгІва
хъасцІитІ. Ауаса ШахІым закІылагъи йызхъауымцІан.
Ауи ахъацІа бзирала уцІыхъва дыгътагылам. «Йалу-
дыргІауайа?» — хІватагъи угІасымцІгІан. ЙахъчІва
йсырхъйарныс унашвата йсыму ацкІыс уыс баргвыкІ-
гъи сара сгъашІамшвастІ. Тамщыгв йпхІа дскІыта
астаница ддсырцара атахъыпІ. Ауи ужвы дъану лан
лунагІва йахъчІва йгІарпшгІатІ, йырхІвынчІатІ. ЙсхІа-
къи йыгІвзачви ауаъа абджъар чІвахы рымазлауата
йаъанхІва акІвпІ йызгІарпшгІаз. ХІара йхІыуата йан-
гІарпшгІуз гІвыджъ рылан. Ауат йшырхІвауала закІгъи
гъгІармаутІ. УацІыхъвангъи Гващамыда лыхъазла ауи
апш унашва сзичпатІ Дадыщ ШахІым. ЙхІваз смыр-
хъйакІва сгъахвитым, — йхІван Тауби, йтахъдзамкІва
агІагылхра тшазичпауа далагатІ.

— ЙсхІвуш гъсыздырам, Тауби. Ауи хъацІа. Райша-
та йсхІвапІта, ауи апхІвыс швабыжта йгІапсахъу
дшгІвычІвгІвысу сара йыздыритІ. ЛгІапсара апны
слымцІасрагъи алапІ. Ауаса ауи йайхІата дызрыгІапсаз
ахІ Иналь йпа Тамгвыщ дъайпхІу акІвпІ. Граждан айс-
ра ъадзанызгъи, йлызниюашыз лымдыруа лымшгъи
лыуахъгъи мыждарала йылгатІ. Айсра аналгагъи, йшыр-
хІвауала, лунагІвала дгътынчмызтІ. Йбандитта йыр-
кІыз лхъацІа йызала ужвы ларгъи дыркІыхуазтын, ан-
чва йдыритІта, ауи дшгІацымхара ларгъи. ЙалдыргапІ.
Лъажъадгъа заджвгъи дгъырщуам. Ауаса сара йхъас-
цІитІ ауи арыцхІа лъажъакІгъи шлымам.

Таубии Гъарии райчважвара ауыла йашІадрыстІ
зныкІ ахъазла. Тауби, йгшы даквчІвахын, АбатагІала
йырхаухтІ. Гъаригъи асовет ауысынкъвгарта дгІа-
джвылцІхтІ.

ЙЫРЗЫЦІАМКІЫЗ АУЫС

Унашвата йаъаз апкъ йыквта йалахъвлагІвацатІ
акІвын гІвмилиоционерчва цан Гвашамыда тшыуандыр-
ла астанлица днардтІ. Дъадырдалыз Дадыщ ШахІым
йъайхІваз амилиция руысынкъвгарта апны акІвпІ. Ауи
атдзы астанлица аквтабырг йгылу акълиса ду йгъачвы-
хъарам. ГІвбата йаквгылата астанлица ду апны йаъу
хтдзызаджвыкІ ракІвпІ. Ауат йруу закІыпІ. амилиция

ауысынкъвгарта ъану. Ауи ацІахъ шабгугъи гІвбата йхъвкІылу пешквaпІ. АкъванчахагІвчва йрыуата амилиция йгІаркІквaуа, руысква алдырганацІықІара, ауат апешквa рпны йгІвнаркІитІ. Азджъара ахъачва, азджъаралагъи апхІвысква йырзалхпІ.

АпщІа дантшкІарарда агІан, йлыцыз амилиоционерквa рыуа заджвы дгІалыдхалтІ. Ауат агваны йшгылаз ауахъауи азаджв атдзы днашылтІ. Ауи дымкъвауата дгІаджвылцІхын, Гващамыда атдзы днайдылтІ. Дъанайдылыз атдзы акІалыиндор апны кІарахІва йыбгъата заджвы дгІалыдгылтІ. Ауи йгвытшпы йкІыдыз аджъып швъабыгъъ хвыцкІ гІатихын дапшуа, Гващамыда дгІалцІгІатІ лткъвымхъыз, лыхъыз, лабахъыз зачІвула.

Гващамыда, архІара йгІалылхын, ауи джъауап йылтра гылылымшузтІ. ЙшІаркІваз ачкІвын, йажваквa ймырчвгъауата, тІатІадза датагІалцІгІахтІ, «бткъвымхъыз, быхъыз, бабахъыз зачІвыйа?» — йхІван.

РыцІа тшгІабызтхыз Гващамыда ауи йазцІгІара джъауап алттІ. АчкІвын Гващамыда ауаъа дназдылыз гмилиционергъи дгІаджвылиштхын, акІалыиндор армала йлаз къанджъал зхъкъаз ашв гІайтІын, ларгъи апщдыгІвнайкІытІ. МачкІ анахъыцІ агІан йлащцараз апещ апны чвартагъвы мцыракІ аблын йшыдгылаз лбатІ. Агваны йаъаз амыз зджъарала йхъвацІакІызынгъи, йарылашаруз ажвгІванд апещгъи мачкІ йарылашарун. Ачвартагъвы дыквчІван Гващамыда йгІалыжвлыз лчІвыуара лырхвиттІ. Ауи дызчІвыуаз уахъынлата йылхъазыта апещ мцыра хъшвашва дъагІвнаркІыз йгъахъазымызтІ. Ауи дызчІвыуаз лъажъакІгъи рымамкІва ртыдзгъи рыпщцІагъи ъарпшгІаз, йъархІвынчІаз йгъи закІылагъи йлымцІгІауата дъагІаркІызгъи алан. ЛъажъакІгъи лымамкІва дшаъаз тшазылдырхуанта, дыззыркІыз Иналь йпа Тамшыгв дипхІата дъагІайтынхаз йаквылцІатІ зныкІ ахъазла. Ауаса ауи дшипхІазгъи рдыруата, тынчдзата дшдырбзауаз бзита дазхъвыцхын, дыззыркІыз йылхъацІаз, шта, шта, накъахІла йылхъацІата йаъаз Йагъыб ИсхІакъ йыхъазла шакІвыз гІалгвынгІытІ. Ауи акІвмызтын ауат ртыдзгъи рыпщцІагъи злархІвынчІушыз датша закІгъи гъаъамызтІ. ИсхІакъ абанда дрылата, хвырта йыквшвата амилиция дшгІаркІыз Гващамыда йылдыруан. Йхвырта дамгарыгъи, ауи йа щра шйыквшвушыз йа сквшщарда атутанакътара дштадырчІвуш ауи йылдыруан. Датша ауи ИсхІакъ

йуыс закІгы гьаллымдыргІузтІ. Айсра алгата дгІайхищ-
тарагы йаунагІвакІта йгылазтІхІва, ауат гьацым-
бзаузтІ. ИсхІакъ дъанхузгы фатар йымата дъабзауз-
гы астанаца апны акІвын. Гващамыдагы айхІара лан
длыцбзаун. АгІидква агыкьва рагІан йгІаншун, ИсхІакъ
согІа тшытмыткьвакІгы йымата, атажв лпны напІкІра
йа бачІвбара дангІашылквуз. Ауатква рагІангы ауи
дгымыкьвузтІ, ласы дцахлун. Дпхъарныс дангІанхузгы
йчварта асасырта пещ апны йзырчпалун. Лан дъазгІва-
дамыз ахънаргагата йылчпалунта, Гващамыдагы ауи
дылчвалагІвызазлун. Ачвартагъвы мцыра дтачІвата
ауат ахъвыцракви лчІвыуари ацагІвылшауа, агІапни
апхни йгІарбжьаллауа ацІх ауыраква рыуа закІы Гва-
щамыда ауаса йлыршатІ. Ашв апныдзагы днаскІарныс
дшвун. Дадгылырквын, ауи гІазыркІыта ацІапха гІаз-
тыз ачкІвын дгІалайхсуашдзылшун. Апещ бзита йгІа-
лашарахатІ. Арахъва агвыр йкІылуда ауашта зымгІва-
гы бзита йубитІ. Агваныла йлу айха хар зпыру ахъышв
хвыц чІвыца гьламта, ауахъ агваныла йгІаныкьвауа
ауандыр быжьква йхъаразтынгы бзита йылгІитІ. Ры-
цаггы бзита йылгІауа агІвна цІисква рхІвачвара
акІвпІ.

ДъагІвнакІыз ашлуна пещ йгІагІвнамкІкаргы,
емара шгІатшкІарыцІхъаз гвы алтуата, ацІапха гІад-
рыхІвачван, ашв гІартытІ. ЙгІашылыз унашва гІал-
зичпан, Гващамыда дджвылидатІ. Ауи йауырамыз
ачвымла хъалыртала атдзы йыгІвбахуа акьгыларта
дхъардылтІ. ШвыкІ гІайтын, йара днамшылуата,
дйыгІвищтуа Гващамыда днайжьылтІ. Ауаъа, йхъагы
гІащтІимхуата, астоль ауахъауыла дгІадзхъачІвата
хъацІакІ дьгІвнан. АхъазгІваца дйыкьпшгІвацара
акІвымкІва, ауи йыкьтІта дгымпшызтІ, дзачІвыз зынла
йыгьлымдыртІ. Йылчпара лымдыруа ауи кьомракІ дгы-
лапІ. Ахъацаггы закІгы гыхІвум. УацІыхъван ауи
дгІагылтІ. Астоль дгІадзхъыцын, дзхъала дгІагІвсуа
араса йхІватІ.

— ЙхІзыргІва, Гващамыда. Йахъа швунагІва быгІв-
намкІва араъа йъабыкьхІыршаз ахъазла. Сара саъата
бгІардзарквын, ауаса йгьамылуашызтІ. СаъамкІва бан-
гІард, йырчпара гьрымдырызтІ апещ мцыра йбыкьдыр-
шатІ.

Ауи дзачІвыз зынла йыздырыз Гващамыда лтшдырра
лхътыцуа дгІалакІаызытІ. ГвымхаракІ лзимхаргы

Дадыш Шахым ауи зджъара йгланымхауага дылчвымгъын. Дылчвымгъын йщларкIвата, йара дсахIвтата бтыр кIылхра рыпщIа дтшкIаралуата данылбуз аглангъи. Дылчвымгъын рыцIа йдухата ларгъи дъадырцалуз ахъвмарракви ачIапщаракви рпны данылбарызгъи. «ДсыцгIайуашызтын сгвыргъьачIвауа дгIазгуаштI» — дйырхIвауа хIвайчва анищтий аглан йгланIарышвта дичвырхIауа дцатI. Бзира лзигвыгъата ауи йпны дшгIадимрыдыз гIалгвынгIвуан Гващамыда. Гвы лчпан йара йапхъа лара араса дицIгIатI:

— АчIвыйа ари адуней ду апны гвымхарата йшвзысхаз? АчIвыйа, йсхъу акIасгъи швампышуата, араъа сгIадшврыгта, схъаззаджвыкI ашуна пеш мцыра апны сызшвыму?...

— Ауи хIара хIацкIыс бара рыцIа бзита йбдырра атахъпI. ХIызлабцIгIауа зымгIва ацIабырг йыквта йгIахIабхIвырквын уандырла бгIаргызтынгъи фаэтонла бдсыргахпI, — йхIватI Шахым, йажвакIва гвауаракIгъи гIарнимщтуата. УацIыхъван, йара дыздзхъачIваз астоль йадзхъагылаз арымдза лйырбауа «бчIва» — йхIван унашва лзичпатI.

— СгылазтI, йачпара гъаъам, — лхIватI ларгъи псайспадза.

— БхъацIа бандит йунагIва быгIвната йбымбаз араъа... БчIва рхIвазтын, бчIва! — йхIван Шахым дгIагвыжвкIтI.

— УыггIвычIвысымма? ЙуызкIашва зачIвыйа, саразыан? — лхIван Гващамыда днаскIван, йгIалйырбаз арымдза дыквчIватI.

Шахым швъабыгъыгъи къарандашгъи гIайахвын, ауи дылцIгIауа далагатI. Джъауапта йгIалтуаз зымгIвагъи ашвъа йаницIун: лткъвым, лыхъыз, лабахъыз, дангIадрийыз запш сквшу.

— Сткъвымхъыз сабала — ИнальргIа, накъахI зласымула... накъахI зласымула ЙагъыбргIа, — лхIватI Гващамыда, лхъа гIащтIылымхуата.

УацIыхъван АсхIад, акъарандаш шхъвала астоль даквсуа, закIгъи йымхIвауа, къомракI дчIван. Ауи амщтахъ рыцIа тшйыртIатIауа датагIалагахтI.

— БгIадзыргIвы, бзи. Сара сгвы шIыгъьуата араъа сбачважвауа сгчIвазлушым. Ауыс зкву ари акIвпI: бхъацIа абанда дрылата дгIахIкIытI. ЙцIабыргыпI, ауи хвырта йыквпI. БалахIла дзайгвыгъуз йыгIвзачвакIва

данхвха агІан хабаргы дыгърымбахтІ. Ауди акІвпІта йшау, хІара йгІахІабхІвырныс хІтахъыпІ, ауди йыгІвзачва зачІвкву, аут рабджъарквва ъакъарчІвахыз. Аут бымхІвузтын, ага сгвы йасуашызтынгы, швпны бымцахырныс закІгы гъазхІвам.

— Абджъар къачІвахызма йацы хІыкІадыгв анахъщерышвтуаз агІан швыззыпшгІуз? — лхІвауа йджъалщауа йгІаштІылымхуаз лхъагы мацІкІ йгІаштІылхын дщІгІатІ Гващамыда.

— Араѡа йацІгІауа сара сакІвпІ! Бара азцІгІара джъуап гІабтра акІвпІ йбборчү! Ауди бхъбымраштылын, — йхІватІ дщаквІыта, ауаса йажваквва аквйырчІвачІвауа ШахІым.

— ЗакІгы гъсыздырам. Сара йыздыруа ари акІвпІ: арат асквш къомкІгы сан лпны саѡапІ. НакъахІла йсхъацІу ИсхІакъ дыгъсыцбазум. Ауди мадзата йынкъвигаквваз ауысква сара закІгы гърылыздыргІум.

— Ауди йбхІвауа мцыпІ. ИсхІакъ бан лпны бъанүгы дшбыщтаныкъвуз зымгІвагы йырдыруан. Ауди йацта бан лпны бзираѡазлузгы ужвы бзита йгІахІгвынгІытІ. Бзичва бибачвунта, бхъа йхчара йтахъын.

— Ауди сшибузгы дшызбузгы здыруа анчва заджвыкІ йакІвпІ. Ауди датша заджвгы йгыдыруашым. Ауаса йцІабыргыпІ йара ужвы йѡагІадзазгы накъахІла дсхъацІапІ, — лхІватІ Гващамыда, ШахІым дызлагІалцахІалыз, дызлайыркъванчара йтахъыз, ИсхІакъ йуысква лдыруата шакІвыз анхъалцІа. — Ауаса йатасхІвахитІ, гІвзачвата йымакввазгы, йырмурадызгы, абджъаркІара нкъвыргузтынгы йшсымдыруаз йгы йшсымдыруа. Анчва дунейнахвзаджвыкІ йыхызла суыхІвитІ, ауди хъауцІарныс, ура угІазлыцІызгы дшымсылману хъауцІахуазтын.

— Йахъбымцан банчважвауа! Съамсылману ахъазла сдыргІачІварныс араѡа сгъдмырчІватІ. Сара йынкъвызгауа къралыгІвауыспІ. Ауди йгІасыхъвдаквнацІазла акІвпІ сызлабцІгІауагы, — йхІватІ ШахІым, йара хвытѡ йыму, йынкъвигауа ауыс щардагы йшрызхъарымцІауа йгы йшырзынкъвымгуш Гващамыда йылйырдырра йтахъыта. — ЙатасхІвахитІ. БхъацІа йыгІвзачваквва зачІву, аут абджъар ѡакъарчІвахыз гІахІабхІвра акІвымкІва датша закІылагы бцІыхъва хІыгътагылам.

— ЗакІгы гъсыздырам. Йгъсыздырам закІгы. УгІвычІвгІвысызтын... — ауди лажваквва рцІыхъва днамдза-

уата ашв гІайтІын заджвы ШахІым дджвылидатІ. Ауди дзачІвыз, лыщтахъ ашвла йнарханта, Гващамыда йыгълымдыртІ.

ШахІымгьи дйыцымкІва датша заджвы дгІашылын Гващамыда дджвылидахтІ. Ауди ажва заджвыкІгьи йымхІвауата дйырцан ауахъ дзыгІвназ ашлуна пещ апны датагІвнакІхтІ.

Дадыщ ШахІым дгвжважвауа афаэтон ацІадйырхІвун. Ауди Псхваба днадзата йгІайархІвыз ахабар ацІабырг ййырдырра йтахъын.

УадыргІвана атшын щыбжъанква рагІан акІвпІ ШахІым йынхарта дангІадгылх. Дъацаз йгІайархІвыз ари аквпІ: а тутанакътара ачымазагІвхъпшырта йщтІаз Йагыб ИсхІакъ дпсытІ. Йыквыз ахвыртаква дыргатІ. АчымазагІв рыцІа йызхъантата йгІацІцІыз хІвапс хвыртата йыквыз акІвпІ. Унашвата йшаъазла ауди а тутанакътара йпсквауа ъацІарцІауа апны дыцІарцІатІ.

ШахІым ИсхІакъ дшаъахмыз Гващамыда йылырдырра йтахъын. Ауаса ауди йара дъагІадйыркІыз ахъазла йлайхІвырныс йгызамайквуазтІ. ДгІайымкІыскІва ахабар гІайадззарквын йшичпушыз ауди йдыруан. ИсхІакъ йткъвымлагІвчва зджбакІквата йрадирыхІвауашын. Ауди Гващамыдагьи ласдза йгІалдырдырхуашын. Гващамыда лгІакІра дъазыгвжважваз дайгІваджъхуата ШахІым йынхарта пещ днашылхуата, унашва рзичпатІ. йкІыта йрыму апхІвыс йшаквнагу апш ддырчарныс. йгьи уацІыхъван йынхарта апны дйыздырцарныс.

ЙгІванхауата ауат райчважвара Гващамыда дшгІардылуаз зынла ШахІым йгІаджвыквцицІатІ.

— Адуней апны гвымхакІи гвымхакІи зынгьи йгъбартынчуам. Ауди аугІа йцІабыргдзата йырхІвитІ. БчІва Гващамыда, гвжважвара уыскІла сджвылырдан, хІайчважвара ацІыхъва йгхІзынамырдзатІ. Атшквагьи ацІахІвата йгылапІ. Ужвыбырг бдырцахуаштІ. Рейша бъагІаджвылырдаз швтдзы быгІвнардахуаштІ.

Гващамыда зны дкъапщхауа, зны дшкІвокІвахуа дчІван. ШахІым йхІваквуз дрыздыргІвуан. Лара закІгьи гълымхІвузтІ.

— Арахъ, Гващамыда, анасагьи арасагьи ауыс зкву бдырхуаштІта, бгІадзыргІвы йгьи тшырбагъа. Бара йшбхІвауала, накъахІла йбхъацІу ИсхІакъ дгъаъахым. ДъащтІаз ачымазагІвхъпшырта апны жвацы дпсытІ. Ахвырта чвгъа, акъама ахвырта дагатІ...

Зныкі ахъазла Гващамыда, Шахым йажвакѡа йґарныщѡуаз гґалгвнымґѡуазшва, кѡомракѡ дчѡван. Йара дшчѡвас апш лхѡа ацахѡыла йнаркѡвын. Уацѡы-хѡван ауат йґарныщѡуаз гѡвычѡвґѡыскѡ дшпсыз рхѡвун-та псайспадза дґагылын, йылхѡватѡ.

— Анчѡа йыгвнхѡѡ йызыргѡварыгѡатѡ. Насып змам, дынкѡвыщѡуз ачѡвызѡа? Дынхун, йшатахѡыз дбзасун. Абанда дрылалын тшдѡырщѡтѡ...

— Момо, Гващамыда! Бґѡваситѡ. Ауи дызщѡыз абан-да алазрыхѡвасаз амилиция гѡракѡвым. Ауи дызщѡыз акѡамала йысыз йакѡвпѡ. Ацѡабыргдза ужвыгѡи йгѡца-квхѡмыргылстѡ. Ауаса, йшырхѡвауала, акѡамала ауи йысыз зныкі йґабымцѡаста баргѡи гѡзаб балазцѡаз Гѡарийыжв йакѡвта рхѡвитѡ. Ауи хѡара йалхѡырганѡ, бара...

— Момо! — лхѡватѡ, дґакѡъазызуа ауаѡа Гвашамы-да. — Момо! Ауи ауаса йгѡичпушым! Исхѡакѡ, ага сѡы-цымбзасаргѡи, накѡахѡла сара дшсхѡацѡу Гѡари йдыр-уан. Сара схѡацѡа зынгѡи ауи дгѡимщѡуашызтѡ. Ауи йкѡрар дупѡ. Дызищѡырныс йамайкѡуашызгѡи гѡаѡам.

— Бакѡвыщѡѡ, бакѡвыщѡѡ ауи апхѡвыс хѡвыщѡра, Гва-шамыда! Аджѡпа Гѡари йымчпуш гѡаѡам! Ауи бара дгѡбдырам. Сгѡы йшасуа бсырбарныс сгѡахвитым. Сѡан-хауа ббитѡ. Исхѡакѡ дбандан. Уацѡыхѡвангѡи дґѡвычѡв-гѡыспѡ. Йаргѡи дыздыруан. Йльажѡазѡа Исхѡакѡ тши-мыргѡвасарквныз... Алахѡѡ дбхѡимраштылтѡ, — йхѡван Асхѡад дджвылцѡхтѡ.

Гвашамыда ауат ажѡакѡа лхѡвасѡтѡхѡва, лгѡы гѡвба-ра тан. Агѡвычѡвґѡыс ажѡа ахѡазгѡваца зынгѡи йгѡи-хѡвум. Шахым йхѡвауагѡи цѡабыргѡракѡ алазтын щѡта? Уацѡыхѡвангѡи лара йылхѡацѡази Гѡарии гѡыжв азыр-бжѡата йаѡазыркѡын, агѡвыджѡ рыуа знымзара зны йґарныщѡра гѡатахѡымызма? Йауитѡ. Гѡари длатша кытызтѡ. Дхѡаразтѡ. Ауаса Исхѡакѡ йунагѡва дѡадзагѡв-назгѡи, ауи амщѡтахѡ йацымбзасаргѡи. Исхѡакѡи лари анѡалаунта, ари ахѡацѡа араса дсѡаѡпѡ йа сгѡы ари йапшу ауысла йыгѡыщѡчѡвумхѡва йзимхѡвайа? Закѡыта зынгѡи ауи йыхѡазла этшимчпайа? Ауат лгѡыла дшрызхѡвыщѡуаз Шахым апещ дґѡашылхтѡ.

— Ауи акѡвпѡта, йсызргѡва. Араѡа бѡадзахѡыркѡвас ахѡазла, Гвашамыда. Акѡраль уыс уыс дупѡ, уыс бар-гѡыпѡ. Бѡах. Тынчѡта ббзаза. Хѡаргѡи хѡбхѡымрашты-

лын. Араба хЫзлачважваз зымгІва бхъраштылх. ЗаджвгЫи йабымхІвын. Йгъатахъым. Афаэтон ацІархІватІ. Бара йбызпшитІ. СахІат бзи хІанйахнацІкІбара, — йхІван, ШахІым Гващамыда лнапЫи йкІытІ, апещгЫи дгІаджвылидахын лармала дгІалыдзхъагылуа атдзы аджвылцІхырта ашвдзагЫи дгІайырדзахтІ.

ДгІаздхуаз атшгвыхвгЫи дйымпшуа, Гващамыда, ащтахъ квчІварта тІатІара агвагІвара тштакъалчІвахра ахІа датша мурадкІгЫи лымамкІва, афаэтон данчІвалан, ЗымгІва рацкІысгЫи йылтахъыз ари акІвын: ауи афаэтон даквчІвата рпны дшалагІардхуаз заджвзаджвыкІгЫи йымбара. Йауа ухІварыквын, афаэтон зчІвыз акытквагЫи, аргван къвтырквагЫи, астаницагЫи рпны зымгІвагЫи йырдыруан. Ауи йапшдзата лара ГващамыдагЫи йылдыруан дызквчІву афаэтон зчІву Дадыщ ШахІым лара йлапшымкІва щардагІвы ауи йшаквйырчІвахъаз. Ауи йныкъващаква шчІвагІвамыз щарда цІуата йырхІвун: йырхІвун лагІвацала дызпшуаз дылцрахауата. Ауи шІакІ йтыцІуа шІакІ йталуамцара асатей йгІаквылуан. «Ауаса узаъайа? Адгъа хъацІа йквнагам чпаща уымапІ» — рхІватагЫи ШахІым заджвгЫи дыгъйдымгылуазтІ. ЙгъыртахъымызтІ ауи йгвапхара агІв тшыцІадыршварныс. Ауи йымгвапхаквауа гІапсара йа гвакъвпра ду майрата йшалайыршвуз зымгІвагЫи йырдыруан. «ШахІым дуысынкъвгагІвдупІ. Йчпауа йара йдыритІ. Ауи цІба йызгІазауаш дгъаам. ЗымгІва йара йакІвпІ йызнапІцІу», — акІвпІ йырхІвауа зымгІвагЫи.

ДымгІапсауа-дымдзышуа, йара йхакв дтымцІуата, йара ауаъагЫи аугІагЫи акытгЫи рыхъазла зхъа пхдзыкІгЫи азгІамийуата, амахъарыхъвара майрата йызкІыз, ШахІым йайхІвапсузгЫи гьмачІыгІвмызтІ. АугІа ражва «йуымхакІвагЫи йуызшанда йгІанырштуаз бергъыльдзата ШахІым йуысква ракІвшашчала йатарбахуан. Ауи дыздырквуз гъразымызтІ. Ауаса йырчхІун. ЙырчхІун зны закІы ргвква гІакІанарпнацІыкІбара. ЙырчхІун, йызщцаз аъащи аъадаби рнысла. Йырдыруаз, йыркытлагІву, йырхаквлагІву йдахІвраквва йгъырцнымхчыл-азтІ. Ауи йцІыхъва чвгъарала йтагылырныс заджвгЫи йхъа йгъаквнаймыргузтІ. РыцІа хъара йзыпшквуз, згІагвынгІвыраква рыцІа йауацІыхквзгЫи кІара гъырзымхузтІ. АнцІрала йацбзаквз, хъахІлырала, айгвачварала, джъкІахбастала йаларпан. Азаджв йъахІлыра ага

йхъаразтынгъи йа йаргванызтынгъи азаджв дгІанакІы-
хуан. Ауи агваран ду йтыцІырныс ъарылымшуз йгІал-
цІла, Дадыщ ШахІым йыргъахаквузгъи йыздыргІвун.

Арат асквш кѳомкІгъи ШахІым дсахІвтата амадыр-
са даныцІаркІваз агІан Гващамыда йылзыкІыз абзиба-
ра йызчуан. Аджъпа Гъари ауи данлымцІас агІангъи
Иналь йпа Тамщыгв йадикІылта йрыпшгІуз апхарчва
дгІарылымцІуа дрылан. Мадзамадза йара йхъа ныха
азихІван: ауи кѳвльайта дшаквшвауа, Аджъпа Гъари
дищырныс. ДъадзахІаджърату, акІважва пхІвыспа
дчІвахыта дъадзайыму Гъари дйайхста дищрыквныз,
закІгъи шизалымцІуашыз ШахІым гвырбзирата йман.
Лъажъа кІара гІайыквырцІара ныжъхта, ртшхъварагъи
гІатигушын. Ауи йацхтагъи Гващамыда рыцІа дылгвап-
харнысгъи дайгвгъун. ХъацІара шйылу хъалйырцІушын.

Ауаса Гъари дзыщырнысгъи ауыла йара ртшхъвара
гІатигарнысгъи ШахІым дгъаквымшватІ. Дгъаквым-
шватІ ауи Гващамыдагъи длыдгылта, шІа багъьала
«бсыцІай» йхІвауа, дызлачважварнысгъи. ЙсахІвтара
даналга, айфандыра ныжъхта йкыт апны амуъазинрагъи
гъгІайдымрадзатІ. АпхІвыспа пагъа дшлымуашгъи, ауи
акІвымкІва лаба Тамщыгв дшйыдимыргылуашызгъи
йдыруанта, йта тштайырзагътІ.

ЙгІацІдыркъьата Гващамыда Йагъьб йпа ИсхІакъ
данйырт агІан Дадыщ ШахІым йгвы тчІвугІауа дгІан-
хатІ. ЙгІайыквшваз агвакѳвпра ду йхътнакъьара йгвы-
гъата ащхъа хъара йдырхІвырныс йдырцаз ауаса щасса
рыцихчатІ. УацІыхъван йаргъи ахакв апны айсра ду гІа-
щтІыцІын, ауи апны айгІайра гІатызгуш бергъыльха-
нацІыкІьара, йгвтара рыцІагъи йцІолата йгвы йтайчІва-
хын, дазпшуа далагатІ. ЗымгІва рапш дынхауа, дчахуа
акыт дтан.

АхІква ахъырцауа, абайаква рымлыккква, радгъыл-
ква гІарыквырхуа йанджвыквыл, ШахІым йдыртІ тшыз-
дикІылуашыз запш хъатаз. Зпхдзыла йынхата, йбзазауа
шракІву авласть шІыц зчІву багъьата йанхъайцІа,
ШахІым Арукъыз дцатІ. ДцатІ дшынхагІвыз хъадйыр-
цІарныс, авласть шІыц зчІвкву йаргъи дшруу дйырбар-
ныс. Зынгъи зкърарла йайрышмыз ШахІым дызпхъаз
акъвырѳангъи майрадзата йкІайрышвтІ. ЙкІайрышвыз-
тынгъи, ауи дызпхъаз гІайыхъватІ. Йкъвырѳан апхъара
гІайцхърыгІан, урышв бышшвала дзапхъауа гІальамат-
та дзыгІвуа ласдза тшибжъатІ. Апхъахъа ѳамачІдзаз

ахакв апны ауи йара йгвапхуз анхартагы майрата йГла-
йаутІ.

Дадыщ ШахІым йдыруан Йагыб йпа ИсхІакъ ав-
ласть дапшІагылата дшайсуаз. Ауи дайгвыргъун Ис-
хІакъ ахакв дъатамыз. Йгы йгвылыгы йпсылагы дгвы-
гъун айсра апны ИсхІакъ дырщыта ахабар гІагарныс.
Ауи апш хабар анГІамгадзахгы ахъацІа дабгахымкІва
йпхъадзан, Гващамыда лпны хІвачІвГІвы йщтитІ. Йгвы
йту ладирыхІвтІ. Гващамыда джъуапта ахІвачІвыГІвчва
йГарылтыз мачІдзапІ: «сара накъахІ сывапІ, нхадакІ-
гы сйачважварныс гъстахъым». Ауи амщтахъгы Ша-
хІым дгъашІамстІ. КІщцмыр кІас бзидздзакІгы лзихв-
гІан, Арукъыз дГІатыцІын, ЧІвачІва ТІатІа йахща Дота
длызцатІ. АпхІвыс длыхІван Гващамыда лпны датай-
щтитІ. Ауи араса йылырхІватІ: «ахІчва, абайачва зым-
гІвагы ахакв йтыргуштІ. ТшхъбмырчІвахуата, Йагы-
бргІа рунаГІва бГІаджвылцІх. Бангы баргы атуша-му-
ша швылата сара швынкъвызгуштІ. Араъагы Гващамы-
да джъауапта йГІайылтыз айшыспІ: «Йсапшкву йрыз-
нийуа саргы йсызнипІ. Ауат закІылагы сыгърагъым.
Сангы саргы анчва йхІзихІваз хІанйапІ. Анхада дызба-
ра ныжъхта, сйачважварнысгы гъстахъым» — гІадлыр-
хІватІ ларгы.

АпхъаГІв йшидыруа апш, Йагыб йпа ИсхІакъ дхвы-
та данГІайнапІыцІашва агІан ШахІым йгвтара атайыз-
шыцІахатІ. Ауи амаль ъадзайымула ИсхІакъ дбзата ди-
напІыцІимщтхырныс мурадта йкІытІ. Ауи ахъазла Ис-
хІакъ, ачывазаГІвхъпшырта дшщтІаз, ддйырщырныс
ацІыхъва дтагылтІ. Дызщыта йызквицІушызгы Ша-
хІым йдыруан дзачІву. Гъари Гващамыда дшлымцІасыз,
ауи ахъазла дшыркІыз зымгІвагы йырдыруан. Йдыр-
уан ауи бзита, Гващамыда лгвы Гъари дшту. Ауи Гъари
бзи дшылбуз, ЧІвачІва ТІатІа йахща Дота йлымхъа-
хІвахъата йГІахъан. ШахІым араса йлихтІ. «Гващамыда
дъалхъацІу ахъазла Гъари ИсхІакъ дищыта йыквсцІапІ.
ЙыквсцІарныс ахъазла йсхІвуш хъара сгъазыпшГІушым.
ИсхІакъ дищыта Гъари йыквсцІарквын, зынла йхъар-
цІуштІ. Ауи ахъазла Гъари йыркъванчара гъбаргвым.
ДанГІаснапІыцІашвара йхІаквым бзита дансырйапІ.
ИсхІакъгы Аджъпа Гъаригы сымГІва йапырцІырквын,
Гващамыда сара дсыгІанхитІ. Дабацуш? ЦартакІгы
гылымам. Мчылазтынгы, сара йстахъдзу дадсыргылпІ».

Щарда днамкІГІамкІуа ШахІым йаща ХІарун дйыз-
цатІ.

— Уара ахъапшас ухъагъи алауцлуштІ, хІткъвымгыи уара йуыквыдзуаштІ, — йнайымг-гІайымгуа йгвы йтаз йхІвауа далагатІ ШахІым. Уынкъвызцуз ачІвызйа, зым-гІва угІарылкъъата, ауи йкІнырхІуз йыхъвда уагІвкъъауа аркъан захъаурышвыз? Уарала сйыршвауа Джъамзар ХІвсин дсызгІайын йтахъыз швъа сыквихтІ. Ужвы Аджъпа Гъари сцІыхъва датагІатагылхтІ. Уара уъасхчауа ахъазла дашитІ. Уйырбзазара гытахъым. Йухаз ауыс здырквауа рыхъызквaгъи аницІатІ йнайгІвыз ашвъа.

— Щта, ачІвыйа ужвы сара йсчпуш? Ауыс шсымхъапчаз Гъари йдыритІ. Ауи шахІатгъи йауаштІ.

— Йчпара атахъу сара йуасхІвуаштІ. Йагъыб йпа ИсхІакъ дшгІахІкІыз удыритІ. Ауи чвгъата дхвыпІ. Анасагъи арасагъи йхвырта дыгъгІацхушым. Ауаса йпсы аналцуаш анакІву заджвгъи йгъидырам. Ауи дщра атахъыпІ. Йара ачварта дъалу дщра атахъыпІ. Дызщуашгъи уара уакІвпІ.

— Ауи йщра ачІвыйа сара йгІаснатуаш? АчІвыйа гвнахІ чыда затагІасыкквсцІахуаш? — йхІватІ ХІарун, йаша йгІайыдигалуа ауыс йзалмыргауата ШахІым йхІваз швабыж дгІанарыхІатІ.

— ЙгІаныцуаш ари акІвпІ: ауи йщра Гъари йыквхІцІуштІ. Ауат агІвыджь ИнальргІа ртпхІа дшамаркІуа зымгІвагъи йырдыритІ. ИсхІакъ дищыта, ауи йпхІвыс йара дгІайгхра шитахъу Гъари йыквуцІарныс майрапІ. Йаргъи уачІвы айззара ду аъазлуштІ. Аджъпа Гъаригъи ауаъа дназшІыртуаштІ. Айззара хІаналгара Гъаригъи Таубигъи сырчарныс ачарта апны йсрайгвуштІ. АчымазагІвхъпшыртагъи йара ауаъа йыгъхъарам. Уара йучпуш ари акІвпІ. Сара Гъари ачымазагІвхъпшырта днасщтийуаштІ. Заджвы, хІара йхІтахъу ауаъа даъата схІвата днайсырдырныс. (Ауаса дыззынасщтийуаш дыгъйауашым. Ауи апщІа дшгІагварцІхуа бырг уара, ИсхІакъ дъащтІу унашылитІта, ауыс ухитІ. УхъацІапІ, сымгІващузтын, акъама нкъвугауаркІвитІ. ИсхІакъ дъагІвну апны уназжылуаш апщІа ушгваралуа дгІаупыралуаштІ.

* * *

Ауи амщтахъ ауысква шакІвшаз ари акІвпІ. ШахІым айззара амщтахъ Таубигъи Гъаригъи рылата йрысасырныс, йырчарныс къомыгІвкІ ачарта апны йрайгватІ. Йара йшихІваз апш Гъари дйыхІван, ачымазагІвхъп-

шырта апны заджвы йґайышІитырныс дищтитІ. Дыз-
цаз дґымауызтІ, Гьари йара асахІат ачымазагІвтара
апщІа дґагварцІхтІ. Дадыщ ХІарунгьи ауи амщтахь
милиция чґІвычала дґІвычата ачымазагІвхьпшырта дан-
нашыл агІан ИсхІакъ ачварта дылачІван. Йчпахрызйа?
Ауи данґайшІапшы ХІарун сальам йтйытІ. Згвы мгІвуз
ахъацІагьи йара бзита йдыруз ХІарун данйызнашыл
агІан, «Уалейквымсальам, угІайгва»—йхІван ауи дґайп-
шытІ. Ауаса ХІарун, датша ажвакІгьи ацйымцІахуата,
йакъамала ИсхІакъ дйысын, аща гІайыцІчІвауа ачвар-
тагьвы дызтачІваз дтайрышвхтІ. Йаргьи апщІа дґа-
гварцІхын, астанница ду дрылалхтІ.

Дадыщ ШахІымгьи, Гьари ачарта даннашылх йгьи
«дыгьсмаутІ» анихІва, ймурад шаквшвуз тшазидырхуа,
йысасчва йырчІайхІуа йджвыквицІатІ. Ауаса ауи йґвы-
гъаз гьґайадамыхІвтІ. Йаща ХІарун йакъама ахвырта
ИсхІакъ зынла дґьамгатІ. ШахІым йацкІыс йахІбаз
ауысынкьвгагІвчва гІвычвгья бзыла ИсхІакъ дырщра
зджъакІы йшырмурадыз гвы арттІ. Ауи ахвырта чвгья
дґлашІгара ахъазла айъазагІвчва йрылшуз зымгІва
ддрычпатІ. ХчагІвчва багьяа рыцІа тшґІабитхнацІыкІа-
ра йызхъадыргылтІ. АчымазагІв, мацІкІ дшагьъхуз,
Псхваба дыргатІ. Дызчважвахуа данца агІан ауи йдыр-
уаз зымгІва гІайшыргатІ. ИсхІакъ щарда йдыруан.
Ауат йрыуапІ авласть шыц йапшІагылуата, абандакв
радкІылра ахакв апны йґІаджвыквызцІаквас Джьанте-
мыр йпа, ауи йцхърыгІагІв аргвандзаквас апаштахІ ры
афицар Козлов, Атхан Азамат йгьи ауат рыгІвзачва. Ис-
хІакъ йара йхъа закІылагьи ймырхыйауата, йызхъар-
цІата дъанхуз апны зарарыгІата йхаквазгьи йцІайым-
кІуата йхІвахтІ. Ауат йрыуапІ коммуната тшадызкІыл-
та йбзазуз рыхъазла авласть йґІанащтийыз анхага ма-
шинакв—акврышІахІвага хыгаква агьиква—йара
йтахъквас абайачви акьвльайкви йшдирыхвгІаз. Ауат
йґІартнихыз ахча рыбыз ацІацІара уыс ахъазла Атхан
Азамат йшинапІыцІайыршвазгьи гьцІайымкІытІ. «Ачы-
мазагІвхьпшырта уъащтІаз апны акъамала йґауысыз
дзачІвыйа?—рхІвата ИсхІакъ йаницІґІа, ауи кьомракІ-
гьи джъауап гьґІаримттІ. УацІыхъван йъадзайылшузла,
мацІкІгьи мчыла дґІапшвырхъыччан, араса йхІватІ:

— КІара сыхъуата, ачварта сылата йґІасысыз дґІвы-
чІвгІвысдзышвщума? Ауаса йызчпауа дхІайуанпІ.

ГІвзачвата йсымаквас, сара йшвасымхІвскІва, йза-
чІвкву шваргьи йыжвдыруан. Ауати сари кьрарла хІад-

гылата шыввласть хІагъан, йхІылшузла хІабакІуан. Ауаса уахъчІвала швара швайгІайтІ. Сара схвыта съащтІу йсызгІайта, ала апш акъамала йгІасыста сызшыхуашыз гІвзачва гъсымамызтІ. Сара сыгІвзачва афицар намыс зму гІвычІвгІвыспІ. Йшшвтахъу швара шврызхъвыц. Ауаса йгІвычІвгІвыс пІайта шврыквчважвауата сара йшшвыргІан. СыгъшвыздзыргІвуашым. Спсы ъадзату-гъи йгъшвзызуашым.

— ЙауитІ, шта. Ауди ахІа уахъчІвала угъсрыгІапсахуам, — йхІван азцІгІагІвы дджвылцІхра тшазичпауата, Йагъыб йпа ИсхІакъ, мацІкІгъи агІапшвырхъыччара тшазичпауа, араса йхІватІ:

— Зны угІашІас. ЙгІасысыз дзачІву удырырквын, уаргъи ухъыччапІ. Йыхъыз зсымхІвауагъи ауди дгІвычІвгІвыста зынгъи дыгъсымпхъадзузтІта акІвпІ. Ауди сари закІзаджвыкІлагъи зынгъи хІгъапщыламызтІ. ЙцІабыргыпІ, айсра хІаъата хІашІашватІ. Сара сафицарпІ. Йара дкъазакъ солдат гІвацан. ЙуасхІвиди, ауди сари аргваныракІгъи айчважваракІгъи хІквтабжъара йыгъбжъамызтІ. Сара заъацквала йцкъам агІвычІвгІвыс зынгъи саргван дыгъгІасымщтитІ. Ауди зымгІвалагъи дыгъгІвычІвгІвыс гвыцкъамызтІта, ага хІахаквлагІвызтынгъи, хъара дсыргылуан...

— ДзачІвыйа? ДзачІву зуымхІвауайа? — дгІагвжважватІ азцІгІагІвы.

— Швара йшвыцынхауа ахъацІа балахІ Дадыщ ШахІым йаща ХІарун йакІвпІ съащтІаз йнашылта, сальамгъи гІасазхта, акъамала йгІасысыз. ЙгъгІасгвынгІвуам, ауди сара сицра зитахъхаз? Айсра агІан йкІнырхІуз акомандир йыхъвда йнапІыла аркъан шахъайрышвыз ъаздыруа акІвма? ЙыгъгІасгвынгІвуам, ауди сара йгІасамайкІырныс адуней апны йаъу. ЙкІнырхІуз ауидъагъи анасагъи арасагъи дкІнырхІушын. Йара ныжъхта, йгъцІаскІуам, ауди саргъи дкІнысхІарныс закІгъи шазхІвамыз. СызнапІыцІаквас унашва сзырчпарквыныз...

АугІа ауаса йырхІвитІ, заджъаль гІадзауа ачымазагІв данпсуаш апхъала дгІацІнарышвтуа, дгІацІарахауа. Ауди датша гІацІахырныс дгъахамдзатІ. ЙгІахъвлаз ауахъ йыквымшауата дпсытІ. АйъазагІвчва йхъпшквуз йщаквдыргылтІ, ахъацІа дызгаз акъама хвырта цІола шакІвыз.

* * *

Дадыщ ХІарун дыркІытІ. Ауаса заъара йцІгІазтынгъи, ауди Йагъыб ИсхІакъ дзырщыз йащахІба ШахІым шйакІвыз гъырмайхІвтІ. Анасагъи арасагъи ауди ауыс
180

дшалачпазла ргвы гІван, Дадыщ ШахІымгѣи йынхарта дахъырхын, амилициягѣи дгІарылырцатІ. Ауи агвы дан-гІаквха агІан дцан, Гващамыда араса длачважватІ.

— Ужвы, Гващамыда, йцІасымкІуата йбасхІвитІ сгвы йту. Йсбзазащахушгѣи йсбзартыхушгѣи бара джауапта йгІасабхІвуа акІвпІ йызпщылазлуш.

Гващамыда йнашылыз ахъацІа йшаквнагаз апш длырчІватІ. Ларгѣи ашв ахъкІьала дтхъатІ дгылын йыл-хІватІ:

— ЙхІва, ШахІым, йутахъыта, уыззгІайыз. Анчва бзиракІ уйырхІватІ. ЙухІвауа заджвгѣи йгѣигІушым. ХІан хІыгвлачва рсаби дъагарарцІауа ддырцан, ауаъа даъапІ.

— ЙбдыритІ, счкІвынищтарагѣи бзи бшызбауа. Сара закІгѣи цІасымкІуата сбачважвуштІ. СъадзачкІвыныз ссахІвтанта, заъара швыпщІа тшнатшкІаранасыргаз-тынгѣи, блакта райшата сыгътабмырпшытІ. РыцІа хІду-хата, ахъвмарраква хІрылалуа хІанцагѣи, райша сбачважварныс тшыгъсзаквмыршватІ.

— ЙагІвскваз зымгІвагѣи уыркъвыцІта, ШахІым, угвы йтата хІпны уызгІайыз райшата йгІасахІв. Йута-хъызтын, хІангѣи йгІалызшыстпІ. Сара сан лыхъазла зынгѣи мадза гъсымам. ХІаба рыцІа дхІымахмищтара-гѣи сани сари хІгвылагѣи хІпсылагѣи хІайкъангъашитІ.

— Гващамыда! Уа, Гващамыда! Сара йстахъыпІ ба-ри сари хІацбззарныс... Ари адуней апны бгвы сызлас-ра гъаъам. СнапІы быквта...

— Йауа, ахІ йпхІа тагвжвата дгІауг шамуаш, ауи лыхъазла уынхарта ушахъырхуаш гъуымдырума? — лхІван, Гващамыда ШахІым дицІгІатІ, йуысква шаъу рыцІа йалыргата йлырхІвара ахъазла.

— ЗакІы алымцІхтІ йзынхарту. Нхарти бззарти мачІхума? Совет властпІ йаъу. Йъаутахъу уынха! Йъау-тахъу убзаза! Адуней дупІ... Саща лага йгвымхара, рыцІа йцІабыргыта йсхІвапІта, йлагараква рыхъазла ауи апш нхарта ду сара сынхарныс схъа йгъсзаквнамыр-гахызтІ сакъвыцІхтІ.

— Сара йсхъацІаз арыцІа... ауи дшаъазлакІгѣи, йатасхІвахитІ, сара накъахІ йыцсыман. Ауи дызщыта уара йызквдуырцІара утахъыз Гъари йакІвын. Ауи зу-тахъугѣи, сара сыгълагадзам сшубауа апш, гІалъаматта йгІасгвынгІвитІ, — Гващамыда йылзымчІахуата Ша-хІым йгвталцІауа далагатІ.

— ЙбхІвауа ачІвыйа? Сара зунашва бчпауа сыйла-
чважварныс гьакІвым сызгІайыз. Сара... — дгІагвжва-
жватІ ШахІым.

— Йагыб ИсхІакъ дхвыта дьаштІаз ддзыршыз уа-
ра ухъатала уакІвпІ. Уаща уара уацкІыс хъацІара йы-
лата дгІацІуаштІ. УыгыймхІватІ. ЗымгІва йара йнайхв-
та гІацІуаштІ. АугІа, уара йшубауа апшта, йыгьлагам.
АугІа зымгІва рдыритІ — дгІагвыжвкІуа далагатІ Гва-
щамыда, ауи йшдйрхІвынчІазгыи, лара дшдйркІыз-
гыи йлызшыцхауа йгІалгвалашвахуа. — ЙхъасцІитІ.
ЗакІгыи гьазхІвам сара усыцбзазара утахъхарныс. Ауа-
са сара уыгъстахъым. СучвымахатшитІ, райшата йуас-
хвитІта. Саргыи суыцуцІата, ухъа зджъарала йапыругах-
уаштІ гьакІвымма? Момо, бзи. Сара хъацІа сыйццарныс
суыс гьыквым. СцІыхъва утыцІ! Гьарита уынцІрала йуы-
рджъауа йунашва гвымхарала йгІасауымхІвын. Ауи
сара гвымхара зынгыи йыгъсзыйымхатІ. Гвымхаралагыи
сцІыхъва дыгыгІатамгылтІ. Ауи кърар йымапІ, дгІвы-
чІвгІвыспІ... — ауат ажваквва ъадзалхІвуз Дадыщ Ша-
хІым апещ дгыгІвнахмызтІ. Ауи ймурад гІайыдахІвра
ныжъхта, йуысква Гващамыда рыцІагыи йалалгІватІра
шылзахъвдаквыцІуашыз гІайгвынгІвын, зынла тшджвы-
лнайыргахтІ.

Гващамыдагыи, ага нашхыйара даларкІвазтынгыи,
лгвы йызтаз йцІалымкІуата райша ШахІым йъайал-
хІвыз дазыразта, ауи дъайачважваз апещ гІалпсауа да-
лагатІ. Змурадквва гІаздамыхІвыз Дадыщ ШахІым, гІвба,
-хпа мшы ахІа ахъимштуата, ахакв дтыцІтІ. Ауи, дъа-
цазгыи дъагІайызгыи заджвгыи йымдыруата акъраль ду
ауацІа апны зджъара тшрылайыргІващатІ. ЙырхІвун,
ауи СогІвымла дахъысхта. ЙырхІвун Дагъстан хъатала
тшайыргатагыи. Ауаса ауи дъацаз ардырра багъбата
йгъазымгвжважватІ.

БАЗАРТА ХАКВ

Ащхъаркт аквтабырг апны йымцырартата шта аман.
Зпачваквва унагІвара йалалквата, кІьыдара бзазара
джвыквызцІаквуз, рыуа шардагІвы ауаъа хакв ркІыр-
ныс йалагун. Ауаса аджъамгІат ахІбачва ръизиндаъа
ауаъа заджвгыи хаквта йгъызымкІтІ. Совет власть ан-
щаквгыл агІангыи акыт совет аунашвадаъа ауаъа
заджвгыи тдзы гыдымрычпузтІ. Асовет апны унашва

нарахвхъан, ауаъа апхъарта дыргылырныс. Апхъарта йаклуашыз аъара аґлатаркы аґлангы, унаґвакӀ ъачлушыз аъара адгыл атаґланхатӀ.

Акыт апны йаъахӀлымкӀва, ауаса рпсква кысакӀ йаштапӀ зырхӀвауа апшта гӀвхъачва ацтан. Ауат рпны Къальабакъ рыцӀа дахӀбан. РыцӀа айцӀбара эквшвуз йыхъыз Мусан. Ауи БарзанргӀа дрыуан. Къальабакъ йабагы дикъвыцӀхъата дкӀьдара унаґвата дбзасун. ЙыпщӀа апхъарта ахъазла йґлатаркыыз йґлахъшвалыз ашта мцырарта йадсылуан. Ауи мурадта йкӀытӀ, бзи йбауа йкытлагӀв нбжъагӀв йыхъазла ахакв мцырарта гӀайкӀырныс. Йара Барзан Муса ауи аґлан ауасаква дрыцта ащхъа хъара даъан. Къальабакъ дцан мурадта йкӀыз Муса йаба йайхӀвтӀ. Ауахъауыгы дгвыргъан араса йхӀватӀ:

— ЙщавпӀ, Къальабакъ, йухӀвауа. Муса йакӀвпӀ спачвакв рпны йахӀбу. ДсабитгӀачвахауа далагахъатӀ. Анасагы арасагы дкъвыцӀхъатӀ. Йара йчӀвыта хакв йымата йбзасара джвыквыцӀарныс йаґланпӀ. Ауаса йзухӀвауа ахакв гӀакӀвзыршауада? Йшудыруа апш йара ачкӀвын адзындза ащхъа даъазлуштӀ. Ауи акӀвымкӀвагы йызлагӀакӀвйыршуш чӀвгӀвангы бацагы хӀазырта йыгӀйымам. ХӀыпщӀа апны йхӀазырта йтшкӀару ахъата заджвыкӀ йазхъари йазымхъари акӀвпӀ йнадзауа.

— Ауи гъуысым — йхӀватӀ Къальабакъ, — йызлагӀаквхӀыршуш мшы саргы йсымапӀ. Аурамла йаъу ахӀлахъвгвара нысхта, гъвы сарыйала йкӀвсыршарныс ахъазла щъагы гъвгы срыхӀазырхъата хӀыпщӀа йтшкӀарапӀ. Аурамла ауат хӀыргылпӀ. Шваназыкъвльайхара аґлан йґласышвтхпӀ. Уара, хӀаба, уцата асовет апны хвитаґара гӀарыквх. ЙкъвыцӀхъу упа дбзасарныс ауаъа хаквта дахвитырчӀвырныс. Акыт знапӀыцу ауат ракӀвпӀ. ЙрахӀвра атахъыпӀ.

Йшайчважвас апш Муса йаба акытсовет дцан, ймурадыз райхӀвтӀ. Асовет апны йаъаз аписарь Алексей Федорович йакӀвынта, «йґлальаматпӀ, йґлаташкӀы ахакв», — йхӀван джъуап бази алыгажв йґлайыйтатӀ.

ЙаштагӀайуаз атшын Къальабакъ, йхӀазырта йыпщӀа йтшкӀараз ащъаква йычвуандыр йаницлан, йґлатаркӀуашыз ахакв апны йгатӀ. ЙткъвымлагӀвчва гӀвычӀквынчвагы дрыхӀватӀ. Ауат гӀайцхърыґан акыт аурам

йазалуаз ахъата аура апны ащъаква ъаладыргылуашыз амашаква гIаржытI. Амашаква рыжра щыбжьандза ахIа йгъамкIытI. Йара Къальбабакъ йпны йцан ахыгIв-гъи щыбжьан йацчатI. Йанча агIан, атшпсщарагъи тшарымтуата, йатацахын ащъаква зымгIвагъи багъята йладыргылтI. Ауат ащъаква ъадзаладыргылуаз, Муса йабагъи рыпщIа йтшкIараз ачIвгIванква, абацаква уандырла йган йахъадыргылырныс рыцIа йъазычпаз ахъата апны йанихтI. Къальбабакъи йыгIвзачви ахъатакIа гъвысарыйа ъадзагIадыргылуаз, йаргъи арахъари ахъатакI гIахъвикIылра ймурадын алыгажв. Алыгажв швабыжта дайгвыргъун ащъа йаъу йпа хакв бзи ъайзыкIыз. Ащъаква йдыргылхъаз агъвква ркIыддыргылырныс йцатI. Агъвквагъи ргахъата ауахъ йщтIан. Ауат, йшкIыддыркIылуашызла агъвква шалырхуаз, ркытлагIв Къзыблакъ Йатакъ дгIарыдгылын, сальам гIарайхтI.

АхыгIв йацынхуз йрахIбаз Къальбабакъ йакIвынта джьюап йыйтхуата йхIватI:

— Уалейквымсальам! УгIайгва, Йатакъ.

— Йшвчпауа зачIвыйа? — йхIван Йатакъ, йларысхъаз щъакI абагъара йырхъыхуа йрыкацатI.

— Хакв кIвхIыршитI. Йыгъуымбума?—йхIватI Къалабакъ, йаквыз агъвква алихуа.

— ЙзачIвхаквйа? Йызхаквуда йкIвшвыршауа? — датацIгIахтI Йатакъ...

— Араъа Барзан Муса йыхъазла йкIвхIыршитI. Йыгъуымдырума йаба дикъвыцIиштара гIвысквша айхIагъи шагIвсхъаз?

— Уалей, гIвысквша гъакIвымта, дкъвыцIиштара жвасквша агIвищтырнысгъи дшхвиту,— йхIван Йатакъ дыздгылаз ащъа рыцIагъи йрыкацауа далагатI. — Йаба йыпщIа ду дыгътшкIарамшвахума? Ауди абжа гIахъичIварыгIатIта тдзы тайыргылргIатI.

— ЙуцIабыргта момкIва уымшыркъвауата йухIвума, Йатакъ? — хIва дхъвыцуа, Къальбабакъ ауди дипшитI. ЙыркIврыз агъвы ахъакI ащъа йыдйыргылын йыгIвбахуз ащъакI йакIуашыздза гIайшватI. Йъахъисушыз чIвымыгъла йчIвагъван, ахан гIайахвырныс йъащтIаз дазцатI.

— Къальбабакъ, йуасхIвитI, Барзан Муса йыхъазла хакв кIвсыршитIхIва» ахъазгIваца тшумрыгIапсарныс. Арат уайщчваквгагъи чIыдахъвыла йуымрыгIапсан, — йатайрыбагъахтI йхIвуз ажвакв Йатакъ.

— ЙуцІабыргума, Йатакъ? ЙухІвауа уымшыркѣвауата йухІвума? МомкІва йуцІабыргума? — йхІван Къальабакъ йгІащтІихуашыз ахангѣи гІаймахвхуата, йыбгѣа гІайыррайшан дгІагылтІ.

— Уалей, йсцІабыргта йшсхІвауа. Ауаса йсхІвауа уара йызгІаугвнымгІвауа акІвпІ сара йсымдыруа — Йатакъ йазымчыладза тшпшвйырхъыччатІ.

— Араѣа хвитыртапІ. Муса йаба асовет дцан йанрайхІв ддырхвиттІ, йкѣвыцІхъаз йпахІба йыхъазла хаквта йкІырыныс. Асовет ракІвпІ адгъыл йахвиту.

— Асовет архѣа адгъылква ракІвпІ йызхвиту. Ауат бзи-бзи йыршарыгІатІ. Ари аджѣамгІат ракІвпІ йахвиту. АджѣамгІат йыртахъу азырхуштІ,—Йатакъ агвыжвкІра тшайтуа далагатІ.

Ауаѣа Йатакъ йхІвауа шицІабыргыз гІайгвынгІвын, Къальабакъ дгІагвыжвкІтІ:

— Хы, Барзан Муса аджѣамгІат дыгырыуамма? Ауи акыт апны анахъанат зымгІва драпшта, бзазарта хакв гѣгІайыквымшвума?

— Уари сари Муса йыхъазла йамахІымкІуаш ауыс амахІумыркІын, Къальабакъ. Сара сгІазщтійыз, ауыс зкву уасхІвырныс аджѣамгІат рахІбачва ракІвпІ, — йхІватІ Йатакъ, зхІаль бзита йдыруаз Къальабакъ йгвыжвкІра бзиракІгѣи шйызгІалымцІуашыз тшазидырхуата.

Акыт апны Къальабакъ дгвыжвкІгІвыта акІвын дызлабергъылыз. ЙцІабыргыпІ, ауи агвыжвкІра гычвыхъарамызтІ. Ауаса лѣажьадѣа зынгѣи дгъымгвыжвкІуазтІ. МцыкІла йа йамуаз датша уыскІла йангІайшахІалрыз тшгъызымкІуазтІ. Дамхѣакшауатагѣи гІаншун. Астаница адзылу апны алагара къазу йара йчІвыта йангІайамаркІ агІан йнайымгІайымгуата дамхѣакшатІ. Амашакв йтарпсуз ашыла златадырпІапІуз ачІвхІвы лабала йкъазу гІайамазкІыз къазакъкІ дйысын йхѣа гвымхата йкІилишІатІ.Ауи ахъазла хмызкІы йыквырцІан, дтутанакѣта йдыргатІ. ДгІауырщтхищтара сквшбжакІ айхІа гымцІысызтІ.

— ЙзачІвуысѣа йара уызгІарщтійыз? ЙуымхІвадзахума? — Къальабакъ йажваква йырхѣауа Йатакъ дызынаскІватІ.

— АджѣамгІат ахІбачва айфандгѣи дрылата унашва

рчатI, ари йгIакIвуыршауа апны маджьгыт ду дыргылырныс. Уаргьи уымсылман хъацIапI. УнагIва хаквта ари акыт квта учпара ацкIысгьи, араъа маджьгыт уыргылырквын рыцIа йшагъбу гIаугвынгIвитI. Йаргьи анчва йхъазлагъи псапара ду алапI, — йхIватI Йатакь, амакIри айсри тшырзызчпауа Къалъабакь тшикъвна-йыргахуа.

Бзиддзара даннаскIа агIан Къалъабакь йпныла тшгIацайырпан ауи араса йатагIацицIахтI:

— ТшуымрыгIапсан! ЙыгъсымгIатI уымхIвахын! Йлауыргылыз ащъаквагьи гIацIхх! Уара йгIацIумххуазтын; ауат гIалызжвахра дгIанайаупI.

— ХIапшыпI, шуагIала йлахIыргылыз ащъаква гIалызххуаш дзапшхъацIу! Ныха схIвитI, йгIайта ауат йырхъысуа йхъа ари акIвагъала йагIвсмырцрыквын... ДгIайыргIатI зхъа зтахъыхым! — йхIвауа Къалъабакь ащъаква рбжьара йырбжьайшваз агъвы ачIыдара гIахъисауа далагатI.

ЧIвагIвакI ахъымцIуата амаджьгытла йгIатыцIын, Йадыгъгьи ауи йащахIбачва МахIмудгьи МасхIвыдгьи рыцта, хъачва гвыпкI КъалъабакьргIа агъвсарыйа ыадыргылуаз йатагIайхтI.

— Къалъабакь, аджъамгIат унашвата йырчпаз зачIвыз пшдза чIкIынта, ари йгIарщтийыз йгIауайхIвтI, — дгIалагатI МахIмуд, йхъа йхъарам йаща Йадыгъ йахъкIъала йчпауа? — Ари йгIакIвуыршауа апны аджъамгIат маджьгыт шIыц дыргылырныс унашвата йырчатI. УгIай, уамайрышхуата йуыргылыз ащъаквагьи гIалхIрыхх. ХIаргьи хIуцхърыгIапI. АджъамгIат рунашва уымдыруата ауыс гIаджвыквуцIата гIацIцIуаштI...

— УджъамгIатгьи уаргьи схIварын, усымарыцхIапI. Шарда сумырдагвуата араъа сыла уыцIцI! — йхIван, Къалъабакь, йнапыцIакIыз акIвагъа йырхъауа, МахIмуд дзынаскIъатI.

— Сальам алейквым! ЙгIаншауа ачIвийа? — йхIван Аджьпа Гъари дтшыгIвта амакIра къазауат гIаджвыквызцIуаз дгIарыдгылтI.

Датша заджвгьи ажвакI йымхIваскIва, МахIмуд дгIагвжважватI:

— АджъамгIат хIхънмщгIакIва гъийуам ари акъвинару...

— Уалей, къвинару шусырбара, ала йгIанарныйыз!

лун, — атайхІвахтІ МахІмуд, йажваквa тшпынхІвара
гІарыцІиштуa.

— АхІбачва йнакІвызлагы йрыздыргІвлитІ. Ауаса
йухъумраштылын, МахІмуд, совет власть згІаргыз зым-
гІвагы авласть йшахІвауа апш йбззарныс шакІву. Ауи
зынгы йшвхъшвымраштылын, сайщчваквa. Алыгажв-
квa маджыгыт рчпара ртахъызтын, йнайпІта йъахІвачІву
апны йырхІвапІ. Ауи акІвпІ ауыс шаъу йгы йшаъазлуш.
Швара хаквра зчпауа хІкытлагІв швйайхІвахІвра, шви-
цхърыгІара атарала, йхакв злакІвйыршауа ащъаквa
гІалышвххырныс швйызгІайитІ...

— Арахъ йсхъаштылхыз, — ужвыбырг астаница
саъата сгІайхитІ. ХІкытгы, антахъгыт акытквa рпны
йапшдзата, апхъарта тадыргылуаштІ. Кырбыджь, мшы
чІвымыгъ—йатахъу зымгІва—гІахІыртитІ. Ауи йацта
йызладхІрычпуш ахчагы гІахІыртитІ. Ауи ауыс кыт
уысдзапІ. Хъвлапны зымгІвагы асовет апны швнайзза.
Ауи хІаквчважвуштІ. ЙгІахІыртквaз ргІагра ахъазла
унашва нахІахвуаштІ.

— Амаджыгыт щта? Амаджыгыт аргылра ауыс
шпаъазлуш? — датазцІгІахтІ тшизымчІауата МахІмуд.

— Амаджыгыт ауыс сара закІгы гІалыздыргІум.
СъазшІыргыз маджыгта йшвчпапІ рхІвата акыт рыхъа-
зла кІара гІахІыртуата йгІаламчважватІ, — амаджыгыт
ачпара йа амчпара ахъазла йара йгвы йтаз гІахъим-
тІуата, Гъари йтшы дыздгылаз агвып мачІкІ йыркъви-
дан дтшыжвылхтІ.

Акыт ахъачваквa райхІара, архъаквa рпны уыс зым-
хауата, акыт йтаквaз Гъари йшрайхІвыз апшта, асовет
апны йайззатІ. АугІа ауи аъара йщардагІвхан асовет
апещквa йыгыргІвнамшватІ. Айчважвара асовет апахъ
апщІа апны йаларгатІ. Авласть акыт апхъарта тадыргы-
лырныс ахъазла йгІарнатуаз зымгІвагы гІашІпхъадза-
уа Гъари йгІайззаквaз йрайхІвтІ. Ауи амщтахъ дры-
хІватІ, йарауачІвы йахърымгауата йаквырцІуш акыр-
быжь гІаргырныс зымгІвагы руандырквa ацІархІвата
асовет йгІадгылырныс.

— Араъа Алексеи сари йшхІпхъадзазла, хІкыт уан-
дырта йту зымгІва гІацІархІварыквын, акырбыджьгы
амшІквaгы ргІагра гІвымшкІ хІгІакІуашым. АгІвымшкІ
руацІала ауат ргІаграгы хІалгуштІта, абльынквa рща-
пІы йштІацІачІву ахІахъв агІатгарагы хІырхъйуштІ.
Ауи акІвпІ, джъамгІат, асовет апны унашвата йхІчпаз

йшпажвбауа? — йхІван, йлакта гвыргъара ду гІаны-
цІуа, Гъари йалагылаквас дырцІгІатІ.

— Тшынла ныжъта, йатахъызтын, уахъынлагъи йгІа-
тыгІапІ ауат йухІваквбауа,—йхІватІ зымгІва рапхъа
Заш Уали, рыцІа аргваныта йыдзхъагылаз Батырмыза
йыжвгІвахъа даквсуа.

— Дара йбзипІ. Дара йуысхайырпІ йухІвауа, Гъари.
ЗакІы акІвмызтынгъи йахІрыпхъаныс ахъазла хІсаби-
ква йхІтшпынчІвалата ансимшгІадза адзыгІв йгырыгІ-
гахларым. Ауат «хІнарыжвгаххІва» йхІызпшуа адза-
тшпы йыгыгылазларым,—йхІватІ МахІмудгъи. Ауи йы-
гІвпачва адзыгІв уырта йаъаз анагІвай кыт апны йайры-
пхъун. ЙшихІваз апшта ансищымтагъи тшыла ауат адзы
йыригалун. Рапхъара йаналгара агІан ауат адзатшпы
йазгІайхуанта, йара МахІмуд йа датша заджвы дыр-
та тшыла йа уандырла йгІарыргахнацІыкІара йрыз-
пшлун.

ЙшангІалыз апш йаштагІайуаз атшын акыт уандыр-
та йтаз зымгІва щажъыта астаница йаъаз акырбыджъ-
упарта йнадырдзатІ. Ауандырка кырбыджъ зны-зын-
акытдза йангІарг, ауат йрыуата ащарда йгІарнырцІаз-
мшыпІ йгІванхауата.

Апхъарта аргылра йадыргалуашыз зымгІва йыгІвба-
хуз амш аъарагІвшарадза йгІатыргатІ. Йара ауи атшын
йахадзахтІ зымгІвагъи закІы-закІ хІахъв уандыргъи
атагІадыргалхырныс.

Тауби-хвыц, Аджъпа Гъари йгъи Алексей Федоро-
вич, ауандырка йрыквымчІвазтынгъи, ауат ауысква
ъадзадырхъйуз йашІамсуа йрыцынхатІ. АугІа рацІа-
щІыхра йаргвышхвагІвыз Тауби араса йхІватІ:

— Арахъ, Гъари! ЗакІ гІасхъвыцтІ. ХІалагарквын,
йгІахІдахІврагъи атахъыпІ. УгІай, аджъамгІат йатара-
хІрыхІвх ужвыгъи закІы-закІ, гІвба-гІвба хІахъв уан-
дыр гІаргырныс. ЙгІаугвынгІвыма ахІахъв затахъу?

— ЙгІасгвынгІвытІ,—йхІван дгвыргъауа Гъаригъи
дпшвырхъыччатІ. — Апхъарта акІадыгв алакІвхІы-
ршуштІ. Ауи гъакІвымма?

— ЙакІвдзапІ. Йара ахІахъв хІазырта Адзыкъапц
уагІвста абыхъв йгІашыгІвгІвын, йазната йщІапІ.
ЙгІаптшрагъи гъатахъым. Уадгылта ауандыр йгІанцІа-
та йгІаг,—Тауби йгІахъвыцра ауи аъара дайгвыргъун-
та, йзымкІхуа йпыккква йчвыпІатІаууан.

Ауат ргвы йтаз акІвын аугІа йыртахъызгъи. Астани-
ца йгІатыргата акырбыджъи амшккви йабарыс йшгІа-

ргыз йапшдзата, хлахъвыта зъара атахъыз аъарагы гIатыргатI. Адзыкъапщ уашыкIвшата йауу абхъв йгIашыгIврыз ахлахъква гьнамхъатI. Ауахъ Чвы-мгвра аргван йаъаз ашыгIвгIвыртаква рпшы йхъыла-псата йщтIаз ахлахъквагьы гIаргтI. Акыт дыгыгIата-мхатI, уандыр йымата, гIван, хын рычкви ртшкви йшрызгIарыпIатIаууаз аъара хлахъвы агхъарта ащцIа ахъвкIылра ахъазла йгIадзымгалыз. Ауди ауыс ду ахара апны аджъамгIат лыгажвквагьы рхъвы гьгIатамхатI. Ауат, заджвгьы йырмайхIвуата, дара-дара ахлахъква гварата йаквырцIауа йалагатI. Алыгажв Аджъпа Дауыт йгьы Барзан Муса йаба Уасман рхъазы гIвымшкIла апхъарти Муса йыпщIахушызи рбжъара ахлахъвгвара аквырцIатI. Ауат йранкъвакъвуан КъзылбакьргIа рлыгажвква ГIайса, ГIалым йгьы Къардан ХIаджъбакьыр.

Гъари, Тауби йгьы Алексей Федорович айкъангъашын, асовет ахчала чвы рчахъакI рхъгIатI. Ауди йара апхъарта йапщцIата кырбыджь, мшы йгьы хлахъвы гьагIа-дыргалыз апны йддырщын йынхаз аджъамгIат йддырфтI. Гъари йпыккьва йзахъамкIхуа дгвыргъун... Апхъарта хIкыт йтаргылра атахъыпIхIва аотдел апны данахIвуз агIан, ауди аунашвачпагIвчва йыгъхъарым-цIузтI, акырбыджь, амшIква ратрыпара йгьы йатахъу ауахъауат ауысква рырхъйара акыт абзазагIвчва йгьру-рым — рхIвун. Гъари йажва ауаса ласыта йацыркIыр-ныс, дара йыму рцIахIвачIвквала ауди аъара уыс аджъамгIат ауаса ласыта йдырхъйарныс йыгъхъарымцIузтI.

Гъари ймыркъвауата апхъарта атдзы зыргылуаш акв-цIагIвчва шгIарщтийуашла аотдел датацахын йрайхIвтI. Ауди ззаквцIушыз гьачIвагIагIвчва акыт йыгъта-мызтI. Акыт ду аурала йтагылу атыдзква зымгIва гIаз-лыхыз бацкъьан йа йаквышIакъву мшы гьажьын. Кыр-быджь тдзы заджвыкI ДжъальакъанргIа йырчIвыта йтагылан.

Ащхъаркт апынгьы абзазара рыцIа-рыцIа тшша-квнакIуан. Атхан Азамати ауди йыгIвзачви рырдара тыщI-ра акыт ахъазла йхайырра духата йалтI. Архъа йы-квыржъуаз рырахкьва, руасаква заджвгьы йыгъйым-гьычхуазтI. «Ани дырщытI йа ани дырхвытI» — рхIвата ахабарквагьы гьгIамгахуазтI. Ауаса рбзазара тынчра йшалаз, йрымдырдзакIва льяжъа акыт апны йатагIан-шахтI.

Агъны гIаргванхауата, акыт апны апхъарта аргыл-рагы йалгауата, Тауби-чкIвыни Гъарии астаница йа-

ъаркІваз аотдел апны айззаракІ йрызшырттІ. Ауат ауаъа йкъватІ. Йалабыджуата ргвы мгІвадзакІва агІвтшыгІвчва гІамгІвайсуан. Акыт амдзакІбырг апны йгІа-дзахахъата акыт цІыхъвадза йчІву ҚъармаргІа рыхъва тоба дгІацІачІван заджвы агІвыджь дгІарайхстІ. Ахы Тауби йыквшватІ. Ауи ажвакІгъи йзымхІвахуата атшы ахъва дыквшватІ.

— Ай! Заджвы, лакІ хІгІайфатІ... йгъамуытІ! — йхІван, Гъари ймаузер кІъарахІва йыбгъаз гІатичІвакын, йахъагІахысыз ахъва тоба апныла дтрыстІ. Атобы йхъаймырххылуа, йтшы ауи адзакІъала йазичпауа дгІакІвшагІвацатІ акІвын, ауыгъи заджвы дгІайшлахыстІ.. ЙгІахысыз дтшыгІвын. Гъари, ашыра даланта, хы шгІайыквшваз гъйымдыртІ. Акыт цІыхъвала Йынджыгъ йталуаз амгІвала йыгІвуаз атшыгІв йцІыхъва дтагылтІ. Дихъыдзарныс чІвырхъа гІважвакІ ахІа атахъыхымкІва, атшыгІв йара агІвхъцІа дшыквыз тшгІацайырпан датагІахысхтІ. Ахы Гъари йыгъгІайыквымшватІ. Йпахъла йыгІвуаз мачІкІ данйаргванха агІан, Гъари йаквирыдзцауа хын дйыщкІлахыстІ. Ауаъа йаргъи, дызтачІваз акІвдыргъи дазамкІхуата, атшы дгІакІашван, ахІакъварарта дгІалашватІ.

Ахысра быжъква ъагуз акыт ацІыхъвабырг апны акІвынта йзгІаз ахъачваква йгвжважваъаджъуа йгІадырдзатІ. Ауат йырбаз Тауби йтшы акІвпІ. Атшы акыт цІыхъвабырг апны йымпІатІаууа, ахъа кІарщцы йгылан. Йара Таубигъи атшы арма адзартала дштІан. АщкІла йгІакІылымшвтыз йарма шапІыла атшы акІвдыр данахІата, йхъа адгъыл йыдта аугІа ауи йнайыдзхъагылтІ. ЙаквчІваз данкІашва агІан атшы гвыбзыгъа йгІашІа-сын, йымпІатІаухуа йгылтІ.

ЙшапІы акІвдыр ащкІла йгІакІылырххын, Тауби йара, амгІва адзхъа апны ахІвра дыларцІатІ. Йара ауи асахІат, ахысра быжъква згІаз, АбатагІа йаъаз гІвмилиционерчвагъи йгІадырдзатІ.

— Таубни Гъарии ацын. Гъари дабациштІ!?!—йхІван амплиционеркІ дгвжважвауа йгылаквас дырцІгІатІ.

— Адзталырта апнылагъи хысра быжъквакІ гІагатІ. Ауи ари йгІайайхсыз дйыщталзапІ — йхІватІ, Тауби йпсхъа йахъагылаквас йрылагылаз Гвыргъ Джъамырза. — Ахысра быжъква ауыла акІвпІ йакврыдзца йахъагІагаз.

АгІвмилиционерчвагъи ртшква адзатшпыла йдрытрыстІ. Ауат хъара йымцауата, ацІыхъва хъарххыл

йгІвапауа Гъари йтшы гІарпшІаххытІ. Ахъвлапын ласы-
лас йлащцарахун. АпшгІара баргвхун. Ауат Гъари дъащ-
тІаз ласы йыгърымбатІ. Ргвы гымгІватІ, ауи Йын-
джыгъ аталырта мгІва хвыц апны дщтІазларныс. АгІвы-
джыгъи гвжважваѡаджъуа амгІва агъмала тшазыркІуа,
апсыхІва апххъа йнаквххтІ. Йпшызтын, кІвдыргъи акв-
та, ауаса заджвгъи даквчІвамкІва датшагъи тшыкІ
атагІаршІашвахтІ. Йырбаз атшы зджъаралагъи йгъым-
трыстІ. Йара йъагылаз апны йгІайыз амыгъ хъаква
гІахъначІвауа йафуан. Атшы гІаркІын, азаджв аугІа
Тауби йпсхъа йъахъагылаз апны йырцатІ. Ауахъауи
дпшгІарныс абна хвыц апныла дджвыквылтІ.

ЙгІайззаз ахъачваква Тауби йпсхъа ауапІа йам-
гварцІан, йунагІва йадыргалхырныс йджвыквыргатІ.
КъомыгІвкІгъи Гъари йгъи ауахъауи атшы зчІвыз гІара-
уырныс йджвыквылтІ. Ауат рыуа ХІаджъумар — шва-
рацыгІв заджвыкІ йакІвымкІва датша заджвгъи швокъ
гърымамызтІ. ЙцІабыргыпІ айхІарагІв акъама гІваца
рыбгъан.

ЙщъагІвта йпшгІарныс йджвыквылквас, хъара йым-
цауата, Гъари дгІараухтІ. Ауи йара атшы дъагІакІа-
шваз апны ахІакъвара дылан. Гъари дыгъзуан, ауаса
тшгъимдыруазтІ. Ауи дангІащтІырхуаз агІан гврыдзга-
та дгІагврымтІ. ЗымгІва дшабгаз дщагІвацан. АхІа-
къвара данылашвуз агІан йгІайзалыз аудын йышваз
акІвымжвы азыкв агвнарцын, акІвымжвы йацІаз йхъа-
хъквцІас багІдзачІвчІвыта йгІацІпшуан. Ауыгъи ща-
гІвацан.

Гъаригъи дгІащтІырхын, йъадзарылшузла даладым-
рыкацауа, Гвыргъ Джъамырза йпны акІвынта рыцІа
йаргваныз, ауи йтдзы днаргылын, ачвартагъвы дтар-
цІатІ. Акыт апны чмазагІвхъпшырта гъаъамызтІ. Ауи ны-
жъхта, аугІа драйъазауата нхагІвыкІгъи дыгътамызтІ.
Йъазуз, щарда зыла йыцІсхъаз, рыцІа алкІгІарала ай-
ъазара йазычпаз алыгажв-тажвква ракІвын. АхІабля
апны ауат драпшта йаргваныз алыгажв ХІаджъсайыт
йакІвынта, йцан ауи йара сахІаткІ дгІадырдзатІ.

Атдзы йыгІвныз ахъачваква гІайцІырхърыгІан, ауи
дазычпата Гъари йкІвымжвгъи йасквагъи гІайшвихын,
дипшытІ.

— Абар ахы ѡагІаквшваз. Абар йъагІакІылсхыз-
гъи, — йхІван ауи Гъари йхвырта дйырбатІ. — Ахы абар
йпахъла йгвахъахъ йгІаквшван йыжвгІвымсакъала

йкЫлсхтІ. Ауй акІвымкІвагы йарма махъагы шІчІвапІ...

ХІаджъсайыт, ахвыртагы амахъа шІчІварагы гІазквшваз йара йакІвызшва, апхдзы гІайкІажжуан. Ауй тшГІабитхын апещ йыГІвнагылаквас дГІарыквцІыртІ.

— АчІвыйа швызгылу? Ласыта дзырпха гІажвг. Альагъан гІашврыхІазыр. Асхъа цкъа атахъыпІ... Йхвырта злашІасхІвуш...

— Ймахъа йшІчІваз щта? — йхІван йгылаквас рыуа заджвы алыгажв дицІгІатІ.

— Зны йхвырта шІахІшвырхІва! Аща ашІасырквын йаргы рыцІа ласы тшГІайдырхпІ. Анчва йхІвузтын, дбзихахпІ. Ари апш хвырта ду зынла йамгаз... ауи дпелуанпІ ухІва ауаштІ. АбыгІв шІчІвара сара сацкІысгы АхІмад рыцІа дазъазахатІ. Йымчгы рыцІа йтапІ. Щымта ауи йшІайхІырхІвапІ. Анчва йхІвузтын, дбзихахпІ.

ГІывджъ гІайцІырхърыгІауамцара алыгажв ХІаджъсайыт Гъари йхвыртаква йрыцкъатІ, йджвджватІ. Рпны йщтийын, йыргІвахъата йымаз хІвракъапщ шайдза гІадирыгтІ. КІамбыщ акыт апны йызмаз дбергъылынта, йщтийын кІамбыщ хшы гІадирыгтІ. Йара апещ ауацІа апны джъкІахыгала ахІвракъапщ шайдза пшката йырпІапІатІ. АкІамбыщ ахшла йалайцІатІ. Ауй ахъвшв йхвыртаква йрыкквицІан, дазычпадзата йгІайыртыз асхъа шкІвокІвала йшІайхІвахтІ.

Аджъпа Дауыт йахшам намаз ачпара далгаГІвацан, йтажв йгІалыргылуаз айшва дадзхъачІвара тшазичпун. Рыгвла пхІвыс днаххылын, лыладзква гІакІажжуа йылхІватІ:

— ЙсызргІва, аща! Хабар гвымха швасхІвырныс съагІайыз ахъазла.

— Анчва йбызйыргІвапІ. ЙгІанша ачІвыйа?—Дауыт дГІагІвыцІкъауа дызтачІваз амшІчІвара дГІатгылтІ.

— Йамна лъажъа гІаншагвыщатІ. Тауби-чкІвын дшыта ужвыбырг рыпщІа дгвараргахтІ. АджъамгІат зымгІва ауаъа йтшкІарапІ. Швара йшшвымгІасыз здыруанта, йшвасхІвырныс сгІайгвыщатІ...

ЙамгІаква йара щачвкъвапа дшыртагылаз, ашвымгъыцІара йыцІагылаз йлаба дамцІасын, Дауыт апещ зынла дджвылшвттІ.

ДъатшкІаралыз апщІа апны ауи йбаз узджъагІван йбуш акІвпІ: апхІвысква аквсаугъыщитІ, ахъачва

ква йрыуатагы шардагы рыладзква гIакIажжуа апахъ йалагылапI. Аджъаргъан ахъахъ йыквырцIаз ацI-гIвыпIа дыквта Тауби аджъахашва агвы дыквпI. ЙшIа-хъагы уымбауа ауапIала дхъгIвапI.

ЙгIаншаз зымгIва ауаъа Дауыт йгIайархIвтI. Ауи дгвжважваъаджъуа адуней дыквта тшыззипхъадзуз йа-щазаджвыкI йгIайтынхата йымахыз Гъари дъаштIаз Гвыргъ Джъамырза йпныла дыгIвгвыщатI.

Зхвыртаква бзита йшIархIваз Гъари тшыгIайдыр-хын, алыгажвчва дгIарачважвауата Дауыт апещ дна-шылтI. ХIаджъсайыт йакIвымкIва ауахъауат зымгIвагы тхъан, алыгажв Дауыт Гъари дъаштIаз ачвартагъвы даддыргылтI. Алыгажв закIгы йзымхIвауа Гъари дип-шуан. Адауышвара пызтшыз ХIаджъсайыт араса йхIватI:

— Йгъчвгъам ахвыртаква. Анчва дгIайхчатI. ЙгIа-йайхсыз, алахI ауи дищытI, йгвы йгIазкIылырпшзарын, зынла дапырихырныс ахъазла. Ауаса...

— Анчва йхIвузтын сара сбзихапI. Тауби мы-гIваджъ... Йлащцарахахъан йгIахысыз дзачIвыз гъсым-дыртI. Йаргы дснапыщцIтI. — Ауи акIвхапI рыцIагы згIвата сара йсзалуа — йхIватI псайспадза Гъари, йы-лаква йаба йащажв Дауыт йгIайыквикIуа.

— ХIунагIва шаъу... — Дауыт ачважвара далагауа-та, ХIаджъсайыт ауи дапикъбатI.

— Агъвра гъасрым. ДъаштIугы гъхамам. Араъа дщтIазтI. Уахъа араъа дтынчызтын, уачIвы швунагIва дгахгы ауаштI. Уара уцах, Дауыт. Сара счIвазлуштI ужвыгы. КъомракI. ХIпынгы йара араъа акIвпI. ДбзапI анчва йнысла. Ймахъа уачIвы щымта йшIахI-хIвапI, — унашва йчпатI алыгажв ХIаджъсайыт.

ЙгIашуз атшын аотдел йгIатыцIын уысынкъвгагIв-чва шардагIвгы гIайын аджъамгIат Тауби дрыщцIар-цIатI. Ауи дъацIарцIаз Дауыт йхчуз ахыгIв партизанчва рнышвынтара заджвыкI адзхъа апны акIвпI. Аджъана-зы йалаквазгы аотдел йгIатыцIта йгIайквазгы аны-швынтара йгIадзхъыцIта йамцIыщIхуата, гIвмилищю-нерчва йтшыгIвта йгIарыдгылын азаджв йхIватI:

— Тауби дызщызгы Гъари дызхвызгы дгIахIаутI.

— Дабоу? ДзачIвыйа ауи ала йгIанарыйыз? Лъажъа змам хъацIа йайхста дшыршуа хIа йхIырбарын, дабга-

та дгІахІнапІыцІашванда...—аджъамгІат алацІыруа амилиционер йжвылтІ.

— Ауи йпсхъа апслыкв хвыц агІвына йщтІапІ.

ДзачІву гхІыздырам. ХІипшытІ, анылагъи арылагъи дахъІрышвтуамцара.

Аджъаназы йгІадгылыз райхІарагІв апслыкв хвыц апны йщтІаз апсы йпшырныс йцатІ. АджъамгІат зымгІва ауи дзачІву рдырра ртахъын. Йъанайыз, апхъа йнадзас Батыргъари апсы йшлахъа дшнатапшуаз йхІватІ:

— А, аквыджъмажв йакІвпІи! Ла ла псыщапІ йайаухуа. Ала йара йъапсуа апны ахъвадигъи гІащтІахахитІ.

Апсхъа дзачІвыз, Ащхъаркт йауакваз ныжъхта, арван кытква йрыуаквазгъи зынла йырдыртІ: ауи афицар-старшина Джъамзар ХІвсин йакІвын.

«Аджъамзар-ла йакІвпІ зпсхъа щтІу», — анырхІва райхІарагІв йнаскІахта йпшырныс гърымуйтІ. ЗымгІвагъи йырхІвуз закІын: «Ла ла псыща айаухитІ... Йквнагадзата йпсхъагъи ахІвынчІвыртабырг йазалтІ».

— Ага дгвымхата даъазтынгъи, ауыгъи дгІвычІвгІвысын, йара хІкытгъи дауадзан. Йачпара гъаъам дхІшвыргата дыцІахІшвырцІа...— йхІватІ ГІазиз псайспадза йхІвузгъи дачвшвахуа тшыцІайкІуа.

— АчІвыйа, ачІвыйа, ГІазиз, йухІваз? ЙатахІвахстІ ужвыгъи зны, — рхІвауа, агвыжвкІра гІарыжвылуа къомыгІвкІ ГІазиз дгІакІвдыршатІ.

— АчІвыйа йсхІваз? ДыцІацІара атахъыпІ схІвитІ.

— ДзачІвыйа йыцІауцІуш? ЙабакІву?.. — йхІватІ йыджъымса жвпІаква рыцІагъи йажвирысылуа Защ Уали, ГІазиз дзынаскІауа.

— А занаджъа, швыгъгІвычІвгІвысымма? Йпсыз йхъвадий швапыщкІласта швджвыквылхуашма? — ГІазиз йара йхІвуз акІвын йатайхІвахуаз.

— Арахъ, ГІазиз, ута утазагъырквын рыцІа йагъьпІ. Ауи ала йпсхъа учІвахра утахъызтын — абан йъаштІу, йгата йчІвахы. Ауаса хІара хІыуа, хІджъамгІат дрыуата заджвгъи ауи йпсхъа дгъахъысуашым. ХІара хІызтахъымыз йхъатагъи йпсхъагъи гхІІтахъым. ГвымхарамкІва, бзиракІгъи ауи зпсхъу йыгъйымхатІ. Квыджъмата йдуней йгатІ. Квыджъматагъи йдуней дыквцІхтІ. АхъацІа харзына, аугІа хІыхъазла зжвачвкІгъи ахш гІазтыжжуаз дищытІ. АчІвызйа ауи ала, гвымхарамкІва хъацІарата йылаз? Мадза-мадза атоба дыцІачІван, заджвгъи тшиймырбауа дхыстІ.

— Глазиз ХІвсин йпсхъа къадирычІвахра йтахъыпІ. Ауи закІгыи гъазХІвам. ЙгъстахъымызтІ йсХІварныс. Ауа-са зымГІвагыи йыГІдыритІ, ауат шачвымыгъмыз, йшацыз, — йхІватІ йтахъдзамкІва ХІатІыщ Бакъыр, ХІвсингыи Глазизгыи злаз ар амцІчІвагІвчва йырпшІагылата айсра мгІвата йыГІвзачви йари йамырдаз амГІва ауыра йгвы йГІаташвахуа. — Араѳа щарда хІвара гъатахъым. Ауи эпсхъу йыхъазла ажвагІвацагыи хІХІвара гъатахъым. ХІамиди йыГІвзачви шхъдйырщГІаз, ауат хІкыт адгъыл апны йыцІадйырцІарныс ауи йшимуаз заджвгыи йыгъ-хІхъмаштылстІ. Йызтахъу йтахъдзу йхІварыгІатІ. Сара йсХІвауа закІыпІ: Джъамзар ХІвсин йпсхъа аща зкви-рычІваз хІадгъыл апны, аща злайрычІваз хІджъамГІат раргван апны чІвахырта гъамам.

— ЙцІабыргыпІ, Бакъыр, йхІвауа. Аквыджъма апсхъа джъамГІаткІгыи йыгъдрыпшдзум. Ауи акІвпІ хІара, Ащхъаркт аджъамГІатгыи, йыхІХІвауа.

Абна гІвына йГІакъвыцІта акыт йцахуаз ахъачвак-ква рапхъа дгыла, Глазизгыи йхъа йызГІащтІымхуа дрыццахуан. Ауат рыщтахъла йГІащтІахаз агъа чвгъа йхъвадий йахъаззаджвыкІта йара апслымдз хІвынчІв-кІырта апны йщтІан.

* * *

Аджъпа Гъари, йхвыртаква йыхнацІкІъара ймахъа-гыи бзиханацІыкІъара астаница ачымазагІвхъпшырта апны щарда дщтІан. Ауи дызбарныс йзымцаз аджъам-ГІат дыгърыламызтІ. ЧІвачІваргІа ТІатІи Зуфари йща-пІы дГІаквгылхынцІкІъара йыгъГІайкъвымцІтІ. Йара йанлагІа атшын йахълымгауата Гващамыдагыи Зуфа-ргІа дрыцылын Гъари дылбарныс дйызцатІ. Дырба-ГІвацата рпны йымцахуата, фатаргыи ркІын, йара аста-ница апны йГІанхалун. Ауат йрынцІра борчта йырпхъа-дзун, Гъари йщапІы дхвынгылхнацІыкІъара йрылшауа-ла йцхърыГІарныс. Алыгажв Аджъпа Дауытгыи дгвыр-гъбачІвун адуней дыззыквта йпхъадзуз йаща агвымха йхы дамгауата, дъагІащаквхаз ахъазла. Ауи йхІвун, Гъари рунаГІва данадгылхра зынгыи рыпшцІа йхъазы дгваримщтхырныс.

Ащхъаркт апсыхІва акытква зымгІва йрапшта,
абазара шІыц тшартын, йтынчта йбазун. Акыт йауата
щардагІвы рыгвла къвтыр апны йгІаншаз акоммуна
йалата йынхун, йбазун. ЩардагІвгьи йара акыт апны
гып-гвыпта тшадыркІылын, радгьылква ацындырхун.
Акыт апны напІыла тшбыгла чва заджвмаджвдза ра-
кІвымкІва йыгьрымхыхуазтІ. АйхІарагІв чвахыга маши-
на рхвгІахъан. Къамышла, шыхІвла йхъыбыз тыдз
щардагьи къанджьал гІарыквылхъан.

АХЪАКВА

НышвынтаразаджвыкІ	3
Адзыхькъапщ апны	34
АлахІ йхъвы	50
Ахвашаухъ	58
АрбашІтымта ачва хъгІапІ	60
Апслыкв бна апны	69
Къыж цІола	78
Тацанадылра нашхыйа	85
Защ Уали	96
ЙгІаншаз ацІабырг	106
«Сасцара»	122
Джъамзар ХІвсин йгІаншахра	137
Гващамыда лыхъазла айчважвара	148
ШахІатдъа айчважвара	158
ЙырзыцІамкІыз ауыс	168
Бзартарта хакв	182

Цеков Пасарби Кучукович

МЕСТЬ ГОРНОГО АУЛА

Повесть

На абазинском языке

Редактор М. С.-Г. Тлябичева
Художник В. И. Бекстов
Худож. редактор М. П. Бертник
Технич. редактор Г. М. Хомякова
Корректор Ч. Х. Татаршао

Сдано в набор 4-X-1977 г.
Подписано в печать 14-VIII-1978 г.
Формат 84x108¹/₃₂. Физ. п. л. 6,25.
Усл. п. л. 10,5. Уч.-изд. л. 10,37.
ВУ 71648. Заказ № 4231. Тираж 700 экз.
Цена 85 коп.

Карачаево-Черкесское
отделение
Ставропольского
книжного издательства,
Черкесск, пл. Кирова,
Дом печати.
Карачаево-Черкесская
областная типография,
Черкесск,
Первомайская, 47.

Ц 33

Цеков П. К. Месть горного аула.
Карач.-Черк. отделение Ставроп.
книжного издат-ва, 1978.
200 с.

Вторая часть одноименной повести. Революционное пробуждение горцев, их участие в гражданской войне под руководством русских большевиков, формирование нового революционного типа горцев, беспощадная борьба нового, нарождающегося со старым, уходящим миром — основная тема произведения.

С (Абаз.) 2.

Ц $\frac{70303-46-78}{M 159 (03)-78}$ 75-78

к. 85

ЦЕНЪВА ПАСАРБИ •

АЩЖЪАРКТ

АЩАХАХРА •

